

საქართველოს სსრ მეცნიერებათა აკადემია
ივ. ჯავახიშვილის სახ. ისტორიის, არქეოლოგიისა და
ეთნოგრაფიის ინსტიტუტი

ლევან ფრუიკე

ყოფა და ტრადიციები

(ეთნოგრაფიული ეტიუდები)



„მეცნიერება“
თბილისი
1981

ვინ იყო უკანასკნელი მესტვირე? ვინ კერავდა ბოლო ღრომღე ქართულ ტანსაცმელს? ვინ ქსოვდა ნოხს, ხალიჩას, ფარდას?..

რა მდგომარეობაშია ხალხური გამოყენებითი ხელოვნების კერები, ეთნოგრაფიული ძეგლები? რა ამოცანები აქვთ საქართველოს მუზეუმებსა და შესაბამის სამეცნიერო დაწესებულებებს, რომელთაც ევალებათ ქართული ხალხის მდიდარი ისტორიულ-ეთნოგრაფიული მემკვიდრეობის შესწავლა, წარმოჩენა, დაუნჯება.

როგორ უვლიდა და ინახავდა ხალხი მშობლიურ მიწა-წყალს, ყანა-ვენახს, ტყეს; როგორი იყო ქართული სოფლის კოლორიტი, როგორია მისი შენარჩუნების შესაძლებლობანი.

გამოდგება თუ არა ძველი ზნე-ჩვეულებანი სადღეისოდ? საერთოდ, როგორ დამოკიდებულებაშია ქართული ეროვნული ტრადიციები და თანამედროვეობა — საწარმოო ჩვეუებიდან მოკიდებული, მუსიკითა და ხალხური საკრავებით დამთავრებული.

განვითარების რა გზა განვლო ქართულმა ეთნოგრაფიამ, რა ამოცანები და პრობლემებია მის წინაშე დასახული? აი, საკითხები, რომლებიც განხილულია წინამდებარე ნაშრომში.

წიგნი განკუთვნილია სპეციალისტებისა და ფართო მკითხველი-სათვის.

შ ე ს ა მ ა ლ ი

„ეთნოგრაფია“ ბერძნული სიტყვაა, „ეთნოს“ — ტომს, ხალხს, ხოლო „გრაფიო“ — „გრაფია“ — „გრაფეონ“ აღწერას ნიშნავს. მაშასადამე, სიტყვასიტყვითი მნიშვნელობა ეთნოგრაფიისა „ხალხის აღწერაა“.

ეთნოგრაფია ისტორიული მეცნიერებაა, რომელიც სწავლობს ხალხის ყოფას და კულტურას ცოცხალ სინამდვილეში უშუალო დაკვირვებისა და გამოკითხვის გზით.

ამრიგად, ეთნოგრაფიის კვლევის საგანი ხალხი — ეთნოსია, ხალხი ისტორიის მთავარი მამოძრავებელი ძალა და ნებითი დოვლათის უშუალო მწარმოებელი. ეთნოგრაფიას ხალხის ცხოვრების ყველა ასპექტი აინტერესებს მის დიალექტიკურ განვითარებაში. აინტერესებს ადამიანი და ადამიანთა კოლექტივი, მისი სამოქმედო ბუნებრივ-გეოგრაფიული გარემო, საწარმოო და სოციალური ურთიერთობანი, მთელი მატერიალური და სულიერი კულტურა, ის ფაქტობრივად, რაც ადამიანმა ხანგრძლივი არსებობის მანძილზე შექმნა და თაობიდან თაობას გადასცა. ყოველივე ამის შესწავლას ეთნოგრაფია დიფერენციული მიდგომით აღწევს, ოღონდ, სხვა დარგთაგან განსხვავებით, მისი ძირითადი წყარო და ამოსავალია ცოცხალი ყოფა, ადამიანი.

ეთნოგრაფიის უპირველესი საკვლევადიებო სფერო ის ემპირიული ცოდნა-გამოცდილებაა, რაც კაცობრიობას არსებობისათვის ბრძოლაში მოუპოვებია. ხალხის წიაღში ეთნოგრაფმა სწორედ ამ მასალას უნდა მიაკვლიოს, მეცნიერულ დონეზე გადაამუშაოს და შემდგომ ისევ ხალხს დაუბრუნოს. თუ არქეოლოგი ველად გადის, ზვერავეს გარდასული ცივილიზაციების ნაშთებს, ნასოფლარებს ან ნაქალაქარებს, წინასწარ ითვალისწინებს და საზღვრავს მიწის ქვეშ რისი მიგნება შეიძლება, ეთნოგრაფი სოფლად ან ქალაქში მიემგზავრება და უშუალო კონტაქტს ამყარებს მცხოვრებლებთან, შესწავლილი აქვს საკვლევე რეგიონის ისტორია და სხვა მონაცემები, ამიტომ დაახლოებით იცის, რა მასალის მოპოვებას შესძლებს, არქეოლოგი ბარს იმარჯვებს და კულტურული ფენის მისაგნებლად საც-

დელ თხრილს გაავლებს. ეთნოგრაფი პროფესიულ ტაქტს მიმართავს და შერჩეულ მთხრობელთან სასურველ საუბარს გააბამს. ასე იწყება ორი წიაღსვლა — მიწის სიღრმეში და ადამიანის სულში. სწორედ ამიტომ სჭირდება ეთნოგრაფს განსაკუთრებული სიფრთხილე, მოთმინება და არჩეული თემის ღრმა ცოდნა. მთხრობელი არა მარტო ინფორმატორია, არამედ მიუკერძოებელი გამომცდელიც, ეთნოგრაფი კი მეცნიერია და მეცნიერულ ღირსებას თვალისჩინივით უნდა გაფრთხილება. აქედან, ცოცხალ სინამდვილეში, უშუალო დაკვირვების გზით, ხალხის ყოფისა და კულტურის შესწავლა, მრავალმხრივი, ფსიქოლოგიურად რთული და შრომატევადი პროცესია.

საველე მუშაობა მხოლოდ მთხრობელებთან გასაუბრებით არ იმორჩურება. ეს ეთნოგრაფიული საქმიანობის ერთი მხარეა. ეთნოგრაფი უშუალოდ უნდა აკვირდებოდეს ყოფას მთლიანობაში, შესწევდეს მისი აღქმის უნარი, უნდა იგრძნოს, განიცადოს თითოეული ჩვეულების თუ შრომის პროცესის არსი, სწორედ მაშინ შეძლებს ჩაწვდეს და შემოქმედებითად გადმოსცეს მასალა, წინააღმდეგ შემთხვევაში ზედაპირული აღწერა გამოვა, რაც ტრაფარეტის ჩარჩოებს ვერ გაშორდება. ამდენად, საველე-ეთნოგრაფიული მუშაობა შემოქმედებითი მეცნიერული კვლევა-ძიების განუყოფელი ნაწილია. მოკლედ რომ ვთქვათ, ყოფაში მოპოვებული მასალა განსაზღვრავს ეთნოგრაფიული ნაშრომის ღირსებას. ამიტომ ჩვენს მიერ წლების განმავლობაში ნანახი და განცდილი დაედო საფუძვლად წინამდებარე წიგნს, რომლის მიზანია ფართო მკითხველს გააცნოს ქართული ეთნოგრაფიის განვითარების გზა, ეთნოგრაფიისა და სამუზეუმო საქმის ურთიერთკავშირი, ხალხური ხელოვნების ზოგიერთი ასპექტი, ეთნოგრაფიული ძეგლების გამოვლენის და დაცვა-აღდგენის შესაძლებლობანი და, საზოგადოდ, ყოფასთან დაკავშირებული სადღეისოდ გადასაწყვეტი მრავალი პრობლემა.

შეიძლება პირდაპირ ითქვას, ეთნოგრაფია დღეს პრაქტიკულ მეცნიერებადაც იქცა, მის გაუთვალისწინებლად შეუძლებელია სრულყოფილად წარიმართოს საქართველოს მთიანი რეგიონების განვითარება. საერთოდ, განსახლებისა და ურბანიზაციის მიმდინარე პროცესების მეცნიერული მართვა იმ შემთხვევაშია შესაძლებელი, თუ სოციოლოგიურ-ეთნოგრაფიული თვალთახედვით, გამოწველივით შევისწავლით მთიანეთის თანამედროვე ყოფას, მთლიანად გამოვავლენთ იმ ბუნებრივ-სამეურნეო და ისტორიულ-ეკონომიკურ საფუძვლებს, რის შედეგადაც დღემდე ცხოვრობდა და არსებობდა მთის თითოეული სოფელი. მხოლოდ ასეთი შესწავლის

შედგად მივიღებთ სწორ დასკვნებს და შემეცნებით ნიადაგზე წარ-
მართავთ მთური დასახლებების ბედ-იღბალს.

საქართველოს ყოველი რეგიონის სასოფლო-სამეურნეო გან-
ვითარება, ძირითადად, უნდა გავიაზროთ იმ მრავალსაუკუნოვანი
საწარმოო ცოდნა-გამოცდილების მიხედვით, რომელიც ქართველმა
ხალხმა თავისი ხანგრძლივი არსებობის მანძილზე გამოიმუშავა.
ცნობილია, რომ ჩვენთან ვერტიკალური ზონალობის დაცვით ჰქონ-
და ადგილი მიჩენილი ყველა სათეს და მრავალწლიან კულტურას,
რასაც სამწუხაროდ, პრაქტიკაში ხშირად როდი ეწევა ანგარიში.
სწორედ ხალხის გამოცდილების უგულვებელყოფამ, სახელდობრ,
ზვრების დაბლობზე — მდინარეთა ქალებში გაშენებამ გამოიწვია
მათი მასიური მოყინვა. უარყოფითი შედეგი მოაქვს აგრეთვე ჭი-
შების ზედმეტ სტანდარტიზაციას როგორც ღვინის ხარისხზე, ისე
ბუნებრივი მოვლენების მიმართ ვენახის გამძლეობაზე. სათესი კულ-
ტურების ნაირგვარობა არა მარტო ნიადაგის ნაყოფიერებას ზრდი-
და, არამედ მრავალფეროვან და მაღალკალორიულ საკვებს იძლეო-
და. ახლა თითქმის დავიწყებულია ძველქართული ხორბლის ჭიშე-
ბი, ცერცვისნაირები, ფეტვისნაირები და სხვა. მაშასადამე, როცა
რესპუბლიკის სოფლის მეურნეობის დარგების განლაგებისა და სპე-
ციალიზაციის მოდელირების საკითხები წყდება, სერიოზული ან-
გარიში უნდა გაეწიოს ეთნოგრაფიული კვლევის მონაცემებს.

ხალხის მიერ ხანგრძლივი დაკვირვებით მიღებული შედეგებზე
გამოუყენებლად შეუძლებელია საკვები სავარგულების რაციონა-
ლური ექსპლუატაცია. მხედველობაში გვაქვს მსწვილფეხა და
წვრილფეხა საქონლის შერჩევითი ძოვება, ე. ი. საბალახოების და-
ნიშნულების მიხედვით ტრადიციული დანაწილება, რაც დღეს, რა-
ტომღაც, უარყოფილია და შედეგიც სავალალოა.

ნიადაგის დაცვის ხალხური საშუალებების გაუთვალისწინებ-
ლად ძალზე ძნელია წყლისმიერი და ქარისმიერი ეროზიის წინააღ-
მდეგ ბრძოლა. ტყის ხალხური ექსპლუატაცია მის მოვლასაც გუ-
ლისხმობდა, დღეს ბევრმა აღარ იცის ფერდა და ქალის ტყეების
ჭრის ყადრი.

სხვას რომ თავი დავანებოთ, ტურიზმის განვითარების თანა-
მედროვე დონე უეჭველს ხდის ჩვენი დაბა-ქალაქების და სოფლების
კოლორიტის შენარჩუნებას და ამ საშვილიშვილო საქმეში გადამ-
წყვეტი სიტყვა ეთნოგრაფიას ეკუთვნის. აუცილებელია ეთნოგრა-
ფიული ძეგლების (ხალხური არქიტექტურის ნიმუშები, იარაღ-
ჭურჭელი, კოსტიუმი და სხვა.) შენარჩუნება, ხალხური სუვენირე-
ბის გაყალბების საპირისპიროდ, ხალხური გამოყენებითი ხელოვნე-

ზისა და შინახელოსნობის ადგილობრივი კერების აღორძინება, ეთნოგრაფიული ნაკრძალების შექმნა (ნაკრძალად შეიძლება გამოცხადდეს მთელი სოფელი ან ქალაქი, სოფლის ან ქალაქის უბანი, წაგებობა ან წაგებობათა კომპლექსი, რომელსაც სანახაობითი, უფრო სწორად, ისტორიულ-ესთეტიკური სახე აქვს შენარჩუნებული).

დიდია ეთნოგრაფიის როლი საყოფაცხოვრებო მოვლენების (ქორწილი, ტირილი, ნათლობა და სხვ.) გათანადროულებასა და სასურველად ნორმირების საქმეში, კვების რაციონის მოწესრიგებასა და აზრიანი გართობა-თამაშობების ორგანიზაციაში, აგრეთვე რელიგიურ ცრურწმენების წინააღმდეგ ბრძოლაში.

წარსულის მავნე გადმონაშთებს და, ასევე, მავნე უცხოურ ზეგავლენასაც ეთნოგრაფია უნდა იკვლევდეს, სწავლობდეს და ებრძოდეს. რამდენადაც ეთნოგრაფია ხალხის შემსწავლელი მეცნიერებაა, ის ვალდებულია პასუხს გასცეს ყოველგვარ ყოფით მოვლენას — დადებითს თუ უარყოფითს, ადამიანის სიძლიერის თუ სისუსტის მახასიათებელს.

რა თქმა უნდა, აქ აღძრულ ყველა პრობლემას ჩვენ ვერ შევხებით და რომელსაც შევეხებით, მისი ამომწურავად გაშუქების პრეტენზია არა გვაქვს, მხოლოდ საკითხის დაყენებას ვისახავთ მიზნად. ვიმედოვნებთ, ყველა ეთნოგრაფი იტყვის თავის სათქმელს, ეს მით უფრო საჭიროა, რომ რომელიც ვნებავთ ყოფითი ინსტიტუტი სათავეს იღებს კაცობრიობის ისტორიის სხვადასხვა ეტაპზე და მისი წვდომა — დათარიღება ყოველთვის არ ხერხდება. მაგრამ დღეს, ძველისა და ახლის ჭიდილის კვირაძალზე, როცა განვითარების თავბრუდამხვევი ტემპია, როცა ახლანდელი ათი წელი ფეოდალური ეპოქის ათ საუკუნეს უდრის, ხოლო უფრო ადრინდელს — მეტსაც, თითქმის ყოველდღიურად, უნებური მოწმენი ვხდებით ძველი ინსტიტუტების გედის სიძლიერისა. ამა თუ იმ მოვლენის ან მატერიალური კულტურის ელემენტთა გაქრობის მომენტში ეთნოგრაფს არა აქვს უფლება მაზიარებელი მღვდელივით ინერტული იყოს, საჭიროა ამ პროცესის ტექნიკის თანამედროვე საშუალებებით მეცნიერული ფიქსაცია და მომავალი თაობებისათვის შენარჩუნება. ამჟერად არა აქვს მნიშვნელობა დადებითსა და უარყოფითს, ფიქსაციის დროს დაუშვებელია რომელიმე მათგანისათვის უპირატესობის მინიჭება, აღრიცხვა ერთია და მისი მეცნიერული ინტერპრეტაცია — მეორე....

დასამალი არ არის, რომ მსოფლიო ინდუსტრიალიზაციამ ადამიანი შეაეწროვა. უფრე მეტიც, დედამიწაზე ბუნებრივი ჰარმონიის დარღვევის რეალური საფრთხე წარმოიშვა. ამიტომ იწერება

წიგნები ასეთი სათაურებით: „მკერდში დაჭრილი ბუნება“ [42]¹, „ვიდრე ბუნება მოკვდებოდეს“ [134; 163] და სხვ. თუ ადრე ადამიანს სტიქიის მიმართ დაუძლეველი შიში ცრურწმენებსა და მისტიციზმში აგდებდა, ახლა, ბუნებაზე გამარჯვებულმა, საკუთარი მიღწევების მსხვერპლად გახდომის საშიშროება შეიქმნა. გიგანტურმა ფაბრიკა-ქარხნებმა, ნაგებობებმა, მანქანებმა არარაობად აქციეს პირველქმნილი ბუნების ის ნაზი მყუდროება და უბრალოება, რაც ყოველი ეპოქის მცხოვრებთა ნორმალური არსებობისათვის არის აუცილებელი. ეს პროცესი ჭერ კიდევ საუკუნეზე მეტი ხნის წინათ შენიშნა კარლ მარქსმა და მიუთითა, რომ ხელშეუხებელი ბუნება უკვე აღარსად არსებობს, „გარდა ავსტრალიის ცალკეული უახლესი წარმოშობის მარჯნის კუნძულებისა“ [55, 45]. ამიტომ წარმოიშვა დიზაინი [145; 137], რომელიც ფუნქციისა და ფორმის იდეალური შერწყმით ცდილობს შეათანხმოს უტილიტარული და ესთეტიკური, ერთად ამყოფოს ია და ბულდოზერი, მარტენის ლუშელი და თოვლის ფანტელი. დიახ, ადამიანს სჭირდება ერთი და მეორეც, რის გამოც მოაზროვნე კაცობრიობის საუკეთესო ნაწილი დღეს — მეცნიერულ-ტექნიკური რევოლუციის ეპოქაში — მათი შეთანაწყობისათვის წარმატებით იღვწის.

დიზაინი, ბუნებრივია, ეყრდნობა და იყენებს იმ ცოდნა-გამოცდილებას, რაც ხალხს საუკუნეთა მანძილზე მოუპოვებია. მაგრამ, როგორც ვ. ი. ლენინი საგანგებოდ მიუთითებდა მაქსიმ გორკს, ყოველივე „ხალხური“ როდია დემოკრატიული, პროგრესული. „ხალხური“ წარმოდგენა ფუფალაზე და ფუფალურზე — ეს არის „ხალხური“ სიჩლუნგე, დაბეჩავება, სიბნელე, სავსებით ისეთივე, როგორც „ხალხის წარმოდგენა“ მეფეზე, ქაჩზე ცოლების ცემატყეპაზე. როგორ შეგიძლიათ თქვენ „ხალხის წარმოდგენას“ ღმერთზე „დემოკრატიული“ უწოდოთ, აბსოლუტურად ვერ გამიგია“ [48]. სწორედ ამის გამო, დიზაინერთა გვერდით ეთნოგრაფი უნდა იდგეს და წარსულის მემკვიდრეობიდან აწმყოსა და მომავლისათვის არჩევდეს რაციონალურს, საუკეთესოს, რომლის საჭიროებას და ღირებულებას ეამთა სვლა ვერაფერს დააყლებს. პროგრესული ძველშიც არის, ოღონდ მას მიგნება და ახალ ყოფაში შესაბამისი ფორმითა და შინაარსით უნდა დანერგვა. დიდი ლენინი გვასწავლის: „საჭიროა ლამაზი შევინარჩუნოთ, ავილოთ ის, როგორც ნიმუ-

¹ ლიტერატურა ტექსტში მითითებული გვაქვს შემდგენიარად: კვადრატულ ფრჩხილებში ჩასმული პირველი ციფრი აღნიშნავს დამოწმებულ ლიტერატურის სიის (ერთვის წიგნს) რიგით ნომერს, ხოლო მძიმით გამოყოფილი მეორე ციფრი — გვერდს. როცა ციფრებს შორის წერტილ-მძიმეა, ეს იმას ნიშნავს, რომ სხვადასხვა ლიტერატურაა მითითებული.

ში, დავეყრდნოთ მას, თუნდაც ის „ძველი“ იყოს. რატომ უნდა შევავტოთ ზურგი კემმარტად მშვენიერს, უარყოთ ის, როგორც გამოსავალი პუნქტი შემდგომი განვითარებისათვის მხოლოდ იმის საბაზით, რომ ის „ძველია“? რატომ უნდა მოვიხაროთ ქედი ახლის წინაშე, როგორც ღმერთის წინაშე, რომ ის „ახალია“? უაზრობაა, სრული უაზრობაა!“ [49; 139; 140]. ეთნოგრაფი, ისევე როგორც დიზაინერი, უნდა ებრძოდეს კიჩს, რომელიც ფუნქციის უარყოფით, ბრჭყვიალა და საექვო ზიზილ-პიპილებით ცდილობს მსოფლიოს დაპყრობას. კიჩი დიზაინის მსგავსად ახალი არ არის. ორივე მათგანის ჩასახვა, ალბათ, მაშინ მოხდა, რომ აღამიანმა მატერიალურ და სულიერ ფასეულობათა შექმნა იწყო.

„დიზაინ“ (ინგლისური — design — პროექტირება, ხაზვა, ჩაფიქრება, აგრეთვე პროექტი, გეგმა, ნახატი) ტერმინია, რომელიც გამოხატავს საგანთა სამყაროს პროექტირების ახალ სახეს და ჩვენში, ძირითადად, ტექნიკური ესთეტიკის სახელწოდებითაა ცნობილი. დიზაინი წარმოიშვა XX ს. დასაწყისში, როგორც რეაქცია საგანთა სამყაროს ვიზუალური და ფუნქციონალური თავისებურებების სტიქიური განვითარების გამო. იგი ქმნის რაციონალური აგეგმარების, მხატვრული კონსტრუირების ნიმუშებს, რომელიც შეესაბამება თანამედროვე საზოგადოების რთულ ფუნქციონირებას, ხშირად დიზაინის ცნებით გამოხატავენ მხოლოდ ერთ ასპექტს, სახელდობრ, სამრეწველო ნაწარმის ესთეტიკური თვალთახედვით გაფორმებას, თუმცა საგანთა სამყაროში ის წყვეტს შედარებით ფართო სოციალურ-ტექნიკურ პრობლემებს, დაგეგმარების ყველა ტრადიციული სახის გათვალისწინებით. დიზაინი ცდილობს ისეთი საგნობრივი ორგანიზაციის დანერგვას, რომელიც ჰარმონიას შეუქმნის, შეებას და სინარულს მიანიჭებს როგორც საზოგადოებას, ისე პიროვნებას.

„კიჩი“ (გერმანული — Kitsch — 1. უვარგისი, ცუდი, საძაგელი, ძველმანი, წასმა-თხუპნა, ნარიში; 2. ხალტურა, ბულეარული ლიტერატურა, განსაკუთრებით გაუფასურებული მხატვრობა)². ეს უცნაური სიტყვა, საუკუნეზე მეტი ხნის წინათ, მიუნჰენის ბოჰემურ წრეებში წარმოიშვა და თავდაპირველად უხამსი ლიტერატურული ვარჯიშის დამახასიათებლად გამოიყენებოდა. შემდეგ უფრო ფართო შინაარსი შეიძინა და ყოველგვარი უგემოვნობის გამომხატველად იქცა. კიჩი მრავალმხრივია, ცხოვრების ყველა სფეროში აღწევს და, უპირველეს ყოვლისა, მტრად ევლინება დახვეწილ, რაფინირებულ გემოვნებას. იგი „კერძომესაკუთრულ ფუნქციათა კომბი-

² კიჩის შესახებ იხ. ლიტერატურა [138; 158; 162; 164; 167; 168; 173; 175; 278; 182; 185; 186].

ნაციაა“ [78]. კაპიტალისტურ სამყაროში კიჩმა ნაყოფიერი ნიადაგი-
პოვა, ის იქცა მოხერხებულ იარაღად რეკლამის წარმმართველთა
ხელში, რომლებიც ცდილობენ ხელოვნება ნივთებამდე დაიყვანონ,
ხოლო ადამიანთა სწრაფვა ხელოვნებისადმი — ნივთთა მოხმარე-
ბამდე. კიჩი წარმატებას აღწევს საზოგადოების ყველა სფეროში —
მილიონერთა სალონებშიც ზეიმობს და ღარიბთა ქოხმახებშიც.
„ძლიერი ამა ქვეყნისანი“, რომელთაც ფუფუნება მოყირქდათ,
კიჩის იაფფასიანი ქღარუნებით ერთობიან; ხოლო ფართო ფენების
ზოგიერთი, მოღას აყოლილი წარმომადგენელი კიჩის მეშვეობით
იოკებს შინაგან ცდუნებას. კიჩი ხომ თავის წილში აერთიანებს ყო-
ველგვარ უხამსს, პორნოგრაფიულს — ეროტიული სცენების ამ-
სახველი ჟურნალებიდან ანტიკური ხელოვნების ნიმუშთა გაყალბე-
ბულ ასლებამდე.

ზოგიერთი სოციოლოგი დასავლეთში კიჩს პიროვნების თავი-
სუფლების ნიშან-სვეტად აცხადებს. მართლაც, კიჩი ბურჟუაზიუ-
ლი ბრწნადი მორალის ხორცშესხმაა, რომელშიც კარგად გამოიხა-
ტება პიროვნების ვითომდა თავისუფლება პათოლოგიური ინსტინქ-
ტების ჩათვლით. კიჩი აღუნებს მასების კლასობრივ სიფხიზლეს,
აიძულებს ადამიანებს შეეგუოს უპერსპექტივო სინამდვილეს და
დამყოლ, მორჩილ მასად აქციოს ისინი. მაშასადამე, კიჩი XX ს.
სუპერ-რელიგიაა, ხალხთა ოპიუმია. მიუხედავად იმისა, რომ ჩვენს
ჯანსაღ, სოციალისტურ საზოგადოებაში მას ნიადაგი არ გააჩნია, რე-
ციდივის სახით მაინც აღწევს. ხშირად კიჩს „წარსულის მავნე გად-
მონაშთად“ ვნათლავთ, თუმცა იგი „ძველეს“, „ტრადიციულის“ მხო-
ლოდ ქურჭითაა შემოსილი, ხოლო შინაარსს ახალს ატარებს. ამის
მაგალითად გამოდგება ანგარების მიზნით უზარმაზარი ქორწილის
ან ქელეხის გადახდა და იქ მოსაწვევი ბარათებით ხალხის დაპატი-
ება, ყოვლად გამოუყენებელი ვეებერთელა სახლების აგება და
სამშენისებით მორთვა, ხალხურის ან კლასიკურის მიბაძვა და ფალ-
სიფიკაცია, უცნაურად ჩაცმა, ეარგონული მეტყველება და სხვა
მრავალი. დიახ, დროდადრო გულისამრევი კიჩი ჟონავს ჩვენს ყო-
ფაში და, რაც მართალია მართალია, მას საჭირო ენერჯითა და შე-
ურიგებლობით ვერ ვებრძვით. პირველ ყოვლისა, კიჩს ეტანება
ხოველი მომხვეჭი, რომელსაც კმაყოფილი, მაძლარი ადამიანის
სნობიზმი დაუფლებია და ცდუნება აწვალებს, რათა ჩვეულებრივ
მოკვდავთაგან განსხვავდებოდეს. ეს ამბიცია, ლტოლვა „უკვდავე-
ბისაკენ“, სამწუხაროდ, უკვე ამჩნევია ჩვენს დასახლებებს, ისტო-
რიულ ძეგლებს, სასაფლაოებს...

კიჩს უნდა დაუპირისპიროთ ჯანსაღი ხალხური ტრადიციება

და მას ფეხისმოკიდების შესაძლებლობა არსად არ მიუცეთ. აგრეთვე გამოვიყენოთ თანამედროვე დიზაინი, რომელიც კიჩის საპირისპირო მოვლენაა და, როგორც დაეინახეთ, ფრიად კეთილშობილურ მიზნებს ისახავს.

თუ ტრადიციას გავიგებთ, როგორც რაციონალურ, პროგრესიულ მოვლენას, რომელიც მატერიალური ან სულიერი კულტურის, ზოციალური ან საოჯახო ურთიერთობის გარკვეულ საფეხურზე ჩაისახება, განვითარდება და ამა თუ იმ ეთნოსის (ხალხის) სპეციფიკურობის, თავისთავადობის განმტკიცების მიზნით თაობიდან თაობას გადაეცემა, მაშინ მის საპირისპირო მოვლენად უნდა ჩაითვალოს გადმონაშთი — უარყოფითი დანაშრევი. ის, ჩვეულებრივ, აბრკოლებს საზოგადოების წინსვლას და ანაქრონიზმად გვევლინება. ყოფის რთულ ქსოვილში (ყოფა ზოგადად ჩვენ გვესმის, როგორც ადამიანთა თანაცხოვრება გარკვეულ დროსა და გეოგრაფიულ გარემოში), საზოგადოების მიზანსწრაფული მოღვაწეობის შედეგად ყოველთვის წარმოიშობა კულტურის, სოციალურ ორგანიზაციათა ახალი ელემენტები, ე. წ. ინოვაციები (ინოვაცია, ლათ. innovatio — განახლება), რომელიც ფაქტიურად ტრადიციის საწყისი ფორმაა. იგი, როგორც წესი, ეამთავლის მკაცრ გამოცდას გადის და თუ გაუძლო, გაამართლა — ტრადიციად იქცევა [131]. ინოვაციის ანტიპოდად კიჩი გვესახება, ხოლო დიზაინი დადებით ტრადიციათა და ინოვაციათა გამიზნულად წარმოქმნა-დამკვიდრების (მეტადრე მატერიალური კულტურის სფეროში) უაღრესად თანამედროვე და ამ საქმეში მრავალსაუკუნოვანი ემპირიზმის ინტელექტუალურად დაძლევის ქმედითი საშუალებაა.

წინამდებარე წიგნში, რამდენადაც შეგვეძლო, შევეცადეთ გვემხილებინა და ნილაბი აგვეხადა კიჩისათვის. მოტანილი მაგალითები მცირეა, მაგრამ, ჩვენი აზრით, ტიპიურობა არ აკლია. საერთოდ ნაშრომში, ძალაუნებურად, მრავალ თემას და პრობლემას შევხებთ. ბუნებრივია, ყველა მათგანი ერთნაირად დაძლეული არ არის და უკმარობის გრძნობა ავტორსაც აწუხებს. და თუ მისი პუბლიკაცია მაინც გადაწყვეტიტეთ, ეს გამოწვეულია ასეთი წიგნის აუცილებლობით და საჭიროება კი დღის წესრიგში თვით ცხოვრებამ დააყენა. ამჟამად, როცა ჩვენს რესპუბლიკაში გაჯანსაღების კეთილისმყოფელი ატმოსფერო შეიქმნა, შეუძლებელია ეთნოგრაფიული მეცნიერება ვიწრო ჩარჩოებში დარჩეს და სადღეისოდ გადასაწყვეტ პრობლემებზე არ იზრუნოს.

ავტორის მიზანი მიღწეული იქნება, თუ ის მკითხველს აღძრულ პრობლემატიკას მეტ-ნაკლებად გააცნობს და აგრეთვე წამოჭრილ საკითხებზე ჩააფიქრებს.

თავი პირველი

ქართული ეთნოგრაფიის განვითარების გზა

(უძველესიდან უახლესამდე)

განათლება. სწავლა ისაა, რომ გამოვიყენოთ, ავითვისოთ მთელი ის სულიერი მეშვეიერება, რომელიც ჩვენმა წინაპრებმა დაგვიტოვეს.

ლ. ბოლტოი

ეთნოგრაფიის — ხალხთა შემსწავლელი ამ მეცნიერების წყაროთა სათავე იმ შორეულ ეპოქაშია საძიებელი, როცა კაცობრიობა ცხოველურ მდგომარეობას თავს აღწევს და კულტურულ ღირებულებათა შექმნას იწყებს. ეთნოგრაფიისათვის უალრესად ძვირფასია ცივილიზაციის გარიერაზე ადამიანის აზროვნებისა და საქმიანობის ამსახველი ყველა ძეგლი. როგორც კი წარმოიშობა პირველი დამწერლობა, მაშინვე ჩნდება ეთნოგრაფიული მეცნიერებისათვის მყარ დოკუმენტური მასალა. მაგრამ მისი ძირითადი მკვებავი არტერია იმთავითვე ცოცხალი ყოფა — ხალხია, ხოლო ეთნოგრაფის უმთავრესი ამოცანა — ხალხის ემპირიული ცოდნა-გამოცდილების შესწავლა.

მეცნიერების განვითარების ადრეულ საფეხურზე, როცა ცალკეული დარგები დიფერენცირებული არ იყო, ყოველი ისტორიკოსი ძალაუნებურად ეთნოგრაფიც იყო. თავისუფლად შეიძლება ითქვას, რომ ხალხთა პირველი ისტორია უმთავრესად ეთნოგრაფიულ მასალაზე დაყრდნობით დაიწერა.

ესა თუ ის ხალხი (ეთნოსი) თავისი არსებობით უკვე ქმნიდა საკუთარ ეთნოგრაფიას, მაგრამ თვით საგნის ფორმირება შედარებით გვიან მოხდა...

ქართულმა ეთნოგრაფიამ განვითარების ხანგრძლივი გზა განვლო. მისი ერთ-ერთი მნიშვნელოვანი წყაროა ადგილობრივი, ძვე-

ლადმოსავლური და ძველბერძნული მითოლოგია, აგრეთვე ხეთური, ასურული და ურარტული წერილობითი ძეგლები და არამეული, ებრაული და ბერძნულ-რომაული ლიტერატურა. ნიშანდობლივია, რომ „ისტორიის მამად“ წოდებული, ძვ. წ. აღ. V ს. ბერძენი ისტორიკოსის ჰეროდოტეს თხზულებებში არა მარტო აღწერილობით ცნობებს ვხვდებით ქართველთა წინაპრებზე, არამედ იმ დროისათვის სერიოზულ, თეორიულ მოსაზრებებსაც, სახელდობრ კოლხთა ეთნოგენეზის შესახებ.

ქართული ეთნოგრაფიისათვის დიდი მნიშვნელობა ენიჭება ჩვენს ქვეყნის ტერიტორიაზე მიკვლეულ უძველეს არქეოლოგიურ მასალას, მდიდარ საისტორიო და სასულიერო მწერლობას. „შუშანიკის წამება“ ბრწყინვალე ლიტერატურული ძეგლიცაა და V ს. საქართველოს სინამდვილის თვალსაჩინო საჩვენებელი. ასევე ითქმის შემდეგი დროის — გიორგი მერჩულეს, ბასილ ზარზმელის, იოანე საბანისძის და სხვათა უკვდავ ქმნილებებზე. ქართული საისტორიო ძეგლები („მოქცევაჲ“, „ქართლისაჲ, „ქართლის ცხოვრება“), რომელთაც ჩამოყალიბებული პროფილი უკვე VII-VIII სს. ჰქონდათ, წარმოადგენენ ეთნოგრაფიული მასალის განზოგადების გასაოცარ ნიმუშებს. განსაკუთრებით აღსანიშნავია ლეონტი მროველის თხზულება „ცხოვრებასა ქართველთა მეფეთსა და პირველთაგანი მამათა და ნათესაეთა“, რომელიც მხოლოდ ქართველთა კი არა, მთელი კავკასიის ხალხების ისტორიისა და ეთნოგრაფიისათვის ფასდაუდებელი ნაშრომია. XIV ს. ანონიმი ავტორი „უამთაჲლმწერელი“ ისეთი სიცხადით იძლევა ქართველებისა და მონღოლების — დაპყრობილთა და დამპყრობთა — ყოფით დეტალებს, რომ თანამედროვე მკითხველსაც მწვავედ განაცდევინებს მომთაბარეთაგან განადგურებული მაღალკულტურული ქვეყნის მძაფრ ტრაგედიას. ასეთი მდიდარი ისტორიული ტრადიციები ასაზრდოებდა XVIII ს. გამოჩენილ ქართველ მეცნიერს ვახუშტი ბაგრატიონს, როცა მან შექმნა სამაგალითო ნაშრომები — „აღწერა სამეფოსა საქართველოსა“ და „საქართველოს ისტორია“. ეს „თხზულებანი, ფაქტიურად, საქართველოს შესახებ ნამდვილ ისტორიულ, გეოგრაფიულ და ეთნოგრაფიულ ენციკლოპედიას წარმოადგენენ“ [57, 4].

ვახუშტის შემოქმედებას ქართული ეთნოგრაფიისათვის საეტაპო მნიშვნელობა ენიჭება. მისი სამოქმედო პროგრამა ფართოა და სრულიად არ ჩამორჩება იმ დროის ეთნოგრაფიულ აღწერილობათა საუკეთესო პროგრამებს [97, 72]. მოწინავე მეთოდოლოგიური მიდგომით (აღწერის სიზუსტე, ფაქტობრივი მასალის სწორი ანალიზი, მოვლენების შედარება და დაპირისპირება) ვახუშტიც

შესძლო მეცნიერულად აესახა თანადროული საქართველოს ეთნოგრაფიული სინამდვილე. მან ერთ-ერთმა პირველმა სცადა ქართველი ხალხის სულიერი და მატერიალური კულტურის სინთეზით ერის ეთნო-ფსიქოლოგიის გარკვევა.

დიდი მოაზროვნის საქმეს იმეამად გაგრძელება არ ეწერა. მალე საქართველომ დამოუკიდებლობა დაკარგა. ხალხთა უბოროტესი მტრის ცარიზმის კოლონიურმა რეჟიმმა შეაფერხა ქართული მეცნიერების ნორმალური განვითარება. მეტადრე ! დაზარალდა მეცნიერების ყველაზე ეროვნული დარგი — ეთნოგრაფია, რომელიც, ჯერ კიდევ ევროპაში „სოციალურ განათხარათა“, „ტუზემცთა“, „ველურთა“ და „ნახევრად ველურთა“ შემსწავლელ მეცნიერებად და, აქედან გამომდინარე, კოლონიზატორთა იარაღად აქციეს. მეფის რუსეთის ექსპანსიის მესვეურებმა ამ იარაღს მაშინვე ხელი ჩასჭიდეს, რითაც საქართველოს ეთნოგრაფიული შესწავლის ახალი ზანა დაიწყო: ქართველებს სწავლობენ არა როგორც ცივილიზებულ, კულტურულ ერს, არამედ როგორც არასრულფასოვანს, ჩამორჩენილს. არ შეიძლება ამას არ ემოქმედა საკუთრივ ქართული ეთნოგრაფიის და საერთოდ ეროვნულ საზოგადოებრივ მეცნიერებათა განვითარებაზე. დამოუკიდებლობის დაკარგვა, კოლონიური უღლის დადგმა იყო ის ბორკილი, რამაც XIX ს. მეორე ნახევრამდე — თერგდალეულთა გამოჩენამდე დააბრკოლა ქართული საზოგადოებრივი აზრის წინსვლა. ამიტომ არც ქართველ „ენციკლოპედისტებს“, რომლებიც პეტერბურგში ყოვლად ძლიერი იმპერატორის მოწყალეებით ცხოვრობდნენ, და არც რუსეთის გუბერნიებად ქცეულ საქართველოში ჩინოვნიკად ნაყურთხ ორიოდე ქართველ ისტორიკოსს აღარ შეეძლო მშობლიური ისტორიისა და ეთნოგრაფიისათვის მნიშვნელოვანი რამ შეემატებინა. სწორედ ამით უნდა აიხსნას ვახუშტის შემდეგ ქართული ეთნოგრაფიული აზრის დაქვეითება-დაკნინება. ეთნოგრაფიის განვითარება დააბრკოლა აგრეთვე ქართული კლერიკალურ-ფეოდალური წრეების რეაქციულმა რომანტიზმმა, წარსულის უზრო იდეალიზაციამ, ჩაგრულ ფენათა მიმართ წოდებრივმა ზიზღმა. ეთნოგრაფიული მუშაობა თავისთავად ხალხთან სიახლოვეს გულისხმობდა, საზოგადოების განათლებულ ნაწილს კი ხალხის ეშინოდა. ეს მდგომარეობა მანამდე გაგრძელდა, სანამ თვით ხალხის წიაღიდან გამოსულმა ინტელიგენციამ, რუსეთში მიღებული ევროპული განათლებით, ქვეყნის ცხოვრებაში თავისი ადგილი არ დაიჭირა. ამათგან ერთ-ერთი პირველი იყო ცნობილი ისტორიკოსი და საზოგადო მოღვაწე დიმიტრი ბაქრაძე.

დიმიტრი ბაქრაძე საზოგადოებრივ ასპარეზზე XIX ს. 50-იან

წლებში გამოდის. პირველად იგი ეთნოგრაფიულ წერილებს ბეჭდავს, რომლითაც იწყება ქართული ეთნოგრაფიის ახალი პერიოდი. ეთნოგრაფია ეროვნულ-განმათავისუფლებელი მოძრაობის საპატიო სამსახურში დგება. მაგრამ XIX ს. 60-იან წლებამდე ეთნოგრაფიული მუშაობის ასპარეზი ძალზე შეზღუდულია. თვით დიმიტრი ბაქრაძე — მშობელი ხალხის სიყვარულით გულანთებული მკვლევარი იძულებულია თავისი ნაშრომები ოფიციალურ პრესაში გამოაქვეყნოს და მეცნიერული სინამდვილე ველიკორუსული შოვინიზმით გაყლენთილ ჩინოვნიკთა გემოვნებას შეუგუოს. ერთადერთი ქართული ჟურნალი „ცისკარი“ უმწეო მდგომარეობაში იყო, მაშინდელი მოაზროვნე ინტელიგენციის შეზღუდულ პირობებს კარგად ასახავს შემდეგი ფაქტი: დიმიტრი ბაქრაძეს „ცისკარში“ გაუკრიტიკებია ალექსანდრე ჭამბაკურ-ორბელიანი, აი რას წერს იგი პასუხად ოპონენტს: „იციო როგორ მესიამოვნა თქუენი გარკვევა, ჩემს ქართულ უბნობაზე ანუ წერაზე? მე თქვენს მემამულეს იციო რამდენი ათასის წლისას? ხედავთ დიმიტრი რას მოვესწარ? ჩუენს ქართულს ჟურნალს და ერთმანეთის წერილებზე განხილვის დაწერას! მხოლოდ იმ ერთმა ღმერთმა იცის ამ ჩემის გულის ანბავი, როგორ კმაყოფილებაში ვარ ახლა მე. მომეტებულს აღარას ვიტყვ, მხოლოდ ამის მეტს, რომ ნურაფერში ნუ დამზოგავ, ყოველს ჩემს წერილზედ მეტყოდით, თქუენსა აზრსა სრულსა, რომლითაც დიდი მადლობელი გახლდებით ქეშმარიტად და დიდაც დამავალებთ. ამით მეც მიზეზი მექნება, იქნება ჩემი აზრიც წარმოვთქვა ხოლმე“-ო [107].

მაშინ, როდესაც ევროპასა და რუსეთში მრავალი პერიოდული ორგანო ჰქონდათ და დისკუსიები ჩვეულებრივი მოვლენა იყო, ჩვენს დაჩაგრულ ინტელიგენციას შესაბრალის სიხარულს გვრიდა აზრის გამოთქმის ის ნამცეცი, რაც მეფის მთავრობამ „ცისკრის“ სახით მათ მიუჯდო. მხოლოდ თერგდალეულთა გამოჩენის შემდეგ მიეცა შედარებით ფართო გზა ქართულ საზოგადოებრივ აზრს.

კარგად იცოდა მშობლიური ისტორიისა და ეთნოგრაფიის ფასი ქართველი ერის დიდმა მოამაგემ ილია ჭავჭავაძემ. სწორედ მან მოითხოვა მეფეთა ცხოვრების ნაცვლად ხალხის ისტორიის დაწერა. სწორედ ის ამოუდგა მხარში დიმიტრი ბაქრაძეს და სარბიელზე გამოიყვანა ქართველ ეთნოგრაფთა მთელი პლეადა. „დროება“, „ივერია“, „მოამბე“, „გუთნისდედა“, „მწყემსი“, „კვალი“ და სხვ. ხშირად ბეჭდავდნენ ეთნოგრაფიული ხასიათის წერილებსა და ნარკვევებს. სამოღვაწეო ასპარეზზე გამოიდან რ. ერისთავი, ნ. ხიზანაშვილი (ურბნელი), ბ. ნიქარაძე (თავისუფალი სვანი), ივ. გვარამაძე

(ვინმე მესხი), დიმიტრი და მოსე ჯანაშვილები, თ. სახოკია, ნ. ჯანაშია, ვაჟა-ფშაველა, ალ. ყაზბეგი და სხვები. გროვდება და ქვეყნდება მნიშვნელოვანი მასალა, რომელზე დაყრდნობითაც შეუპოვრად აკრიტიკებენ მათ, ვინც ქართველი ხალხის კულტურულ მონაპოვართა შებღალავს ცდილობს. ეთნოგრაფიის მომარჯვებით მტკიცდება ეროვნული თვითშეგნება და დაუნდობელი ბრძოლა ჩაღდება კუთხურობის, პროვინციული შეზღუდულობის წინააღმდეგ. ეს ვითარება საერთოდ დამახასიათებელია რევოლუციამდელი ქართული ეთნოგრაფიისათვის, მაგრამ მაშინდელი საქმიანობის ნაკლი ის იყო, რომ ეთნოგრაფებს არ გააჩნდათ ნათელი სამოქმედო პროგრამა, უფრო ზუსტად — მუშაობის მეთოდი. მასალების შეგროვება სპორადულად, თვითღინებით ხდებოდა და დამოკიდებული იყო მკვლევარის ინტუიციასა და ალღოზე. ამიტომ არის, რომ XIX ს. შესრულებული ეთნოგრაფიული ნაშრომები მეთოდოლოგიური თვალსაზრისით ვახუშტის დონეზედაც ვერ დგანან. თვით ფრიალ განსწავლულმა, მაშინდელი ევროპული მეცნიერების მიღწევებს ზიარებულმა დ. ბაქრაძემაც ვერ შესძლო ეთნოგრაფიის ცალკე დისციპლინად ჩამოყალიბება. თუ თვალს გადავაავლებთ მის პროგრამას, რომელიც ჯერ „ივერიაში“ (1888, №23), ხოლო შემდეგ „საქართველოს ისტორიაში“ (ტფ., 1899) გამოქვეყნდა, თვალნათლივ საცნაურია ეთნოგრაფიის აღრევა სხვა მომიჯნავე მეცნიერებებთან. სწორედ ამან განაპირობა შეგროვებული მასალების შეზღუდულობა და, რაც მთავარია, საქართველოს ისტორიის სახელმძღვანელოს დაწერის სიძნელე, რასაც შეეწირა დიმიტრი ბაქრაძის სიცოცხლე.

XIX ს. დასასრულისათვის საქართველოში კლასთა ბრძოლა მწვავედება. სოციალური საკითხები საზოგადოების ფართო ფენების დიდ ინტერესს იწვევს. საქართველოს მუშათა კლასი და გლეხობა მეფის თვითმპყრობელობის წინააღმდეგ რუსეთის პროლეტარიატის მხარდამხარ იბრძვის. სოციალურ უსამართლობაზე ყურადღების გამახვილებამ განაპირობა „ერთგვარი ნიპილისტური დამოკიდებულება ეროვნული საკითხისადმი, ისტორიის ეროვნული ასპექტისადმი“. ქართველი ხალხის ისტორიული წარსულის მიმართ ასეთი გულგრილობა გარკვეულად დამახასიათებელი იყო ქართველი ხალხოსნებისათვის [57, 7]. სწორედ აქ უნდა ვეძებოთ იმის მიზეზს, რომ ქართველი ხალხოსნები ხალხთან მისვლას ეთნოგრაფიის გარეშე შეეცადნენ. მათი ნაწარმოებები, ძირითადად, ბატონყმობის სიმძიმეს და ფეოდალური წყობილების მახინჯ მოვლენებს ასახავ-

დნენ, ხოლო ეთნოგრაფიული მხარე მარტოდენ მხატვრული ლიტერატურის მონაცემების დონეზე აინტერესებდათ.

„XIX—XX სს-თა მიჯნაზე საფუძველი ეყრება ქართველ საზოგადოებაში ისტორიული პრობლემებისადმი მარქსისტულ მიდგომას“, მაგრამ სოციალურ-ეკონომიკურ საკითხზე მთელი ყურადღების კონცენტრაცია და ეროვნული საკითხისადმი ნაკლები ყურადღება [57, 8], რაც განვითარების პირველ ეტაპზე ქართულ მარქსისტულ სკოლას ახასიათებდა, ეთნოგრაფიის, როგორც უალრესად ეროვნული მეცნიერების, იგნორირებას განაპირობებდა. ყოველივე ამის შედეგად საქართველოში ეთნოგრაფიის ცალკე სამეცნიერო დარგად ჩამოყალიბება დაგვიანდა. თვით ევროპაში ეთნოგრაფია დამოუკიდებელ მეცნიერებად XIX ს. შუა ხანებიდან იქცა. ამ დარგის ფუძემდებლები არიან ბასტიანი, ტეილორი, მორგანი და სხვები. მაგრამ მათი სამოქმედო პროგრამა და მუშაობის მეთოდი ქართული სინამდვილისათვის ნაკლებამოსადად იყო, რადგან ისინი უმეტესად ჩამორჩენილ ხალხებს სწავლობდნენ, ხოლო საქართველოსა და, საერთოდ, კავკასიაში „შემონახულია განვითარების უძველესი ფორმების მხოლოდ რელიქტური მოვლენები და მათ გვერდით წარმოდგენილია მაღალი კულტურული მიღწევები და მრავალი ისტორიული ფაქტი“ [97, 76].

ქართული ეთნოგრაფიის ნაციონალურ ნიადაგზე დაყენება წილად ხედა დიდ ქართველ ისტორიკოსსა და საზოგადო მოღვაწეს აკადემიკოს ივანე ჯავახიშვილს, რომელმაც თავის მრავალრიცხოვან ნაშრომებში ფართოდ გაუხსნა გზა ეთნოგრაფიულ მასალას. ამ თვალთახედვით ივანე ჯავახიშვილის ღვაწლი დღეს, მისი დაბადებიდან ასი წლისთავზედაც კი, სათანადო სისრულით შეფასებული არ არის და ცალკე, სპეციალურ კვლევას საჭიროებს.

ქართული ეთნოგრაფიის სწორი, მარქსისტული მეთოდოლოგიით შეიარაღება საქართველოში მხოლოდ საბჭოთა ხელისუფლების დამყარების შემდეგ მოხდა. ქართულ საბჭოურ ეთნოგრაფიას უნდა დაეძლია ეთნოგრაფიის ჩამორჩენილ ხალხთა შემსწავლელ მეცნიერებად ქვევის საერთო ტენდენცია და მისგან გამომდინარე მავნე შედეგები: ხალხების დამონება-ჩაგვრის გამართლება, ეროვნული თვითშეგნების მიჩქმალვა, გადმონაშთური მოვლენების და ტრადიციების შეუფასებლობა. საჭირო იყო აგრეთვე მეცნიერულად დასაბუთებული უარყოფა ეთნოგრაფიული კვლევა-ძიების თუ სამუზეუმო საქმიანობის არამარქსისტული მეთოდებისა, რომელთაც ათეული წლობით ნერგავდნენ ჩვენთან ცარიზმის დროინდელი რუსი და უცხოელი სწავლულები. ამ პრობლემათა გადაწყვეტისათვის

გარკვეული მნიშვნელობა ჰქონდა აკად. გ. ჩიტაის 1926 წ. გამოქვეყნებულ ნაშრომს — „ქართული ეთნოლოგია“ („მიმოხილველი“, I), სადაც ზოგადად მოცემულია კომპლექსურ-ინტენსიური მეთოდის მონახაზი, რომელიც შემდგომ კიდევ უფრო დაიხვეწა. აღნიშნული მეთოდის საფუძველი გახდა მარქსისტულ-ლენინური მოძღვრება ბუნებისა და საზოგადოების შესახებ. კომპლექსში ივარაუდება ბაზისური და ზედნაშენური მოვლენები, როცა ყოველი საგანი აღიწერება, „როგორც ადამიანის შრომის ჯამი“ (მარქსი), ე. ი. სტრუქტურის, ტექნიკისა და ფუნქციის მიხედვით. ამასთან ერთად, ტექსტუალური მასალა პირველწყაროებზე დაყრდნობით უნდა გროვდებოდეს, ხოლო ნივთიერი — ორიგინალების სახით, ზუსტად განსაზღვრულ ეთნიკურ-გეოგრაფიულ გარემოში.

მეთოდიდან გამომდინარე, ეთნოგრაფიული დაკვირვების სიღრმე უფრო მნიშვნელოვანია, ვიდრე სიფართოვე; მნიშვნელოვანია მცირე რაიონის ღრმა შესწავლა, ვიდრე ეთნოგრაფიული მოვლენის ვრცელ ტერიტორიაზე გავლით დამოწმება. მასალის გადაჯვარედინებული ფიქსაცია და ადგილზე კარგად შედგენილი ბიოგრაფია ერთი კონკრეტული სახენელი იარაღისა იძლევა მეტს, ვიდრე მრავალი ათეული ამგვარი იარაღის ზერელე აღწერილობა. ამასთან ერთად, მუშაობა უნდა წარმოებდეს ცალკეულ პატარა და დიდ სოციალურ ერთეულებში [97; 95; 156; 35].

ამგვარად, ეთნოგრაფია, რომელიც კოლონიზატორთა იარაღად იყო გამოყენებული, პროგრესულ, სახალხო მეცნიერებად იქცა და ხალხთა ძმობის განმტკიცების საუკეთესო საშუალება აღმოჩნდა.

კომპლექსურ-ინტენსიური მეთოდის ქმედითად გამოყენების შედეგად, მონოგრაფიულად დამუშავდა მრავალი პრობლემა, სახელდობრ მიწათმოქმედების ფორმები და სისტემები, სამუშაო იარაღები, მესაქონლეობა, ნადირობა, ხელოსნობა, საცხოვრებელი, სამეურნეო და საკულტო ნაგებობანი, დასახლების თავისებურებანი, სოციალური ურთიერთობანი და რელიგიის განვითარების საფეხურები, გვარი, ოჯახი, ნათესაობა, სახალხო დღესასწაულები და სხვ.

ამჟამად მუშაობა მიმდინარეობს ისეთ ნაკლებად შესწავლილ თემებზე, როგორიცაა ხალხური მედიცინა, ჩვილის აღზრდა, გათბობისა და განათების არქაული საშუალებანი, ხალხური კოსმეტიკა, მიცვალებულის კულტი და ა. შ.

შემდგომ ამომწურავ შესწავლას მოელის პრობლემები: ეთნოგრაფიული ჩგუფების და ერების წარმოშობა ზოგადად, ხოლო კონკრეტულად სასურველია გაღრმავდეს ქართველების, საქართვე-

ლოში მცხოვრები სხვა ხალხებისა და ეთნიკურ უმცირესობათა კვლევა. გაირკვეს ეთნოგრაფიული ყოფის მიმართება საზოგადოებრივი ფორმაციების და კლასების მარქსისტულ გაგებასთან, ხალხთა, ტომთა, თემთა, სოფელთა, ოჯახთა სოციალურ-ეკონომიკური კავშირები, დემოგრაფიისა და ურბანიზაციის საკითხები, საყოფაცხოვრებო მოვლენების სოციალური არსი, წარმოდგენანი სამყაროზე: სამყაროს წარმოშობის ხალხური ახსნა; ხალხის ასტრონომიული და ასტროლოგიური თვალთახედვა, ბუნების მოვლენების შეცნობა საერთოდ და კერძოდ ატმოსფერული და ტექტონიკური მოვლენებისა, მათი წინასწარმეტყველებისა და გაუგებლობის რაციონალური და ირაციონალური საშუალებანი; დროის შეცნობის ხალხური წესები: კალენდარი, წლების, თვეების, წლის დროთა ხალხისეული გააზრება და სამეურნეო ციკლთან შეთანაწყობა; ხალხის მიერ სივრცის აღქმა, გეოგრაფიული თვალსაწიერი, წარმოდგენანი მთებსა და ველებზე, ზღვებსა და ოკეანეებზე. მეზობელ და შორეულ ქვეყნებზე; გზები, გზაჯვარედინები, ბილიკები; საბრძოლო და საომარი ტექნიკა; საარსებო-საცხოვრებელი შემოგარენის ათვისება: რელიეფის, ჰაერის, წყლის შეცნობა-მოხმარება: „ბუნების მზა ნაწარმის“ ანუ, როგორც ხალხი ამბობს, „ტყის და ველის ნაწილის“ (ველური მცენარეები, ძირხვეწები, ნაყოფი) გამოყენება; ტყის მოვლა-ექსპლუატაცია; სქესის რაობა, წარმოდგენანი ქალსა და მამაკაცზე .ქორწინების ჰიგიენა; სუფრა, კვების რეჟიმი, სტუმარმასპინძლობა, ზრდილობის, ქცევის წესები, ტრადიციულ უმცროსუფროსობა; ქალაქური ყოფა; საქართველოს ცალკეულ კუთხეთა შორის ეთნოგრაფიული სხვაობების მიზეზთა ახსნა, ხალხთა ფსიქოლოგია ზოგადად, კერძოდ ქართული ეროვნული ხასიათის ჩამოყალიბება; ეთოლოგიის (ქცევადმცოდნეობის) პრობლემები, წინათგარძნობა, წინასწარმეტყველება, ტელეპათია ანუ ნაუთელხედვა; დიზაინისა და კიჩის ურთიერთდამოკიდებულება ხალხური ყოფის ფონზე და სხვ.

ჯერ კიდევ ორი თუ სამი ათეული წლის წინათ ყოფაში უდიდეს როლს თამაშობდა ცხენი, როგორც მიწის დამუშავების, ტვირთზიდვისა და ტრანსპორტირების მთავარი საშუალება. მექანიზაციის განვითარების არნახულმა ტემპმა იგი ყოფიდან განდევნა. ბევრ ქვეყანაში ამ ცხოველს ინარჩუნებენ და ამრავლებენ სპორტული, გასეირნება-გართობის და სხვა მიზნით, ჩვენთან კი ცხენი სანთლით საძებარი გახდა, მიუხედავად იმისა, რომ მთიან რაიონებში მისი საჭიროება მწვავედ იგრძნობა. ქართველი ეთნოგრაფები მსხვილფე-

ხა მესაქონლეობას ინტენსიურად სწავლობენ, ხოლო მეცხენეობა უყურადღებოდ არის დატოვებული, მაშინ როდესაც მესაქონლეობის ამ უძველესი დარგის შესწავლას, შემეცნებითთან ერთად, სათანადო გამოყენებითი მნიშვნელობაც ენიჭება.

საზოგადოდ ყურადღება უნდა გამახვილდეს სადღეისოდ დასანერგ პრაქტიკული ეთნოგრაფიის მრავალ პრობლემაზე, რომელთა უფრო სრულად, ამოწურავად მიკვლევა და წარმოჩენა ქართული ეთნოგრაფიის საბატიო ამოცანაა.

თ ა ვ ი მ ე ო რ ე

ეთნოგრაფია და სამუზეუმო საქმე

საქართველო მთლიანად მუზეუმი და
ჩვენ ამას არ ვიყენებთ!

ი ვ ა ნ ე ჯ ა ე ა ხ ი შ ვ ი ლ ი

§ 1. ძართული ხალხური ხუროთმოძღვრებისა და უოფის თბილისის ღია ცის ძველ მუზეუმში

სამუზეუმო საქმიანობა ეთნოგრაფიული მუშაობის შემადგენელი ნაწილია, რამაც ასახვა ჰპოვა კომპლექსურ-ინტენსიურ მე-თოდში: „საქირთა ტექსტუალური მასალა გროვდებოდეს პირველწყარობის მიხედვით და ნივთიერი — ორიგინალების სახით“, — ხაზგასმით აღნიშნავს აკად. გ. ჩიტაია. ყოველი ნივთი „აღამიანთა შრომის ჯამია“ და ამდენად მეცნიერთა შესწავლის საინტერესო ობიექტია. ნივთით განმტკიცებული სიტყვიერი მასალა შორსმწვდომი და სანდო დასკვნების გამოტანის შესაძლებლობას იძლევა. ამიტომ ექსპონატების სწორი მეთოდოლოგიური მიდგომით შეგროვებას ისეთივე მნიშვნელობა ენიჭება, როგორც მონათხრობ მონაცემებს. დამგობილ იქნა რა „კავკასიის მუზეუმში“ გაბატონებული ანტიკვარული და რარიტეტული მეთოდები, ეთნოგრაფიის ხაზით სამუზეუმო საქმიანობის საფუძველი კომპლექსურ-ინტენსიური მეთოდი გახდა. იგი შესაძლებლობას იძლევა უშუალოდ ყოფიდან იქნეს აღებული საგანი, რომელსაც ცხოვრებაში გამოყენებითი, პრაქტიკული მნიშვნელობა ჰქონდა. სწორედ ამაშია ნივთის უმთავრესი ღირებულება. იქცევა რა იგი სამუზეუმო ექსპონატად, ამით კაშვრული დამუშავების ობიექტს წარმოადგენს და მეცნიერული წყაროს ღირებულებას იძენს. აქედან გამომდინარე, ყოველი ეთნოგრაფიული ექსპედიციის მიზანია სამუზეუმოდ ვარგისი კოლექციების გამოვლენა-შეგროვება, რასაც გადამწყვეტი მნიშვნელობა ენიჭება ისტორიულ-ეთნოგრაფიული და ღია ცის ქვეშ მუზეუმების საქმიანობაში.

კარგა ხანია ცნობისმოყვარეთა ყურადღებას იპყრობს კუსტების სანახებში, ფერდობზე შეფენილი ოლა-სახლები და სხვა ნა-

გებობანი, რომელთაც თავს ამაყად დასცქერის ტანკენარი სვანური კოშკი. ეს არის ძველი საქართველოს ხორცშესხმა — თბილისის ღია ცის ქვეშ მუზეუმი.

ჩვეულებრივი ტიპის მუზეუმი გულისხმობს შენობის შიგნით მოწყობილ ექსპოზიციას, სადაც საგანგებო კარადებსა და ვიტრინებში ფიგურირებს მცირე ზომის ექსპონატები. გამოყენებულია ოვალსაჩინოების სხვადასხვა საშუალებანი: ფოტოები, ნახატები, სტენდები და სხვა, ხოლო ღია ცის ქვეშ მუზეუმი ითვალისწინებს შესაფერის ბუნებრივ გარემოში ქვეყნისათვის დამახასიათებელ საცხოვრებელ და სამეურნეო ნაგებობათა ნატურალური ზომით წარმოჩენას — შესაბამისი ყოფითი დეტალებით.

ასეთი სახის მუზეუმის შექმნის იდეა XVIII ს. დასასრულს ჩაისახა. მისი ავტორია შვეიცარიელი სწავლული ჩარლზ ბონსტეტენი. ფართო მასშტაბით ღია ცის ქვეშ მუზეუმის მშენებლობა მხოლოდ ასი წლის შემდეგ დაიწყო. 1891 წ. გამოჩენილმა ეთნოგრაფმა არტურ გეზელიუსმა შვეიციაში დააარსა მსოფლიოში ცნობილი მუზეუმი „სკანსენი“. ექვსი წლის შემდეგ ღია ცის ქვეშ მუზეუმპროგრევიის დედაქალაქ ოსლოში ააშენეს, 1901 წ. — დანიაში, 1909 წ. — ფინეთში, მოგვიანებით (1924 წ.) ლატვიის დედაქალაქ რიგაშიც აიგო, ხოლო შემდეგ (1936 წ.) ბუქარესტსა (რუმინეთი) და ტალინში (1957 წ. ესტონეთი).

ღია ცის ქვეშ მუზეუმი ძალზე პოპულარული გახდა თითქმის ყველა განვითარებულ ქვეყანაში, რაც მწვავე აუცილებლობითაა გამოწვეული. თანამედროვე გლობალური ცივილიზაცია ანიველირებს ეროვნულ თავისებურებებს, ძველი ყოფისა და კულტურის რეალიები, სადაც ჩაქსოვილია ამა თუ იმ ერის მრწამსი და საკუთარი სახე, გაქრობის საფრთხის წინაშე აღმოჩნდნენ; რაც დრო გადის, მათთვის ცხოვრებაში ადგილი არ რჩება და ისინი თავშესაფარს სწორედ ღია ცის ქვეშ მუზეუმში ჰპოვებენ. სწორედ ამით აიხსნება, რომ დღეს ყველა მოწინავე სახელმწიფო ცდილობს ჰქონდეს თავისი ეთნოგრაფიული მუზეუმი, რისი მეშვეობითაც შთამომავლობას უნდა შეუნარჩუნონ ყოველივე ის, რაც მშობლიური ხალხის ყოფას ახასიათებდა. ამიტომ აღმოჩნდა ჩარლზ ბონსტეტენის იდეა მეტად სიცოცხლისუნარიანი და ბევრგან წარმატებით ხორცშესხმული.

თბილისის ღია ცის ქვეშ მუზეუმისათვის ტერიტორია 1960 წ. გამოპყვეს, ჯერ თხუთმეტი ჰექტარი, შემდეგ ოცდახუთი. მშენებლობის დაწყებას წინ უძღოდა ფართო მეცნიერულ-ორგანიზაციული მუშაობა. მუზეუმის მოწყობის ძირითადი პრინციპები აკად.

გ. ჩიტაიამ შეიმუშავა, ხოლო გენერალური პროექტი პროფ. ლ. სუმბაძემ შეადგინა. ასე ჩაეყარა საფუძველი დიდ ეროვნულ საქმეს.

ქართველ მეცნიერებს გაუწაღდავი გზით მოუხდათ სიარული, რადგან არც ერთი ღია ცის ქვეშ მუზეუმის მშენებლობის გამოცდილება საქართველოსათვის არ გამოდგებოდა. სკანდინავიის, ბალტიისპირა თუ აღმოსავლეთ ევროპის ქვეყნებს არ ახასიათებთ რელიეფის, მეურნეობის და, აქედან გამომდინარე, ნაგებობათა ისეთი მრავალფეროვნება, როგორც ჩვენს სამშობლოს. ბუნებრივ-სამეურნეო არეებად დაყოფა, მკვეთრად გამოხატული ვერტიკალური ზონალობა, თვით ერთი ხეობის შიგნით საკუთარი ბარისა და შთის არსებობა, მრავალდარგოვანი შერწყმული მეურნეობა, მრავალპროფილიანი ეზო-კარმიდამოები და ნაგებობანი, საოცრად რთული და მაღალი სამიწათმოქმედო კულტურა შესაბამისი შრომის იარაღებითა და შენობებით, თითოეული ბუნებრივ-სამეურნეო არის ანუ საქართველოს კუთხის ყოფითი თავისებურებანი, გამოხატული დასახლების ტიპსა თუ სხვა მნიშვნელოვან, ან ერთი შეხედვით უმნიშვნელო ელემენტებში, დიდ სიძნელეს ქმნის. მიუხედავად ამისა აკად გ. ჩიტაიამ წარმატებით შესძლო მოეცა მეცნიერულად გააზრებული მოძღვრება მუზეუმის დაფუძნებისათვის, რის შედეგადაც პროფ. ლ. სუმბაძემ გენერალურ პროექტში, ძირითადად, სწორად ასახა ძველი საქართველოს თითოეული კუთხე.

გამოიყო ათი უმთავრესი ზონა, რომელთაგან ხუთი — აღმოსავლეთ საქართველოს მოიცავს, ხუთი კი — დასავლეთს. ეს ზონებია: 1. ცენტრალური (შიდა და ქვემო ქართლი); 2. აღმოსავლეთის (შიგნი და გარე კახეთი); 3. სამხრეთის (სამცხე-თრიალეთი და ჭავჭავეთი); 4. სამხრეთ ოსეთის ავტონომიური ოლქი; 5. აღმოსავლეთ მაღალმთიანეთი (ხევი, მთიულეთ-გუდამაყარი, ფშავ-ხევსურეთი და მთათუშეთი); 6. შავიზღვისპირეთის ანუ კოლხეთის ზონა (გურია-სამეგრელო); 7. დასავლეთის ანუ რიონისპირეთის ზონა (იმერეთი, რაჭა-ლეჩხუმი); 8. აჭარის ასსრ; 9. აფხაზეთის ასსრ; 10. დასავლეთ საქართველოს მაღალმთიანეთი (სვანეთი; მთის რაჭა) [77, 54—5]. მეთერთმეტე დამხმარე ზონა განკუთვნილია ისტორიულ-არქეოლოგიური ძეგლებისათვის, ხოლო მეთორმეტე — ადმინისტრაციულ-ტექნიკური ნაგებობისათვის. გარდა ამისა, იქნება მწვანე ზონები, წყალვარდნილები და ტბა.

თითოეული ზონის შიგნით გამოიყოფა ქვეზონები, რათა მხედველობიდან არ იყოს გამორჩენილი ქართველი ხალხის განსახლების არც ერთი ნიუანსური თავისებურება. სწორედ ამიტომ ყოველი

ზონა შემდგომ დეტალურ ეთნოგრაფიულ-არქიტექტურულ დამუშავებას საჭიროებს, რაც, ბუნებრივია, თანდათან განხორციელდება. ვინაიდან „ლია ცის ქვეშ მუზეუმში უნდა აისახოს ჩვენი ქვეყნის საცხოვრებელი თუ სამეურნეო ნაგებობანი მათი (ძინაგანი) ინტერიერთურთ, — წერს აკად. გ. ჩიტაია, — უნდა აისახოს საზოგადოებრივი დანიშნულების შენობები, სახელოსნოები, მალაროები, ზიდები, გზები და სხვა. მიზნადაა დასახული ყოველგვარი ნაგებობა წარმოდგენილი იყოს თავის ბუნებრივ გარემოცვაში და თვითეული მათგანისათვის შესაფერის ანსამბლში. ეს გულისხმობს, რომ დაგეგმარება უნდა ითვალისწინებდეს საქართველოსათვის დამახასიათებელ ბუნებრივ-სამეურნეო არეებს, რომლისთვისაც ძირითადი მაჩვენებელია ვერტიკალური ზონალობა“. მეცნიერი მეტადრე ხაზს უსვამს იმ გარემოებას, რომ „გადმოსატანი და მუზეუმში დასადგმელი ობიექტების შერჩევის პრინციპი უნდა ითვალისწინებდეს საგნის აღნაგობას, მის ტექნიკას, დანიშნულებას, ბუნებრივ არეს და ისტორიულ მონაცემებს. უნდა შეიჩრჩეს მთავარი, წამყვანი და ტიპიური. ამ თვალსაზრისით არ კმარა შენობის დაშლა ნაწილებად და ჩამოტანა, არამედ ყურადღება უნდა მიექცეს იმ გარემოებას, რომ აღდგენილი და ექსპონირებული ძეგლი ისევე ეფექტს იძლეოდეს, როგორც ეს იყო მისთვის ადგილზე დამახასიათებელი“ [98, 49]. ყოველივე ამის განხორციელების შედეგად შეეძლებოთ ავაშენოთ და მომავალ თაობებს შემოვუნახოთ ძველი საქართველოს სრულყოფილი ხატება — ლია ცის ქვეშ მუზეუმი, რომლის ექსპონატები მეცნიერული კვლევა-ძიების ობიექტები იქნებიან საუკუნეთა მანძილზე. ამავე მუზეუმმა უნდა გადააჩინოს და შეინარჩუნოს ხალხური გამოყენებითი ხელოვნებისა და შინახელოსნობის კერები, რისთვისაც სათანადო მუშაობის ჩატარება აუცილებელია და გადაუდებელი.

ამჟამად შედარებით სრულყოფილადაა მოწყობილი მეგრული და გურული სამოსახლოები. აღნიშნულ კუთხეთა ბუნებრივი გარემო და მეურნეობა თითქმის ემთხვევა ერთმანეთს. მაშასადამე, კარშიდამოთა ტიპები და ნაგებობანი, ძირითადად, ერთნაირია, მაგრამ არის მაინც რეგიონალური სახესხვაობანი, მაგალითად სამეგრელოს მრავალდარგოვან, შერწყმულ მეურნეობაში უფრო მეტი სპეციალიზაცია ახასიათებს. მესაქონლეობას. გურიაში ქვევრები, როგორც წესი, გარეთ — „ცაწმინდას ქვეშაა“ ჩაფლული, მაშინ როდესაც სამეგრელოში უმეტესად დახურულ მარნებს ვხვდებით. რა თქმა უნდა, მუზეუმის ექსპოზიციაში ყოველივე ეს და სხვა მისთანანი უნდა აისახოს და ნაწილობრივ აისახა კიდევ.

საერთოდ, მუზეუმის ტერიტორიაზე ეთნოგრაფიული ხასიათის სამასამდე შენობა უნდა აიგოს. გარდა ამისა, განსაკუთრებულ ზონაში, შესაფერის ნაგებობებსა და გარემოცვაში უნდა განხორციელდეს ხალხური გამოყენებითი ხელოვნებისა და შინაწარმოების ცოცხალ კერათა დემონსტრაცია. მიუხედავად იმისა, რომ ასეთი ვალისწინებული ღია ცის ქვეშ მუზეუმის მოწყობის ძირითად პრინციპებსა და გენერალურ პროექტში, ამ საშური და გადაუდებელი საქმის მოსაგვარებლად, ჯერჯერობით, პრაქტიკულად არაფერი გაკეთებულა. დრო კი არ ითმენს...

მუზეუმის მშენებლობის პროცესში თავი იჩინა ზოგიერთმა ნაკლმა, სახელდობრ სრული არ არის გურულ და მეგრულ კარმიდამოებში სახლებისა და სამეურნეო ნაგებობების შეთანაწყობა. მაშინ, როდესაც იმერეთში თვალსაჩინოდ გამოხატულია კარმიდამოთა თავისთავადობა, ეზოთა სრულყოფილი სტრუქტურა, აქ ღია ცის ქვეშ მუზეუმის სანახებში იმერეთიდან ჩამოტანილ შენობათა განლაგება ქაოტურობის უთაბეჭდილებას ტოვებს. მართალია, მეტად რთული, დანაწევრებული რელიეფი მშენებლებს ბევრ სიძნელეს უქმნის, მაგრამ სწორედ ამიტომ სათანადო სიფრთხილეა საჭირო. გზების გაყვანამ და ხევების გაქრამ კოლორიტულ ლანდშაფტს ბუნებრივი მიმზიდველობა დაუკარგა. შეიძლება ითქვას, მშენებლები თავიანთი გაყვანილი გზების ტყვეობაში მოექცნენ. დაირღვა ზონალობა, მაშინ როდესაც საქართველოს თითქმის ყველა კუთხეს თავისი ბუნებრივი საზღვარი მოეპოვება და უშუალოდ ერთმანეთში იშვიათად გადადის. ეს მნიშვნელოვანი ფაქტორი რატომღაც გაუთვალისწინებელია, ამიტომ იმერული ოდები „რაქას“ მიეზჩინა და ქართლური, ბანიანი სახლი, ფაქტიურად, ისტორიულ-არქეოლოგიურ ზონაში აღმოჩნდა. აღნიშნული ნაკლის გამოსასწორებლად, სანამ გვიან არ არის, აუცილებელია თითოეულ ზონას შორის დატოვებულ ექნეს გარდამავალი ზოლი, რათა დამთვალეირებელს ნახულის აღქმის შესაძლებლობა ჰქონდეს.

დედაქალაქის ღირსშესანიშნავ ადგილებს ემატება კიდევ ერთი საინტერესო სანახაობა — ძველი, მინიატურული საქართველო; მუზეუმის მესვეურნი დიდი პასუხისმგებლობის წინაშე დგანან, მათ გეგმაზომიერად უნდა ასახონ ჩვენი სამშობლოს ყველა კუთხე ნიუანსურ თავისებურებათა ჩვენებით, მრავალი ეთნოგრაფიული ძეგლი უნდა გამოავლინონ და მუზეუმის ექსპოზიციაში წუნდაუდებლად დაამკვიდრონ. ამჟამად პირველშენების გზებამ გაიარა და უკვე შეიმჩნევა ამ ახალი, დიდი საქმის უუქრძდილები. დროა ზოგიერთი რამ ფართო საზოგადოების სამსჯავროზე გამოვიტანოთ, რათა

ლია ცის ქვეშ მუზეუმს ერთეულები კი არა, მთელი საქართველო აშენებდეს.

ქართველი ხალხის ყოფა რთული და მრავალფეროვანია. საქართველო ხალიჩას ჰგავს, სხვადასხვა ფერთა გამა სრულყოფილი სილამაზის წარუშლელ შთაბეჭდილებას ქმნის. დააკელით რომელიმე ფერი და მთლიანობა დაირღვევა, დაკარგავს წინაპართა რუდუნებით ნაქსოვი ხალიჩა მომხიბლაობას და უშუალობას. ამიტომ არის საჭირო ყოველი ეროვნული წამოწყების განხორციელებაში საზოგადოებრივი აზრის გათვალისწინება.

დრო დადგა მშენებარე ცალკეული ობიექტისათვის დამუშავდეს ეთნოგრაფიულ მასალაზე დამყარებული, დაწვრილებითი საექსპოზიციო გეგმა, რომელიც საფუძვლად დაედება ამა თუ იმ კუთხის ასახვას. უპირველეს ყოვლისა, ამ მიზნით, მოცემულ კუთხეებზე უნდა დაიწეროს ეთნოგრაფიული ნაშრომი, რომელიც ამოსავალი იქნება არქიტექტურული დაგეგმარებისათვის. პრაქტიკამ გვიჩვენა, რომ ასეთი მუშაობის ჩატარებლად საქმე ბრკოლდება. რა თქმა უნდა, წინასწარი გააზრებისა და წერილობითი დასაბუთების გარეშე დაუშვებელია მუზეუმში რაიმეს გაკეთება. ნაგებობების ჩამოტანამდე საჭიროა მისთვის ადგილი ყოველმხრივ მომზადდეს, იმ თავისებურებათა გათვალისწინებით, რაც საექსპოზიციო კუთხეს ახასიათებს. ექვივალენტად აღებული უნდა იყოს კუთხისათვის ტიპური, მაგრამ საუკეთესო კარმიდამო, რომელიც წინასწარ უნდა დაგეგმარდეს და მუზეუმში მისი ასლი იქნეს გადმოღებული. ანბანური ქეშმარიტებაა, რომ ნაგებობა თავისთავად არაფრის მთქმელია, თუ ჩვეულ ბუნებრივ-ისტორიულ გარემოში არ ზის. მრავალპროფილიანი ეზოს გაუთვალისწინებლად ვერავითარ შთაბეჭდილებას ვერ შექმნის გურული, მეგრული, რაჭული და რომელიც გნებავთ სახლი. სამწუხაროდ, მუზეუმში დადგმულ შენობებს დღემდე არ მოეპოვებათ სამეცნიერო საბჭოს მიერ დამტკიცებული კარმიდამოთა დეტალური, მეცნიერული გეგმა, რისი უარყოფითი შედეგები ყოველდღიურად იჩენს თავს.

ამ ხარვეზის ნაწილობრივ შეესების მიზნით შეეკრიბეთ და გავანალიზეთ მუზეუმის ექსპოზიციის რაჭა-ლეჩხუმის სწორად ასახვისათვის საჭირო ეთნოგრაფიული მასალა [85].

დასახლების ტიპი და გლახის კარმიდამო რაჭა-ლეჩხუმში შესწავლელია. არის მხოლოდ გამოთქმული ორიოდვე სავარაუდო მოსაზრება. აკად. გიულდენშტედტი, რომელმაც რაჭაში XVIII ს. შუა ხანებში იმოგზაურა, წერს, რომ „სოფლები მთაში უფრო მჭიდროდაა დასახლებული, დაბლობში კი სახლები უფრო დაშო-

რებულია ერთმანეთისაგან და ხშირად ყანებით არის დაფარული“-ო [22, 203]. მსგავსი მოსაზრება გამოთქმული აქვს ფ. ბობილევს [130, 250]. ეთნოგრაფ ნ. რეხვიაშვილის ცნობით, რაჭაში „დასახლებულ ხეობათა თითოეული კუთხე განსაკუთრებული ლანდშაფტით და ზოგიერთი ეთნოგრაფიული თავისებურებით ხასიათდება. სხვადასხვაობა თავს იჩენს საცხოვრებელი და სამეურნეო „შრამელის“, ტანისამოსის, ავეჯის, ზნე-ჩვეულებისა და ენობრივი მონაცემების მხრივ. ზემოთ ე. ი. მთის სოფლებში მიჯრით ცხოვრობენ, ხოლო ქვემოთ — ბარად „იმერული სახის მსუბუქ შრამელობას და გაშლილ დასახლებას ამჯობინებენ“ [66, 111].

აქედან გამომდინარე, რაჭისათვის, ძირითადად, დამახასიათებელია დასახლების ორი ტიპი: მთის სოფლებში, სახელდობრ გლოლაში, ლებსა და ჭიორაში („მთის რაჭა“) — შეგჯუფული დასახლება მცირე ეზოიანი ან უეზოო, ერთმანეთზე მიჯრილი სახლებით, ქართლის მსგავსად, და ბარად, გაშლილი „იმერული“¹ კარმიდამო¹.

ლეჩხუმის შესახებ ვახუშტი შენიშნავს: „არ არის მოსახლე, რომელსა არა ედგას კოშკი ქვითკირისა და შენობანი ყოველივე ქვითკირისანი“ [28, 149]. ასეთი ნაგებობანი სვანეთმა შემოგვიწინა, ამჟამად ლეჩხუმში ისინი არ გვხვდება. დღეს ეს კუთხე კარმიდამოთა კომპლექსით და ნაგებობათა სტილით არ განირჩევა ქვემო რაჭისაგან. მაგალითად, ორივე კუთხისათვის დამახასიათებელია „შუასახლი“ [43], რომლის ნიმუში უკვე დგას მუზეუმის ტერიტორიაზე, მაგრამ ყოველივე ეს არ გამოირიცხავს ამ თვალთახედვით საგანგებო კვლევა-ძიებას და მუზეუმში გადმოსატანი ექსპონატების საგულდაგულო შერჩევას. მითუმეტეს, ასეთი მუშაობა წლების განმავლობაში მიმდინარეობდა რაჭაში.

რაჭველი და ლეჩხუმელი გლეხი მეტად რთულ შრომით საქმიანობას ეწეოდა. სოფლის მოხერხებული მდებარეობა ფართო მასშტაბით მემინდვრეობის, მევენახეობის და მესაქონლეობის განვითარების საშუალებას იძლეოდა. ამიტომ მეურნეს სამოსახლო იქუნდა აერჩია, საიდანაც ყველა საქმეს ადვილად მისწვდებოდა. სწორედ ასეთი ადგილი იყო მთის ძირი, ციებისაგან დაცული, ჭანსალი ჰაერით. ალბურ. საძოვრებთან და სათიბებთან სიახლოვე ხელს უწყობდა მეცხოველეობას. იქვე იყო ტყეც, რაც სარის, შეშის და სააშშენებლო მასალის მომარაგებას აადვილებდა. სოფლის „მზი-

¹ არქიტექტორი ლ. სუმბაძე ზემო რაჭას დასავლეთ საქართველოს მაღალმთიანეთის ზოლში ათავსებს [77, 36]. ვფიქრობთ, აქ აუცილებელია კორექტივის შეტანა, მაღალმთიანეთად შეიძლება ჩაითვალოს მხოლოდ „მთის რაჭა“ (გლოლა, ლები, ჭიორა) და ზემო რაჭის ორი სოფელი — შქმერი და მრავალძალი.

„გულ“ ფერდობებზე საუკეთესო ღვინის მომცემი ვენახები იყო გაშენებული, ხოლო მდინარისპირა ნოყიერ ქალაქში მარცვლეულის ყანები ჰქონდათ. ტვირთზიდვა ადვილად ხორციელდებოდა მთიან რელიეფში უღარესად ხელსაყრელი ტრანსპორტით — ფრჩხილებიანი (ჩოჩიალა) ურმით. ადგილობრივი მცხოვრებნი მრავალმხრივ, კომპლექსურ მეურნეობას სწორად შერჩეული სამოსახლო ადგილის და შრომის წინდახედული ორგანიზაციის მეშვეობით ართმევდნენ თავს. მეურნეობის სამი უმთავრესი დარგის (მევენახეობა, მემინდვრეობა, მეცხოველეობა) გაძლოლას ისინი ალოთა გონიერული განაწილებით აღწევდნენ. „მზიგულ“ ფერდობებზე თოვლს ადრე იღებდა და როგორც კი მიწა შეშრებოდა, ვენახს მაშინვე ამუშავებდნენ. მერე კი სახნავს „დაუტრიალდებოდნენ“. „გარილდებოდა“ თუ არა საქონელს საძოვარზე გაუშვებდნენ და „ნობათის“² მეშვეობით მწყემსავდნენ.

ივნისის დამდეგს, როცა გამწვევი ძალა სოფლად საჭირო აღარ იყო, ხარებს და არამეწველ პირუტყვს მთის იალალებზე მიერეკებოდნენ და ივლისის დამლევამდე იქ აძოვებდნენ. შემდეგ მკა იწყებოდა და გამწვევი ძალა სოფლად ჩამოჰყავდათ. მკას შეშის დამზადება და თიბვა მოჰყვებოდა. თიბვა უმეტესად ალპურ სათიბებზე წარმოებდა. მიდიოდნენ ჭგუფ-ჭგუფად სამი-ოთხი კაცი, კარავს დგამდნენ და ერთად თიბავდნენ, თივას „მარხილობით“ ინაწილებდნენ. მერე „მარნობა“ და რთველი იწყებოდა. ალოობა მხოლოდ ზამთრის პირზე „ჩაკარდებოდა“.

სოფელთა განლაგება და გლეხის კარმიდამო ყოველმხრივ პასუხობდა მრავალდარგოვანი, შერწყმული მეურნეობის საჭიროებას. სოფლის უბნები — კუთხეები ერთმანეთს „სახარო“ გზებით უკავშირდებოდნენ. სოფელი დაქსელილი იყო „საცალფეხო“ ბილიკეებით. სახარო გზა ზოგჯერ ყორეებს შორის გაივლიდა, მაშინ მას „ორქეს“ ეძახდნენ; „მოვალეს ორქეში კარგად დაიჭერო“ — ხუმრობდა ხალხი.

გაშლილი, მრავალპროფილიანი ეზო ადგილობრივი მოსახლეობის სასიცოცხლო აუცილებლობას წარმოადგენდა. იქ, სადაც ბუნებრივი პირობების გამო საკარმიდამო სივრცე შეზღუდული იყო, შაინც უკან არ იხევდნენ და დაუღალავი შრომით ტერასების მთელ კომპლექსს ქმნიდნენ. მაგალითად, სოფელ ხვანჭკარაში ტყეშელაშვილების „ხედა კუთხე“ კლდოვან, დაქანებულ ფერდობზეა გაშენებული. მხოლოდ დაუღალავი გარჯით შეიძლებოდა ამ მწირი ადგილის აყვავებულ უბნად ქცევა.

² „ნობათობა“ საქონლის მორიგეობით მწყემსკვა.

ბუნებრივია, საგანგებო შესწავლას საჭიროებს საცხოვრებელი და სამეურნეო ნაგებობათა ინტერიერი და ექსტერიერი. ამათგან მხოლოდ მარნებია ჩვენს მიერ მონოგრაფიულად დამუშავებული.

ცალკე კვლევა აუცილებელი კარმიდამოში ნარგავების განლაგებისათვის. მაგალითად, გასათვალისწინებელია, რომ გლეხი მარანთან თუთას არასდროს არ დარგავდა — ნაყოფით ჭურის თავებს დასვრისო, არც კაკლის ხე შეიძლებოდა მარანთან ახლოს — ღონიერი ფესვი აქვს და ჭურს გახვრეტსო. საბელავებად ხომ განსაკუთრებული ჯიშის ხეებს არჩევდნენ.

კარმიდამოში სახლს ცენტრალური ადგილი ეჭირა, რომლის „დასამხრისად“ განლაგდებოდა სამეურნეო ნაგებობანი. მუზეუმის კონკრეტულ ვითარებაში, რაჭული სახლის პირველ ტერასაზე გზასთან ახლოს დადგამ მდგომარეობა გაართულა. ეს სახლი ან მეორე ტერასაზე უნდა იქნეს გადატანილი ან სხვა რაიმე გამოსავალი უნდა გამოიხანოს.

საერთოდ, რაქისათვის განზრახულია სამი სახლი და კარმიდამო, ამდენივე უნდა დაეთმოს ლეჩხუმს. ვინაიდან ქვემო რაჭა და ლეჩხუმი დასახლების ტიპითა და ნაგებობების კომპლექსით ერთმანეთისაგან ბევრად არ განსხვავდება, დასაშვებად მიგვაჩნია ამ ორი კუთხის ერთად ასახვა.

ამჟამად ერთი სახლი უკვე დგას, კარგი იქნება თუ მოეწყობა ტერასული კარმიდამო. ვინაიდან შუასახლი, რომელსაც „საჯალაბო სახლსაც“ ეძახდნენ, აუცილებელი ელემენტი იყო ძლიერი თავადისა და აზნაურის ეზოსათვის (შიგ შინაყმები ცხოვრობდნენ), მას ჩვეულებრივ, „შაე ეზოში“ აშენებდნენ. ამრიგად, თუ პირველ ტერასს შაე ეზოდ ჩავთვლით, შეიძლება შუასახლი იქ დარჩეს, რღონდ მეორე ტერასზე უნდა აიგოს „სათაუადო სახლი“, რომლის შესაბამისად განლაგდება სამეურნეო ნაგებობანი. ბოსელი და მარანი ძველად მიღებული წესის თანახმად შუასახლთან პირველ ტერასზე იქნება, ხოლო მათი მეორე სართულები (საბძელი, მარნის ოთახი ბედელი) — მეორე ტერასზე.

გარდა ამისა, თუ ზემოთ თქმული პრაქტიკულად განხორციელდება „სათაუადო სახლის“ კომპლექსში შუასახლის მოქცევით მუზეუმის ექსპოზიციას შეემატება თვალსაჩინო სოციალური ელემენტი. ამასთანავე, შესაძლებლობა გვექნება ავსავთ სრულყოფილი მარანი, სადაც განლაგდება რაჭა-ლეჩხუმის ყოფაში ჯერ კიდევ შემონახული, გასაოცარი სიდიდის, ასი—ასორმოცდაათი ფუთის გამომავალი, მთლიანი ხის საწნახელები, რითაც ხაზი გაესმება ხალხურ მეღვინეობის მაღალ დონეს. ასევე თვალსაჩინო გახდება დანარ-

ჩენი შრამულ-ბურულები: საბძელ-ბოსელი, ბელელი და სხვ. სხვა-თა შორის, სოფ. გოგოლათში (ამბროლაურის რაიონი) ახლაც მოიპოვება თხილის მასიური ფიკრებისაგან ნაგები საუკეთესო ბელები.

ერთი ან ორი სახლი და კარმიდამო უნდა დაეთმოს გამლილ ეზოებს, სადაც ყველა ნაგებობა პორიზონტალურ კრილში იქნება წარმოდგენილი. სულ ზემოთ, „სვანეთისაკენ“ გარდამავალ ზოლში აშენდება მთის რაჰისათვის დამახასიათებელი ქვისდუროიანი სახლი და „სასტუმრო სახლი“ თავისი მცირე ეზო-კარით და სამეურნეო ნაგებობა — „მაჩათი“. აქვე უნდა მოეწყოს სოფლის მოედანი წყაროთი და „სანახშოთი“. სანახშოსთან მგზავრი ძელებით მოგებული გზით უნდა მივიდეს.

რაჰის ძველი სოფლებისათვის მეტად სპეციფიკური იყო აგრეთვე ე. წ. „საფერციხო“ („საფერხისო“) — კალოსმაგვარი, შერჩეული ადგილი სოფლის შუაგულში, სადაც „ღიანწვლებზე“ (რიტუალურ დღესასწაულებზე) ფერხულს — „ფერხისას“ ჩააბამდნენ. კიდევ, მუზეუმის ექსპოზიციის აუცილებლად უნდა ითვალისწინებდეს საკულტო ადგილებს (წმინდა ხეების კორომები, ნიშები და სხვ.), რომელთა გარეშე შეუძლებელია ძველი ქართული სოფლის სპეციფიკის ჩვენება.

ჩვენი აზრით, თითოეული კარმიდამოს, ნაგებობის და სხვათა გეგმა არქიტექტურულ-ეთნოგრაფიული თვალსაზრისით დეტალურად უნდა დამუშავდეს.

რაჭა-ლეჩხუმისათვის გამოყოფილი ადგილის გვერდით, ხევში სასურველია აიგოს აღნიშნულ კუთხეებში გავრცელებული ორი ტიპის წისქვილი: „დოლაბი“ და „ბუქულა“. დოლაბი დიდი, სამინდო წისქვილია ორი-სამი თვლით და ღარებით, ბუქულა „ერთი მეკომურის“ პატარა წისქვილია „მოღირღიტე ობოლა თვლით“ და ხის ან ქვის კოდით (ლეჩხ. „გვიმით“). სასურველია ღარიანი, ხისა და ქვისკოდისანი წისქვილები ცალ-ცალკე აიგოს. შესაძლოა აქვე მოეწყოს მექანიკური საფრთხობელაც.

არ უნდა დავივიწყოთ რაჭა-ლეჩხუმში ძალიან გავრცელებული ძველი წესი ძელებით გზის მოპირკეთება, აგრეთვე ფერდობის დაცვის ხალხური საშუალებანი. ამასთანავე, ასახული უნდა იქნეს „მთიელთა მევენახეობისა“ და მესაქონლეობის თავისებურებანი. რაჭა-ლეჩხუმის მთის სოფლებს მასიურად ჰქონდათ ბარად ვენახები და მარნები. მთის რაჰისათვის აგრეთვე დამახასიათებელი იყო სუბალპურ ზოლში ქოხ-ბოსლის დადგმა და ზამთრობით იქ საქონლის გამოკვება. მეურნეობის აღნიშნულ ფორმებს შეესაბამებოდა შრომის

ორგანიზაციის თავისებური სისტემა, რაც თავის მხრივ, ოჯახთა სეგმენტაციას და საბოლოო ჯამში ახალი სოფლის წარმოქმნას აპირებებდა (შდრ. სვანური „ლაბავი“ და გურული „აგვართა“).

„მთიელთა“ ვენახისა და მარნისათვის შესაფერის ადგილად მიგვაჩნია რაჭული შუასახლის ქვემოთ, გზასთან მდებარე მონაკვეთი, ხოლო მესაქონლეთა ქოხ-ბოსლისა და ქართასათვის ადგილი შესარჩევია.

მხედველობიდან არ უნდა გამოგვრჩეს „კაროკალი“ (გურული „სათაღრო კარი“), რომელიც ყანა-ვენახებისა და სათიბებისაკენ მიმავალ გზას კეტავს. ლეჩხუმში ასეთ ჭიშკარს მექანიკურ საკეტს უწყობენ: დაასობენ ელასტიურ სარს ან ახლოს ამოსულ ჩქოლა ხის კენწეროს მოშვილდავენ და ჭიშკრის თავზე გამოაბამენ, იგი კარს გაღებისთანავე დახურავს.

ვინაიდან რაჭამ სოფელ წედისში ყველა კუთხეზე გვიან, XX ს. დასაწყისამდე, შემოინახა რკინის მადნის მოპოვებისა და დნობის ძველხალხური წესები, მიზანშეწონილად მიგვაჩნია ღია ცის ქვეშ მუზეუმში გაკეთდეს წედისური მალაროები და ბრძმელები, იქვე აიგოს ძველებური სამკვედლო.

ასეთია ქართული ხალხური ხუროთმოძღვრებისა და ყოფის მუზეუმში რაჭა-ლეჩხუმის წარმოჩენისათვის საჭირო ეთნოგრაფიული მასალის ზოგადი მონახაზი. ვიმედოვნებთ, ეს მასალა შემდგომ კიდევ შეივსება, დაკონკრეტდება და საფუძვლად დაედება ამ კუთხეთა ამსახველ ექსპოზიციას.

დასახლების ტიპი შედარებით სრულყოფილადაა შესწავლილი სვანეთში, მთიულეთსა და იმერეთში. რა თქმა უნდა, ღია ცის ქვეშ მუზეუმის მშენებლობის პროცესში ყველა მეცნიერული მონაცემი გათვალისწინებული იქნება. აგრეთვე ამ თვალთახედვით უსათუოდ უნდა იქნეს მოპოვებული რაც შეიძლება მდიდარი ეთნოგრაფიული მასალა. ბუნებრივია, ასეთი მუშაობის შედეგად ნაკლს მინიმუმამდე დავიყვანთ.

§ 2. ეთნოგრაფიული მუშაობა მხარეთმცოდნეობის, მემორიალურ და სასაოლო მუზეუმებში

მხარეთმცოდნეობის მუზეუმი კომპლექსური ხასიათის სამეცნიერო-კულტურული დაწესებულებაა, სადაც თავს იყრის მოცემული მხარისათვის დამახასიათებელი ისტორიული სიძველეები, ბუნების ამსახველი ექსპონატები, რევოლუციური რელიკვიები, ადგილობრივი, გამოჩენილი ადამიანების მემორიალური მასალები, ახალი ყოფის რეალიები და სხვა [146; 147; 183; 148; 135; 144; 187].

ისტორიულ სიძველეებში შედის არქეოლოგიური და ეთნოგრაფიული მასალები, წერილობითი და არქიტექტურული ძეგლები. არქეოლოგიას, უპირველეს ყოვლისა, აინტერესებს კაცობრიობის უძველესი ხანის (პალეოლითის — ძველი ქვის ხანა, ნეოლითის — ახალი ქვის ხანა, ბრინჯაოს და რკინის ხანა) ამსახველი მატერიალური კულტურის მონაცემები [129; 3; 4; 39], რომელიც, ჩვეულებრივ, მიწაშია ჩაფლული და მისი მოპოვება, ე. ი. გათხრების წარმოება, ნებადართულია მხოლოდ სპეციალისტთათვის. მაგრამ მიწის სამუშაოების ჩატარების დროს, ხშირად ადგილი აქვს შემთხვევით არქეოლოგიურ აღმოჩენებს, რადგან ჩვენი უძველესი, ისტორიული მიწა უამრავ განძს ინახავს. სამწუხაროდ, ნაპოვნ ნივთთა მხოლოდ მცირე ნაწილი აღწევს სამეცნიერო კერებამდე, ხოლო უმეტესობა იკარგება ანდა მოსახლეობაშია გაბნეული, გამოყენებულია სამკაულებად, ქურჭლად და სხვა უტილიტარული მიზნით. სხვათა შორის, ამჯერად, არქეოლოგიური ნივთი ეთნოგრაფიის კვლევის სფეროში ხვდება და სწორედ ამ დარგის მუშაკთა მოვალეობაა მისი გამოვლენა და მუზეუმში დაუნჯება.

საერთოდ, ეთნოგრაფიის ინტერესთა არე ფართოა და მთელი მატერიალური და სულიერი კულტურის ელემენტთა ფიქსაციას ითვალისწინებს [157; 69; 92; 60; 75]. ისე არასდროს არ ყოფილა საველე-შემგროვებლობითი მუშაობა საჭირო, როგორც დღეს. თანამედროვე ქალაქმა და სოფელმა სწრაფად იცვალა სახე. ყოფიდან ქრება დასახლების ძველი სტრუქტურა, ნაგებობანი, ავეჯი, ქურჭელი, კოსტუმი, ქსოვილები, საბეურნეო იარაღები და სხვა მრავალი. დღეს მოზარდმა უკვე აღარ იცის სახვნელი და კვერი რა არის, ბუნდოვანი წარმოდგენა აქვს ტრანსპორტის ძველ საშუალებებზედაც. გავა ათიოდე წელი და სოფლად უკვე ვეღარ ვიპოვით დიდ გუთანს, სახვნელს. სადღაა ჭაჭის საწნეხი წბერ-ჭახრაკები, სამთო და საბარო ურმებიც თითზე ჩამოსათვლელია. რა თქმა უნდა, ეამთა სვლას და ცივილიზაციის განვითარებას თავისი გზა-კვალი აქვს, ყოფიდან ის ქრება, რაც უკვე საჭირო აღარ არის. ეს უტილიტარული თვალსაზრისით, მაგრამ ყოველ ეთნოგრაფიულ ნივთს უდიდესი მეცნიერულ-ისტორიული ღირებულება ენიჭება და რაც დრო გავა, მით უფრო ფასდაუდებელი გახდება. რესპუბლიკურ მუზეუმებს არ ძალუძთ ყველა რაიონს და მით უმეტეს, სოფელს მიხედონ. ეთნოგრაფიულ ექსპონატთა შენახვის საშვილიშვილო საქმე, პირველ რიგში, მხარეთმცოდნეობის მუზეუმებმა უნდა იკისრონ. სამწუხაროდ, გამოწკლისს გარდა, ადგილობრივი მუზეუმების მესვეურნი ეთნოგრაფიას ნაკლებ ყურადღებას უთმობენ. ჯერ კიდევ მოუგვარებელია

ეთნოგრაფიულ ნიეთთა გამოვლენის, აღრიცხვისა და დაცვის საქმე [60; 129]. ამ მდგომარეობას ისიც უწყობს ხელს, რომ დღემდე დაუდგენელია ეთნოგრაფიულ ძეგლთა რაობა. შეიძლება პირდაპირ ითქვას, რაიონულს კი არა რესპუბლიკურ მუზეუმებსაც არ გააჩნიათ სრულყოფილი ინსტრუქცია, სადაც განსაზღვრული იქნება რა ეთნოგრაფიული ნიეთი შეიძლება ჩაითვალოს სამუზეუმო ღირსების ექსპონატად. ამ საქმეში ზოგჯერ ინტუიციას უფრო ვეყრდნობით, ვიდრე მყარ, მეცნიერულ კრიტერიუმს.

მხარეთმცოდნეობის მუზეუმის კვლევა-ძიების მასშტაბი მეტად მრავალმხრივია [44; 172; 176] და, ჰუმანიტარულს გარდა, ბუნების შემსწავლელ მეცნიერებებს ითვალისწინებს [142]. ამიტომ სათანადო სიფრთხილეა საჭირო, რომ იაფფასიან დილექტანტიზმამდე არ დავეშვათ. მაგრამ ეთნოგრაფიულ მუშაობაში ამოსავალია თვით ხალხი. აქედან გამომდინარე, ეთნოგრაფიას უპირველესად აინტერესებს ხალხის თვლით დანახული და განცდილი ესა თუ ის მოვლენა, ბუნებისმიერია ის, თუ ცხოვრებისეული. ამის გათვალისწინების შედეგად, ყამირში ხნული ადვილად გაივლება.

რაც შეეხება მემორიალურ მუზეუმებს, მათთვის ეთნოგრაფია სასიცოცხლო აუცილებლობაა. ის გარემო, ყოფის დეტალები, სადაც ამა თუ იმ გამოჩენილი პიროვნების აღზრდა-ჩამოყალიბება მოხდა, ძირითადად, ეთნოგრაფიის კვლევის სარბიელია, მაშასადამე მემორიალური მუზეუმის შექმნა ან უკვე შექმნილის შესაბამისი ექსპოზიციის მოწყობა სპეციალისტ ეთნოგრაფთა გარეშე არ უნდა ხდებოდეს.

ბორის ძნელაძის სახელობის თბილისის პიონერთა სასახლის ინიციატივით და მხარდაჭერით მრავალი სასკოლო მუზეუმი ჩამოყალიბდა და მოქმედებს. ამათგან საყოველთაო აღიარება ჰპოვა ქორეთის (საჩხერის რაიონი), ჩხარის (თერჯოლის რაიონი), გომბორის (საგარეჯოს რაიონი), აბარის (ამბროლაურის რაიონი) და სხვა მუზეუმებმა [142].

გამოცდილი პედაგოგების თაოსნობით და ხელმძღვანელობით მოსწავლეები ექსპონატებს აგროვებენ და სასკოლო მუზეუმში აუნჩებენ. თითქოს, ერთი შეხედვით, ყველაფერი რიგზეა და სასარგებლო საქმე კეთდება, მაგრამ აქაც არის ერთგვარი შუქ-ჩრდილები. ზოგჯერ სამუზეუმო ინსტრუქციით გათვალისწინებული პირობების უქონლობის გამო, ექსპონატებს დალუპვის საფრთხე ემუქრება. ხშირად იგრძნობა არქეოლოგიური ნიეთების შეგროვებით გატაცება და ხანდახან ადგილი აქვს თვითნებურ გათხრებსაც. როგორც წესი, მუზეუმის დაარსების ინიციატორები ენთუზიასტები

არიან, თუკი ენთუზიაზმა გაიარა, ნიეთები უპატრონოდ რჩება და ნადგურდება კიდევ, რისი ფაქტებიც არქეოლოგმა გურამ ლორთქიფანიძემ გურიაში საკმაოდ გამოავლინა [51]. ყოველივე ეს იმის მაუწყებელია, რომ სასკოლო მუზეუმების ორგანიზაციის საქმე მთლად რიგზე ვერ არის. ეს საკითხი შემდგომ შესწავლას და რესპუბლიკური მასშტაბით საერთო ღონისძიებების გატარებას საჭიროებს.

ჩვენი აზრით, სასკოლო მუზეუმი, უპირველეს ყოვლისა, სწავლების, თვალსაჩინოების მიზნებს უნდა ემსახურებოდეს და არა სამეცნიერო-კვლევითს. თავისთავად აქ ცუდი არაფერია, მაგრამ ადგილზე ამის შესაძლებლობა იშვიათადაა. სასკოლო მუზეუმში კოლექციების აღრიცხვის და დაცვის საქმეც მოიკოჭლებს. მეცნიერულ დონეზე არ ხორციელდება, აღწერას რომ თავი დაეანებოთ, ნიეთების პასპორტიზაციაც. ბევრ სკოლაში ამისათვის არც სათანადო სპეციალისტები მოიპოვებიან და არც ბაზა გააჩნიათ. ასეთ პირობებში წესდებით დაუშვებელია სამეცნიერო ღირებულების ექსპონატები, მითუმეტეს ორიგინალები, სასკოლო მუზეუმებში ინახებოდეს. ჩვეულებრივ, სასკოლო მუზეუმი მხარეთმცოდნეობის ან რესპუბლიკური მუზეუმის ფილიალი უნდა იყოს და ძირითადად ასლებით — მულაჟებით კომპლექტდებოდეს. მაგრამ ეს იმას არ ნიშნავს, რომ სასკოლო მუზეუმმა თავის სამოქმედო რეგიონში ექსპონატების მოძიება არ აწარმოოს, პირიქით, ეს საქმიანობა უნდა გაიხადოს მოქმედების უმთავრეს მიზნად, ოღონდ სპეციალისტთა ზედამხედველობით და მითითებით. მაგალითად, შიშის ზედაპირზე მოხვედრილი არქეოლოგიური მასალას დამცველი და შემგროვებელი, პირველ რიგში, სასკოლო მუზეუმი უნდა იყოს. განსაკუთრებით სიფხიზლე და მონღოლებმა საჭირო ეთნოგრაფიული ნიეთების, შინახელოსნობის და გამოყენებითი ხელოვნების კერების, კერძო პირთა ხელთ მოხვედრილი წერილობითი ძეგლების და სხვათა გადაჩენისათვის. ამ საშვილიშვილო საქმეში სასკოლო მუზეუმს შეუძლია ფასდაუდებელი სამსახური გაუწიოს მეცნიერებას. სკოლის კოლექტივმა ხომ შესანიშნავად იცის თავის სამოქმედო მიკრორაიონში რა ხდება. ამიტომ სკოლა არ უნდა დარჩეს მუზეუმის გარეშე და არც ერთი სასკოლო მუზეუმი მოკლებული არ უნდა იყოს შეფობას — მეცნიერულ ხელმძღვანელობას. ამჯერად სიტყვას აღარ გავაგრძელებთ იმის თაობაზე, თუ რა კულტურულ-აღმზრდევლობითი მნიშვნელობა აქვს ასეთ შემოქმედებით კავშირს. სწავლებაში კმედითი თვალსაჩინოების დანერგვაც ამ გზით არის ეფექტური და სასურველი შედეგის მომტანი.

ვიმედოვნებთ, საქართველოს სსრ განათლების სამინისტრო, კულტურის სამინისტრო და საქართველოს მეცნიერებათა აკადემია ერთობლივ ღონისძიებებს გაატარებენ, რათა სასკოლო მუზეუმის მუშაობა უკეთ წარიმართოს.

საზოგადოდ, გათვალისწინებული უნდა იქნეს, რომ მუზეუმი მხოლოდ ძველი ნივთების საცავი კი არ არის, არამედ უპირატესად თანამედროვე დაწესებულებაა [136, 178]. მას წმინდა ისტორიულ-მეცნიერული მისიის გარდა, დიდი პრაქტიკული მნიშვნელობა ენიჭება. ის არის ახალგაზრდობის აღზრდის კერა, თვალსაჩინო სწავლების საფუძველთა-საფუძველი, რესპუბლიკის თუ რაიონის კულტურული ცხოვრების ერთ-ერთი ორგანიზატორი. კარგ მუზეუმში შეპირისპირებითაა გადმოცემული ძველი და ახალი ყოფა, ჩანს დადებით ტრადიციათა უწყვეტობა, დრომოკმულის წინააღმდეგ ბრძოლა. მხარეთმცოდნეობის თუ სასკოლო მუზეუმი — ეს რეალური სახეა რაიონისა, სკოლისა, მათი წარსულის, აწმყოსი და მყოფადისა. მუზეუმს წამახალისებლის როლიც აკისრია. ისტორიულ პირთა გვერდით, იქ ფართოდ უნდა დაეთმოს ადგილი ჩვენს დამკვრელ მუშებს, კოლმეურნეებს, პედაგოგებს, მოსწავლეებს, საერთოდ ინტელიგენციის საუკეთესო წარმომადგენლებს. თანამედროვე დონეზე მოწყობილი მუზეუმი ათეიზმისა და ანტირელიგიური ბრძოლის მძლავრი კერაა. მეცნიერების მიღწევების პროპაგანდა, მასების იდეური წრთობა, ხალხთა მეგობრობისა და ინტერნაციონალიზმის სულისკვეთების გაღვივება — აი, პრინციპები, რომელთაც უნდა ემსახურებოდეს ყოველი მუზეუმი.

§ 3. ეთნოგრაფიული ძეგლები

მატერიალური კულტურის ძეგლები ისტორიის უტყუარი წყაროა. ისინი რეალურად განსაზღვრავენ ერის ნიჭიერებას და შემოქმედებით პოტენციას. ვისაც საქართველო მოუვლია და უხილავს თვალშეუდგამი ციხე-კოშკები, ბარელიეფებითა და ჩუქურთმებით ნაქარგი ტაძრები, მათათა ფერდობებზე, მუქმწვანე ხეობებში თვალმარგალიტებივით ჩასმული სოფლები, შეუძლებელია წინაპართა მიმართ მოკრძალებითა და პატივისცემით არ გაიმსჭვალოს. რა ძალა, რა ენერჯია, შენებისადმი რა დაუოკებელი ლტოლვა ჰქონიათ მათ. დგანან ძველ, სწორუპოვარ ოსტატთა უბადლო ქმნილებანი და დაზინებული დუმილით ჩვენგან. დაცვა-შესწავლას მოითხოვენ. და განა მარტო ციხეს ან ეკლესიას სჭირდება სითბო და ყუ-

რადღება, არამედ თითოეულ ქვას, ძელს, რომელსაც კი კაცის ნახელაფი და შრომის კვალი ატყვია.

საერთოდ, „მატერიალური კულტურის ძეგლები“ ფართო ცნებაა. აქ შედის როგორც სახელმწიფოებრივი არქიტექტურის ნიმუშები, ისე ეთნოგრაფიულად საინტერესო ნაგებობანი და ნივთები, რომელთა გამოვლენა-აღრიცხვა-დაცვისათვის, ჯერჯერობით, ნაკლებად ვზრუნავთ. ამის გამო განუკითხავად იკარგება ეროვნული ისტორიისათვის მეტად ძვირფასი განძი. საქმე იმითაც რთულდება, რომ ეთნოგრაფიული ძეგლები, ძირითადად, კერძო პირთა ხელშია და ზოგიერთმა არც კი იცის მათი მნიშვნელობა.

ეთნოგრაფიული ნივთის შექმნაში ჩაქსოვილია მწარმოებლის შესაძლებლობა — განპირობებული მისივე განვითარების დონით. მაგალითად, „რაჭული სახენელი“ სახენელ იარაღთა შორის ერთ-ერთი ყველაზე სრულქმნილია. ახლა ბევრს ღიმილს გვრის ჩოჩი-ალა ურემი, მაგრამ თავის დროზე ის ხალხური ტექნიკის თვალსაჩინო მიღწევა იყო, რადგან ძირს დაშვებული ფრჩხილეებითა და უღელზე ელასტიური გადაბმით იდეალურად ეგუებოდა მთიან რელიეფს. ხალხური ტექნიკური აზროვნების კარგ ნიმუშს წარმოადგენს ჭაჭის საწნები ჭახრაკიანი „წბერი“ — „საქაჭავი“. მაშასადამე, სახენელი, ურემი, წბერი ეთნოგრაფიული ძეგლებია. წარსულში ხალხი რასაც თავისი ხელით აკეთებდა და იყენებდა, დღეისათვის ყველაფერი ეთნოგრაფიულ ძეგლადაც ქცეული, სახელდობრ, საცხოვრებელი და სამეურნეო ნაგებობანი, ავეჯი, იარაღ-ჭურჭელი, ქსოვილები, ტანსაცმელი, რიტუალური ნივთები და სხვა.

არქიტექტორმა თ. კვირკველიამ ქართული მკითხველისათვის ხელმისაწვდომი გახადა „იუნესკოსთან“ არსებული ძეგლთა დაცვის ორგანიზაციის მიერ ვენეციაში 1964 წ. მოწვეულ მეორე საერთაშორისო კონგრესზე შემუშავებული დოკუმენტის — „ვენეციური ქარტიის“ მონაცემები, ჩვენს რესპუბლიკაში ამ თვალსაზრისით არსებულ მდგომარეობასთან შეპირისპირებით. ქარტია გვაძეგნობს:

ა) „ძეგლის ცნების განსაზღვრა გულისხმობს ყოველგვარ ობიექტს, რომელიც ინტერესს წარმოადგენს არქეოლოგიური, ესთეტიკური და ეთნოგრაფიული თვალსაზრისით. ეს განსაზღვრა ითვალისწინებს აგრეთვე ძეგლის ტერიტორიაზე ნაპოვნ „საგნებს“.

ბ) „ღირშესანიშნავი ადგილის განსაზღვრა გულისხმობს ბუნების, ადამიანის ან ბუნებისა და ადამიანის მიერ ერთად შექმნილი ობიექტების ერთობლიობას, რომელთა დაცვას საზოგადოებრივი მნიშვნელობა აქვს“.

ქართია დალადებს: „ისტორიული ძეგლის ცნება გულისხმობს ცალკეული არქიტექტურული ნაგებობის და აგრეთვე ქალაქისა და სოფლის მთელ კომპლექსებს, დაკავშირებულთ განსაზღვრულ კულტურასთან, ფაქტთან ან ისტორიულ მოვლენასთან. ეს ცნება მოიცავს არა მარტო ღირშესანიშნავ, გამოჩენილ ძეგლს, არამედ გაცილებით შეუმჩნეველს, მოკრძალებულს, რომელიც მომავალში მნიშვნელოვან კულტურულ ღირებულებას შეიძენს“ („ძეგლის მეგობარი“, № 36, 1974, გვ. 5, 6).

სწორედ ასეთი ბუნებისაა ეთნოგრაფიული ძეგლები, რომელთაც ახლა ხშირად ვერც ვამჩნევთ, ორიოდ წლს შემდეგ კი სანთლით საძებარი გახდება.

ლ. ი. ბრეჟნევიმ სკკპ XXV ყრილობის მაღალი ტრიბუნიდან ხაზგასმით აღნიშნა: „ძალიან კარგია, რომ ახლა გვაქვს იურიდიულად დასაბუთებული ნორმები, რომლებიც შესაძლებლობას გვაძლევს მიზანდასახულად ვაწარმოთ მუშაობა ბუნების დასაცავად“ („კომუნისტი“, 25 თებერვალი, 1975, გვ. 8).

მშობლიურ ბუნებას უხსოვარი დროიდან შეერწყა და მის მშვენიერად იქცა მატერიალური კულტურის ძეგლები, სადაც ჩაქსოვილია ხალხის შემოქმედებითი გენია. ამრიგად, ბუნების დაცვის გლობალური პრობლემა თავისთავად გულისხმობს ისტორიული რელიკვიების მოვლა-პარტრონობასაც, რაც ამომწურავად აისახა უმნიშვნელოვანეს დოკუმენტში—„კანონი საბჭოთა სოციალისტური რესპუბლიკების კავშირისა ისტორიისა და კულტურის ძეგლთა დაცვისა და გამოყენების შესახებ“ [37; 38]. ხალხის ისტორიაზე ზრუნვის ამ ნათელი პროგრამით ძეგლთა დაცვის საქმეში ახალი ხანა დაიწყო.

აკად. გ. ჩიტაიას კლასიფიკაციით ეთნოგრაფიული ძეგლები ორი რიგისაა [150, 42]: ადგილზე დასაცავი (ეთნოგრაფიული ნიშან-თვისებების მატარებელი — ქალაქი, სოფელი, უბანი, ქუჩა, კარმიდამო, ნაგებობა და ა. შ.) და მუზეუმში გადმოსატანი (ნაგებობანი, უმეტესად ხისა, საყოფაცხოვრებო თუ სხვა დანიშნულების ნივთები). პირველი რიგის ძეგლები ეთნოგრაფიულ ნაკრძალთა კატეგორიას განეკუთვნებიან, ხოლო მეორეთაგან მუზეუმებში დასაუნჯებელი ექსპონატები შეირჩევა.

ეთნოგრაფიული ძეგლების გამოვლენა იოლი არ არის და ამ საქმეში სათანადო მეცნიერული აღლოა საჭირო. ყოველი ნაგებობა და ნივთი, როგორი გარეგნული ბრწყინვალეა არ უნდა ჰქონდეს მას, ყოფის მახასიათებელ ნიშნად არ გამოდგება. უპირველეს ყოვლისა, უნდა განისაზღვროს რამდენად ტიპურია იგი მოცემული

რეგიონისათვის, რომელ ეთნიკურ სამყაროს განეკუთვნება და არის თუ არა ადგილობრივ ნიადაგზე აღმოცენებული. ამგვარად, ეთნოგრაფიულ ნივთთა შემკრები ერთდირებული და გამოცდილი პიროვნება უნდა იყოს, რათა საველე პირობებში, როგორც იტყვიან — „ერთი თვალის გადავლებით“, შეძლოს ამოიცნოს სამუწეუმოდ ვარჯისი ექსპონატის ღირსება.

საერთოდ, კოლექციების შეგროვებას სპორადული ხასიათი აქვს. როგორც წესი, თითოეული მეცნიერი მუშაკი ცდილობს მოიპოვოს თავის საკვლევ თემასთან დაკავშირებული ნივთიერი მასალა, ხოლო სხვა დანარჩენს ნაკლებ ყურადღებას უთმობენ. ეს დაღს ასევე როგორც სამუზეუმო ფონდების შევსების საქმეს, ისე ეთნოგრაფიულ ძეგლთა აღრიცხვას და დაცვას. არ შეიძლება არ ვალიაოთ, რომ მუზეუმების მესვეურები კოლექციების გამოსავლენად იშვიათად აწყობენ სრულყოფილად ორგანიზებულ სამეცნიერო ექსპედიციებს, ამიტომ ზოგჯერ სარბიელი განძის მძიებლებსა და კერძო კოლექციონერებს რჩებათ. ისინი ხშირად საეპკო რეპუტაციისანი არიან და მათი ინიციატივა უმთავრესად ანგარებაზეა დამყარებული.

კოლექციების შემძენი საგანგებო ექსპედიციები იშვიათია, თან მცირერიცხოვანი და მოკლევადიანია. მთელი ყურადღება გადატანილია მთხრობელთაგან მასალის ჩაწერაზე, ნივთები კი მეტწილად უყურადღებოდ რჩება. ექსპონატების შესაძენი თანხაც უმნიშვნელო რაოდენობითაა გამოყოფილი. გამონაკლისს წარმოადგენს საქართველოს სახელმწიფო მუზეუმის 1972—1976 წწ. სვანეთის სამეცნიერო-კომპლექსური ექსპედიცია, რომელშიც მონაწილეობდნენ ეთნოგრაფები, არქეოლოგები და ხელოვნებათმცოდნეები (ხელმძღვანელი მ. ჩართოლანი). დიდი სამუშაოები ჩატარდა ზემო სვანეთის ეკლესიებში შემონახული ნივთების აღწერა-დაცვის-თვის. ასეთი ღონისძიების გატარების შედეგად ფასდაუდებელი განძი იქნა გადაარჩენილი, რომლის ისტორიული მნიშვნელობა ეროვნულ საზღვრებს სცილდება [72].

მსგავსი ექსპედიციები უნდა მოეწყოს საქართველოს ყველა კუთხეში და გადაქარბებული არ იქნება ამ თვალთახედვით მარტო ეკლესიებს კი არა ცალკეულ ოჯახებსაც თუ შევისწავლით. მხოლოდ ასეთი საშუალებით შეიძლება ხალხური საუნჯის შთამომავლობისათვის შემონახვა.

დაინტერესებულმა პირებმა საველე მუშაობის დროს უნდა გაითვალისწინონ შემდეგი: ზოგიერთი კულტურის ელემენტი, ემპირიული მიგნების შედეგად, განსაზღვრულ გეოგრაფიულ გარემოშია

დამკვიდრებული და ხანგრძლივად მიჩენილი ლოკალური ფარგლებების გარეშე ნაკლებ ეფექტს იძლევა. თუნდაც მისი მატარებელი მოსახლეობა ამოწყდეს, ის მაინც ადგილზე რჩება და მოსულთ ძალაუნებურად თავს აათვისებინებს. მაგალითად, გაირკვა, რომ ქვემო ქართლში უცხოტომელნი, დაეუფლნენ რა ქართულ ნასოფლარებს, იძულებულნი გახდნენ კულტურის ადგილობრივი რეალიები მიეღოთ [9; 63; 84]. მაღალგანვითარებული საწარმოო ყოფა, თუგინდ ნაშთად ქცეული, მაინც ზეგავლენის ქვეშ მოიქცევის მოსულთ. და ვინ იცის, რამდენი ცდა, თავისტეხვა და დავიდარაბა დასჭირდათ ახალბედებს, რათა გამჭრალი მოსახლეობის მიღწევანი შეეცნოთ და პრაქტიკულად გამოეყენებინათ. ამისი ცოცხალი დადასტურება აკად. ნ. ბერძენიშვილს მოეპოვება თავისი „ბორჯომის ხეობის დღიურში“ [12].

ამრიგად, მატერიალური კულტურის მკვლევარმა და მით უმეტეს სამუზეუმო კოლექციების მამიებელმა გვერდი არ უნდა აუაროს საქართველოში მცხოვრებ სხვა ხალხებს. შესაძლოა მათთან ქართული კულტურის მახასიათებელი უფრო ძველი ელემენტიც კი აღმოჩნდეს, უშუალოდ მიწისქვეშეთიდან ან ნანგრევებიდან აღებულნი.

ჩვენი ქვეყნისათვის დამახასიათებელია მკვეთრად გამოხატული ზონალობა: მთა, მთისძირი ანუ ფერდა და ამათ შორის არსებული ბარი. რელიეფი დასერილია მრავალი ხეობით, რომელთაგან ზოგი სიგრძით, ხოლო ზოგი ვერტიკალური მიმართულებით არიან მცირე კავკასიონის ქედებთან. თვითეულ ძირითად ზოლს თვით მაღალმთიანეთშიც კი საკუთარ წილშივე მოეპოვება თავისი „ბარი“, „ფერდა“ და „მთა“. მაშასადამე: მთავარი დაყოფის ძირითადი მაჩვენებელი მცირე რაიონის (მიკრორაიონის) ფარგლებშიც მკლავნდება. მაგალითად, ბარისათვის ტიპიურია: „დიდი გუთანი 7—8 უღელი ხარით, დიდი მოდგამი, დიდი ქვეერი, დიდი გელაზი, დიდი ბარული ურემი; კვერი, ხოლო მთისათვის — აჩაჩა სახენელი ერთი უღელი ხარით, მოძრავი საქონლის ფეხით ლეწვა; ფერდაში ორხელა სახენელი 2—3 უღელი ქარით, ჩოჩიალა ურემი და ბოლოთრია, მოდგამი და სხვა. ნაგებობების მხრივ მკვეთრად გამოირჩევა: მთისათვის — ვერტიკალური განზომილებით ერთპერქვეშ მოქცეული შენობა, რომელშიც მოცემულია როგორც ადამიანის საცხოვრებელი, ისე საქონლის სადგომი, როგორც ადამიანის, ისე საქონლის მარაგის სათავსოები, ხოლო ბარში ნაგებობანი ჰორიზონტალურ განზომილებაშია მოცემული — ცალკე ნაგებობა ცალკე სახურავით თვითეული დანიშნულების შენობისათვის. რაც შეეხება გარდამავალ

ზოლს, აქ უპირატესად ნარევი ტიპის ნაგებობებთან გვაქვს საქმე“ [98].

ყოველივე ამასთან ერთად საველე მუშაქს წარმოდგენა უნდა ჰქონდეს დასახლების ტიპსა და კარმიდამოთა სტრუქტურაზე; იცოდეს ამა თუ იმ კუთხის საცხოვრებელ და სამეურნეო ნაგებობათა თავისებურებანი, მეურნეობის და საზოგადოდ, საწარმოო ყოფას სპეციფიკა; მხედველობიდან არ უნდა გამოჩნდეს ეზოებისა და სავარგულთა შემოკაეების საშუალებანი, აგრეთვე მიწნები, სამანები, კიშკრები, სოფლის თავშეყრის (საერობო; საფეხვნო, სანახშო და სხვ.) და საკულტო ადგილები ნაგებობებით თუ მოწყობილობით; ისტორიულ-არქიტექტურული ძეგლები (ტაძრები, ციხე-კოშკები, სასახლეები და სხვ.), რომლებიც გარკვეულ ზეგავლენას ახლენენ მახლობლად მცხოვრებთა ფსიქოლოგიასა და ყოფაზე. მაგალითად, წრომის ტაძრის კონსტრუქციები დამკვიდრებულია ხაშურის რაიონის მცხოვრებთა საფლავის ქვებზე, ნიკორწმინდის ბარელიეფების და ჩუქურთმების მიბაძვას ნახავთ რაქულ სახლებსა და კრშკრებზე. ამ გზით ისტორიული ძეგლი ეთნოგრაფიული კვლევის სფეროში შემოდის, რაც უსათუოდ გასათვალისწინებელია.

თანამედროვე ქართულ სოფელში ამჟამად მასიურად დამკვიდრდა რკინა-ბეტონით, აგურით ან ქვით ნაგები ე. წ. „ქალაქური სახლი“, ხოლო ძველი კოლორიტული ნაგებობანი იშვიათი გახდა, მაგრამ აქა-იქ ჭერ კიდევ შენარჩუნებულია მიწურბანიანი და ერდოიან-გვირგვინიანი სახლი [99; 100], დარბაზი, შუასახლი, დუროიანი სახლი, ოდა, მაჩუბი, ციხესახლი [33], ჭარგვალი, ფაცხა. ფაქუტა და სხვ. არის თანამედროვე „მოდაზე“ გადაკეთებული ძველი შენობებიც. ეთნოგრაფმა, რა თქმა უნდა, პირველ რიგში, ძველი ნაგებობანი უნდა აღრიცხოს, შეისწავლოს მათი მდგომარეობა, სახელდობრ, რამდენად აკმაყოფილებენ ისინი ეთნოგრაფიული ძეგლის ყველა მოთხოვნას, ე. ი. არიან თუ არა ტიპურნი და იმდენად შენახულნი, რომ დაცვა შეიძლებოდეს.

სამეურნეო ნაგებობანი, რომელთაც რაქა-ლეჩხუმში „შრამელბურულებს“ უწოდებენ, ხოლო იმერეთში „ნამშრალებს“, წარმოშობილია მეურნეობის იმ ლოკალური თავისებურებათა მიხედვით, რომელიც ამა თუ იმ რეგიონს ახასიათებს. საერთოდ, საქართველოს ყველა კუთხეში მეურნეობის ძირითადი და წამყვანი დარგები იყო მემინდვრეობა, მევენახეობა-მელვინეობა და მესაქონლეობა. ისინი საუკუნეთა მანძილზე შერწყმულად, სიმბიოზურად ვითარდებოდნენ, რა თქმა უნდა, ვერტიკალური ზონალობის მიხედვით მეტ-ნაკლები დასპეციალებით, რამაც, თავის მხრივ, გა-

ნაპირობა ნაგებობათა პროფილი. ამ შემთხვევაში მნიშვნელოვან როლს თამაშობდა აგრეთვე ცალკეულ კულტურათა მოთხოვნილება; სახელდობრ, ხორბლეულის შესანახად აღმოსავლეთ საქართველოში მოხერხებული აღმოჩნდა ორმო-ხაროები, დასავლეთში კი ხულა-ბელეები. ბზემ საბძელი მოითხოვა, ხოლო ჩალამ და თივამ ზვინები. ღომის და სიმინდის კულტურას ნალია დასჭირდა. დროთა განმავლობაში ჩამოყალიბდა აგრეთვე მარნის განსხვავებული ტიპები: ღია და დახურული, მარანი-საცხოვრებელი სახლის კომპლექსში, „მთიულთა მარანი“ და ა. შ.

მესაქონლეობის ხასიათსა და დონეზე დიდად არის დამოკიდებული ამ დარგისათვის განუყოფელი ნაგებობათა რაობა. თუ მესაქონლეობა მომთაბარულ (არა ნომადური გაგებით) ხასიათს ატარებს, აქ უფრო მსუბუქი სამწყვდევეები (ქობ-ბოსელი, ქართა, საჩიხე, ბაკი და სხვ) გვაქვს, სადაც სოფელს არ შორდება თავლა და საბძელ-ბოსელი. საბძელი ბზის გარდა პარკოსანთა (ლობიო, ცერკვისნაირი) ჩენჩს და თივასაც ითავსებს. ეზოში ზვინქვეშა შშრალი ადგილი ხშირად წნულითაა მოზღუდული ან სახელდახელოდ შეფიცრულია (გურ. „გორძლო“), გამოიყენება სხვადასხვა მიზნით: პირუტყვის სამწყვდევად, ხილის, ხმელი ფოთლის, ფუჩჩჩის, ნაფოტების, დაჭრილი შეშის და მისთანათა შესანახად.

ჩენს ქვეყანაში განსაკუთრებით უხვად იყო ნაგებობანი მეფრინველეობისა და წვრილფეხა მესაქონლეობისათვის: საღორე, საცხერე, სათხე (მეგ. მარაკა), საქათმე, საბატე-საიხვე და ა. შ.

იქ, სადაც ტექნიკური კულტურები (სელი, კანაფი, კაკალი და მისთან.) მოჰყავდათ და ამუშავებდნენ, გამართული ჰქონდათ ზეთსახდელები. წყლის წისქვილები (დოლაბი, ბუქულა, გვიმიანკოლიანი და სხვ.). ხომ ქართული ყოფნს დამახასიათებელი იყო, აგრეთვე სამქედლო, სამეთუნეო ნაგებობანი და სხვ.

ეთნოგრაფის ფხიზელ თვალს არ უნდა გამოეპაროს ისეთი „ხურვილები“, სადაც გადასაწვიმებლად ან მზენზე გასაშრობად თავსდება დაუბინავებელი მოსავალი, ასეთია: ფარდული, ლაფარო, დოშკანი, ცალმაგი, ჩხანკი, საფიცხობელი და მისთანანი. განსაკუთრებული ინტერესის შემცველია საკულტო დანიშნულების ნაგებობანი: ეკლესია, სამრეკლო, სამლოცველო, ნიში; კიდევ სამალავი, სახიზარი, დილეგი, ხარო, გვირაბი, დარანი, წყაროსთვალი, აბანო, საპირფარეშო, დუქანი, ფუნდუკი, აბაყა, მეზვრის ქოხი, მეველის კარავი და სხვ.

სახლის ტიპზე, რა თქმა უნდა, დამოკიდებულია ოთახთა და სათავსოთა განლაგება, რისი სწორად აღქმაც შესაძლებლობას მოგ-

ვცემს გავერკვეთ ინტერიერის განაწილების სტრუქტურაში, რაც არავითარ შემთხვევაში ქაოტური არ არის, არამედ შეპირობებულია გეოგრაფიული გარემოთი, კლიმატით, მეურნეობის ხასიათით, ოჯახის სულადობით, შეძლებით და სხვა რაციონალური ფაქტორებით.

ძველებურ სახლებში ცენტრალური ადგილი უჭირავს კერას. იქ წარმოებდა უმთავრესი საოჯახო საქმიანობა, აგრეთვე პურის ქაშა, კულტმსახურება და სხვ. [90]. კერასთან გარკვეულ დროს თავს იყრიდა მთელი ოჯახი, დაჯდომის ქამს დაკული იყო უფროს-უმცროსობის წესი (სვანეთსა და რაჭა-ლეჩხუმში ბოლო დრომდე შემორჩა საუფროსო სკამი — საკარცხული). კერასთან იმართებოდა საუბრები და, რაჭაში გამოვლენილი მასალების მიხედვით, მიმდინარეობდა მოზარდი თაობის აღზრდა და სწავლება [81].

კერას თავისი ატრიბუტები ჰქონდა (კერის ქვა — ხშირად მზის სტილიზებული გამოსახულებით შემკული, ყვერბი, სოხანე, კერის ჭაჭვი, ოჯინჯალი, კაკიბერა, კაჩა და სხვ.), საქართველოს კუთხეთა მიხედვით სხვადასხვა ფორმით და ტერმინოლოგიით.

კერის მრავალფეროვან იარაღ-ქურჭლიდან ჩამოეთვლით ზოგიერთს: ცეცხლის ასანთები საშუალებანი (ტალ-კვესი, აბედი), საბერველი, ღველფის საჩხრეკები, საკეცე, სადგარი, სამფეხი, საკმლის მოსახარში ქვაბ-ქოთანი, წყლის გასათბობი და ასადულებელი კარდალები, თუნგები, შესაწვავი და საცხობი ტაფები, კეცები, შამფურები და ა. შ. აქვე შეიძლება განლაგებული იყოს გასანათებელი საშუალებანი: საკვარე, საკრაქე, საშანდლე, ჭალი, საჟინელილე და სხვ.

კერასთან ახლოს ჰქონდა ადგილი მიჩენილი დესაგველ ხელსახმარს: ცოცხს, აქანდახს, ნაპტკენ-საფოთრებს (ფრინველთა ფრთებისაგან გაკეთებული ბუჯრის, მაგიდის, კარადის, ტაფა-კეცების და მისთანათა გამოსასუფთავებელი). კერის მდებარეობა განსაზღვრავს ფქვილის შესანახი, გასაცრელი, მოსაცომი დგამ-ქურჭლის (ბუჯერი, კიდობანი, კოდები, გობები, ტომარა, გუდა, საცერი, სამტკიცი, მერდიმი, ვარკლი, სასაფურე), გამომცხვარი პურისა და მკადის სათავსოთა (კიდობანი, სალარო, კალათები), ყველის ამოსაყვანი ჭურჭლის (ქოთნები, ფილები, ქვაბები) ადგილს. ასევე საწყლე (ჩაფეხი, კოკები, დოქები) და მათი მოსათავსებელი საგანგებო დგამები; პურობის ავეჯი და ჭურჭელი (მაგიდა, სუფრა, ტაბლა, ფეხშუმი, ხალა, საღვინეები, სასმისები, ჯამები, თეფშები...); დასაჯდომი ავეჯი (საკარცხული, სამფეხა, ჯორკო, დომბურა, ბოკონი, კველა—საქალებო სკამი, გოგორდინა ქილისა, გირძესკამი, სკამლოგინი და სხვ.); დასაბანი და სარეცხი საშუალებანი (ტაშტი, გობი, ორე-ჯიროლი-

მერე, პირსახოცი, სასაპნე, სავარცხელი, სარკე), საწოლი ავეჯი და ქვეშაგები (ტახტები, ლოგინი, საგებ-სახურავი, ჭეჭიმები, ფარდაგები, ხალიჩები, ტყავები); ბავშვის გასაზრდელი, ფეხის ასადგამი საშუალებანი (ხოჭიჭი, აკვანი, ოქიორა, თანდური) და სათამაშოები; ქალთა ხელსაქმის იარაღები (საქსოვი დაზგა, ჯარა, საჩეჩელი, თითისტარი...) და სხვა მრავალი ორიენტირებულია კერასთან.

გარდა ამისა, გასათვალისწინებელია სხვადასხვა საოჯახო ნივთები, ხელსაწყოები, ავეჯი და ქურჭელი: ძვირფასეულობის და საბუთების შესანახი მაქალოზი, ინკუსტრირებული ყუთები, საბუთების ასაკინძი ხის ყდა; ძველი წიგნები და ფოტოალბომები, მათი სათავსოები; ტანსაცმლის მოსათავსებელი კარადები, სკივრები, ზანდუკები; ქალის პირადი ნივთების შესანახი მოჩუქურთმებული, ნამზთვი სკივრი; ხელსაფქვევები, საცეხვი, სანაყი, სასრესი, სახეხი, ზეთსახდელი საშუალებანი: სამარილეები და მარილის შესანახი ქურჭელი; სანელებელთა შესანახი ქურჭელი; მწნილის ქურჭელი; ქონის, თაფლის და მისთანათა სათავსოები; ქონის გადასადნობი ქურჭელი; ხორცის დასამაშხი, დასამარილებელი და კვამლზე გამოსაყვანი საშუალებანი; საზამთრო ფხალეულობათა და სოკოს შესანახი საშუალებანი; ხილის, ტკბილეულის, ჩურჩხელის, ტკბილკვერის, ტყლაპის, ქუმელის, ჩირის და სხვა მისთანათა შესანახი ქურჭელი; წოს, მაშარაფის, ტყემლის, ბადაგის მოსადუღებელი და შესანახი საშუალებანი; საგზლის, ძღვნის, საზიდავი ქურჭელი; თუთუნის გამოსაყვანი, შესანახი და მოსაწევი საშუალებანი; ღვინის, არაყის, ლუდის, ბურახის, რანგის, დატას, თაფლუკის საზიდავი და შესანახი ქურჭელი; ხორცის პროდუქტების შესანახი ქურჭელი; წამლების, სამკურნალო მცენარეების, იარაღების მოსათავსებელი დგამ-ქურჭელი; საპნის დასამზადებელი საშუალებანი; საწყავი ქურჭელი: მარცვლეულის საწყავი (თაღარი, კოდი, ბათმანი, ყურიანა...), ფქვილის საწყავი (კორუა, ბოყურა), ღვინის საწყავი (კოკა, ჩაფი, დორა, მენახევრე, თუნგი); არყის საწყავი (ჩარეკა, ხელადა, ბოთლი); სასწორები, საწონები; რძის და რძის პროდუქტებისათვის ქურჭელი და ხელსაწყოები: ძროხის, კამეჩის, თხის, ცხვრის საწველი, კარაქის სადღეები, მაწვნის, დოს, ერბოს, კარაქის შესანახი ქურჭელი; ყველის შესანახი და საზიდავი ქურჭელი: დერგი, ხალამი, ქვევრი, გუდა, გვარდა და ა. შ.

საკიდრები: ტანსაცმლის, თოფ-იარაღის, მუსიკალური ინსტრუმენტების, კალათების, აბგის და სხვ.; კავეები ხისა, რქისა, რკინისა (ჯღა, გარჯღა, ლურსმან-მარწუხი); შაშხის საკიდრები ყერასთან (ხისა ღვლეჭჩაბმული, რკინისა ჭაჭეჩაბმული); კედელზე

მიკრული სადანეები, სარკინეები, საიარაღეები: საკერავი და საქარგავი საშუალებანი: ნემსი, სანემსე, ყაისნალი, ჩხირები, ძველებური საკერავი მანქანა; მუსიკალური ინსტრუმენტები: ფანდური, ჩონგური, ჭიანჭური, ჩანგი, ჯუდასტირი, სალამური, ლარქემი, სოინარი, დოლი, დაირა და სხვა; სალოცავი ადგილი სახლში: ხატები, ავგაროზები და სხვა წმინდა რელიკვიები; საოჯახო იარაღები; სხვადასხვა დანიშნულების დანები (საჭმლის მომზადების დროს სახმარი, სუფრის, ხილის, ღორის დასაყლაღი და ა. შ.): ხორცის საჭრელი და საკეპი ხელსახმარი (ნაჭახები, ხის „სადებები“), ჩანგლები, ჩქიფები, კოვზები, კვატუშები, ლაფერთხები, სუთები (ღომის ამოსაქნელი), ქაფქირები, სატუყელები (ღობიოს საზელი), ფხლის და მისთანათა „საკეპლები“, ორომი, „ნამცხერის დასაყუავებელი“ ხონჩები, სინები და სხვა; საბრძოლო და სანადირო იარაღები: თოფი, ხმალი, სატევარი, დამბაჩა და სხვა; თხილამურები, მუჯირები, ჯოხები, ყავარჯნები და მისთანანი.

ყველა სამეურნეო ნაგებობას თავისი შესაფერისი ინტერიერი და მოწყობილობა მოეპოვება; მაგალითად, ქართულ მარანში, როგორი ტიპისაც არ უნდა იყოს იგი, აუცილებლადაა ყურძნის დასაწური ჭურჭელი — საწნახელი (ხის, ქვის); ტბილის მოსაკავებელი ჭურჭელი: თალარი, გეჯა, მერე, ქვაბი, ისარნა, ჩაქრილა; დარები, საწურები: საწნეხი საშუალებანი: საქაჯავი, წბერი; ქვევრები: ზომის, დანიშნულების და განლაგების მიხედვით; ჭურის თავის ინვენტარი: სარქველი, ძელბარა, საგოზელა, ჩოტი; ქვევრიდან სითხის ამოსაღები საშუალებანი: ხრიკა, კოპე, ორკოპე, ჭანთასი, ორშიმო, ხელადა და სხვა; ჭურის ამოსამშრალელები: მაწაწური, ოსირო; თხლის ამოსაღებები: ლაპოტი, ავგარდანი, სათხლევე; ქვევრის სარეცხი საშუალებანი: სარცხები, კრაზანები; არყის სახდელი მოწყობილობა: ქვაბი, ზარფუში, ორე-ორიკა.

თავლა-ბოსელში უსათუოდ არის ბაგა, პერი, სანარწყული; სანთური-არმანა; საკეების მოსატანი და საჭმევი ჭურჭელი: გიდელი, გოდორი, კალათი, თოფრა; დასახვეტ-დასაგველი საშუალებანი: თოხი, ნიჩაბი, ცოცხი; საქონლის დასაავარცხნ-დასასუფთავებელი ხელსაწყოები (სამონელი, სავარცხელი) და სხვა [87].

ზეთის სახდელი, თაფლისა და ხილის საწური მოწყობილობა; ხილის, ჩირის, ტბილისკვერის და მისთანათა გასამზეურებელი; ფერდობზე სასუქის (ნაკელის) გასანაწილებელი; პირუტყვისა და ფრინველების წყლისდასაღვეი ჭურჭელი; მარილის სატლევი დგამები; ქვები; ტყავის გამოსაყვანი, იარაღის საღესი, თუთუნის გასაშრობ-დასაჭრელი ხელსაწყოები; თოფისწამლის დასამზადებელი სა-

შუალებანი; ამწე ოწინარები, კოკონაქები; სპორტული დანიშნულების ნივთები (საჯილდაო ქვა) და ა. შ.

შეიძლება იარაღ-ჭურჭელი გამოვლენილ იქნეს მასალის მიხედვით, მაგალითად: ხის, ქვის, რკინის, ილეკროსი, რქის, ძვლის, თიხის, ტყავის, ქსოვილის, ნაბდის, წნული, მცენარეთა ნაყოფის, (აყიროს) და ა. შ. აგრეთვე დანიშნულების მიხედვით: „გამჭრელი“ იარაღი, სათიბი, სამკალი, საკრეფი, საბრძოლო, სანადირო, სათევზაო და სხვა; საფრთხობელები (მექანიკური, ფიტულები); ყურძნის, ხილის, მარცვლეულის, ბოსტნეულის, ნაკელის, წყლის, ღვინის, ტკბილის და სხვათა მოსაკავებელი და საზიდავი ჭურჭელი, რომელიც შეიძლება ასე დავყოთ: გამწევი ძალით ვადასატანი, ზურგით საზიდავი, საკიდარ-სასაპალნე ჭურჭელი.

აქვე შეეჩერდებით ტრანსპორტის საშუალებებზე, რისი კლასიფიკაციაც შემდეგნაირად უნდა მოხდეს: სახმელეთო და საწყლო ტრანსპორტი. სახმელეთო ტრანსპორტიდან გამოვავლენთ ბორბლიანს [17] (ურემი, ეტლი), „სათრეულეს“ (მარხილი, ცივა, თავკავი, ტაფა-ფრხილა და სხვ.) და სასაპალნე ტრანსპორტს. ამასთან ერთად, გასათვალისწინებელია უნაგირები, კეხები, კურტანი, ჩული; სხვადასხვა დანიშნულების თოკები და ტყავის ნაწარმი: ქაანი, ჯამბარა, აპეური, ჯანთაო და სხვ. საწყლო ტრანსპორტი განიყოფა სამდინაროდ და საზღვაოდ. ეთნოგრაფიული თვალსაზრისით განსაკუთრებით საინტერესოა ტივი, ბორანი, ნავი, ნავტიკი და მისთანანი.

ყოველივე ზემოთქმულს გარდა, საჭიროა საველე მუშაობის დროს ყურადღება გავამახვილოთ შინახელოსნობისა და ხალხური, გამოყენებითი ხელოვნების ჯერ კიდევ ცოცხალ ან ნახევრად ჩამქრალ კერებზე. მათ გამოვლენას არა მარტო შემეცნებითი, არამედ დიდი პრაქტიკული მნიშვნელობა ენიჭება, რაზედაც დაწვრილებით ქვემოთ ვისაუბრებთ, ამჯერად ამ მნიშვნელოვანი საქმიანობის მხოლოდ ჩამოთვლით დავკმაყოფილდებით: საფეიქრო საქმე, მეთუნეობა; ხის, ლითონის, რქის, ძვლის, გიშრის და ძვირფასი ქვების მხატვრული დამუშავება, აგრეთვე ტყავის, ბეწვის, ძუის, ჯაგრის, ბალნის და მსგავსთა დამუშავება; კილის, ნამჭის, კოროლის, ჩალის, ფურჩის დამუშავება; თექის, ნაბდის შეთელვა; ბავშვის სხვადასხვა სათამაშოები და გასართობები; ხატვა, ქანდაკება, სამღებრო საქმე...

საქართველოს დაბა-ქალაქებში, ჯერჯერობით, შესაძლებელია ფასეული მასალა გამოვლინდეს ძველ ხელოსანთა გარდასული საქმიანობის შესახებ, იქნებ კიდევ იყვნენ დარჩენილნი დაბალები (მეტყაენი), ქონები (ტყავის ტანსაცმლის მკერავნი), მკუპრავნი, ხა-

რაზნი, მეწაღენი, მექალმენი, თერძ-დერციენი (ქართული ტანსაცმლის მკერავნი), მექუღენი, ეაზაზნი-მეყაითენი (აბრეშუმის ძაფის სირმა-ზონრების, ოქრომკედის მოხელენი), მუთიბნი (ქაპინისა და ბაწრის მკრეხავნი), მეუნავრენი, ნალბანდნი, მექვაბენი, მკალავნი, ყვიჩნი (ოქრომკვედლები), თოქმაჩნი (თითბერზე მომუშავენი), ხითხურონი, ქვითხურონი, მეაეეყენი, მეყურტენი, მღებავნი, დალაქნი, ხაბაზნი, მზარეულნი და სხვ.

ინტერესმოკლებული არ არის ძველ მოვაჭრეებთან (მეწკრილმანენი, მეფართლენი, სირაჯნი, ბაყალნი) მუშაობა. სწორედ ასეთ ხალხთანაა შემორჩენილი ძველებური ტანსაცმელი. ფეხსაცმელი და იარაღ-ჭურჭელი, ამიტომ საველე მუშაკი მათ საგანგებოდ უნდა ეძიებდეს და ჰპოვებდეს“...

თვით ამ არასრული, სახელდახელო ჩამოთვლითაც ნათელია, თუ რა მდიდარი და მრავალფეროვანია ის ყოფითი რეალიები, რაც ქართველ ხალხს თითქმის დღემდე შემორჩა. რამდენიმე ხნის შექმდეგ, არამცთუ ძველი ნივთები, მათი ხსოვნაც გაქრება. ამის გამო საზოგადოებრივ საქმედ უნდა ვაქციოთ ეთნოგრაფიული კოლექციონების შეგროვება და თუ ეს დროულად არ გაკეთდა, ჩვენს მატერიალურ კულტურას აუნაზღაურებელი ზარალი მოუვა.

სასურველი მდგომარეობა არც ძველქართული სახლებისა და კარმიდამოების შენარჩუნების საქმეში გვაქვს, მიუხედავად იმისა, რომ მრავალი ეთნოგრაფიული ძეგლია გამოვლენილი და შესწავლილი არქიტექტორთა და ხელოვნებათმცოდნეთა მიერ (გ. ჩუბინაშვილი, ვ. ბერიძე, ლ. რჩეულიშვილი, ი. აღაძია, ლ. სუმბაძე და სხვ.), მათი ღვაწლის შედეგად შთამომავლობას შემოენახა უნიკალურ ნაგებობათა ანაზომები, მაგრამ თვით ნაგებობათა უმრავლესობა მთლიანად ან ნახევრად განადგურებულია. ასეთ ფონზე საგანგებოდ შესასწავლი და მეტად პრობლემატურია ეთნოგრაფიული ნაკრძალების შექმნის საკითხი. ამ თვალსაზრდით სპეციალური კვლევა-ძიება ჯერ არავის ჩაუტარებია. ნაკლებად ვიცნობთ ევროპის ქვეყნების გამოცდილებასაც. დრო მიდის, ჩვენ თვალწინ კი ქრებიან ეროვნული კოლორიტის მქონე სოფლები, ქალაქებში — უბნები. ამისათვის თბილისის მაგალითიც კმარა. ვინ მოთვლის, კიდევ საქართველოში რამდენმა დასახლებამ დაკარგა თავისი სახე, რამდენი ძვირფასი ეთნოგრაფიული ძეგლი განადგურდა უცოდინარობის თუ გულგრილობის შედეგად. ჯერ კიდევ აკად. ივ. ჭავჭავაძის სწულსა თბილისური აივნების მასიურად გაქრობის გამო. 1946 წ. საქართველოს სსრ მეცნიერებათა აკადემიამ დასვა საკითხი მთავრობის წინაშე ორი ეთნოგრაფიული ობიექტის — სოფელ ლახირის (ზემო

სვანეთი) და სოფელ შატილის (პირიქით ხევსურეთი) სახელმწიფო ნაკრძალად გამოცხადების შესახებ. მთავრობის სახელზე დაიწერა სათანადო მოხსენებითი ბარათი, რომელმაც ყველა ინსტანციაში დადებითი დასტური მიიღო, მხოლოდ იურისტების მხრით წააწყდა წინააღმდეგობას. მათ ვერ გამოინახეს სათანადო იურიდიული მოდუსი ამ წინადადების ცხოვრებაში გასატარებლად, მიუხედავად იმისა, რომ ამგვარი სახელმწიფოებრივი ნაკრძალი ბევრ სახელმწიფოში არსებობდა [98, 40].

ეს საკითხი ამჟამად შეიძლება გადაწყვეტილად ჩაითვალოს, რადგან კანონი „ისტორიისა და კულტურის ძეგლთა დაცვისა და გამოყენების შესახებ“ მეოცე მუხლში ნაკრძალების დაცვას საგანგებოდ ითვალისწინებს: „განსაკუთრებული ისტორიული, მეცნიერული, მხატვრული თუ სხვა კულტურული ღირებულების მქონე ისტორიისა და კულტურის ძეგლების ანსამბლები და კომპლექსები სსრ კავშირის მინისტრთა საბჭოს ან მოკავშირე რესპუბლიკების მინისტრთა საბჭოს გადაწყვეტილებით შეიძლება გამოცხადდეს ისტორიულ-კულტურულ ნაკრძალებად, რომელთა დაცვა თვითეთლო მათგანის შესახებ განსაკუთრებული დებულების საფუძველზე ხორციელდება“ („კომუნისტი“, 31/XI, 1976).

დღეს ნაკრძალთა შექმნის საქმეში გარკვეული პროგრესი იგრძნობა. საქართველოს მთავრობამ მიიღო მთელი რიგი საგანგებო დადგენილებანი: 1968 წ. ქ. მცხეთა მუზეუმ-ნაკრძალად გამოცხადდა, 1970 წლიდან დაბა მესტია შემოგარენით ნაკრძალია. მიღებულია აგრეთვე მთელი რიგი გადაწყვეტილებანი: 1970 წ. — „ქართული ხუროთმოძღვრული ძეგლის შატილის ნაკრძალად გამოცხადებისა და მისი კეთილმოწყობის შესახებ“; 1971 წ. — „უშგულ-ჩაჯაშის არქიტექტურულ ნაკრძალად გამოცხადების შესახებ“; 1975 წ. — „ქ. თბილისის ისტორიული ნაწილის სახელმწიფოებრივი დაცვის ზონის შექმნის შესახებ“; 1976 წ. — „ქალაქების თელავისა და სიღნაღის ისტორიული უბნების დაცვის ზონების შექმნის შესახებ“; 1977 წ. „მცხეთის ისტორიულ-არქიტექტურული მუზეუმ-ნაკრძალის შექმნის შესახებ“ და სხვ. („კომუნისტი“, 20 აპრილი, 1978, გვ. 3).

ნაკრძალებად ითვლება ვარძია, უფლისციხე, დავითგარეჯი, მაგრამ აქ უფრო სპელეოლოგიური, არქიტექტურულ-არქეოლოგიური ძეგლები იგულისხმება, ხოლო ეთნოგრაფიულს ჭერჭერობით ნაკლები ყურადღება ექცევა. თუმცა სამართლიანობა მოითხოვს ვაღიაროთ, რომ ზოგი რამ მაინც გაკეთდა, სახელდობრ, დაარსდა ქართული ხალხური ხუროთმოძღვრებისა და ყოფის თბილისის ღია.

ცის ქვეშ მუზეუმი [76] და ზოგიერთი ეთნოგრაფიული ძეგლის დაცვაზე არის ზემდგომი ორგანოების დადგენილება.

ღია ცის ქვეშ მუზეუმის შექმნა თავისთავად დიდი მნიშვნელობის მოვლენაა, მაგრამ, როგორც ზემოთ აღვნიშნეთ, თანამედროვე მოთხოვნილებათა დონეზე მისი მუშაობა ვერ წარიმართა. დასაძალი არაა, დღემდე ეთნოგრაფიულ ძეგლთა გამოვლენას შემთხვევითი ხასიათი აქვს. ამ თვალსაზრისით არ ხდება ჩვენი ქალაქებისა და სოფლების გეგმაზომიერი, მეცნიერული შესწავლა. თითო-ორი-ლა ექსპედიცია, ბუნებრივია, ამინდს ვერ შექმნის და შედეგიც მუდამ ნაკლები იქნება, თუკი ამ საშვილიშვილო საქმეში არ ჩაებათ ფართო ფენებს, არ შემოვიკრებთ ენთუზიასტებს. მუზეუმი ჯერჯერობით ასეთ მასობრივ მუშაობას ვერ ეწევა, ამის გამო არსებული ეთნოგრაფიული ძეგლების მეცნიერული აღწერა კი არა, უბრალო სიაც არ მოგვეპოვება. მით უმეტეს, მუზეუმი საკმაო ხანია არსებობს და მხოლოდ რამდენიმე სახლის და სამეურნეო ნაგებობის დადგმა განხორციელდა, ისიც ეთნოგრაფიული სპეციფიკის გაუმართლებელი დარღვევით. რა თქმა უნდა, ასეთი ტემპით და ორგანიზაციით შორს ვერ წავალთ. ყოველი დაყოვნება, უმიზნოდ დაკარგული თითოეული თვე და წელი, უეჭველია, მრავალი უნიკალური ძეგლის მოსპობის მიზეზი გახდება.

შედარებით დაწინაურდა სვანეთის ეთნოგრაფიული ძეგლების შესწავლისა და დაცვის საქმე, რისთვისაც სერიოზული მუშაობა გასწავა საქართველოს სახელმწიფო მუზეუმმა. „ეთნოგრაფიული ძეგლების დაცვის გამო დღემდე, თუმცა ამის შესახებ საკმაოდ დაწერილა პრესაში, სერიოზულად არავის უმუშავეია, — წერს საქართველოს სახელმწიფო მუზეუმის უფროსი მეცნიერ თანამშრომელი მიხეილ ჩართოლანი, — საქმის დაწყებისას საჭიროა მისი სწორი ორგანიზაცია. ევროპის ბევრ ქვეყნებში დიდი სიყვარულითა და მონდომებით ინახავენ და იცავენ იმ ნაგებობებს, რომლებიც წინაპრებს უშენებიან. ამას ისინი სხვადასხვა გზით ახერხებდნენ: ნაქრქალებად აქვთ გაქოცხალებული ძველი ტიპობრივი სოფელა ან უბანი. იცავენ ღირშესანიშნავ ცალკეულ ნაგებობებს, ღია ცის ქვეშ მოწყობილი აქვთ მუზეუმები. სადაც თავმოყრილია ეროვნული ხასიათის ძეგლები. სანამ ჩვენში კვლავ არსებობს ეთნოგრაფიული ძეგლები, საჭიროა პრაქტიკულად შევეუდგეთ საქმეს. ჩვენი აზრით, საჭიროა დაარსდეს ხელმძღვანელი ორგანო, განყოფილება, სექტორი თუ სექცია, რომელიც შეიმუშავეს ეთნოგრაფიულ ძეგლთა ადგილზე დაცვის პროგრამას და დასახავს პრაქტიკული მუშაობის გეგმას“ [91]. მაგრამ ამ დროულ და საქმიან წინადადებას არავენ

გამოეხმაურა. სამწუხაროდ, ეთნოგრაფიულ ძეგლთა დაცვაზე წამოჭრილ პრობლემათა შიშართ გულგრილობა და გამიზნული ღუმილი ახლაც გრძელდება. მ. ჩართოლანმა, საქართველოს მუზეუმის მესვეურთა მხარდაჭერით, მაინც შეძლო პრაქტიკული ნაბიჯის გადადგმა და ზემოთ უკვე ნახსენები სევანეთის სამეცნიერო-კომპლექსური ექსპედიციის მოწყობა, რომლის შედეგები მოხსენდა საქართველოს სსრ მეცნიერებათა აკადემიის პრეზიდიუმს. პრეზიდიუმის შუამდგომლობის საფუძველზე, 1973 წ. 30 მაისს საქართველოს სსრ მიინისტრთა საბჭომ მიიღო დადგენილება: „სევანეთის მატერიალური და სულიერი კულტურის ძეგლთა და ფასეულობათა დაცვის გაუმჯობესების ღონისძიებათა შესახებ“. ამ ისტორიული დადგენილებით საფუძველი ჩაეყარა ეთნოგრაფიული ძეგლების მოვლის სათანადო ორგანიზაციას. სევანეთში შეიქმნა ძეგლთა დაცვის ზონალური სისტემა. რაც ითვალისწინებს ძეგლთა რეგიონალურ პატრონობას ტერიტორიული პრინციპის მიხედვით. ამ საქმის პრაქტიკულად უკეთ განხორციელების მიზნით, მესტიის მხარეთმცოდნეობის მუზეუმი კულტურის სამინისტროდან გადაყვანილ იქნა მეცნიერებათა აკადემიის სისტემაში, იწოდა „სევანეთის ისტორიულ-ეთნოგრაფიულ მუზეუმად“. მუზეუმის მეცნიერ თანამშრომლები პასუხისმგებელმა გაბნენ მათთვის მიკუთვნებულ რეგიონში არსებულ ძეგლებზე, უპირველეს ყოვლისა, გამოვლენის და დაცვის თვალსაზრისით. მიინისტრთა საბჭომ ამისათვის გამოჰყო სათანადო სახსრები და სამტატო ერთეულები.

1969 წ. პროფ. მ. გეგეშიძემ, ხალხური არქიტექტურის ბრწყინვალე ნიმუშის — შატლის მძიმე მდგომარეობის გამო, კრიტიკული წერილი გამოაქვეყნა და ძეგლის შესანარჩუნებლად წამოაყენა პრაქტიკული წინადადებები. სახელდობრ, მისი რესტავრაციის და გადახურვის აუცილებლობა, ტურისტულ მარშრუტში ჩასმის შესაძლებლობა, მოსახლეობის ადგილზე შენარჩუნებისათვის ზრუნვა და სხვა [19].

წერილმა ცხოველი ინტერესი გამოიწვია. გამომხატურებებმა ცხადყო, რომ „შატლი დაღუპვის პირასაა მისული. ამ ძვირფასი ძეგლის გადასარჩენად საჭიროა სასწრაფო ზომების მიღება“ [20]. მართალია, ზომები მიღებულ იქნა, მაგრამ მუშაობის ტემპი სრულიადაც არ არის საკმარისი ასეთი გრანდიოზული კომპლექსის დაცვა-გამოყენებისათვის. დრო კი არ ითმენს. შატილს ასე თუ ისე პატრონი გამოუჩნდა: მაგრამ რა ეშველება ხალხური ხუროთმოძღვრების ისეთ ანსამბლებს, როგორცაა დანო, კვაკლო, ჩოლო, დოკუ, პელო, ფარსმა (თუშეთი), ახიელა, აშლა, ჭიმლა, ლებაისკარი, კისტანი, გუ-

რო, მუცო, ხახაბო, არდოტი (ხევისურეთი) [124]. მართალია, მათ შესახებ განგაში ჯერ არ ატეხილა, მაგრამ ჩამოთვლილ ძეგლთა მრავალსაუკუნოვან მტკივნეულ მღუმარებასაც ხომა აქვს აწრი. იმ ძეგლმა ნანგრევებმაც რა ქნან, რომელთა სახელი, ჯერჯერობით, ვერ გამოგვივლენია და რამდენია ასეთი „უსახელონი“...

დიახ, ჩვენი წინაპრები აშენებდნენ, ქმნიდნენ და ჩვენ სრულყოფილი სიის შედგენაც ვერ მოგვიხერხებია — დღემდე არ ვიცით, საქართველოში რამდენი მატერიალური კულტურის ძეგლი გვაქვს. ძეგლთა დაცვის ერთ-ერთ ყრილობაზე ითქვა: ძნელია თავისი ხანგრძლივი არსებობის მანძილზე ქართველ ხალხს რაც აუგია, ყველაფრის რამდენიმე თვეში აღრიცხვა და დაცვაო.

ამ სიტყვებში არის ჭეშმარიტება, მაგრამ ვაი, რომ თავისმართლება და იოლი გამოსავალი საქმეს ვერ შევლის. ასე რომ ეფიქრა ექვთიმე თაყაიშვილს, საქართველოს ეროვნული განძი აღარ ექნებოდა. მთელი თაობების სიმძიმე რომ არ აეწია ივანე ჯავახიშვილს, ჩვენი ისტორიული მეცნიერება ახალ საფეხურზე ვერ ავიდოდა. „ზღვა კოვზით დაიღვეაო“, — უთქვამს ხალხს, მემკვიდრეობას მოვლა და შემატება სჭირდება. ჩვენში ძეგლთა სიუხვემ ერთგვარი ნიჰილიზმი დაბადა. ისიც ნიშანდობლივია, რომ გაცილებით მეტ ყურადღებას ვაქცევთ უძველეს ნაგებობებს, ხოლო შედარებით ახალი თითქმის არაფრად მიგვაჩნია. ასეთი ფუფუნება თუ თვითღამშვრდება მხოლოდ სავალალო კი არა, მავნებელიცაა. მართალია, ძეგლის ასაკი საპატიოა, მაგრამ ხანდაზმულობა ყოველთვის მისი ღირსების (მით უმეტეს ეთნოგრაფიული ძეგლის) საზომად არ გამოდგება. წინაპართა გარჯის ნიშანი რასაც ამჩნევია, ყველაფერი სათუთი ყურადღებისა და დიდი გულისხმიერების ღირსია. ვინც შრომის ფასი იცის, სხვის ნაამაგარს იოლად ვერ გაიმეტებს. ამდენად, თითოეული გულამოღებული თუ გამოკოპიტებული ქვა, კლდეში გაჭრილი სახიზარი თუ დარბაზი ყველა ფასეულია, მეცნიერებისა და მომავალი თაობებისათვის ისეთივე აუცილებელი, როგორც ჯვარი, სვეტიცხოველი თუ ნიკორწმინდა. ამ დიდებული ტაძრებისა და ხუროთმოძღვრული კომპლექსების დაცვის შესახებ ხშირად იწერება, ხოლო მცირე და უჩინარი ძეგლები ღვთისანაზბარადაა მიტოვებული. აბა, ვის რაში ენაღვლება, თუ სადმე ბულდოზერმა საფლავის ქვა წბერის კალო-ტაბაკი ან დოლაბი ხევში გადაჩეხა, გზის გაფართოების დროს აფეთქებათა შედეგად დარან-სახიზრები და კლდეკარნი დაანგრია. სწორედ განუკითხავმა აფეთქებებმა დაამახინჯა ხიდიკარის (რაჭა) და მურის (ლეჩხუმი) ისტორიული კლდეკარები. ლენტეხის მიმართულებით გზატყეცილის გაფართოებამ შეიწირა „ქრისტეს-

ფეხისნადგამი" ლეგენდარული ქვა [64, 143—4], რომელიც მე-
ვენახეობის ზონის სამანად იყო მიჩნეული [83].

გარდა ამისა, უამრავი სამწუხარო მაგალითია იმისა, თუ ძეგ-
ლებს რა უდიერად ეკიდებიან [12; 61; 45; 67; 68 და სხვ.].

საქართველოს სსრ უმაღლესი საბჭოს პრეზიდიუმის 1972 წ.
14 სექტემბრის ბრძანებულებით კულტურისა და ბუნების ძეგლთა
მკრეხელთა ჩისხლის სამართლის პასუხისმგებლობა დაეკისრათ [14],
მაგრამ ძეგლებს ბოროტმოქმედთაგან მოსვენება მაინც არა აქვთ.
სწორედ ამიტომ საქმის თანამედროვე დონეზე წარმართვისათვის
1978 წ. 24 თებერვალს საქართველოს სსრ მინისტრთა საბჭომ სა-
ქართველოს ცენტრალური კომიტეტის 1977 წ. 25 ოქტომბრის
დადგენილების შესაბამისად მიიღო დადგენილება „საქართველოს
სსრ ისტორიის, კულტურისა და ბუნების ძეგლთა დაცვისა და გა-
მოყენების გაუმჯობესების ღონისძიებათა შესახებ“, რომლის ძა-
ლითაც ლიკვიდირებულია ძეგლთა დაცვის ყველა არსებული ორ-
განო და შექმნილია ერთიანი ისტორიის, კულტურისა და ბუნების
ძეგლთა დაცვის და გამოყენების მთავარი სამეცნიერო-საწარმოო
სამმართველო სხვადასხვა დარგის სპეციალისტების მძლავრი შტა-
ტით („კომუნისტი“, 22 აპრილი, 1978, გვ. 3).

ამრიგად, ზღვარი დაედო ძალებისა და სახსრების გაუმარ-
თლებელ განთესვას, რააც აქამდე ჰქონდა ადგილი. უწინარეს ყოე-
ლისა, გადაუღებელ დახმარებას საჭიროებენ ეთნოგრაფიული ძეგ-
ლები, რომლებიც, შეიძლება ითქვას, აქამდე კანონგარეშე იყვნენ.
აქვე ისიც უნდა შევნიშნოთ, რომ ჰესების, წყალსატევების და სა-
ერთოდ მნიშვნელოვანი მშენებლობების დროს გათვალისწინებული
არ არის ეთნოგრაფიული ძეგლების დაცვა-გადატანა, რაც გაუმარ-
თლებელია. ამიტომ სასურველია დროულად გამოიყოს მეცნიერთა
(ეთნოგრაფები, არქიტექტორები, ხელოვნებათმცოდნეები) კომისია,
რომელიც ეთნოგრაფიულ ძეგლთა და ნაკრძალთა გამოვლენა-დაც-
ვის მიზნით საქართველოს რაიონებს შემოვიღოს, შეიმუშავებს სა-
თანადო კრიტერიუმს ეთნოგრაფიული ძეგლების შენარჩუნებისათ-
ვის და პრაქტიკულ, საქმიან ღონისძიებებს დასახავს არა ცალკე-
ული კუთხეებისათვის, არამედ მთელი საქართველოს მასშტაბით.

ძეგლთა დაცვის სრულყოფილი ორგანიზაციისათვის უპირვე-
ლესად საჭიროა მათი სწორი მეცნიერული კლასიფიკაცია. ცალკე-
უნდა გამოიყოს ისეთი გრანდიოზული არქიტექტურულ-სპელეო-
ლოგიური კომპლექსები, როგორცაა ვარძია, უფლოსციხე; დავითგა-
რეჯი, აგრეთვე ნაქალაქარები: სამშვილდე, დმანისი, უჯარმა, კვე-
ტრა, ნოქალაქევი, ვაშნარი და სხვა მრავალი. მათი თხრა ისე უნ-

და წარმართოს, რომ მთელი ქალაქის პირვანდელი სახით აღდგენა ითვალისწინებდეს. ასევე უნდა იყოს ნასოფლართა მიმართაც. წინააღმდეგ შემთხვევაში გათხრებს უარყოფითი შედეგი მოაქვს და ისედაც ივარქმნილ ძველ დასახლებებს გამოუსწორებელ ზიანს აყენებს, რაც მთავარია, მომავალ თაობებს უკარგავს ამ ფასდაუღებელი ძეგლების გეგმაზომიერად აღდგენის შესაძლებლობას. ამასთან დაკავშირებით საქართველოს კომპარტიის ცენტრალური კომიტეტის დადგენილებაში — ძეგლთა დაცვის ღონისძიებათა გაუმჯობესების შესახებ, საგანგებოდაა აღნიშნული: „რამაქმაყოფილებლად არ არის დაყენებული არქეოლოგიური ძეგლების ფიქსაციის საქმე. რესპუბლიკაში არ მოგვეპოვება ცენტრი, რომელიც არეგულირებდეს ეს კოორდინაციას უწყედეს არქეოლოგიის ძეგლების ფიქსაციის, დაცვის და გამოყენების საქმეს. დანტერესებული უწყებები არ გამოუყოფენ სახსრებს არქეოლოგიურ ექსპედიციებს წინასწარ საკონსერვაციო სამუშაოებისათვის, არ მოგვარებულა აგრეთვე გაუთხრელი და შეუსწავლელი არქეოლოგიური ძეგლების საკითხი“ [67].

ამჟამად გადამწყვეტი ღონისძიებანია დასახული დღემდე მოღწეული ციხე-სიმაგრეების, საკულტო ნაგებობების, ხალხური ხუროთმოძღვრების ნიმუშების რესტავირება-შენარჩუნებისათვის — მისასვლელი გზებიდან მოკიდებული კედლების გამაგრება-გადახურვამდე. სანამ ეს გაკეთდებოდეს, რაც შეიძლება მალე, უნდა შევძლოთ მიწის ზედაპირზე მოქცეული ყველა ძეგლის მეცნიერული აღრიცხვა-პასპორტიზაცია, რადგან ბოლოს და ბოლოს დავადგინოთ მათი რაოდენობა. პირველ რიგში, უნდა შევძლოთ ძეგლების სრული სიის შედგენა და დაცვის საჭიროების მიხედვით რაღაც რიგის დაწესება. ეს სამუშაოთა განსაზღვრაში დაგვეხმარება და მეტად საჭირო წინასწარ ცნობებს მოგვცემს საერთო მდგომარეობის შესახებ. ამ საქმის განსახორციელებლად აუცილებელი იყო შესაბამის ინსტანციათა არა მარტო კოორდინაცია, არამედ ერთი პასუხისმგებელი ორგანოს ჩამოყალიბება, სადაც გაერთიანებული იქნება სახსრები და სპეციალისტები. ასეთი დაწესებულება უკვე არსებობს, რომელიც, უმკველია, იკისრებს როგორც ეთნოგრაფიული ნაგებობების, ისე ნივთების, კოლექციების პატრონობასაც, რათქმა უნდა, შესაბამის მუზეუმებთან მკვიდრო კონტაქტის პირობებში.

აღიარებული ჰეშმარიტებაა, რომ ძეგლთა დაცვა მისი მარტოდენ რესტავრაციით არ განისაზღვრება, მით უმეტეს ზოგიერთი ნაგებობა რესტავრაციას ვეღარც აიტანს. ასეთ შემთხვევაში უმაღლეს დონეზე უნდა გადაწყდეს მათი ხელახლა აგების საკითხი,

ოლონდ, სანამ ეს მოხერხდებოდეს, თანამედროვე მეცნიერულ-ტექნიკური საშუალებებით უნდა მოხდეს თითოეული მათგანის შემოგარენით ფიქსაცია (კინო-ფოტო გადაღება, არქიტექტურული აგეგმარება-აზომვა და ა.შ.). კომპლექსური ფიქსაცია ძეგლის დაცვის არსებითი მხარეა, რასაც, სამწუხაროდ, ყოველთვის ვერ ვითვალისწინებთ.

ეთნოგრაფიულ ძეგლთა გამოვლენა-შენარჩუნების საკითხი უფრო რთულია, რადგან მრავალი დამახლება და ოჯახია შესასწავლი. ამას მხოლოდ მაშინ შეეძლება, თუ მეცნიერულ მეთოდოლოგიას შევიმუშავებთ და, სათანადო მომზადების შემდეგ, ამ საქმეში ფართო აქტივს ჩავბამთ, მეტადრე ახალგაზრდობას და პენსიონერებს.

არ არის სავალდებულო მოსახლეობაში თავმოყრილი ყველა ეთნოგრაფიულად ღირებული ნაგებობის თუ ნივთის მუზეუმში დაუნჯება. ეს არა მარტო შეუძლებელია, არამედ არასასურველიც (ჩვენ გვაქვს ფაქტები მუზეუმებში ექსპონატების გაფუჭებისა). უნდა გაეთდეს მეცნიერულად ფასეულ ნივთთა სრული აღრიცხვა და მათ მფლობელს დაეკისროთ შენახვის პასუხისმგებლობა. რასაც ითვალისწინებს კანონი „ისტორიისა და კულტურის ძეგლთა დაცვის და გამოყენების შესახებ“.

დაუყოვნებლივ უნდა შემოწმდეს მუზეუმში თავმოყრილი ეთნოგრაფიული კოლექციების, განსაკუთრებით ადვილად გასაფუჭებელი (ხე, ქსოვილი, ტყავი და სხვ.) ნივთების მდგომარეობა. გამოინახოს მათი დაცვა-შენახვის გზები და სახსრები. რაც მთავარია, აშენდეს მიწისზედა და მიწისქვეშა (ექსპონატების მოთხოვნილებათა შესაბამისად) სპეციალური საცავები, სადაც მიღწეული იქნება საჭირო ტენიანობა და მუდმივი ტემპერატურა. აღნიშნული საცავები ისე უნდა დაპროექტდეს, რომ ნივთთა იქ განლაგება ექსპონირებასაც გულისხმობდეს, მაშასადამე, სანახაობით მხარესაც. მით უმეტეს, რომ ბევრ კულტურულ ქვეყნებში მუზეუმში, მატერიალური კულტურის ძეგლი არამცთუ თავისთავს ინახავს, არამედ მოგებას იძლევა, ხოლო ჩვენთან ამის განხორციელება რატომღაც ვერ ხერხდება. და თუ ამ მოჯადოებულ წრეს გადავლახავთ, ძეგლზე გაწეული ხარჯები მოკლე ხანში ანაზღაურდება და მუდმივი შემოსავლის წყაროდ იქცევა.

გარდა ამისა, ხაზგასმით უნდა აღინიშნოს, რომ ძეგლთა დაცვის შესწავრთა და ძეგლების მონახულების შესურველთა შორის სასურველი კოორდინაცია არ არსებობს. იქნებ არსებობს, მაგრამ ცხოვრებაში ეს არ იგრძნობა. მაგალითად, სოფელ გლოლაში მდებარეობს რესპუბლიკაში ერთ-ერთი მოწინავე ტურისტური ბაზა. სად იყვნენ

აღნიშნული ბაზის ხელმძღვანელები, როცა ამ სოფლის უბედულსა უბანი ხელაღებით ინგრეოდა. შოვის ღვთაებრივი ბუნების შემდეგ, რა შეიძლება ენახათ ტურისტებს მასზე უკეთესი? ანდა ტურისტულ წარწერებში რატომ არ უნდა იყოს ჩართული ჭიორა და ღებო. თუკი იქ გადარჩენილ ეთნოგრაფიულ ძეგლებს სახეს დაუბრუნებთ, ე. ი. ისტორიულ-ეთნოგრაფიულ და ესთეტიკურ ღირებულებას აღწუდებთ. სანამ გვიან არ არის, ღირს ყოველივე ამაზე დაფიქრება და თავის შექნება.

არანაკლებ მტკივნეულია ექსკურსიების კვალიფიციური გიდებით მომსახურების საკითხი. გიდის მოვალეობას ხშირად და ძალაუფლებურად ძველის მკველი ასრულებს და, ბედნიერი გამონაკლისის გარდა (ნიკორწმინდა, არმაზი), ცნობისმოყვარე სტუმრებს რაღაც აბდა-უბდით ვუმასპინძლებით. უნდა ვაღიაროთ, რომ ტურისტულ ბაზებსა და ბიუროებშიც იშვიათადაა სათანადო ცოდნისა და მომზადების ექსკურსიამძღოლები. ხომ არ აჯობებდა მხარეთმცოდნეობის მუზეუმებს დაკისრებოდა ეს მოვალეობა, რომელთანაც შესაძლებელია შეიქმნას კვალიფიციურ ექსკურსიამძღოლთა განყოფილება. ფეიქრობთ, ეს ადვილი განსახორციელებელია, რადგან მხარეთმცოდნეობის მუზეუმში თითქმის ყველა რაიონში არსებობს, ხოლო სადაც არ არის უნდა შეიქმნას. საერთოდ, უმჯობესია ისტორიულ-ეთნოგრაფიულმა და მხარეთმცოდნეობის მუზეუმებმა, რესპუბლიკურ დაწესებულებებთან ერთად, იყოსრონ ყოველგვარ ძეგლთა გამოვლენის, დაცვის და პოპულარიზაციის საშეღიშვილო საქმე, მათთვის განკუთვნილ რევიონში. ასე უფრო ქმედითად და მოხერხებულად გვესახება, თუგინდ იმიტომაც, რომ პასუხისმგებლობა შედარებით კონკრეტული და ზღვარდადებული იქნება.

ტურიზმის განვითარების თანამედროვე დონე, მოსახლეობის ინტერესი საკუთარი ისტორიისა და მხარისადმი, აზრიანი, კულტურული დასვენება, რომელიც ისევე საჭიროა დღეს, როგორც წყალი და ჰაერი, შესაბამის დარგებში აუცილებელს ხდის მუშაობის კარდინალურ გარდაქმნას. ბუნებრივია, სულიერ მოთხოვნილებათა უმაღლესი ინდუსტრიის ხანაში კუსტარული მეთოდებით ფონს ვეღარ გავალთ.

დასასრულს უნდა დავძინოთ, რომ ძველი კულტურის ელემენტთა, ბუნებრივ და ისტორიულ-ეთნოგრაფიულ ფასეულობათა დაცვა-შენარჩუნება ჩვენი რესპუბლიკისათვის ისეთივე სასიცოცხლო ამოცანაა, როგორ პარტიის მიერ დასახული პროგრამის პირნათლად შესრულება.

თავი მესამე

ხალხური ხელოვნების საბანძურიდან

რა განძი გვექონა,
რა მხნე, რა მდიდარი.
გ ა ლ ა კ ტ ი ო ნ ი.

§ 1. ძველი ხალხური საკრავები რაზაში

თანამედროვე რაქაში ბოლო დრომდე შემორჩენილი იყო ორი ძველი საკრავი: გუდა-სტვირი და ჭიანური. ეს უკანასკნელი ჯერ კიდევ სათანადოდ აღწერილი და შესწავლილი არ არის. აკად. ივ. ჯავახიშვილმა წიგნში „ქართული მუსიკის ისტორიის ძირითადი საკითხები“ ღრმა-მეცნიერული ანალიზით მოგვცა საქართველოში გავრცელებული თითქმის ყველა ტიპის მუსიკალური ინსტრუმენტის აღწერილობა, ოღონდ რაჭულ ჭიანურზე არაფერს წერს. მხოლოდ პროფ. დიმიტრი არაყიშვილს თავის „ხალხური სამუსიკო საკრავების აღწერასა და გაზომვაში“, სხვა ხშიან საკრავებთან დასახელებული და აღწერილ-გაზომილი აქვს „რაჭული ჭიანური, იანუ ჭიანტური“¹, ოღონდ გათვალისწინებული არ არის ცალკეულ ნაწილთა ადგილობრივი ტერმინოლოგია. ზოგადად ქართული ჭიანურისა და ჭუნირის შესახებ ცნობებს გვაწვდიან ივ. ჯავახიშვილი, დ. არაყიშვილი, ია კარგარეთელი და სხვები. ეს საკრავი ძველად დიდი პოპულარობით სარგებლობდა, რაზედაც მიგვიჩივებს ივ. ჯავახიშვილი: ჭიანური „XVII საუკუნის მეორე ნახევარში ფართოდ ყოფილა საქართველოში გავრცელებული და შეილდაკიან საკრავთა ჯგუფთაგან ყველაზე მეტად ყოფილა ხალხისათვის ცნობილი“ [120, 168].

ჩვენთვის საინტერესო მუსიკალური ინსტრუმენტი საერთოდ ზამქალიანაა, თუ მხედველობაში არ მივიღებთ ზოგიერთ დასავლურ ჭიანურს, ისინი ყველა ერთმანეთის მსგავსია, ოღონდ მეტად თავისე-

¹ რაქაში ჭიანურს უწოდებენ არა „ჭიანტურს“, არამედ „ჭიანდურს“.

ბური და ყველასაგან განსხვავებულია რაჭული ჰიანური. მას ნაწილების საკუთარი ლექსიკაც აქვს.

დღეისათვის ჰიანური მთის რაჭაშია გავრცელებული. ამ უკანასკნელ ხანებამდე ის ჰქონდაო უწერაში, აგრეთვე მდ. საკაურასა და მდ. ჭეჭორის ხეობათა ზოგიერთ სოფელში. მაშინ, როდესაც ჩვენ მასალეზს ეკრებდით (1957 წ. ივნისი), ჰიანურის კეთებისა და დაკვრის რამდენიმე ოსტატილა იყო დარჩენილი: ოსია წყალობას ძე მეტრეველი (95 წლის, სოფ. უწერა), ვასილა ზაზას ძე რეხვიაშვილი (90 წლის, სოფ. ჰიორა), ნესტორ ნიკოს ძე ბიძიშვილი (68 წლის, სოფ. გლოლა), ვასილა ნიკოლოზის ძე გავაშვილი (46 წლის, სოფ. დები). რამდენიმე ახალგაზრდაც უკრავდა, მაგრამ ძველებს ოსტატობით ვერ შეედრებოდნენ.

რაჭასა და სვანეთში ჰიანურზე საინტერესო ლეგენდებია შემონახული. უწერელმა ოსია მეტრეველმა მხატვრულად გვიამბო ლეგენდა ჰიანურის წარმოშობის შესახებ; აი, მოკლედ მისი ნაამბობი: ფალავანმა ერთ-ერთი შერკინების დროს ვერავალი ღალატით ღასიკვდილოდ დაჭრა საკუთარი შვილი ზურაბი. ზურაბი ობლობაში გაიზარდა და როცა დაჭაბუკდა დაკარგული ჰამის საძებრად იწყო მოგზაურობა. მალე ყველაფერი გამოიკვია, მომაკვდავს აღმოხდა:

— მე მომკალ, მაგრამ მაძახემ როსტომს სად წაუხვალო! ამასთან, დედისეული აეგაროზი და იავარდით მორთული უნაგირი დაბეჯითებით ადასტურებდა ზურაბის ვინაობას. უიმედობა და ეუფლა როსტომ გმირს. მაშინ კეთილმა ანგელოზმა ურჩია: გაჭერი ცხრა მხარი მიწა, ჩაიყვანე იქ შვილი და განკურნებამდე ფეხი არ მოიცივალო. მართლაც ასე მოიქცა როსტომი. გავიდა ხანი. როსტომს წვერ-ულვაში დაუგრძელდა, შეატოლა რამდენიმე ღერი, გააბა შვილის ჭერ კიდევ უმოძრაო ხელებზე, ააკენესა ისინი, თავსაც ინუგეშებდა და დაჭრილსაც ართობდა. ეს იყო ჰიანური, პირველად როსტომის მიერ გაკეთებული. ამიტომ არის, ავადმყოფებს ძალიან უხდებათ ჰიანურის დაკვრაო? — ასკენის მთხრობელი.

დამაღონებელია სვანური ლეგენდის შინაარსიც: მამას მტერთან ბრძოლაში დაღუპვია ერთადერთი ვაჟი, დარჩენილა მიუსაფარი მოხუცი მარტოდმარტო, უმემკვიდრეოდ. შვილზე. დარღში ათენებდა თურმე ღამეებს. მის ნატვრაში ამოსდიოდა სული. ველარ მოითმინა, ბოლოს გაჭრა შვილის საფლავი, ამოიღო მისი თავის ქალა გაუქეთა ტარად მკლავის ძვალი, გააბა ზედ ძუები, შვიდღის წნელი-

2 ეს ლეგენდა ჩაწერილი აქვს აკად. შ. ძიძიგურს მთის რაჭის დიალექტის დაცვით [110, 243—5].

საგან შვილდა გააკეთა, გაუსვა ძუებსა და ააქვითინა. სოფელ-სო-ფელ დადიოდა თურმე, ტიროდა თავის უბედურებაზე და აკვნესებ-და მის მიერვე შექმნილ მუსიკალურ ინსტრუმენტს — ჭიანურს³.

ამ ლეგენდათა სევდიანობა, ჩვენი აზრით, განაპირობა თვითონ ჭიანურის მგრძობიარე ხმის ტემბრმა. ის თავდაპირველად მწუხა-რებისა და ტირილის თანმზღები საკრავი უნდა ყოფილიყო. ახლაც კი ავადმყოფის გასართობად კარგ მეჭიანურეს დაუძახებენ ხოლმე. სადაც წუხილია, ჭიანურის ხმა მაღამოსავით მოქმედებს. იგი თანამ-გრძნობიკ არის და მაიმედებელიც.

რატომი ჭიანურს საკმაოდ მარტივი წესით აკეთებდნენ: სუფ-თა, ელასტიურ ფიჭვის ან სოკის ყავარს საცრისებურად მოდრიკა-ვდნენ. თხილის ტყეჩით თავებს ერთმანეთზე მიუმაგრებდნენ, ზედ საქონლის ფაშვის თხელ, გამჭვირვალე ფენას გადააკრავდნენ, რო-მელსაც „სეირა“ ჰქვია, მთლიანად კი „რკვალი“ ეწოდებდა. რკვალში შიგნიდან გატარებულია ჭიანურის ტარი, მის პატარა „თითზე“ მავ-რდება ორი „ძუა“⁴. რკვალს სვანური ჭუნირის მსგავსად ფსკერი არა აქვს. სეირის შუა ადგილას თავსდება „ჯორა“, ხოლო ძუები დაჭიმულია ტარის ბოლოზე მიმაგრებული „რიკების“ მეშვეობით. ამ რიკებითვე იმართება ძალები. ტარს არა აქვს დანაყოფები, მაგა-ლითად, როგორც ჩონგურს. მარჯვენა ძალი 15 ცალი ძუისაგან შედ-გება, მარცხენა კი 20 ცალი ძუისაგან⁵. ძუებს საგულდაგულოდ არჩევენ, ფრჩხილით გამოქნიან, შეატოლებენ, რამდენჯერმე დაჭი-მავენ და მიამაგრებენ ჭერ ჭიანურის თითს, შემდეგ რიკებს. ძალებს შეუყენებენ ჯორას.

ქამანჩას ან ხემს (როგორც დ. არაყიშვილი ეწოდებს) ჰქვია „კაკვი“, ეძახიან შვილდასაც (ივ. ჯავახიშვილის მიერ ნახმარი ტერ-მინი). კაკვად არჩეულხ ზვინდის ან არწკლის წყეპლას, ცეცხლზე გამოწვავენ, სასურველ ფორმას მისცემენ, ზედ 15—20 ძუას გაჭი-მავენ და ჭიანური უკვე მზად არის. მისი დაკვრა მჭდომარე მდგო-მარეობაში ხდება: რკვალს მუხლებს შორის იჭერენ, მკერდზე, მარ-ცხნივ, ტარის ბოლოს იყრდნობენ, ძალებს მარცხენა ხელით მარ-თავენ, ხოლო მარჯვენა ხელით შვილდას (კაკვს) უსვამენ. რკვალს ერთ მხარეზე ფისი აქვს სქელ ფენად დასხმული, ფისს დროდოდრო

³ სვანური ლეგენდა 1958 წ. ჩავიწერეთ გორის პედინსტიტუტის ისტორია-ფილოლოგიის ფაკულტეტის მესამე კურსის სტუდენტების გერანტი და დავით-ლიპარტიანიანებისგან.

⁴ „ძუას“ ხმარობენ ძალის აღმნიშვნელ ტერმინად.

⁵ ძუათა რაოდენობას ოსტატი ზოგჯერ „ხმის გამოცემის“ მიხედვით საზ-ღვრავს.

ცეცხლზე შეათბობენ და შვილდას ძუით გაუსვამენ, ამით ძალებს კეთილზმოვნება ემატება. საერთოდ, ცეცხლისა და სითბოს გარეშე ჭიანჭურზე დაკვრას ძლიერ ერიდებიან.

დ. არაყიშვილს, ზემოთ მოხსენებულ ნაშრომში, აქვს ზომები რაჭული ჭიანჭურისა, მაგრამ რაჭაში ჭიანჭურის დამზადების სტანდარტი არ არსებობს. მისი დაკვრის წესი ისეთნაირია, რომ ინსტრუმენტის სიგრძე თვითონ ადამიანის სიდიდზეა დამოკიდებული. გლოლელი ნესტორ ბიძიშვილის თქმით, „გააჩნია ვინ როგორ მოირგებს, სხვის ტანზე გაკეთებული ჭიანჭური ძნელი დასაყრავია. ჩვენ თვითონა ვართ, ვინც დაკვრა ვიცით, ჭიანჭურის კეთების ოსტატა. და ესე გამოვიყვანთ რანაირადაც მოგვებერხება“.

რაჭული ჭიანჭურის სახით ჭიანჭურის ერთ-ერთ უძველეს სახეობასთან უნდა გვქონდეს საქმე. ამ საკრავს ვიოლინოსთან უკვე ივ. ჭავჭავიშვილი აიგივებს [120, 303]. უდავოა ჭიანჭური ვიოლინოს პირველადი სახეობა ყოფილა ოდესღაც. ვფიქრობთ, ასეთი ტიპის მუსიკალურ ინსტრუმენტთა შორის ყველაზე ძველი. შესაძლოა, რაჭული ჭიანჭური იყოს, თუნდაც მისი ორძალიანობის გამო. აკად. ივ. ჭავჭავიშვილის მტკიცებით „საკრავიერი მუსიკა თავდაპირველად მხოლოდ შებანებისათვის უნდა ყოფილიყო განკუთვნილი“. მაშასადამე, „პირველად ბანი ხმის მომცემი ძალი უნდა გაჩენილიყო“ [120, 336]. ბანის შემდეგ რომელი ხმა გაჩნდა — მსხირბანე, უირი თუ სხვა, ორძალიანი ფანდურის ამ თვალსაზრისით შესწავლა მოჰქვენსო ნათელს. გამოჩენილი მკვლევარის ეს მოსაზრება რაჭული ჭიანჭურისათვის გამოდგება: როგორც ვიცით ოგი ორძალიანია. სადავო არ არის, რომ ძალთა სიმცირე მის სამარტივესა და უძველესობაზე მიუთითებს. ჭიანჭურის ამ მხრივ შესწავლა გარკვევდა ბანის შემდგომი ხმის გაჩენას. უკვე აღნიშნული იყო, რომ ერთ მხარეზე ოცი ცალი ძუა ებმის, ხოლო მეორეზე — თხუთმეტი. ხომ არ იქნება ოცდუიანი ძალი ბანის გამომცემი პირველადი ხმა, თხუთმეტდუიანი ძალი კი შემდგომი მკვლევარი ძალი?... რა თქმა უნდა, ამ ვარაუდის დამტკიცებას სათანადო მუსიკალური წიაღსვლა სჭირდება.

მთის რაკის ცხოვრებაში ჭიანჭურს ფართო გამოყენება ჰქონია. ლხინსა თუ ჭირში, შრომასა თუ ბრძოლაში ოგი განუყრელი მეგობარი ყოფილა მთიელი რაჭველისა. მისი ტბილი ხმა ძალას მატებდა. ზვიად ბუნებასთან შერკინებულ ადამიანს. ხანმოკლე ზაფხულს მოსდევს უზვთოვლიანი ზამთარი. იწყება „წლისოდენა“ გრძელი ღამეები. გიზგიზებს ბუხარი და მოლიცლაეც ალით მკრთალად ნათდება დარბაზი. საკარცხულზე ზის ოჯახის უფროსი მამაკაცი, ჭიანჭურს

აკენესებს, თან ლექსებს დაპლილინებს. მრავალფეროვანია ლექსთა შინაარსი. მთაში ხომ ყველა მნიშვნელოვანი შემთხვევა სალექსო თემად იქცევა ხოლმე! განსაკუთრებით პოპულარულია სავმრო-სარაინდო ხასიათის ლექსები. კავკასიის ქედის კალთებზე მცხოვრები ხალხებისათვის კერძ-მოკეთებაზე დამყარებული ჩვეულებრივი, მშვიდობიანი ცხოვრება დროდადრო დაირღვეოდა, ატყდებოდა ძმა-თმკვლელი ომი და სახალხო პოეტი ამ სავალალო მოვლენას ლექსით უკვდავყოფდა, რათა ყველა თაობის ადამიანისათვის ყოფილოყო ჭკუის სასწავლებლად. ქიანურზე დასამღერებელი მრავალი ასეთი ლექსი იცის ვასილა გავეშელმა, მოვიტანთ ერთ-ერთ მათგანს:

„აიძრა დიდი სვანეთი
ღვიოდა მთა და ბარია,
მთ რო აბჯარი ჩაიცივეს,
არ მოშორდება თვალია.

ესეცერი და უშგული
შეიქნა დიდი ძალია.
ბრილი ქალას რო დავიდენ
მიზას დაასხეს ზარია.

თითო ფარტალა დალიეს,
მით იზიარეს თავია.
თევრეშოც კაი სოფელი,
გარს გაუარეს მხარია.

ხიდითაეთან რო მივიდენ,
ახსენეს მაცხოვარია.
მაცხოვარსაც კი მიართვეს
რქათეთრი, ქერა ხარია.

ღედაღეთისასაც მიუძღვნეს
რქადახვეული ვერძია.
ჭიორა კაი სოფელი,
დაბლა ქალაქის კარია,

ზემოთა კარსაც მიადგა
შავი სვანეთის ჭარია.

ხელო და ხმლო გაქერი,
სისხლისა ნატალახია,

ფეხო, ნუ მოგვიცურდები,
ბურჯად არავინ გვახლია.
ბოცორ დაქრეს და გაიქცა
ეით რო ღედალი თხანია.

ჭიორი ქალის ყელასა
ღებური სეშენ ყველასა.
სუანთა მეფე დოუჭირავს
ციღამტკაველა გელასა.

მისაშლარი

ართუელი, ბართუელი,
ზამთარ თქენი, ზაფსულ ჩენი.
პეი, მტერო, მტერო, მტერო,
ვერ დაბალახო ცხენი,
ვერ გამოუქნეო ცელი“.

ჩვენ შესაძლებლობა არ გვაქვს გადმოვცეთ ქიანურზე სასიმღერო ლექსთა მუსიკა. ვასილ გაჯაშელი ჯერ ხნიერი არ არის. მხოლოდ ისღა უკრავს ლებში ქიანურს, დაკვრის კარგი ხელოვანია და მდიდარ სასიმღერო რეპერტუარსაც ფლობს. მისი ქიანური თვითნაკეთი და სამძალიანია. მესამე ძალი თვითმიხვედრით დაუმატებია ოსტატს. ვასილის წინაპრები ყველანი მექიანურენი ყოფილან.

ხაზგასასმელია ის გარემოება, რომ მეზობელთა ბრძოლა არა მარტო მოლექსეთა ფანტაზიას კვებავდა, არამედ სახალხო კომპოზიტორთა შთაგონების წყაროდ ქცეულა. ვინც ქიანურზე სიმღერებს შოისმენს, ნათლად იგრძნობს ხალხის ხელოვნების უბადლო ძალას. ქიანურს მეტად მდიდარი სასიმღერო რეპერტუარი მოეპოვება, რაც საგანგებოდ შეგროვებასა და შესწავლას საჭიროებს. განსაკუთრებით გავრცელებული და პოპულარულია შემდეგი ლექსები: „დიგორსა დასხდნენ ვაზირნი“, „ერელეთი“, „დიგორი და ბასიანი“, „უაჩად ჯამათას ლექსი“ და სხვა. ამასთან, კარგი დამკვრელი ქიანურს უწყობს თითქმის ყველა სიმღერას, თვით მაყრულსაც კი. „რა სიმღერა გინდა, დოუკრამ ქიანურზე, — გვითხრა უწერელმა ოსია მეტრეველმა, — ოღონდ ჯერ მე უნდა ვისწავლო, ქიანური ჩემი მორჩილია ყოველთვისო“.

ქიანურს უკრავდნენ ქორწილში, არც მკრთალი გადმოცემა ზისი ტირილში გამოყენების შესახებაც. ქიანურის ჩმის უაღრესი მელოდიურობა, მომხიბვლელი ტემბრი იძლეოდა ალბათ ამის საშუალებას. დღეობანი, სახალხო თამაშობანი ქიანურის გარეშე არ იქნებოდა. დაკვრის ოსტატი ხალხში ყოველთვის პატივისცემით და სიმპატიით სარგებლობდა. ზოგჯერ სანახშოზე ეწყობოდა შეჯიბრებანი ქიანურის საუკეთესო დამკვრელთა შორის, გამარჯვებულს ხალხი ტაშით აჯილდოვებდა. ჩვეულებრივ უკრავდნენ ერთ ქიანურს, ხოლო სიმღერაში მონაწილეობა ბევრს შეეძლო.

მთხრობელთა მტკიცებით, ქიანურს მაგიური ძალა აქვს. მას შეუძლია ადამიანთან ლაპარაკი. სულების გამოხმობა და სხვა. „ლაპარაკი არაა, ბატონო, — გატაცებით საუბრობდა ვასილ რეხვიაშვილი, — ქიანურს დოუკრავ აგატირებუე, გაგაცინებუე, გაეკეკებუე“. ამ საკრავს წინასწარმეტყველების უნარიც ჰქონია თურმე: „თუ ვინ-

ეს მიეპარა სიკვდილი, ჰიანური ადრე შეიტყობს, — განაგრძობა
ქასილი, — დოუკრავ, აკენესდება იგი შეილმკვდარ დედასავით.
კიტყვი, გლახათაა ჩვენი საქმე, არაფრისგულისათვის არ გაწბილ-
დება, ვილაყა რო არ მოკვდეს სოფელში ყოვლად შეუძლებელია“.

ადგილობრივ მცხოვრებთა გადმოცემით, ჰიანურის დაკვრა
გვამცნობს, თუ როგორი ამინდია მოსალოდნელი. მისი მგრძნობი-
არე, ნაზი სიმები ყველაფერს ხვდებაო.

სოფელ გლოლაში ახლაც ყვებიან თქმულებას გოგორიეთზე
(გოგორიშვილზე). თქმულებაში მოცემულია, თუ რა მოხერხებუ-
ლად გამოიყენა ჰიანური მოხუცმა გოგორიეთმა. ულიდას მთაში ერთი
გლეხი — გოგორიშვილი ცხოვრობდა. სანამ ოსები გლოლას დაე-
ცემოდნენ, გზად იმ გლეხისას გამოიარეს. ჰურ-ღვინით დაუხვდათ
მოხუცი გოგორიშვილი. მისი ვაჟი კი ბოსელში დაიმალა. მტერთან
სუფრის გაშლის მიზანი იყო მათი დაყოვნება. ამასთანავე, მოხუცს
გლოლაში სასწრაფოდ მაცნე უნდა გაეგზავნა, მაგრამ შვილს ვერა-
ფერს ეტყოდა, „სტუმრები“ მიუჩედებოდნენ. ამიტომ აიღო ბერმა
გოგორიშვილმა ჰიანური, ვითომ მომხვდურთა პატივსაცემად
ააუღერა და დაამღერა:

„გოგორიეთო რეგვენაო,
გეყურება თუ არაო,
აქეთ წადი მალეითაო,
ჩქით მოდი ბრავლითაო!“

შვილმა გაუგო მამას. ბოსლიდან გაიპარა და გლოლისაკენ დაეშვა.
როდესაც სოფელს მიუახლოვდა საშინლად დაღლილი წყაროს და-
ეწაფა⁶. დაღლილზე წყალმა ცუდად იმოქმედა — დამუნჯდა ვაჟ-
კაცი. დარჩა ამბავი მიუტანელი, მაგრამ ახალგაზრდაც ხერხიანი გა-
მოდგა, ავიდა ზედქალაქის გორაზე, ამოიღო ხმალი და ქნევა დაი-
წყო. გლოლელებმა იცნეს გოგორიეთის ხმალი, მიხვდნენ რაშიც იყო
საქმე და თავდამსხმელებს თვითონვე დაესხნენ თავს.

ამგვარად, ეს მოკლე მიმოხილვაც გვიჩვენებს, თუ რა ადგილი
ეჭირა ჰიანურს რაჭველთა ცხოვრებაში. იგი ერთ-ერთი საყვარელი
ნუსიკალური ინსტრუმენტი იყო. ადრე თითქმის ყველა თავმომწონე
ვაჟკაცს სცოდნია დაკვრა. მათ შორის უპირველესი სოფლის მშვენიე-
ბად ითვლებოდა, მაგრამ დღეისათვის ჰიანური მივიწყებულია, თვით
მოხუცებსაც მოუძულეებით იგი. მხოლოდ დებელი მწყემსი ვასილ-
გავაშელი ვერ შელევია მამაპაპურ „გულის მოსათხანს“, ხშირად
უკრავს და ყველას არწმუნებს, უამისოდ სიცოცხლე არ შემოძლიაო.

⁶ ეს წყარო ახლა გლოლის ტოპონიმიურ სახელთა შორის იხსენიება, რო-
გორც „ბლუაის წყარო“, ე. ი. ბლუს წყარო, ბლუ ნახმარია მუნჯის გაგებით.

თუ რაჭაში კიანურზე დაკვრის რამდენიმე ოსტატის გამოვლენა მაინც შეეძლებოდა, გუდასტვირზე დამკვერელი მხოლოდ ერთი კაცი იყო დარჩენილი. რაჭველი მესტვირეები — ეს ქართველთა ტრუბადურები, ადამიანები, რომლებიც საქართველოს არც ერთ კუნძულს არ ტოვებდნენ ფეხდაუდგმელს, გადაშენებულან. აღარ ისმის შათი სტვირების დამატკობელი დუღუნის, აღარ ჩქეტს გაუნებამახვილური ლექსების დაუშრეტელი შადრევნები.

რაჭა მთიანი კუთხეა. იქაური ხალხი მიწის სიეიწროვეს განიცდიდა, ამიტომ ძველთაგანვე რაჭველები მრავალნაირ ხელობას მისდევდნენ. გვიან შემოდგომით, როცა მთაში სასოფლო-სამეურნეო სამუშაოები დამთავრდებოდა, რაჭველი ხურო, მკედელი, ხარაზი, მზარეული, ხაბაზი, მეწისქვილე და სხვა, დატოვებდა ოჯახს და საქართველოს რომელიმე კუთხეში გაემგზავრებოდა, უმეტესად მარცვლეულით მდიდარ რაიონებში. აგრეთვე ხშირი სტუმრები იყვნენ ჩრდილო კავკასიისა. მთელი ზამთრის განმავლობაში დაუზარელი შრომით აგროვებდნენ ოჯახისათვის წლის ზარჩოს. ადრე გაზაფხულზე, როდესაც საგაზაფხულო ალო დადგებოდა, „მონაგვებით“ დატვირთული ოსტატი „მოსაგებიდან“ ბრუნდებოდა. გუშინდელი ხელოსანი დღეს მიწის მუშად — გლეხად იქცეოდა და მუყაითად შეუდგებოდა კუთვნილი ფერდობის დამუშავებას. ერთ-ერთი ხელობა იყო მესტვირეობაც, ოღონდ იმ განსხვავებით, რომ სახელოსნო იარაღების ნაცვლად, რაჭველ მესტვირე-გლეხს „მოსაგებში“ სათუთად შენახული და მოვლილი გუდა-სტვირი მიჰქონდა. სარჩოს მოსახვევად სამშობლოს თითქმის ყველა სოფელში ღიღინებდა იგი. პატრიოტულ ლექსებთან ერთად, ზოგჯერ ბილწ-სიტყვაობასაც არ ერიდებოდა, თავის კოლეგებთან გაჭიბრებული. დაუღალავი მუხლი, მახვალი გონება, სიღინჯე და მოთმინების ღიღი უნარი, ხალხის ხელგაშლილობა, პატივისცემა და საყვარული მრავალ რაჭველს უბიძგებდა ამ საქმისათვის მოეკიდა ხელი. აქედან გასაგებია, რაჭველმა მესტვირეებმა თუ რატომ მოიპოვეს პირველობა მთელ საქართველოში. წიგნში „ქართველი მესტვირეული პოეზია“ დაცულია სახელგანთქმული მესტვირის ზაქარია ერადის ცნობა: ერთდროულად „ჩვენს ფარახეთში 120 მეშტვირე იყო“ [105, 42].

რაჭველი მესტვირე, როგორც არაერთხელ დაუმტკიცებიათ სამეცნიერო ლიტერატურაში [101; 102, 105], ნახევრად პროფესი-

ონალი იყო. ეს იმიტომ, რომ მესტიერობასთან ერთად ის ეწეოდა სხვა საქმიანობას, კერძოდ, მიწათმოქმედებას. მარჩენალი მიწის სიყვარული ყველგან მიჰყვებოდა მოხეტიალე მუსიკოსს. სადაც არ უნდა ევლო რაჰველ ხელოსანს, მესტიერე იქნებოდა იგი თუ ოქრომპედელი, თავის ძვლებს მაინც საყვარელ მთებში მოიტანდა და მრავალტანჯულ სხეულს შშობლიურ მიწას მიაბარებდა.

ზოგჯერ ერთი და იგივე კაცი მესტიერეც იყო, მზარეულიც, მეკურტნე და მხვნელ-მთესველიც. ლუქმაპურისათვის დამაშვრალი რაჰველი ხშირად მიმართავდა მხსნელად სტიერს. მისთვის გუდასტიერი არა მარტო სულიერი მეგობარი იყო, არამედ შემოსავლის წყაროც. „ქუთაისში მინახავს მეკურტნე რაჰველი, — წერს „დროების“ კორესპონდენტი, — რომელსაც უქმე დღეებში დაუნებებია კურტნისათვის თავი, რადგან ამ დღეებში გამორჩომის იმედი არ ჰქონია, აუღია სტიერი, ამოუჩრია ილღიაში გაბერილი გუდა და უვლია კარიდან კარზე, რომ ქების შესხმით და არსენას ლექსას თქმით გროშები იშოვოს“ [25].

დიდი ხანია მესტიერობას სოციალური საფუძველი გამოეცალა. დღეისათვის უკვე ბუნებრივია მისი გაქრობა, მაგრამ მესტიერობა არ უნდა მოისპოს, როგორც ერთ-ერთი სახე ხელოვნებისა. კულტურის დარგში მომუშავე დაწესებულებებმა საჭიროა შეინარჩუნონ ეს სასიამოვნო ხმის მქონე ინსტრუმენტი. თითო-ოროლაც და, თუგინდ წარმატებული, საქმეს ვერ უშველის.

აკად. ივ. ჭავჭავაძის დასკვნით, „გუდასტიერი მთელ საქართველოში უნდა ყოფილიყო გაერცელებული“ [120, 191]. მაგრამ გუდასტიერი ამჟამად (ე. ი. 1938 წლისათვის ლ. ფ.) მხოლოდ მსხეთში, ქართლში, რაჭასა და აჭარაშიღაა შემორჩენილი“ [120, 150]. როგორც აღენიშნეთ, რაჭაში მხოლოდ ერთი ნახევრად პროფესიონალი მესტიერე იყო დარჩენილი — ესტატე (თომა) კიკოს ჰეერაძე. წიგნში „ქართული მესტიერული პოეზია“ მოცემულია რაჰველ მესტიერეთა სია, მაგრამ ესტატე ერაძე დასახელებული არ არის, თუმცა მას თავისი ძმისაგან, ცნობილი მესტიერე — ზაქარია ერაძისაგან უსწავლია ეს ხელობა. ძმებს ხშირად ერთად უვლიათ, ჰიერი და ლხინი გაუზიარებიათ. „რავარც რიონს წყალი არ დეეღევა, ისე ზაქარიას ლექსები არ დეეღეოდაო“, — ამბობდა ესტატე. იგი ფარანეთიდან შარდომეთს ჩასიძებულა. ყოჩაღად შრომობდა კოლმეურნეობაში, ამასთან ერთგულად მისდევდა მამაპაპურ ხელობას. ზემო რაჭის ბევრ სოფელში ნახავდით განუყრელი გუდასტიერი. ენაწყლიანი, ხალისიანი კაცი იყო, ხალხი უხვად ასაჩუქრებდა. ჩვენ ესტატეს 1957 წ. უწერაში შევხვდით. აგვისტოს ცხელ საღამოს

რიონის ტალღების ხშირი სუნთქვა და მთის ნიავი აკრილებდა. უწერლები სანახშოზე გამოსულიყვნენ. ამ დროს ტანმორჩილო მოხუცი გამოჩნდა, ხალხი აჩოჩქოლდა და წინ მიეგება, ვეებერთელა წრე შეიკრა, სტუმარი: შუაში ჩაიყენეს. მან საოცრად მეტყველი თვალეები მოავლო ირგვლივ მყოფთ და სტვირი აახშიანა, ეროხანს. ყური მიუგდო, მეტე ნელი ლილინით აჰყვა; ლექს ლექსი ჩაენაცვლა. დიდხანს არ დამცხრალა სტვირის საამო ლულუნი, ხან აცინა და ხან ცრემლი მოჰვეარა მესტვირემ ხალხს.

იმ ღამეს ერთი მასპინძელი აღმოგვიჩნდა. ბევრი ვისაუბრეთ. ესტატე ჩიოდა: ახალგაზრდობა არ სწავლობს სტვირის საქმეს, მოუკვდები და მიწაში წამყობაო ეს ხელობა, სტვირსაც ვერავინ გააკეთებს, სტვირის ნამდვილი ოსტატი მხოლოდ მისი დამკვრელიაო. სიყვარულით იგონებდა ესტატე თავის ძმას ზაქარიას. მის ფრჩხილდაც არ ვლირვარო, ამბობდა გულწრფელად, მასავით არც დაკვრა ვიცი და არც ლექსებო. აბა, რა გასამხელია ჩემი საზანდრობა, მარა ასე რო გადავარდა სტვირის საქმე სახლში ვული აღარ მიჩერდებო.

ღილით ესტატე სტვირის „გამართვას“ შეუდგა: მან ფრთხილად დამალა ინსტრუმენტი და ყველა ნაწილი ქისაში საგულდაგულოდ შენახული ხავერდით დაწმინდა. შევნიშნე, რომ დედნებში რაღაც ბალახი შოათავსა. რად უნდა მეთქი — ვკითხე, მრავალ მნიშვნელოვნად ჩაიცინა და საიდუმლოდ მითხრა:

— ურჩხას თავთავებია, ხმას უყუყუნებს შტვირს.

შემდეგ ესტატეს თითქმის ყოველ ზაფხულს ვხვდებოდი. ღრმა მოხუცებულობის მიუხედავად ის მარც მოგზაურობდა რაქის სოფლებში განუყრელი გულდა-სტვირით, ხშირად კურორტებს — შოვსა და უწერას ესტუმრებოდა.

— თუ დამცალდა, ქალაქადაც ჩავალ და ქვეყანას ვაჩვენებ. რომ ფარახეთში მესტვირეები კიდევ ცოცხლობენო! — გაიძახოდა მხნედ. მაგრამ არ დასცალდა ესტატეს. 88 წლის სიმძიმემ თავისი გაიტანა და ეს უკანასკნელი მესტვირე 1959 წ. 15 სექტემბერს გარდაიცვალა. მისი სიკვდილით შეწყვიტა არსებობა რაქველ მესტვირე — ნახევრად პროფესიონალთა მძლავრმა სკოლამ.

ცოტა ხნით ადრე დაიხოცნენ განთქმული მესტვირეები ლუკა ტოგონიძე და ზაქარია ერაძე, რომელთაც, როგორც ფარახელი მოხუცები ამბობენ, „ფხიანი სიტყვა ჰქონდათ და სიმღერაც გულისმოსაფხანი იცოდნენ“. ლუკა 1947 წ. გარდაიცვალა, ხოლო ზაქარია 1953 წ. 12 აპრილს [82].

მამინ საქართველოს სახელმწიფო მუზეუმის თანამშრომელი

ვიყავი. ჩვენთან მოვიდა ესტატე ერადის ვაჟი — მამაჩემის გულ-სტვირი დაგვეყარა, ქორწილი გვაქვს და იქნებ სტვირი მუზეუმი-დან გვათხოვოთ. რა თქმა უნდა, უარით გავისტუმრეთ, მით უმე-ტეს მუზეუმში დატული ორადორი გულა-სტვირისაგან დასაყრ-ვად არც ერთი არ გამოდგებოდა. ამგვარად, უკანასკნელი მეს-ტვირის ინსტრუმენტიც უგზოუკვლოდ გაქრა. შემდეგ რამდენჯერმე მოვიძიე ფარახეთში გულა-სტვირები, მაგრამ ამაოდ. ეს მით უფრო დასანანია, რომ ამ საკრავის სრული კოლექცია საქართველოს არც ერთ მუზეუმს არ მოეპოვება.

ესტატე ერადის თქმით, სტვირის კეთების ოსტატი ისაა, ვინც მისი დამკვერელია, „შექედლილობის გარდა, შტვირს ჩვენ ვა-კეთებდით, მერე მიგვიქონდა ოქრომჭედელთანო“. სამეცნიერო ლი-ტერატურის გაცნობის შემდეგ, რატომღაც ისეთი შთაბეჭდილება გვრჩება, თითქოს სტვირის კეთების ოსტატი სხვა ყოფილიყოს, ხოლო დაკვრის ოსტატი კიდევ — სხვა. მართალია, გამორიცხებულ არ არის, რომ სტვირი საგანგებო ოსტატის მიერ კეთდებოდა და მას მესტვირე შხამზარეული სახით იძენდა, ამისი საბუთი მკვლევა-რებს ბევრი მოაქვთ; მაგალითად ქ. გორში ყოფილა სტვირების ცნობილი მკეთებელი ალექსი ნოდარიშვილი [105, 191], მაგრამ ისიც ფაქტია, რომ მესტვირე თვითონ საგულდაგულოდ არჩევდა და აკეთებდა სტვირის ცალკეულ ნაწილებს („ყანწს“, „დედნებს“. „დამკვერლებს“, „გულდას“ და სხვ.), შეკრავდა მთლიან ინსტრუმენ-ტად და „შექედლილობისათვის“ ე. ი. შესამკობად ოქრომჭედ-ლებთან მიჰქონდა. ესტატეს თვითონვე გაუკეთებია გულა-სტვირა, ასევე თვითნაკეთი სტვირები ჰქონიათ ლუკა ტოგონიძეს და ზაქარია ერადეს. აქედან გამომდინარე, უნდა ვიფიქროთ, რომ მესტვირეთა უმრავლესობა თვითნაკეთ სტვირებს იყენებდა, ყოველ შემთხვე-ვაში დედნები და დამკვერლები მაინც საკუთარი ხელით შერჩეული და გაკეთებული ექნებოდათ.

მესტვირე ილიაში ამოჩრილი გულა-სტვირით დაუპატიჟებე-ლი, მაგრამ აუცილებელი და სასურველი სტუმარი იყო დღეობე-ბისა და ქორწილებისა. ტირილში და საზოგადოდ სამგლოვიარო საქმეზე მაწვევის გარეშე მისვლას ერიდებოდნენ და თუ შეატყო-ბინებდნენ, ამ შემთხვევისთვისაც ჰქონდათ ლექსებისა და სიმღერე-ბის დაუშრეტელი მარაგი.

მესტვირეები უმეტესად სწავლობდნენ საუკუნეთა განმავლო-ბაში დაგროვილ ზეპირად მოარულ ლექსებს. დროდადრო რომელი-მე ნიჭიერთაგანი ამდიდრებდა მესტვირულ რეპერტუარს. ესტატე ერადის აღიარებით „ლექსის გაჩოქმას დიდი ჭაფა უნდა. ჩემ ძემა

ზაქარიასაც უჭირდა ახალი ლექსების გამოთქმაო“. აქვე ისმის კითხვა: მესტვირობას ოსტატთან შეგირდობით სწავლობდნენ როგორც ხელობას, თუ იგი მემკვიდრებით გადაეცემოდა. ზოგიერთი მკვლევარი პირველი მოსაზრების სასარგებლოდ წყვეტს საკითხს, რატომღაც უგულვებელყოფილია მემკვიდრეობა. ჩვენი აზრით, ორივე ფაქტორი მნიშვნელოვანია. ოღონდ მემკვიდრეობას უპირატესობა უნდა მიენიჭოთ, სხვაგან თუ არა, რაქაში მაინც. ღრმად გვჯერა, თანდაყოლილი ბუნებრივი ნიჭისა და სათანადო ოჯახური ტრადიციის გარეშე მესტვირედ ვერაფერ შეიქმნებოდა, ბუნებრივია, „ოსტატობა-შეგირდობასაც“ ჰქონდა ადგილი და საკმაოდ მასობრივადაც, მაგრამ რაქაში მესტვირეობა უფრო მემკვიდრეობით გადადიოდა. რომელ სოფელშიც არ უნდა მიხვიდეთ და იკითხოთ, გეტყვიან: „მესტვირეები ფარახეთში იყვნენ, ახლა აღარაფერ არის, დაიხოცნენო“. მართლაც, ძირითადად, ფარახეთში ცხოვრობდნენ მესტვირეები და ამ ხელობას მისდევდნენ სამი გვარის (ბურდილაძე, ერაძე, ტოგონიძე) წარმომადგენლები. ავიღოთ რაქველი მესტვირეების სია, იქ ჩამოთვლილი 82 მესტვირედან 21 ბურდილაძე, 15 ერაძე და 13 ტოგონიძეა. დანარჩენი სხვადასხვა გვარის წარმომადგენლები არიან. ამათგან ერთი გვარიდან ხუთზე მეტი არ არის. სამივე გვარის (ბურდილაძე, ტოგონიძე, ერაძე) მესტვირეები ფარახეთიდან იყვნენ. ეს ფაქტი მიგვიჩვენებს, რომ მესტვირეობის შთამომავლობით გადაცემას ძლიერ ჰქონია ფესვები გადგმული. უეჭველია, შეგირდობითაც სწავლობდნენ, მაგრამ ისინი ერთეულები იყვნენ. თუ ვიგულისხმებთ, რომ აღნიშნულ სიაში ყველა რაქველი მესტვირე არ არის შეტანილი, თუ გაეიხსენებთ ზაქარია ერაძის ცნობას „ჩვენ ფარახეთში 120 მესტვირე იყო“ და დაუშვამატებთ ესტატეს სიტყვებს, რომ „მარტო სამი გვარი მისდევდა ამ ხელობასო“, დავრწმუნდებით ჩვენი მოსაზრების სისწორეში. მის განსამტკიცებლად ზაქარია ერაძის კიდევ ერთი ნათქვამიც გამოგვადგება: „რაქას ერთი მოხუცებული კაცი ყოფილიყო, ეს ლექსი იმის მიერ არის გამოთქმული. იმას ესწავლებინა ბაბუაჩემისთვის. ბაბუაჩემს — მამაჩემისთვის, მამაჩემმა კი მე მასწავლაო“. ამრიგად, არა მარტო სტვირის კეთება და დაკვრის ოსტატობა, არამედ მესტვირული პოეზიის ძირითადი რეპერტუარიც მემკვიდრეობით გადადიოდა.

რაქაში მესტვირეები საკმაოდ კარგად ახსოვთ. მოხუცი ესტატე ერაძე ხომ ბოლო დრომდე კვლავ მონდომებით განაგრძობდა წინაპართა საქმეს. სტვირი დაიკარგა, თორემ მესტვირულ ლექსებსა და შიარებს ხალხი დღესაც მღერის. ერთი მესტვირული ლექსი ჩავ-

5. ლ. ფრუიძე

აწერინა ონის რაიონის სოფელ გომის მცხოვრებმა 80 წლის ოქრუა იხრადემ:

ჩაგერ მოღის თქვენი მამა,
ქვეითგანი მობძანდება,
ჰელერა წვერი ჰქონია,
კეთილად შეაბერდება.
თქვენი მგზავრები წასულან
ოსეთშია თუ კახეთში,
შინ მშვიდობით ამოვიდნენ
წონაგებითა ნაქები.
ფული ბევრი მოიტანონ,
ოჯახისთვის შესაძენი,
ყანა რო ბევრი იყიდონ,
ვენახი ყველგან საქები.
ძარანში აქ საესე ქვევრი,
ბელელში საგვერდულები,
რაც სტუმარსა გაისტუმრებს
ზეველა მიღის მადლიერი“.

ვინც მესტირულ ლექსებს იხსენებს, ვერ მოუხერხებია ჩვეულებრივი ხმით თქვას, აუცილებლად მესტირული ღიღინით ჰყვება.

გაივლის ხანი. მოხუცები დაიხოცებიან და გაქრება მოგონება მესტირეებსა და გულდა-სტვირზე, მაგრამ ეს ასე არ უნდა მოხდეს. უფრო მეტიც, მესტირეობა — ხალხური შემოქმედების დიდად საინტერესო და სპეციფიკური ჟანრი ყოფას უნდა დავუბრუნოთ. ვფიქრობთ, ჩვენი ესტრადა, კინო, რადიო-ტელევიზია კარგ საქმეს გააკეთებს, თუ ხშირად გამოიყენებს გულდა-სტვირს — ამ ძალზე თავისებური ჰარმონიის და იერსახის მქონე ეროვნულ საკრავს.

§ 2. მიცვალებულის სიმღერით დაბრძანება

ქართული ხალხის ყოფაში მიცვალებულის კულტს მნიშვნელოვანი ადგილი ეკირა. საუკუნეთა მანძილზე სულთა თაყვანისცემა მრავალგვარ საწესჩვეულებო რიტუალებში ვლინდებოდა. ეს ჩვეულებანი გადმონაშთების სახით აქა-იქ ახლაც ცოცხლობს.

ამჟერად ჩვენი მიზანი არ არის მიცვალებულის კულტის მთლიანობაში განხილვა. ეს რთული საკითხი თავის მკვლევარს მოელის, შევხებით მხოლოდ დატირების ერთ-ერთ მნიშვნელოვან კომპონენტს — სამგლოვიარო სიმღერას. არსებული ლიტერატურული მასალები ნათელყოფს, რომ საქართველოში სხვადასხვა სახის სამგლოვიარო სიმღერა სცოდნიათ. მათგან ყველაზე უფრო ცნობილი

და გავრცელებულია ზარი. დასავლეთ საქართველოში ზარს უმეტესად მამაკაცები ასრულებდნენ. ა. ლამბერტის, თ. სახოკიას და სხვათა ცნობით სამეგრელოში მიცვალებულის დასაფლავების დღეს ჰირისუფლის თხოვნით მოიწვევდნენ ოთხი-ხუთი კაცისაგან შემდგარ მოზარეთა გუნდს. გუნდი „უსიტყვოდ“ ე. ი. უტექსტოდ მღეროდა [47, 61-2; 70, 163; 54, 138; 16].

დიდმა ქართველმა კომპოზიტორმა ზაქარია ფალიაშვილმა ჩაწერა და შეისწავლა სვანური ზარი, რომელსაც მამაკაცები ასრულებდნენ [79]. ზარი სკოდნიათ იმერეთში [27; 58; 86; 11], გურიაში [11; 104; 113], ფშავში [30, 14], აგრეთვე აფხაზეთში [1, 102]. აღმოსავლეთ საქართველოს ბარში ზარის არსებობაზე მეტყველებს ერეკლე მეფის დაკრძალვისას პროცესიის წინ „ორ ხოროდ“⁷ მოზარეთა „წამძვარება“ [36; 106].

ზარი რაჭაში იყო გავრცელებული, რის შესახებაც ცნობებს გვაწვდიან ნ. მინდელი [143], ს. მერკვილაძე [59], ალ. შარაბიძე [88]. მაგრამ მითითებული ლიტერატურა, გამონაკლისის გარდა, შემთხვევითი ხასიათისაა და მხოლოდ იმისათვის გამოდგება, რომ დავადასტუროთ მაშინდელ ეთნოგრაფიულ ყოფაში ზარის, როგორც სამგლოვიარო სიმღერის, არსებობა.

ამჟამად რაჭაში ზარის მცოდნე არავიან არის დარჩენილი, მხოლოდ რამდენიმე მოხუცის მესხიერებასა შერჩენია მკრთალი მოგონება ამ საინტერესო სამგლოვიარო სიმღერაზე. სოფელში ყოველთვის იყვნენ კარგი მომღერალი მამაკაცები, რომელთაც სკოდნიათ ზარის თქმაც („დაძახება“). მათ შორის სახელგანთქმულს, მიცვალებულის დასაფლავების დღეს⁸, ჰირისუფალი იწვევდა. მოზარენი⁹ სამ კაცზე ნაკლები არ უნდა ყოფილიყვნენ, ეს იმიტომ, რომ სიმღერა სამხმინანი იყო¹⁰ და მას „სამ კაცზე ცოტა ვეღარ დაიძახებდა“. ხევსკარელი კალიტე ჭარბაძის (81 წ.), ნიკორწმიდელი ბეგლარ კობახიძის (80 წ.), ღარელი გალაქტიონ ჭელაძის (70 წ.) და სხვათა ცნობით¹¹, ზარი „ულექსოდ“, „უსიტყვოდ“ იმღერებოდა, მარტო-

7 სხვათა შორის სამეგრელოშიც გუნდების „ორ ხოროდ“ გაყოფა ყოფილა მიღებული (იხ. მითითებული მასალები).

8 ასეთივე ცნობა აქვს ნ. მინდელსაც.

9 „კულაშვილი ვალდებული გღებხის“ განმარტებით. „მოზარე არის განსვენებულის სამგლოვიარო ხმის მგალობელი“ [27].

10 აფრ. მერკვილაძის ცნობით, იმერეთში ზარს სამი კაცი ასრულებს: „ერთი იწყებს, მეორე მაღალს ამბობს და მესამე ბანს“ [58].

11 ზარის შესახებ რაჭაში მასალებს ვაგროვებდი 1959 წ. იენის-იელისში და 1960 წ. სექტემბერ-ოქტომბერში.

დენ „ოი-ოი“-ს, „ვაი-ვაი“-ს, „ოჰი-ოჰი“-ს იძახდნენ. ამას ადასტურებდა ა. ლამბერტი, თ. სახოკია, ნ. მინდელი, აფრ. მერკვილაძე და სხვები.

ჩვეულებრივ, მოზარეთა ადგილი მიცვალებულთან იყო. ისინი ნახევარწრედ¹² იდგნენ თავთან, ხშირად ჯოხებზე დაყრდნობილი; გამორჩეული ტანისამოსი არ ეცვათ, ოღონდ შუბლი შავი ხილაბანდით ჰქონდათ წაკრული. მოზარეთა ერთი ჯგუფი ეზოში მიდი-მოდიოდა, მათ ეკისრებოდათ მომსვლელ მოტირალთა ზარით შეგებება და მიცვალებულის „ჭურჭლამდე“ მიცილება. ამ მორიგე მოზარეებს პატარა ბიჭები ღვინით სავსე ღოჭებით დასდევდნენ. კვაცხუთელი მელიტონ გოგობერიშვილის თქმით მოზარეები მერიქიფეებს ხშირ-ხშირად მიაძახებდნენ: — „არიქა ბიჭო, გაშრა ყელიო!“ და „ხმის გასაწმენდად“ ზედიზედ ცლიდნენ მომცრო ყანწებს. მიცვალებულთან მდგომ მოზარეებს მოშორებით ტაბლა ედგათ და ისინიც „ხმის დასაყენებლად“ ხშირად მიირთმეოდნენ ღვინოს.

იმის გარდა, რომ ზარი ტირილს „ამშვენებდა“, მას ჰქონდა „პრაქტიკული“ დანიშნულებაც, კერძოდ, მთხრობელთა გადმოცემით, ვინც ტირილი არ იცოდა, იოლად გამოდიოდა — ზარის ხმაში მაინც არაფერი ეყურებოდა ჰირისუფალსო. ანალოგიური მოსაზრება გამოთქმული აქვთ დ. ბარნაბიშვილს და აფრ. მერკვილაძეს. რა თქმა უნდა, ზარის ასეთი შეფასება გულუბრყვილოა.

მოყვარე-მოკეთებებს თავიანთი მოზარეები მიჰყავდათ „ტირილში“¹³. ბევრი და კარგი მოზარის წაყვანა სასახელო საქმედ ითვლებოდა. რაჭაში დღესაც ხმარებაშია გამკილავი თქმა: „გასვენებაში წადი თუ არა, შენც ცხრაპირი მოზარე არ წაიყვანო“. როგორც კი მიუახლოვდებოდა „ასაბია“ (მოტირლები) მიცვალებულის სახლს, „აუშვებდნენ“ ზარს, ატეხდნენ წივილ-კივილს¹⁴ და ასე „დამშვენებულნი“ შევიდოდნენ ჭიშკარში. აქ მათ „მორიგე“ მო-

¹² მიცვალებულის თავთან ნახევარწრედ დგომა რაჭის ბევრ სოფელში და ვადასტურეთ. მთხრობელთა თქმით, „რგვლად“ იმიტომ დგებიან, რომ ხმები უფრო კარგად „შეხედეს“ ერთმანეთს.

¹³ ამ ცნობას ადასტურებს ნ. მინდელი, ა. შარაბიძე და ს. მერკვილაძე. საინტერესოა, რომ ერეკლე მეფის დაკრძალვაზე ყველა საღვთისმშობლის მონაწილეობით მოდიოდა [36; 106].

¹⁴ ძველად ნიკორწმინდაში, ბეგლარ კობახიძის, არქიფო კანდელაკის და სხვათა ცნობით, ყოფილან ე. წ. „მოკივარი“ ქალები. მათ, თმავაშლილებს შესვენებდნენ თურმე ცხენებზე და „მოკივრის“ დასატირებლად წაიყვანდნენ. მოკივრის მოვალეობა იყო რაც შეიძლება ხმამაღლა და შემზარავად კივილი. მსგავსი გადმოცემა ჩაიწერეთ სოფ. კვაცხუთშიც. „მოკივრები“ გურიამიც ყოფილან (პროფ. გ. ჩხიკვაძის ზეპირი ცნობა).

ზარეები და „ჩამყოლები“¹⁵, ე. ი. გამცილებლები შეეგებებოდნენ. ჩამყოლთა მოვალეობა იყო მოტირალთა მიყვანა-მოყვანა და თვალყურის დევნება, რომ თავისთავის არაფერი ევნოთ, სახე არ დაეკაწრათ, თმები არ დაეგლიჯათ და სხვა.

მოსული მოზარეები დამხვდურებს შეუერთებოდნენ და მოტირალს წაუძღვებოდნენ, კარებამდე მიაცილებდნენ, „იქ კი გადასცემდნენ მეორე პირ მოზარეებს, რომლებიც დარბაზში იყვნენ და შეუწყვეტლივ ამბობდნენ ზარს“ [59]. მიცვალებულის გასვენების დროს მოზარეები პროცესიას მღვდლის შემდეგ მიუძღვებოდნენ და ზარს ხანგამოშვებით ამბობდნენ. მკვდრის დასაფლავების შემდეგ რაქაში ზარის თქმა აღარ იცოდნენ, სამეგრელოში კი, ა. ლამბერტის ცნობით, 40 დღის განმავლობაში, კვირის გარდა, ყოველდღე იმართებოდა ტირილი. მოტირალნი და მოზარენი მიცვალებულის სახლის წინ „მზის ჩასვლის ქამს იკრიბებოდნენ და გააბამდნენ ზარით ტირილს“ [47, 71]. აგრეთვე დ. ბარნაბიშვილს აღწერილი აქვს „ორმოცზე“ მეგრელები როგორ დასტირიან მიცვალებულს საფლავზე „ორ პირი“ მოზარეთა თანხლებით [7].

რაქაში გასამრჩელო მოზარეებს არ ეძღვოდათ, ოღონდ ისინი აუცილებლად უნდა ყოფილიყვნენ მიცვალებულის ყველა „რიგზე“. ამასთანავე, კარგი მოზარენი სოფელში დიდი სიყვარულით და პატივისცემით სარგებლობდნენ. ხნიერი ხალხი დღესაც მადლიერების გრძნობით იხსენებს მათ. ზარის თქმა ჩვეულებრივ მიღებული ყოფილა მოხუცთაგან. ახალგაზრდებს იშვიათად თუ გამოიყენებდნენ მესამე ხმის, „ბანის“ სათქმელად. ზარის შესრულებას არ ახლდა რომელიმე მუსიკალური ინსტრუმენტის აკომპანიმენტი. ზარს მოსმენით ითვისებდნენ, მაგრამ მას ზოგჯერ საგანგებოდაც სწავლობდნენ. აი, რას მოგვითხრობს კალიტე ჭარბაძე: „სოფელში გამოჩინებულ მოზარეს თხოვდა ახალგაზრდა — ზარი მასწავლეო. წევიდოდნენ სოფლის განაპირას ლაქაშინაში (ერთი ყრუ ადგილია). შავირდი წეილებდა პურ-ღვინოს, თან ქეიფობდნენ, თან ზარს ამბობდნენ, მერე ქვე ისწავლიდა, აბა რაჟა იქნებოდა“. ასეთი სახით ზარის შესწავლა სხვაგანაც დასტურდება [113]. ამგვარად, აქ ოსტატობა-

¹⁵ ტერმინი „ჩამყოლი“ ზემოთ მოცემული გაგებით ნახშირი აქვს აღ. შარაბიძეს და ს. შერკვილაძეს. განსაკუთრებით აღსანიშნავია აფრ. შერკვილაძის ნაშრომი, სადაც საინტერესოდ არის აღწერილი იმერული დატირების მთელი პროცესი. ავტორი გამოპოუფს ტერმინებს და იქვე იძლევა მათ განმარტებას. „ჩამყოლთა“ გარდა მას მოეპოვება ტერმინი „შეკრე“. შეკრეები იმ ორ კაცს ერქვა, რომლებიც კარებში იდგნენ და მოტირალთა შემოსვლას აწესრიგებდნენ [58]. აღსანიშნავია ის ფაქტი, რომ საქართველოს მეფეებს თავიანთი „საწოლის მეკრე“ ჰყოლიათ [31].

მეგირდობის სკოლასთან გვაქვს საქმე. სოფელში მოზარე ისევე ახვევრად პროფესიონალი ჩანს, როგორც მესტვირე, თუმცა მესტვირე ფულს იღებს, მოზარე კი პურმარილით კმაყოფილდება. მაგრამ შორს მანძილზე მოზარეთა წაყვანის შემთხვევაში მათაც ეძლეოდათ ფულადი გასამრჯელო.

ზარის უძველესობისა და წარმართულობის შესახებ არაერთი მკვლევარი მიუთითებს [2, 90-95]. მაგრამ ამ სიმღერის წარმომავლობაზე ჭერჭერობით საფუძვლიანი გამოკვლევა არ არსებობს.



გლოვის ინსტიტუტთან დაკავშირებით გვაქვს ერთი ნაკლებად ცნობილი ტერმინი — „ზრუნი“, რომელიც ჭერ კიდევ იხმარება მთის რაჭის ცოცხალ მეტყველებაში მეტად თავისებური და საინტერესო სამგლოვიარო სიმღერის აღსანიშნავად. მის შესახებ ცნობები მეცნიერულ ლიტერატურაში თითქმის არ მოიპოვება. პროფ. ს. მაკალათიას წიგნში „მთის რაჭა“ იგი გაკვირთა აქვს მოხსენიებული. პროფ. ქ. სიხარულიძე „ზარსა“ და „ზრუნს“ მოთქმის აღმნიშვნელ ტერმინებს შორის ათავსებს, ხოლო „ზრუნი“ კუთხურ ტერმინად მიაჩნია [74, 76]. „ზრუნი“, როგორც ლიტერატურული სიტყვა და მუსიკალური ტერმინი, ჭერ კიდევ სულხან-საბა ორბელიანს აქვს ფიქსირებული თავის ცნობილ ლექსიკონში, შემდეგ კი აკად. ივ. ჭავჭავაძის [120, 303—306]. პროფ. ე. ვირსალაძე წერს: „დატირებას რაჭაში ზრუნს უწოდებენ“ [29, 52]. სიტყვა „ზრუნი“ ცნობილია მარტო მთის რაჭისათვის, რომელშიც მხოლოდ სამი სოფელი შედის: გლოლა, ღები და ჭიორა. ამჟამად ამ ტერმინს ძირითადად ღებში ხმარობენ, გლოლაში კი ზრუნის შესატყვისად „ზაირი“ გამოიყენება. მთლიანად რაჭაში დატირების აღმძვრელ ტერმინად „ტირილია“¹⁶ მიღებული, ხოლო ზრუნი მარტოდენ სამგლოვიარო სიმღერას ჰქვია, ისიც ერთ მიკრორაიონში.

საბას „ზრუნი“ გოდებაში ერთ-ერთი ხმის, სახელდობრ ბანის გამომხატველად მიაჩნია. აკად. ივ. ჭავჭავაძის გამოკვლევით, დაბალი ხმა-ბანი საფუძვლიან მრავალხმიანობისა, ხოლო „აღამიანის ხმაშეწყობილობის უმარტივეს და უძველეს სახესხვაობას ქართული გოდებისა და ტირილის ზრუნი წარმოადგენს“ [120, 333]. აქედან გამომდინარე, მუსიკალური ტერმინი „ზრუნი“ გოდების ანუ

¹⁶ ჩვენს მერ მითითებულ XIX ს. პერიოდიკაში ტირილის (დატირების) გამოსახატავად ხშირად იხსენიება „გამოტირალი“, ზოგჯერ ეს ტერმინი უფრო ზოგადი ხასიათისა და მიცვალებულის სხვა რიგებსაც გამოხატავს.

მწუხარების გამოხატველი, ჩამონაკეთილი ვოკალური ხმიანობის (ჩვენი გაგებით სამგლოვიარო სიმღერის) ორგანული ნაწილია და შემთხვევითი არ არის, რომ იგი სამგლოვიარო სიმღერის სახელად ქცეულა. ამ სიტყვის მთის რაქაში შემორჩენა კი ბუნებრივია, ეს კუთხე ხომ ცნობილია თავისი დიალექტის არქაულობით [109].

ძველ ლიტერატურულ წყაროებში, ჯერჯერობით, ზრუნს ვერ მივაკვლიეთ. აკად. ივ. ჯავახიშვილი წერს: „სამწუხაროდ მე-17-ს-ზე უწინარესი ძეგლები, რომელშიც ქართული გალობა-სიმღერის ხმების სახელები გვხვდებოდეს, ჯერ ცნობილი არ არის“ [120,59]. ამ მხრივ დიდი შეცნეირის გარდაცვალების შემდეგაც, მაინცდამაინც, არ გაუმჯობესებულა მდგომარეობა. ალ. კინკარაულს მონოგრაფიაში „ხევსურულის თავისებურებანი“ ერთი ჩვენთვის მეტად საინტერესო ცნობა მოეპოვება: „მსხვილფეხის ხმადალალ ხმიანობას ყვირილი ეწოდება, ხმადაბალს ზრუნი“ [114, 233]. საფიქრებელია, რომ ხევსურულმა დიალექტმა სიტყვა „ზრუნის“ თავდაპირველი მნიშვნელობა შემოგვინახა. პრინციპში სულხან-საბა ორბელიანისა და ივანე ჯავახიშვილის მიერ მუსიკალურ ტერმინად აღიარებული ზრუნი დაბალი, გაბმული ხმიანობაა და მეტი არაფერი. შესაძლებელია, დროთა განმავლობაში ზრუნის დაბალი ხმა ისე დაწინაურდა, რომ უმთავრესი როლი ითამაშა მწუხარების ვოკალური საშუალებით გამოხატვაში. იგი ხომ „ადამიანის ხმაშეწყობილობის უმარტივესი და უძველესი სახეობაა“. თავის დროზე, ალბათ, სამგლოვიარო სიმღერასაც დაერქვა, რაც ცოცხალ მეტყველებაში მთარაქულმა შემოინახა.

არსებითი სახელი „ზრუნი“ თავის მხრივ გენეტიკურ კავშირში უნდა იყოს ზმნა „ზრუნვა“-სთან. „ზრუნვა“ ქართულ ოთხთავში თანამედროვე გაგებით იხმარება: „არას ზრუნავ არავისთვის“ (მ. 22, 16); „ხვალემან იზრუნოს თავისა თვისსაჲ (მ. 6,34); „ნუ წინა-ასწარ ზრუნავთ, რსა იტყოდით“ (13, 11C) [34, 212].

„ზრუნვა“ ქართული ენის განმარტებით ლექსიკონში ასეა ახსნილი: „მოვლა, პატრონობა, ამაგის გაწევა-მზრუნველობა“. ჩვენი ვარაუდით, ამ სიტყვამ მითითებული შინაარსი სამგლოვიარო სიმღერიდან მიიღო. ვფიქრობთ, მაშინ, როდესაც სამგლოვიარო სიმღერა სულის „საოხ“, დიდ სასიკეთო, საქველმოქმედო საქმედ იქცა, მისი აღმნიშვნელი უძველესი ტერმინი განზოგადდა და წარმოშვა ზემოთ ხსენებული ზმნა. შემდგომ „ზრუნვას“ სხვა მნიშვნელობა მიუღია, კერძოდ „რუსუდანიაზე“ დართულ ლექსიკონში იგი ასეა განმარტებული: „ზრუნვა... დარდი, წუხილი, მწუხარება,

ურვა“. აქ უკვე ამ სიტყვას გლოვის ინსტიტუტში ვხვდებით, რაც ბუნებრივად მიგვაჩნია¹⁷.

ახლა ჩვენს მიერ შეკრებილი ეთნოგრაფიული მასალების¹⁸ საფუძველზე განვიხილოთ სამგლოვიარო სიმღერა „ზრუნის“. ეს სიმღერა მთის რაჭის ყველა სოფელში ერთნაირად სრულდება, სასიმღერო რეპერტუარშიც არ არის არსებითი განსხვავება.

მთის რაქაში მიცვალებულის კულტი, ჭერჭერობით, არავის შეუხწავლია, მხოლოდ პროფ. ს. მაკალათიას მოეპოვება მცირეოდენი ცნობები [53, 56—57]. მკვდარს მარტო ერთ ღამეს ათევიანდნენ სახლში¹⁹. მეორე დღეს იმართებოდა ტირილი და გასვენება. ამ დროისათვის მოიწვევდნენ „ზრუნის დამძახებლებს“. ადრე „მეზრუნენი“ ბევრი ყოფილან, 1960 წ. კი რამდენიმე მათგანიღა იყო დარჩენილი; სოფ. გლოლაში: შრუშანა ივანეს ასული ბერიშვილი (75 წ.), ფროსინა ჭიტოს ასული ბაკურაძე (73 წ.), თეკლე თევდორეს ასული გიორგაშვილი (70 წ.), სოფ. ღებში: ფროსინა სვიმონის ასული გვაშელი (80 წ.), თეკლე ლათეს ასული ლობჯანიძე (68 წ.), ელისო ლათეს ასული ლობჯანიძე (82 წ.), ნათელა ივანეს ასული ლობჯანიძე (80 წ.),

ქორაში ზრუნის მცოდნე ვერავინ გამოვალინეთ, ამიტომ მასალები, ძირითადად, ღებსა და გლოლაში შეგვკრიბეთ.

ზრუნის თქმა მამაკაცებსაც სცოდნიათ, მაგრამ მიცვალებულის დატირების პროცესში ქალთა გუნდს ჰქონია უპირატესობა. ელისო ლობჯანიძის ცნობით, მამაკაცი მხოლოდ მაშინ იტყოდა „ზრუნის შაირს“, როცა მისი ახლობელი ნათესავი, „გულსაწვაი“ ვინმე გარ-

17 სულხან-საბას განმარტებით: „ზრუნვა (6.25 მათე) შიში დაეცმისა, გინა ნაღვლაისა“. გავიცნოთ თვით ტექსტი: „ამისათვის გეტყუ თქტქნ: ნუ ჰზრუნავთ სულსა თქტქნისათვის, რაჲ ჰსკამოთ და რაჲ ჰსკათ, ნუცა ზორცთა თქტქნისათეს, რაჲ შეიმოსოთ, ანუ არა სულ უფროსს არს საზრდელისა და გუჲში სამოსლისა“ [32, 10]. ჩვენი აზრით, „ზრუნავთ“ ნახმარია თანამედროვე ვაგებით. „შიში დაეცმისა, გინა ნაღვლაისა“ აქ არ ჩანს, მხოლოდ ნათქვამია, რომ ნუ იზრუნებთ მარტოდენ ქამისა და შემოსვისთვის, სული უფრო მთავარია საკმელსა და ტანსაცმელზეო. ამის შემდეგ „ზრუნვა“ თითქმის ყველა მუხლშია ნახმარი (მეშვიდე თავამდე), რაც ნაწილობრივ მოტანილი გეაქვს ზემოთ, მაგრამ ამ სიტყვის საბასეული ვაგება ვერსად დავადასტურეთ.

18 მასალებს ვაგროვებდით 1960 წ. სექტემბერ-ოქტომბერში.

19 ეს წესი ადრე მთელ რაქაში ყოფილა გავრცელებული. სოფ. ტოლაში (ამბროლაურის რაიონი) მცხოვრები, XIX ს. ცნობილი კორესპონდენტი ჭიხოს-რო გელოვანი „მწყემსში“ (1887, № 12) გამოქვეყნებულ წერილში ჩივის: გლეხობა მკვდარს გარდაცვალების მეორე დღესვე ასაფლავებსო და მღვდლებს მოუწოდებს „მდაბიოთ“ უქადაგონ, რათა ქრისტიანული წესით, გარდაცვალების მესამე დღეს მიაბარონ მიცვალებული მიწას.

დაიცვლებოდა. ზოგჯერ ზრუნს ქალთა და მამაკაცთა შერეული გუნ-
დი ასრულებდა. „ზრუნვის დაძახება“ მეტად საპატიო, მიც-
ვალებულის სულის „გასანათლებელ“ საქმედ ითვლებოდა. „ისეთი
ზრუნი უთხრეს ნამდვილად უკვდავიო“ — იტყოდნენ ზოგჯერ მსმე-
ნელები. ჰირისუფალი ყოველთვის იმის ცდაში იყო, როგორმე კარგ
მომღერლებს „დაემშვენებინა“ მისი მიცვალებული²⁰. ზოგიერთი
სიცოცხლეშივე ირჩევდა მეზრუნეებს და იბარებდა მათ მითხრან
ზრუნიო. დედისა და მამის გარდა, ყველა ახლობელს შეეძლო „ზრუ-
ნის დაძახება“. ნათესაობა-ახლობლობა აუცილებელი ყოფილა, თე-
ლე ლობჯანიძის გადმოცემით „მარტო მოკეთებთან მიდიან ზრუნის
სათქმელად“. გასამრჯელოს მეზრუნენი არ იღებდნენ, ოღონდ
მიცვალებულის რიგზე მათ ყოველთვის იწვევდნენ და საპატიო ად-
გილსაც უთმობდნენ. იმ მეზრუნის მიმართ, რომელიც კარგ ხმას და
მდიდარ სასიმღერო რეპერტუარს ფლობდა თანასოფლელები მო-
წიწებით და პატივისცემით იმსჯვალებოდნენ. დატირებაზე მისგან
ნათქვამი სიმღერის ზემოქმედება დიდხანს არ ნელდებოდა და მო-
საგონრად რჩებოდა. განსაკუთრებული ტანსაცმელი ზრუნის მთქმე-
ლებს არ ეცვათ, ოღონდ აუცილებელი იყო „თავდახურვა“ და
სუფთად, ლამაზად ჩაცმა. საერთოდ, ზრუნის თქმა „სწეში ჩამღგარ-
მანდილოსანს“ „შვენოდა“. იმის გარდა, რომ ზრუნი მიცვალებულის
სულისათვის სასარგებლო იყო, იგი შთამაგონებლად მოქმედებდა
მსმენელებზე. „როცა ზრუნს ვყურობ, ასე მგონია თავად ღმერთი
მელაპარაკებო“ — გვითხრა 90 წლის გლოლელმა მოხუცმა იასონ
ჯიქიშვილმა.

! ზოგიერთი მთხრობელის მტკიცებით, ზრუნის მოვალეობაა,
„სიმწრის კურცხალი შეაშროს ჰირისუფალს“, ზოგი პირიქით აცხა-
დებს: კარგმა მეზრუნემ ისეთი შაირი უნდა თქვას, რომ მსმენელებს
„მოეეშაროს, მოეკოტოს გული“, ჰირისუფალი ხომ მთლად „თმებს-
უნდა იწიწწინდეს“ და ცრემლად უნდა იღვრებოდესო.

ძველად ერთი მიცვალებულის დატირების ეძას რამდენიმე გუნ-
დი ყოფილა. ამჟამად კი ცოტანი დავრჩით, „ერთ ჯერად აღარ ვკმარ-
ვართო“ — სინანულით აცხადებდნენ ზრუნის თქმის ოსტატები.
სხვათა შორის, ისინი ძალზე წუხან და განიცდიან ეს სიმღერა ყოფი-
დან რომ გამოდის. დიდია მათი სინანული: „ახალგაზრდები არ სწავ-
ლობენო, — ჩივიან, — ჩვენ ყველა კვტარს ვემსახურებით, დავი-
ხოცებით და ძალღებვივით უზრუნოთ ჩაგყვრიან მიწაშიო“.

ზრუნს მოსმენით ითვისებდნენ, მაგრამ მას ზარის მსგავსად-

²⁰ ხევსურეთში მსგავს მოვლენაზე ვუთითებდით ზემოთ.

საგანგებოდაც სწავლობდნენ. ფროსინა ბაკურაძე ახლაც სიამოვნებით იგონებს თავის პაპას, რომელიც თურმე ზამთარში კერასთან „ყვერბზე“ თავს მოუყრიდა შეილიშვილებს და მოუთხრობდა თქმულებებს, ზღაპრებს, ლეგენდებს, ლექსებს და ასწავლიდა სიმღერებს. „ი ცხონებული ზრუნსაც ქვე გვათქმევიანებდა მე და ჩემ დასო“. მაგრამ უმეტესად ზრუნის შესწავლა „მთის ნაწილის“ მოპოვებისას ხდებოდა. „თვედამპალში“ — ივნისში ქალები მიდიოდნენ ალპურ საძოვრებზე, აგროვებდნენ მუყუდოს, მდუსს, მდიუსს, ყარდიმელას და სხვ. ნორჩ ყლორტებს, რომელთა ჭამა მხოლოდ გაფცქენის შემდეგ შეიძლებოდა, აქედან მათ „საფცქენელი“ დარქმევია. „მთის ნაწილში“ შედის აგრეთვე ფხალეული: ქალაკოდა, ლატი, მეკენძალა...; სოკო — მაჭკენარა; ხილეული: ელო, მოცივი, ძახველი (მძახველი) და სხვა. ყოველივე ამის შეგროვება ხდებოდა ახალგაზრდა ქალების მიერ შესაფერის დროს. მთაში ისინი, ჩვეულებრივ, „ლამიმთევ“ მიდიოდნენ. მიჰქონდათ საგზალი. ამასთანავე, მათ მიჰყვებოდნენ ნათესავი ვაჟები ტვირთის საზიდავად და დამცველებად. მაშინ, როდესაც ქალები „მთის ნაწილის“ შეგროვებას შეუდგებოდნენ, ვაჟები დაიწყებდნენ ლამის გასათევი ბინის შემზადებას. შეშას მოზიდავდნენ, საღამოთი კოკონს გააჩაღებდნენ, მწუხრის ეპის ცეკვა-თამაში იმართებოდა. ამ დროს ერთ-ერთ ვაჟს ხუმრობით დააწვევდნენ, ჰირისუფლებივით მიუხსნებოდნენ და მოთქმა-ტირილს დაიწყებდნენ, შემდეგ როცა ყველა დაჩუმდებოდა, სიმღერის მცოდნენი ზრუნს იწყებდნენ. ვაი მისი ბრალი, ვისაც შეეშლებოდა, ქოქოლას დააყრიდნენ, გაამასხარავენდნენ, ამიტომ ყველა ცდილობდა შეუცლომლად ემღერა. ბევრი მომღერალი თურმე ზრუნის თქმას ასეთ დროს სწავლობდა.

დატირების პროცესში მეზრუნენი ყოველთვის მიცვალებულთან ისხდნენ, უფრო თავის მხარეს, კარისაკენ ზურგშექცევით, ჰირისუფლის პირისპირ. მათი რაოდენობა, მოზარეთა მსგავსად, სამზე ნაკლები არ უნდა ყოფილიყო, ბანის მოქმედები 4—5 კაცზე ზევით აღარ შეიძლებოდა, „მეტი ბანი აღარ შეენის, ხმა აღარ იყურება“ — აცხადებენ მოხრობლები. თუ ზარი მოთქმისას იმღერება და ტირილისათვის ფონს ქმნის, ზრუნი პირიქით, სწორედ მაშინ ითქმება, როცა სიჩუმეა, მოტირალი და ჰირისუფალი ტირილით „გამამლარია“. ასეთ დროს ვინმე უფროსთაგანი მიმართავს მთავარ მეზრუნეს ე. ი. დამწყებს:

— აბა, ზრუნი უთხარით ამ საცოდავს, თქვენი ჰირიმეთ!

მომღერლები ცოტახანს იყუჩებენ, მერე „დამძახებელი“ ნელი ხმით დაიწყებს, შაირის ერთ სტროფს რომ იტყვის, მიჰყვება „მიმ-

ძახებელი“, რომელსაც სიმღერა თანდათან მაღალ ტონალობაში აკყავს. რეფრენის შეწყობის უამს აგუგუნდებიან „ბანის მთქმელე-ბი“:

„შავ კლდესა შავი ყორანი
ჩავა და ჩაეკროლება,
ეო ეოი, ჰო, ჰეი, ო.ო...
გაძლება შავი ლეშითა,
ამოსელა დაეზარება,
ჰე, ჰე, ჰო, .ო, ეო, ეოი, ჰო, ჰო...“

ზრუნის სახით სამგლოვიარო ჟანრის სამხმთან სიმღერასთან გვაქვს საქმე. საჭიროა, სანამ იგი ყოფიდან არ გამქრალა, შესწავლილ იქნეს მუსიკათმცოდნე სპეციალისტების მიერ²¹. ვფიქრობთ, ჩვენს მუსიკალურ ფოლკლორში ეს სიმღერა საპატიო ადგილს დაიჭერს.

ხელოვან მეზრუნედ ითვლება ის, ვისაც შეუძლია „დაძახება“ და „მიძახება“. დატირებაში წინასწარ არჩეული ბანის მთქმელებით არ მიდიან, იქვე სახელდახლოდ გამონახავენ მოხალისეებს. მაგრამ ბანის გარეშე ზრუნს არასდროს არ ამბობენ, ე. ი. სიმღერის პროცესში ბანი აუცილებელი და სრულფასოვანი ხმაა.

გასვენებისას გზაში ზრუნს მხოლოდ მოხუც მიცვალებულს ეუბნებიან. სამარის პირას უკვე აღარ „ზრუნავენ“, აღარც მიცვალებულის შემდგომ რიგებზე იციან ზრუნის თქმა. მეზრუნენი „ჰურჩველს“ ჭირისუფლის შემდეგ მიჰყვებიან. ზრუნის შესრულების დროს მუსიკალურ საკრავს არ იყენებენ. ძველად მკედრის დატირებაზე მომღერლები მარტო ზრუნით არ იფარგლებოდნენ, ასრულებდნენ თურმე იავნანასაც, მეტადრე ახალგაზრდა ქალი ან-ბავშვი თუ იყო გარდაცვლილი. მთხრობელთა გაღმოცემით, ადრე „საზრუნაველ“ მთის რაჰის გარედაც მიდიოდნენ. ეს მაშინ, როდესაც ახლომასლო სოფლებში მოყვარე ან ნათესავი მოუკვდებოდათ. მაგალითად, ზემო რაჰაში ბევრ ღებელ მეზრუნეს უსახელებია თავი. თვით მთის რაჰის შიგნით ადგილი ჰქონია სხვადასხვა სოფლის მეზრუნეთა შეჯიბრებას. გამარჯვებული ის გამოდიოდა, ვინც კეთილხმოვანი სიმღერით მეტ აზრიან ლექსს იტყოდა.

ზრუნის სასიმღერო რეპერტუარს ის ფლობს, ვინც მისი შესრულების ოსტატია. შინაარსობლივად და მუსიკალურად გამართული ლექსები თაობიდან თაობას გადაეცემოდა.

²¹ „ზრუნი“ 1958 წ. ივლისში პროფ. გ. ჩხიკვაძეს სოფ. გლოლაში ჩაუწებია. იმედია ამ სიმღერის მუსიკალური რაობის შესახებ პატივცემული პროფესორი იტყვის თავის სიტყვას.

ჩვენთვის ხელმისაწვდომი მასალების ანალიზს იმ დასკვნამდე მივყევართ, რომ სამგლოვიარო სიმღერა ქართველი ხალხის უძველესი კულტურული მონაპოვარია. მან განვითარების ხანგრძლივი გზა ანგლო — მარტივი რეჩიტატივიდან რთულ მრავალხმიანობამდე. ამ უნარის სიმღერათა წარმოშობის მთავარი საფუძველი მიცვალებულის კულტის ჩასახვა-განვითარებაშია საძიებელი.

და ბოლოს გვინდა დავძინოთ, რომ ხშირად მკვლევრები სამგლოვიარო სიმღერის აღმნიშვნელ ტერმინებს ურევენ დატირებაში, საზოგადოდ ტირილში. დატირება ფართო ცნებაა და მოიცავს სამგლოვიარო სიმღერასაც. თვითონ სამგლოვიარო სიმღერა დატირებაში შემაველი ვოკალური ერთეულია და საჭიროებს მიცვალებულის რიგის საერთო პროცესიდან გამოყოფას, მაშასადამე, ცალკე შესწავლას.

§ 3. ღღეს უველა უიიღღება, ხველ გვიან იქნება

ლენინგრადში, საბჭოთა კავშირის ხალხთა მუზეუმში გამართულ საბჭოთა კავშირის შექმნის 50 წლისთავისადმი მიძღვნილ სამეცნიერო სესიაზე, ჩვენი რესპუბლიკების წარმომადგენელთა გარდა, მონაწილეობდნენ სახალხო-დემოკრატიული ქვეყნების (ჩეხოსლოვაკია, უნგრეთი) წამყვანი მეცნიერები. ეს იყო ხალხთა მეგობრობის ქვეშაობითი ფორუმი, სადაც მეცნიერულ-თეორიული საკითხების გვერდით მრავალი სადღეისოდ გადასაწყვეტი პრაქტიკული პრობლემა წამოიჭრა. ამათგან უმთავრესი იყო ხალხური გამოყენებითი ხელოვნების თანამედროვე მდგომარეობა. ჩეხი პროფესორის ლუდვიგ კუნცის მოხდენილი თქმით, თანამედროვე ცივილიზაცია იმ მანქანას გავს, რომელიც გზატკეცილზე ასფალტს ტკეპნის და ყოველივეს ასწორებს. მუზეუმის მუშაკები და ეთნოგრაფები წინ უნდა უძღოდნენ მას და წარსულის ყოფის ლამაზ, სურნელოვან ყვავილებს მომავალ თაობებს უნარჩუნებდნენ. მართლაც დიდი მოვალეობა აკისრიათ იმ სწავლულთ, რომელთაც შესწევთ უნარი შეიციონ და შეაფასონ ძველი რეალიების თანამედროვე პირობებში არსებობისა და გამოყენების შესაძლებლობა. პროფესორმა კუნცმა ისიც გვუწყა, რომ მორავიაში 1970 წ. გარდაიცვალა უკანასკნელი სახალხო მეთუნე და ამით ჩეხოსლოვაკიაში შეწყდა შთამომავლობით კერამიკოსთა სკოლის არსებობა. სამაგიეროდ პროფესიონალი მხატვრები აგრძელებენ მათ საქმეს და მკაცრად იცავენ ხალხური, ტრადიციული ფორმების სიწმინდეს. მაგრამ ბრნოს ეთნოგრაფიული მუზეუმის დირექტორი კუნცი სინანულს ვერ ფარავდა, ხალხურად

გამოყენებითი ხელოვნების ერთ-ერთი უკანასკნელი კერის ჩაქრობის გამო.

რა მდგომარეობაა ამ მხრივ ჩვენთან — საქართველოში? როგორია ხალხური გამოყენებითი ხელოვნების ბედი? აი, კითხვები, რომლებიც კარგა ხანია გვაწუხებს და შევეცდებით შეძლებისდაგვარად გავცეთ პასუხი. მოტანილი მასალა სრული არ იქნება, მაგრამ მკითხველს ერთგვარ წარმოდგენას მაინც შეუქმნის.

ქართულ ხალხურ „გამოყენებით ხელოვნებას“ თუ „მხატვრულ რეწვას“ მრავალსაუკუნოვანი ტრადიციები აქვს. მისი ფესვები ჩვენი ისტორიის სიღრმეში იკარგება და ხანგრძლივი, განსაკუთრებული კვლევა-ძიებაა საჭირო მათ გამოსავლენად. საერთოდ, ხელოვნების ეს დარგი საქართველოში საგანგებო, მეცნიერული შესწავლის საგნად იშვიათად გაუხდიათ და დღემდე ამოდ მოელის მოჭირნახულეს [132].

ჩვეულებრივ, ხალხურ გამოყენებით ხელოვნებას „ოჯახური მრეწველობის“ ან „შინამრეწველობის“ სფეროში ათავსებდნენ და ამდენად მისი უტილიტარული მხარე აინტერესებდათ, ხოლო როგორც ხელოვნების დარგს ყურადღება ნაკლებად ექცეოდა. ეს მდგომარეობა მეტ-ნაკლებად ახლაც გრძელდება. ბუნებრივია, ახლა ამ ხარვეზს ვერ შევავსებთ, ჩვენი მიზანი მხოლოდ საკითხის დასმაა.

„ოჯახური მრეწველობა“ და მისი შედარებით განვითარებული სახე „შინამრეწველობა“ სპეციალურ ლიტერატურაში განიხილება როგორც მრეწველობის ჩანასახოვანი, პრიმიტიული ფორმა. რომელიც დამახასიათებელი იყო ჩამორჩენილი, ნატურალური მეურნეობისათვის და თითოეულმა მათგანმა კაპიტალიზმამდე მოაღწია, როგორც რუტინულმა გადმონაშთმა. ასეთ ფონზე გასაგებია ხალხური გამოყენებითი ხელოვნების სავალალო ბედი, როცა მას ოჯახურ ან, უკეთეს შემთხვევაში, შინამრეწველობად თელიდნენ და, აქედან გამომდინარე, დღესაც კი ამ საქმის მესვეურებს კერძო, რიგით ხელოსნებსავე ბეგრავენ.

ანბანური ჭეშმარიტებაა, რომ ხელოვნება ადამიანთა სულიერი მოთხოვნილებების დაკმაყოფილებას ემსახურება, ხოლო ხელოსნობა, მრეწველობა, სოფლის მეურნეობა თუ წარმოების სხვა სფერო, ძირითადად, უტილიტარულ მიზნებს ისახავს. მაგრამ გამოყენებითი ხელოვნება იმთავითვე მტკიცედ იყო შერწყმული ყოველდღიურ მოთხოვნილებასთან, ამიტომ ყოველთვის უჭირდათ გაერჩიათ ამ საქმეში ნამდვილი ხელოვანი ხელოსნისაგან, შემოქმედი — მუშისაგან. ადამიანის ხატოვანი აზროვნება მისი ჩასახვის პირველ ეტაპზევე ფართო, მრავალმხრივი და დაუსაბამო იყო. ზო-

გი სიტყვა კაზმულობაში და მუსიკაში ავლენდა „ზეშთავონებულ ნიქს“, ზოგი ქვას ამღერებდა, ან რაიმე ნივთში აცოცხლებდა მხატვრის დაუდგრომელ სულს. პოეტები, მუსიკოსები და მისთანანი იმ-თავითვე აიყვანეს ხელოვნების მეშვიდე ცაზე, ნივთებისაგან პო-ეზიის შემქმნელნი კი დღესაც არ არიან აღიარებულნი. ჩვენ ისიც კი არ ვიცით, რომელ მათგანს რა ნიშნის მიხედვით დავადგათ ხე-ლოვანის დაფნის გვირგვინი. მათთვის, ჭერჭერობით, შესაფერისი სახელიც ვერ გამოგვინახავს, ხან ხელოსნებს ვეძახით და ხან შინა-მრეწველებს.

ამ სტრიქონების დაწერამდე ბევრი ვიფიქრეთ, რა ტერმინი გვებმარა, ბოლოს შეთხზული თუ ნასესხები გამოთქმა „გამოყენე-ბითი ხელოვნება“ ვარჩიეთ; მაგრამ გულს გვაკლია, ნუთუ ქარ-თულში არ გვაქვს უფრო მარჯვე, შესაფერისი სიტყვა? მერე და, ხელოვნების ეს დარგი რა მდიდარი, რა მრავალფეროვანი იყო ჩვენ-ში. ქართველთა ნაოსტატარი ხომ ევროპას, ინდოეთს და სხვა შო-რეულ ქვეყნებსაც აღწევდა. ქართული ნაქარგობანი და მეტადრე ოქრომკედი მთელ მახლობელ აღმოსავლეთში პირველობდა და მაღალ ფასებში იყიდებოდა [128, 334]. ამ საქმის სწორუპოვარი ოსტატი თვით თამარ მეფე იყო. მემბტიანე იუწყება: „ხელსაქმარი მისი განიყიდის და ეგოდენი ფასი გლახაკთა მისცის და არა სამეფო შემოსავლისაგან“. ქერივ-ობოლთა და გლახაკთა საბოძვარი სახელ-მწიფო ხაზინიდან კი არ უნდა გაცემულიყო, არამედ საკუთარი ნა-ჯაფ-მონახვევისაგან [121, 141]. სახელმწიფო საქმეებიდან თავი-სუფალ დროს, თამარი თავდაუზოგავად შრომობდა, რათა სამოწყა-ლოდ გასაცემი თანხა ჰქონოდა. სხვათა შორის, ხეთური კანონების მიხედვით, ქსოვაში დახელოვნებული ხალხი სხვა საქმისაგან მთელი სახლობით თავისუფალნი იყვნენ [21, 142].

მხატვრული რეწვის ტრადიცია საქართველოში კარგა ხანს ცოცხლობდა. 1887 წ. გაზეთი „ივერია“ (№ 80) გვამცნობს: დაბა ლანჩხუთში „ჰნახავთ ლამაზ ქალების ხელში გასაყიდად გამოტანილ მშვენიერ ნახელავს, თუ დარაიებს და თუ აბრეშუმის წამოსასხა-მებს, თავ-საფრებს, ქისებს, ყაბალახებს და აბრეშუმ ნარევე შალ-ებს და სხვა. რომ ვერ დაიჯერებთ, თუ ისინი მართლა მათი ნახე-ლავია და მათის ხელის ნამოქმედარი. დღეს ვნახე ერთის გასათხო-ვარის ქალის ხელში საუცხოვო ნახელავი სათუთუნე ქისა მოქსო-ვილი ხელოვნურად, რომელიც თვითონვე მოექსოვა თავის საკუთა-რის თმისაგან. არაერთხელ გამიგონია რკინის გზით გამვლელ ევ-როპელ მოგზაურთაგან“ ადგილობრივ ნახელავთა ქება-დიდებაო.

ღიას, ეს იყო XIX ს. დამლევს, ამჟამად კი ქართველ ქალთა მხატვრული ხელსაქმე თითქმის დავიწყებულია.

ცარიზმმა დროულად იგრძნო კავკასიური გამოყენებითი ხელოვნების უდიდესი მნიშვნელობა და მის ძარცვაში დიდი გულმოდგინება გამოიჩინა. სამეფო კარი, დიდებულები, ევროპელი თუ ამერიკელი ანტიკვარული ნივთების მოყვარულნი, ყოველი ჭურისკაპიტალისტი თუ ავანტიურისტი ერთმანეთს ეჯიბრებოდა კავკასიურ „ეგზოტიკურ ნახელავთა“ დატაცებაში. ჩალის ფასად მიჰქონდათ ძვირფასი ნაკეთობანი, მათი შექმნელი დიდოსტატები კი არავის ახსოვდა. ასე გრძელდებოდა თითქმის მთელი XIX საუკუნე, მაგრამ 1899 წ. თბილისში შეიქმნა „შინამრეწველობის კავკასიური კომიტეტი“²², რომელმაც სასარგებლო მუშაობა გასწია, გადადგა პრაქტიკული ნაბიჯი ადგილობრივი „შინამრეწველობის“ შესასწავლად და ასაღორძინებლად. დაარსდა საჩვენებელი, სასწავლო სახელოსნოები (თბილისში, ბაქოში, შუშაში, სტეფანწმინდაში, ოზურგეთში და სხვ.). მენოხეობა-მეაბრეშუმეობის ძველი კულტურის აღდგენა-გაუმჯობესების მიზნით განსაკუთრებით აღსანიშნავია 1907 წ. გახსნილი „სამხატვრო სახელოსნოს“ საქმიანობა, „რომლის მიზანი იყო თავმოყრა, შესწავლა და აღდგენა ძველებური ადგილობრივი ორიგინალური ხალხური ორნამენტებისა და ამათი კიდევ ჩანერგვა შინამრეწველთა ნაკეთობაში. ეს საჩქარო საქმედ იქნა მიჩნეული, რადგან „კავკასიის ხალხთა ძველებური ორიგინალური ორნამენტები სწრაფად ქრება, შედეგად იმისა, რომ საზღვარგარეთ გააქვთ მხატვრულის თვალსაზრისით ყველა განთქმული ძვირფასი ძველებური შინამრეწველური ნაკეთობანი“ [24, 113].

კომიტეტი იღვწის აგრეთვე ილეკროს ნაკეთობათა, მეთუნეობის, წნული ჭურჭლის და დგამ-ავეჯის ხალხური წარმოების გამოვლენა-გამოცოცხლებისათვის. ადგილზე აგზავნის გამოცდილ სპეციალისტებს, რომლებიც არა მარტო სწავლობენ ხალხის შემოქმედებას, არამედ დაინტერესებულ პირებს ასწავლიან კიდევ მამა-პაპიდან მომდინარე უკვე დავიწყებულ საქმიანობას. „კომიტეტს ჰქონდა შინამრეწველობის მუზეუმი (1913 წლიდან), რომელიც ემსახურებოდა ასევე წმინდა პრაქტიკულ მიზნებს. კომიტეტი რუსეთსა და უცხოეთის (ტურინის — 1911 წ.; მოსკოვის — 1912 წ.; პეტერბურგისა და ლონდონის — 1913 წ.; ბერლინის — 1914 წ.) გამოფენაზე აგზავნიდა ადგილობრივი შინამრეწველობის ნაკეთობათ, რათა გაეფართოვებინა მათი ბაზარი“ [24, 113-4]. კომიტეტი ნედლეულით

22 ა. ფირალოვის ცნობით, კომიტეტი 1900 წ. ბოლოს შეიქმნა [149,3].

ამბრაგებდა ოსტატებს და ცდილობდა მათი ნაწარმის გასაღებას. რა თქმა უნდა, აქ გამოირიცხული არ იყო ექსპლუატაცია, რაც მშინდელი წყობილების ბუნებიდან გამომდინარეობდა. ავრეთვე ადგილი ჰქონდა ქართული ეროვნული ინტერესებისადმი ერთგვარ ნიპილიზმს და ქართული ბურჟუაზიის იგნორირებას, რაც, ბუნებრივია, ამ უკანასკნელის უკმაყოფილებას იწვევდა. მიუხედავად ამისა, „შინამრეწველობის კავკასიური კომიტეტის“ საქმიანობა საგანგებო შესწავლას საჭიროებს, იქნებ დღესაც გამოგვადგეს მისი გამოცდილება.

1916 წ. გამოჩენილმა ქართველმა მეცნიერმა აკად. ივ. ჯავახიშვილმა საქართველოში მოღვაწე ეროვნულ საზოგადოებებს ასე განუსაზღვრა მოქმედების ასპარეზი: „საისტორიო-საეთნოგრაფო საზოგადოება საქართველოს ყველა კუთხეში საეთნოგრაფო მასალებს და შინამრეწველობის ნიმუშებს შეაგროვებდა და თავის მუზეუმში თავს მოუყრიდა, რომ მათი შესწავლა ადვილი იყოს. რასაკვირველია, ამისათვისაც შემკრებთათვის ცალკე სამოქმედო გეგმისა და სახელმძღვანელო დარგების შედგენაა საჭირო.

ქ-ლ ხელოვანთა საზოგადოებამ თავის მხრივ უნდა ამ მასალების მხატვრული შესწავლა იკისროს, მოყვანილობისა და სახეების მხრივ და თანდათან ქართული მხატვრული შინამრეწველობის განახლებისათვის საჭირო სახეების ნიმუშები და სამაგალითო ესკიზები შეადგინოს.

ხოლო ქ-ლ სამეურნეო საზოგადოებამ უნდა საეთნოგრაფო მასალების და შინამრეწველობის ნიმუშების ტექნიკური შესწავლა იკისროს, ნამუშევრის მასალის თვისებები და ხელოსნური ტექნიკა, მათი ღირსება-ნაკლოვანება გამოიკვეთოს და თანაც ქ-ლი მხატვრული შინამრეწველობის განახლების და შესაქები ყველა ტექნიკური საკითხები გაითვალისწინოს და მათი საბოლოო განხორციელებისათვის საჭირო ტექნიკური მხარეც გამოარკვიოს“ [122, 45].

აღნიშნულმა საზოგადოებებმა საბჭოთა ხელისუფლების დამყარებამდე იარსებეს და მრავალი სასარგებლო საქმე გააკეთეს, მაგრამ ქართული ხალხური გამოყენებითი ხელოვნების მეცნიერული შესწავლისათვის, მაინცდამაინც, ბევრი არაფერი შეუმატებიათ.

! საქართველოში საბჭოთა ხელისუფლების დამყარების შემდეგ მიწსახკომთან 1926 წლამდე იყო „შინამრეწველობის განყოფილება“, რომელიც შემდეგ სარეწაო კოოპერაციას გადაეცა, ამით თავის მიზანს ასცდა და მალე გაუქმდა კიდეც. 1937 წ. საქართველოს ხალხური შემოქმედების რესპუბლიკურ სახლთან ჩამოყალიბდა ქართული ხალხური ხელოვნების მუზეუმი, შემდეგ კი — ქარ-

თული სახვითი ხელოვნების სასწავლო ექსპერიმენტული კომბინატი, სადაც ცნობილი ოსტატები მუშაობდნენ. ამ კომბინატმა 1941 წლამდე იარსება. სამამულო ომის დროს მან დროებით შეწყვიტა მუშაობა, ხოლო 1945 წ. კვლავ განაახლა. მისი ექსპონატებით ქართული ხალხური სახვითი ხელოვნების მუზეუმის ფონდები მდიდრდებოდა. 1949 წ. კომბინატი, იმის გამო, რომ რენტაბელური არ იყო, დაიხურა და იქ მომუშავე რანდენიმე სპეციალური კულტურის სამინისტროს საწარმოო კომბინატში გადავიდა. 1966 წ. სამხატვრო აკადემიასთან ჩამოყალიბდა სასწავლო საწარმოო, სადაც თავი მოუყარეს ლითონის, ხის მხატვრული დამუშავების, ქსოვა-ქარგულობის ხალხურ ოსტატებს. 1973 წ. ეს საწარმო გაუქმდა, უფრო სწორად კულტურის სამინისტროს საწარმოო კომბინატს გადაეცა. 1975 წ. 1 იანვრიდან კულტურის სამინისტრომ ვერცხლის საწარმოო სხვა საწარმოებთან ერთად თეატრალურ საზოგადოებას გადასცა, რომელიც მასობრივი წარმოებით უფროა დაინტერესებული, ვიდრე უნიკალური ნაკეთობებით [16]. უპირველეს ყოვლისა, გაურკვეველია ამ დაუსრულებელ გადაცემა-გადმოცემათა მექანიკა, რაც უეჭველია დარგის დაზარალებას იწვევს. ასეთ პირობებში შემეცნებით-მეცნიერულ საქმიანობაზე ხომ ლაპარაკი ზედმეტია.

ხალხური გამოყენებითი ხელოვნების ექსპონატთა შეგროვებას და პოპულარიზაციას ეწევა საქართველოს სსრ კულტურის სამინისტროსთან არსებული საქართველოს ხალხური გამოყენებითი ხელოვნების მუზეუმი, რომელიც მემკვიდრეა შინამრეწველობისა (იგივე კუსტარულ ნაკეთობათა მუზეუმი) [154] და ქართული ხალხური ხელოვნების მუზეუმისა.

საქართველოს მეცნიერებათა აკადემიის ქართული ხელოვნების ისტორიის ინსტიტუტში არის მცირე და გამოყენებითი ხელოვნების განყოფილება. ასეთია სქემატური მონახაზი იმ საზოგადოებების და დაწესებულებათა ისტორიისა, რომლებიც ასე თუ ისე დაკავშირებული იყვნენ ქართულ ხალხურ რეწვასთან.

საბჭოთა ხელისუფლების პირველ წლებში, როცა პარტიისა და მთავრობის მთელი ყურადღება მიქცეული იყო ქვეყნის ინდუსტრიულ და აგრარულ გარდაქმნასა და სოციალიზმის სწრაფი ტემპით მშენებლობაზე, ხალხურ გამოყენებით ხელოვნებას ჯეროვანი ზრუნვა აკლდა. ცალკეული პირების ინიციატივა ძალაუვნებურად იზღუდებოდა. ისინი ჩვეულებრივ ხელოსნებად ითვლებოდნენ და იბეგრებოდნენ. ასევე ქალაქად თუ სოფლად ფართო მასებს უკვე საერთო საწარმოო ინტერესები ჰქონდათ და ყველა შრომისუნარი-

ნი ადამიანი ამ სახალხო საქმეში უნდა ჩაბმულიყო, ამიტომ „შინამრეწველობისათვის“ აღარავის ეცალა. სოფლის კოლექტივიზაციის შემდეგ, იქ, სადაც ძველი ხალხური ხელოსნობის კერები იყო (კერამიკა, ქვისა და ხის დამუშავება, ფეიქრობა და სხვ.), სცადეს საკოლმეურნეო სარეწების შექმნა, მაგრამ ცუდი ორგანიზაციის გამო საქმეს თავი ვერ გაართვეს და მათი უმეტესობა მალე დაიშალა. ოსტატებს კი კერძო მუშაობის უფლება არ მისცეს, რადგან ისინი საკოლმეურნეო შრომაში უნდა ჩაბმულიყვნენ, ეს მდგომარეობა მეტ-ნაკლებად ახლაც გრძელდება, რის შედეგადაც დღემდე მოღწეული ხალხური გამოყენებითი ხელოვნების ბევრი კერა ჩვენს თვალწინ ქრება და მათი გამოვლენა-შესწავლისათვის თითქმის არაფერი კეთდება; ამ კერათა რაოდენობაც კი არა გვაქვს დადგენილი, მითუმეტეს, არავის უწარმოებია მხატვრული რეწვის შთამომავლობით მიმდევარი და მცოდნე პირების აღრიცხვა. ჭერჭერობით არც ხალხური ხელოსნობის დავიწყებული დარგებისათვის. ზრუნავს ვინმე.

1935 წ., აკად. ივ. ჭავჭავაძის თაოსნობით, სარეწაო კოოპერაციის პრეზიდიუმმა დიდი სახალხო საქმე წამოიწყო, გადაწყდა საქართველოს შინამრეწველობის ისტორიის შესახებ აკადემიური ხასიათის კაპიტალური ნაშრომის გამოცემა. ადგილებზე დაიგზავნა „ახალგაზრდა სამეცნიერო ძალები“. ისინი მასალებს აგროვებდნენ აკად. ივ. ჭავჭავაძის მიერ შემუშავებული პროგრამით, რომელიც გაზ. „საქართველოს შინამრეწველში“ (№ 9, 1935) გამოქვეყნდა. პროგრამა ორ ძირითად მიზანს ისახავდა: სამუზეუმო ნივთების გამოვლენას და შეგროვებას, აგრეთვე საცხოვრებელ, სამეურნეო და თავდაცვით ნაგებობათა, მეურნეობის ძირითადი დარგების, ხის, ქვის, რკინის, ილეკროს, საამშენებლო მასალების და სხვათა დამუშავების, ფეიქრობის, ავეჯის და საზოგადოდ ყოფა-ცხოვრებისათვის საჭირო ყველა დარგის შესწავლას ითვალისწინებდა. ახალგაზრდა მეცნიერებმა ეს გრანდიოზული ამოცანა წარმატებით შეასრულეს. შეგროვდა მდიდარი, უნიკალური მასალა, რომლითაც შესაბამისი დისციპლინები დღესაც იკვებება. მასალების თავმოყრის ამ ერთმა მასობრივმა კომპანიამ ცხადყო ჩვენი ხალხის დაუშრეტელი შემოქმედებითი ნიჭი [56]. შემდეგ ქართველმა ეთნოგრაფებმა მონოგრაფიულად დაამუშავეს მატერიალური და სულიერი კულტურას მრავალი პრობლემა, ამით „შინამრეწველური“ დარგების შესწავლამაც საგრძნობლად წაიწია წინ, მაგრამ თითქმის დავიწყებულ იქნა ამ საკითხის პრაქტიკული მხარე, რაც ცხოვრების მოთხოვნის გამო მთელი აუცილებლობით კვლავ დააყენა ჩვენს წინაშე. ამ-

ეამად უეჭველი გახდა, რომ თვით სოციალისტური მრეწველობის პირობებშიც კი დიდი მოთხოვნილებაა ხალხური გამოყენებითი ხელოვნების ნაწარმზე. ისე, როგორც ფოტოგრაფია მხატვრობას ვერ შეცვლის და გამომთვლელი მანქანა — პოეტს. ქარხნულ-ფაბრიკული პროდუქცია ვერ გამოდგება სახალხო ხელოვნათა შემოქმედების სანაცვლოდ. დროთა მსვლელობაში ეს უფრო და უფრო საგრძობა ხდება, მეტადრე მშრომელთა მატერიალური კეთილდღეობის ამაღლებისა და უცხოეთთან კონტაქტების გაცხოველების გამო. ამიტომ საბჭოთა კავშირის მინისტრთა საბჭომ მიიღო დროული დადგენილება: „ხალხური მხატვრული რეწვის შემდგომი განვითარების ღონისძიებათა შესახებ“ (1968 წლის 14 აგვისტო). ამ საქმის განსახორციელებლად ჩვენს რესპუბლიკაში, ადგილობრივი მრეწველობის სამინისტროსთან 1969 წ. 1 იანვარს ჩამოყალიბდა გაერთიანება „სოლანი“. ეს კეთილშემოვანი სახელი, რომელიც ხელოვნებისა და ხელოსნობის სვანური ღვთაების კუთვნილებაა, გაერთიანებას აკად. გ. ჩიტაიამ უწოდა. „ხალხური სარეწებისა და სამახსოვროების კომბინატი“ ჩამოყალიბდა „ცეკავშირთანაც“, აგრეთვე საყოფაცხოვრებო მომსახურების სამინისტროს ბევრი საამქრო „ხალხური სუვენირების სამქედლოდ იქცა“.

დასახელებულ ორგანიზაციებს წინ ფართო ასპარეზი გადაეშალათ. ქართველ ხალხს ხომ საუკუნეთა მანძილზე შეუქმნია მხატვრული ღირებულების მქონე დიდი თუ მცირე ძეგლები, რომელთა ფორმა და შინაარსი შეიძლება აკმაყოფილებდეს თანამედროვე ადამიანის სულიერ მოთხოვნებს. ამ თვალსაზრისით განსაკუთრებით საინტერესოა ყოფაში დღემდე შემონახული ხალხური გამოყენებითი ნაკეთობანი ისეთი დარგებიდან, როგორცაა: ხის, ქვის და ლითონის დამუშავება, კერამიკა, ქსოვა და ქარგვა, გიშრის მოპოვება-დამუშავება და სხვ. აღნიშნული დარგები მეტ-ნაკლებად იყო განვითარებული საქართველოს ცალკეულ თემებში და ზოგან თითოეული მათგანის სპეციალიზაციამ პროფესიულ დონეს მიაღწია. მაგალითად, აღმოსავლეთ საქართველოს მთიანეთში, სახელდობრ თუშეთში (ომალო, ზემო და ქვემო ალვანი), ძველთაგანვე ამზადებდნენ ეროვნული ორნამენტებით შემკულ ხალიჩებს, ფარდაებს, ხურჯინებს, ჩითაებს, ჩუსტურებს და ა. შ. მაღალ დონეზე იდგა ფერადი თექების, თუშური ქუდებისა და ვერცხლის სამკაულების წარმოება.

ხევისურეთი განთქმული იყო ორნამენტირებული ქსოვილებით (სათაურა, მანდილი, ფარდაგი, ჩითაები), შალის ქსოვის სხვადასხვა სახეებით (ორშიანი, წალუკუღმა, ცალპირა), ფეხსამოსით (ჯორაები, პაჭიკები, ჩუსტურები), ხეზე კვეთილობით (სკივრი, მაქალო-

ზი, სახრელი, ტაგრუცი), ოქრომკვდლობით (საყურეები, თავსამ-
კაული, სამაჭურები, ბეჭდები, ყელსადები...). ფშაველებს ჰქონდათ
ვერცხლის შესანიშნავი სამკაულები, სახიანი წინსაფრები, ყავარ-
ჯნები; მთიულებს მოჩუქურთმებული მერხები, სავარძლები, ქვაზე
კვეთის საუცხოო ნიმუშები, რქისა და ძვლის ნივთები, ბავშვის მრავალფეროვანი სათამაშოები.

რაჭა-ლეჩხუმსა და სევანეთში განვითარებული იყო ხის დამუშა-
ვება (მრავალგვარი ავეჯი, სასმისები), ოქრომკვდლობა (სარტყლე-
ბი, სამკაულები, სასმისები), მუსიკალური ინსტრუმენტების დამზა-
დება (გულა-სტირი, ჩანგი, ჰიანური, ჰუნირი), მეთუნეობა, ქარ-
გვა-ქსოვა, თქვის მოთელვა და სხვა.

მთას არც საქართველოს ბარი ჩამორჩებოდა. თბილისის, თე-
ლავის, გორის, ახალციხის, ქუთაისის, ოზურგეთის, ზუგდიდის
ოქრომკვდლობა (სევადი, ცვარა, მინანქარი, სადაფი) უძველესა
დროიდანვე იყო ცნობილი საქართველოს ფარგლებს გარეთაც.
განსაკუთრებით იქცეოდა ყურადღებას აბრეშუმის დამუშავება,
ქარგვა-ქსოვა (ოქრომკვდი, აპლიკაცია, გვირისტი, სარტყელ-გუ-
ლისპირები, თავსაკრავები, ჩახსაკრავები, ყაბალახები, დარაიები,
აბრეშუმის გრეხილი ძაფის ბადიელა ჩანთები, დაბასმული ლეჩაქე-
ბი, ხალიჩები, ფარდაგები, ლურჯი სუფრები და ა. შ.), კერამიკა,
ხესა და ქვაზე კვეთა, ტყავის დამუშავება და სხვა.

ცალკე უნდა აღინიშნოს ოკრიბაში (ტყიბულის რაიონი) შე-
მორჩენილ გიშრის მოპოვებაზე. ამ კეთილშობილი მინერალის ხალ-
ხური წარმოება მხოლოდ საქართველოს სინამდვილისათვისაა და-
მანასიათებელი.

ეს არასრული სიაც ნათლად გვიჩვენებს ხალხური შინამრეწ-
ველური დარგების მრავალფეროვნებას, მართალია, ბევრი მათგა-
ნი დავიწყებას მიეცა, მაგრამ ზოგიერთი ჯერ კიდევ ცოცხლობს.

ჩვენს რესპუბლიკაში მოქმედი საწარმოები ანტიკვარულ ნივ-
თებსა და სუვენირებზე ოდნავადაც ვერ აკმაყოფილებენ გაზრდილ
მოთხოვნილებას, ვერც პროდუქციის რაოდენობით და რაც მთავა-
რია ხარისხით. მათი ნამზადი დაბალი ღირსებისაა, ხშირად
უგულეებელყოფილია ეროვნული კოლორიტი, დავიწყებულია ხალ-
ხური სისადავე, უბრალოება. ზოგიერთი ნივთის ფორმაში აშკარად
ჩანს ნაციონალურ თავისებურებათა უცოდინარობა. საერთოდ იგ-
რძნობა, რომ ჩვენს წინაპართა ცოდნა-გამოცდილებას ნაკლებად
ვიყენებთ, რის გამოც ბევრ რამეს ვკარგავთ. ჯერ ერთი, სამუდამოდ
იღუპება და დავიწყებას ეძლევა ისტორიულ ქარცეცხლში გა-
მოტარებული ხალხური ხელოვნება, ხელს ვიღებთ ადგილობრივი

კულტურის პოპულარიზაციასა და ბოლოს მნიშვნელოვან ფუნქციად შემოსავალზე. მაშინ, როდესაც მოქმე ქვეყნებში ამ საქმისადმი გაცილებით მეტ ყურადღებას იჩენენ. მაგალითად, ჩეხოსლოვაკიაში, ხალხური ხელოვნების განვითარების მიზნით, გამოდის ორიგინალურად ილუსტრირებული ჟურნალი, სადაც საინტერესო სტატიების გვერდით ვხვდებით ქსოვილების და ტყავის ნატურალურ ნიმუშებს. უკეთესი თვალსაჩინოებისათვის ეროვნული ორნამენტის სახეები დაბეჭდილია თვით ქსოვილზე. ჟურნალი მრავალათასიანი ტირაჟით ვრცელდება. პოლონეთსა და ბალტიისპირეთის რესპუბლიკებში კარგა ხანია შექმნილია „ფირმები“ და „გაერთიანებანი“, რომლებიც პატრონობენ მატერიალური კულტურის ამ სფეროს.

როგორც აღნიშნული გვექონდა, ჩვენთანაც დაარსდა მსგავსი დაწესებულებანი, რაც მისასალმებელი ფაქტია. მოგვარდა ამ ს შერლიშვილო საქმის „ტექნიკური მხარე“, მაგრამ ისევ დიად რჩება უფრო მნიშვნელოვანი — მეცნიერული. რესპუბლიკაში აქტიურ მოქმედ საწარმოებს „ეროვნულობის“ პრეტენზია მაინცდამაინც არ ჰქონდათ, ამიტომ მათ მკაცრ მოთხოვნებს ვერ წაუყუყუნებდით. ახლაც, როცა ამ მიზნით ჩამოყალიბდა საგანგებო საწარმოები, ბუნებრივია, პასუხისმგებლობა იზრდება. აუცილებელია მათი საქმიანობა დასაწყისშივე მხოლოდ და მხოლოდ მეცნიერული პრინციპებით წარიმართოს. ქართული საბჭოთა ეთნოგრაფიული სკოლა, თითქმის ხუთი ათეული წელია ჩვენი ხალხის სულიერ და მატერიალურ კულტურას სწავლობს. საქართველოში არ არის დარჩენილი სოფელი, სადაც ეთნოგრაფებს არ ემუშავოთ. დაგროვილია უამრავი მასალა, რის გამოუყენებლადაც წარმოუდგენელია ხალხური ხელოვნობის თუ ხელოვნების განვითარება. პირველ რიგში სწორედ ეს უნდა გაითვალისწინონ ახლადშექმნილ „გაერთიანებთა“ მესვეურებმა. უკეთ რომ მოხდეს დაგროვილი ცოდნის პრაქტიკაში დანერგვა და თანამედროვე დონეზე გაიშალოს შინამრეწველობის მოქმედი და აღსადგენი კერების გამოსამქლავებლად საველე მუშაობა, ამისათვის საჭიროა შესაბამის ორგანიზაციათა წარმომადგენლების და ეთნოგრაფების ერთობლივი მოქმედება. მაგრამ ჭერჭერობით ნაკლებია კონტაქტი, მეცნიერებს სამუშაოდ არ იწვევენ, ველზე ზოგჯერ არასპეციალისტები მიდიან და, აქედან გამომდინარე. შედეგიც არ ჩანს. დრო კი არ ითმენს. ცალკეული მოხალისის ან ერთუზიანის კეთილი სურვილები ამინდს ვერ შექმნის, აუცილებელია სახელმწიფოებრივი ღონისძიებების გატარება, ადგილობრივ ორგანოების დარაზმვა და ხალხში სათანადო აგიტაციის გაწევა. ყოველივე ამას სისტემატური ხასიათი უნდა ჰქონდეს და არა კამ-

პანიური. მარტოდენ ხანგრძლივი, კომპლექსური მუშაობა გამოი-
ღებს სასურველ ნაყოფს. დიდ პასუხისმგებლობას გვაეალებს ის
ფაქტი, რომ ქართული ხალხური შინამრეწველობის შესაძლებლო-
ბანი დაუშრეტელია. მაგალითად, ჩვენ შესაძლებლობა გვქონდა შე-
მოგვეკლო ქვემო-სვანეთი და ლეჩხუმი. აღარას ვიტყვი იმის შესა-
ხებ, რომ გლეხის კარმიდამოს, საზღვარის და შრამელ-ბურულის, (სა-
მეურნეო ნაგებობანი) განლაგება დასრულებული არქიტექტურული
ანსამბლია, ხოლო ყველა სოფელი გასაოცარი სრულყოფილებით
არის შერწყმული კონტრასტულ რელიეფს და რა დასანანი, როცა
ალაგ-ალაგ ხელალებით ირღვევა დასახლების ეროვნული სტილი.
ამჯერად მხოლოდ იმაზე გავამახვილებთ ყურადღებას, რომ თა-
ნამედროვეობის მძლავრი ზეგავლენა ძირფესვიანად სპობს ყოველი-
ვე ძველს. სოფლები მოფენილია აწ გამოუსადეგარი, ნახევრად
დანგრეული ნაგებობებით, „ცაწმინდას“ ქვეშ ყრია, ისობა მრავალი
საინტერესო სამუზეუმო ღირებულების ნივთი, რაც არავის აწუ-
ხებს, არც ხალხური გამოყენებითი ხელოვნებისათვის სცალია ვინ-
მეს. თუ რომელიმე მოხუცი გაიხსენებს ძველ საქმეს, წახალისების
ნაცვლად ავიწროვებენ. სწორედ ამ არასწორმა მიდგომამ გაანადგუ-
რა ცაგერის რაიონის სოფელ საირმის მეთუნეობა.

საირმე — რაქა-ლეჩხუმის საზღვარზე მდებარეობს ეს სახელ-
განთქმული სოფელი. სპეტაკი კირქვის კლდოვანებს, რომელთაც
ზღაპრულ ციხე-კოშკთა სახე მიუღიათ, სურომოდებული ტყით
ჩახუჭუქებული ჭიუხები ენაცვლება, მერე ყანა-ვენახები და ხეხილ-
ში ჩაფლული კარმიდამოებია. ვისაც აივნებმოჩუქურთმებული ოდა-
სახლები და ბელლები, ქართული დარბაზის გვირგვინთა მსგავსად
ნაგები მრგვალი საბძლები, თლილი ქვის სვეტებიანი ჭიშკრები, ჭურ-
მარნები, დორები და დერგები უნახავს, ვინც აქაურ ხუროთა, ქვის-
მთლელთა და მეთუნეთა დახვეწილ ნახელავს დაჰკვირვებია, შეუძ-
ლებელია აღტაცება დაფაროს მათი გულმოდგინების და ხელოვნ-
ებადღე ამალღებული ოსტატობის გამო. თუმცა ბევრი მათგანი
მოხუცებულა, დაუძღურებულა, მაგრამ საყვარელ საქმეს მაინც
ვერ შელევია, მეტადრე კერამიკოსებს მიუწევთ მამაპაპური ხელო-
ბისაკენ გული.

ლეჩხუმის, ქვემო სვანეთისა და ქვემო რაქის რომელ სოფელ-
შიც არ უნდა მიხვიდეთ, ყველგან გაიგონებთ ჩივილს საირმული
ჭურჭლის გაქრობის გამო. ადგილობრივი ნაწარმი უბადლო იყო
როგორც ფორმის სრულყოფით, გამძლეობით, ისე სითხის შენა-
ხვის მაღალი ღირსებით. ოც წელზე მეტია, რაც საირმეში ჭურჭელს
ნაკლებად ამზადებენ, ამიტომ ყოფაში ფართოდ დაინერგა ლითონის

ფაბრიკული ნაწარმი, მისი უარყოფითი ზეგავლენა ხალხმა იმთავითვე იგრძნო, მაგრამ საქართველოს სხვა კუთხეებიდან შემოტანილი კერამიკა გაზრდილ მოთხოვნილებას ოდნეადაც ვერ აკმაყოფილებს, ცაგერის რაიონში კი ამ საქმეს გულშემმატკივარა არ ჰყავს. ეს მით უფრო დასანანია, რომ სხვაგან ახალი სტანდარტების გამოშვებისა და რეკლამირებისათვის უამრავ ენერჯიას და თანხას ხარჯავენ. ჩვენ კი საუკუნეთა მანძილზე, ტრადიციულად შექმნილ სტანდარტებს ვივიწყებთ.

ვინც საირმეში ჩავა, უსათუოდ შეხვდება მოხუც მეკურბლეებს ისინი გაბრწყინებული თვალებით გაამბობენ თავიანთი ხელობის გარდასულ დიდებაზე, წელიწადში რამდენი დღეა, იმდენ დორიანი (დორაში ორი ფუთია), ვეებერთელა ჭურების შენებაზე, შემდეგ კი სინანულს გამოთქვამენ მამაპაპური საქმის დავიწყების გამო. საირმული მეთუნეობის დაცემა ერთბაშად არ მომხდარა. სამამულო ომის წინა წლებში კოლმეურნეობა შეეცადა კერამიკული საწარმო შეექმნა, ააგეს ქურა, მაგრამ უხეირო ხელმძღვანელობის გამო საქმე ჩაიშალა. სამაგიეროდ ინდივიდუალურ ხელოსნებს მემოობა აუკრძალეს და ბოლოს შედეგიც სავალალო მივიღეთ.

სხვათა შორის, საირმე ერთადერთი კერა იყო, სადაც ამზადებდნენ სრულქმნილი პროპორციის მქონე ორყურა დორებს, რომელთა ანალოგები უხვად მოიპოვება საქართველოს განათხარ კერამიკაში. ეს ქართულ მიწაზე მეთუნეობის ტრადიციის უწყვეტობის მაჩვენებელია.

საირმეში ხელოსანთა სპეციალიზაცია იმდენად შორს იყო წასული, რომ თითოეული გვარი რომელიმე ჭურჭლის კეთებაზე იყო დაოსტატებული. თიხას მოპოვების ადგილის მიხედვით ასხვავებდნენ: ჭურის დასამზადებლად „კახურას“ მიწა გამოიყენებოდა, „სასახლის“ თიხა კარგი იყო ქოთნების, ფილების, თონეებისა და კეცებისათვის, „გალმარეულში“ კი წყლისა და ღვინის საჭურჭლე მასალას იღებდნენ. თიხის მოძიება-მოტანა დიდ სიძნელეებთან არ არის დაკავშირებული, მხოლოდ მონდომებაა საჭირო, რომ მეთუნეობა კვლავ აღდგეს. დიახ, მონდომებაა საჭირო, ოღონდ დროული, ძველი ოსტატები თითზე ჩამოსათვლელია. 1971 წ. გარდაიცვალა ვანო კაკიტაძე, რომელიც წინაპართა ნაანდერძევე საქმეს ვერ შეეღია, ქ. ონის კერამიკულ ქარხანაში მუშაობდა, მერე პენსიაზე გავიდა, სახლთან პატარა ქურა გამართა და ხანდახან „ხელობის ჭიას იკლავდა“. ამოდ ოცნებობდა ვანო მშობლიურ სოფელში მეთუნეობის კვლავ აღორძინებაზე, 1972 წ. მოვიინახულეთ 85 წლის დომენტი თევდორეს ძე ხუციძე, მისთვის ქურა დაუნგრევიათ. —

„ღმართმა შეუნდოსო, — გვითხრა, — სახელსა და გეარს ნუ მკითხავთ, დაწერთ სადმე და მის მონაგარს შერცხვებაო...“

ბარაქალა შენს სულგრძელობას დომენტი, მაგრამ საუცხოო ჭურჭელს რომ მაინც აკეთებ და გამოუწვავი „პალატში“ გიწყევია საცოდაობა არ არის? რა კელაპტარივით ჩამოგიქნია ეს საღვინეები, ხალმები, დორები, დოქები, თონეები...

მთელი სოფელი შემოვიარეთ, სამუზეუმოდ გამოსადეგი ადგილობრივი კერამიკის ნიმუშები რომ გვეშოვა, ტყუილად გავისარჩეთ, საირმელებს განთქმული საირმული ჭურჭელი აღარ გააჩნიათ. ზოგიერთს ისე გაჭირვებია, ჩაფები და დოქები ქუთაისიდან მოუტანია. ვაი, სირცხვილო! საირმელი კაცი სხვისი ხელის შემყურე უნდა გახდეს! მერე კარგი გამძლეობა და მოყვანილობა მაინც ჰქონდეს სხვათა ნამზადს, ან წყალს და ღვინოს ინახავდეს გემოიანად, იმ სიშორიდან უნდა მოიტანო და ორ დღეში ხელზე შემოგემტვრევა, „ნამეტანი სულსწრაფადაა ნაკეთები“!

ის იყო უკან ხელცარიელი ვბრუნდებოდით, რომ დომენტისთან გვირჩიეს მისვლა. ვერ დაგვხვდა გუნებაზე: „თუ ასე საძებარი იყო საირმული ჭურჭელი ადრე გეფიქრათო“ — გვისაყვედურა, მაინც პატივი დაგვლო, კედელ-ყურე გადმოაქოთა და რაც გააჩნდა არ დაიშურა. ახლა ქართული ხალხური ხუროთმოძღვრებისა და ყოფის ღია ცის ქვეშ მუზეუმში „კათხასახლს“ ამშვენებს მისი ნაამბიგარი დორა, სურა, დოქები, დერგები და ფილ-ქოთნები. დაგვითმო საკუთარი ხელით ნაძერწი მთლიანი თიხის რთული კონსტრუქციის ღუმელი, რომელიც ყველა მნახველის განცვიფრებას იწვევს, განსაკუთრებით უცხოელებს უკვირთ — რა შესძლებიაო თიხას! თიხას კი არა ოსტატს რა შესძლებია — მიწისთვის სული ჩაუდგამს, აუმღერებია, ჩვენ კი რატომღაც ამ საამო მელოდიის მოსასმენად ყურს ვიხშობთ...

სიქველე და თავმდაბლობა არ აკლია მოხუც მეთუნეს: „ჩემზე უკეთესი მოხელები ქველობანს (ქვემო საირმეს) არიანო, — გვითხრა. იქაც ჩავედით, ვნახეთ ვანო კაკიტაძის ნახევრად დანგრეული პატარა ქურა, უკანასკნელი მოქმედი ქურა საირმეში. ოსტატებო მართალია ჭერ კიდევ არიან, მაგრამ რა ქნან, ქურის გამართვას და მუშაობას ვერ ბედავენ...

სანამღე უნდა გაგრძელდეს ასე?! ნუთუ არავინ უნდა ითავოს საირმეში მეთუნეობის აღდგენა?! იქაური ჭურჭელი ხომ ყველას და პირველ რიგში თვით საირმელებს სჭირდებათ!

რაქა-ლეჩხუმსა და სვანეთში ბევლად მასიურ ხმარებაში იყო ხის ჭურჭელი, რომელიც თითქმის ყველა ოჯახში მზადდებოდა.

განსაკუთრებით დასპეციალებულნი იყვნენ სასაშელი ონიანები. ისინი ზამთრობით ჭგუფ-ჭგუფად გადადიოდნენ მდინარე ლაჩანურის სათავეებში, ცაცხვით მდიდარ ლანქორის ტყეში. იქ გამოქვაბულში დაბანაკდებოდნენ (გამოქვაბული იმდენად დიდი იყო, რომ თხების მთელი არე ეტეოდა), გამართვდნენ სახარატო დაზგებს და ნაირგვარ ჭურჭელს ამზადებდნენ, თან ლაჩანურის საცალფეხო ხიდებსა და ბოგირებზე კვერნების დასაქერად ხაფანგებს აგებდნენ. როცა საკმაო რაოდენობის ჭურჭელს და ბეწვეულს დააგროვებდნენ ცაგერის, ლაილაშის, ონისა და ქუთათისის ბაზრებზე მიეშურებოდნენ და თავიანთ ნახელავს ყიდიდნენ. დიდ მოწონებაში იყო წყლისა და ღვინის მოხერხებული საზიდავი, ხელკასრის შავგარი, მთლიანი ხის ორიგინალური ჭურჭელი „ოხარი“, ვედროსნაირი „სეგდა“, ფქვილისა და მარცვლეულის მოზრდილი სათავსო „ნობრა“, საშამისები: „კათხა“, „კვანჩხა“, ნაირგვარი კოდები, ჭამები, გობები, სუფრასთან ნამცხვროსა და ტკბილეულის მისატანი ორნამენტირებული ხონჩები და სხვ.

საშუალება მოგვეცა ამ თვალსაზრისით გურიასაც გავცნობოდით.

... აცანა და აკეთი! ვის არ სმენია ამ სოფლების შესახებ. ისინო ხომ მთელ საქართველოში განთქმული მეთუნეობის კერებია. რაჰსა აღწევდა იქაური გურულა საღვინეები, აცანური ქვევრი ხომ ახლაც უბადლოა. გურიაში არ არის ოჯახი, სადაც აცანელ და აკეთელ ხელმადლიან ოსტატთა ნახელავს არ ხმარობდნენ. ამიტომ: მოვიწინააღმდეგეთ ის სოფლები, სრულიად დარწმუნებული ვიყავით, რომ მამაპაპური საქმის გამგრძელებელ მრავალ მეთუნეს ვნახავდით, მაგრამ ჩვენი იმედი არ გამართლდა, თურმე აკეთში ჭურჭელს აღარავინ აკეთებს, მხოლოდ აცანაში დარჩენილა თითო-ოროლა. კერამიკოსი. ისიც გაირკვა, რომ ადგილობრივ ხელისუფლებას მაინცდამაინც არ ალონებს ეს ფაქტი. მართლაცდა ახლა, „ატომის ხანაში, რალა დროს მიწის თითხნაა“, მაშინ როდესაც კოლმეურნეობას სხვაც ბევრი საზრუნავი აქვს. მომრავლდა შრომის გმირები, გაიზარდა კოლმეურნეთა შემოსავალი, მეთუნეობა კი გაჭირვებისა იყო. თითქმის არაფერი მოდიოდა აცანისა და აკეთის მწირ მიწაზე. მალლარი ვენახიც კი ნაკლებად ხარობდა, ამის გამო იქაური გლეხი ყურძნის საკრეფად, დღიურ ქირაზე, ვაკეჯვრის, შემოქმედის და მკვანეთის თემებში დადიოდა. სიცოცხლის რისკის ფასად, დღეში თითო ფუთ ღვინოს იღებდნენ, მარცვლეულს კი თავიანთი ნახელავი ჭურჭლის გაყიდვით შოულობდნენ. ასეთი იყო მათი მწარე ხვედრი, ახლა კი ჩაიმ — „მწვანე ოქრომ“ გაამდიდრა. ორივე სო-

ფელი. „ვილას სცალია მეთუნის ჩარხს მიუჭდეს. თუმცა ზოგიერთმა არ მოიშალა და მაინც ზელს მიწას, გასაკვირი კია, ალბათ ფულს არიან დახარბებულნი, მერე თიხა ადვილი საშოვნელი მაინც იყოს“.

— როგორ, კლდიდანაა გამოსაღები?

— არა, მაგრამ ვილაც-ვილაცეები ყიდიან...

— მიწას ყიდიან?

ჩვენმა გაოცებამ მასპინძელი დააფრთხო და ამ ავბედითი ვაქრობის შესახებ მეტი ვერაფერი გავიგეთ. დაე, ეს იკვლიოს მან, ეისი საქმეც არის, ოღონდ აქვე უნდა დაეძინოთ, რომ ხალხური გამოყენებითი ხელოვნების მრავალი ჩამქრალი თუ ნახევრად ჩამქრალი კერა გვინახაეს, მაგრამ ასეთი კურონული ფაქტი ჭერ არსად შეგვხვედრია.

რაც შეეხება ზემოთ მოტანილ თვალსაზრისს, ვერ დავეთანხმებით. მართალია ჩვენი სოფელი გარდაიქმნა, ეს საბჭოთა ხალხის დიდი ისტორიული მიღწევაა, მაგრამ ჩაის მკრეფავის შრომაზე ნაკლები როდია მეთუნის შრომა. შეუძლებელია აქვე არ გავიხსენოთ ერთი მეტად საგულისხმო მოვლენა, რომელიც მსოფლიო ცივილიზაციის ისტორიამ შემოგვინახა, უძველეს ეპოქაში მესოპოტამიელი მექოთნის (მეთუნის) ხელობა-მოქანდაკის საქმიანობასთან იყო გაიგივებული [174, 136]. ახლა აკადემიადამთავრებულ ნიჭიერ კერამიკოსებს სათანადო პატივს მივაგებთ, ხოლო ვინც შთამომავლობით დანხლოვნებულა, მამაპაპათა ჩადოქრულ ოსტატობას დღემდე აცოცხლებს მათ რად ვღევენით?!

„ღევნა“ — იქნებ გადაჭარბებულია ეს გამოთქმა? სრულებითაც არა. როცა ერთ-ერთ კერამიკოსთან სტუმრად მივედით, დიასახლისს გული ცუდად გაუხდა, ხოლო დაბნეული ოსტატი თავს იმართლებდა: პენსიონერი ვარ და რა მოხდა თუ ხანდახან ჭურჭელს გავაკეთებო.

... მთელ დღეს მასთან დავრჩი და მისი საქმიანობით ვტკბებოდი: ერთად დაუწყია 16 ჭურის „აშენება“, თითოეული ოცი-ოცდაათფუთიანა იქნებოდა. ათი მათგანი დავმთავრებინა, დანარჩენი კი „თავდასადგამი“ იყო. ვუცქეროდი ამ ქვევრებს და მაგონდებოდა კარმირ-ბლურის ურარტული მარანი. ამჟამად მარტო ჩვენში აგებენ თიხის ასეთ უზარმაზარ ჭურჭლებს. თანამედროვე სამეთუნეო ტექნიკას, ჭერჭერობით, ვერ მიულწევია შექმნას მისი ნახევარი ტევადობის სათავსო, ჩვენი წინაპრები კი განსაკვიფრებელი სიდიდის ქვევრებს აკეთებდნენ. XIX ს. პრესაში ძალიან პოპულარული იყო მინდაციხის (რაქა) უზარმაზარი ჭური — „ჩასავეალი“, რომელშიც იმდენი კასრი ღვინო ჩადიოდა (კასრი ორი ფუთია), რამდენი დღეც

ყო წელიწადში. მსგავსი ქვევრები სხვა ციხე-სიმაგრეებზეაც ჰქონიათ, სახელდობრ, ასკანის ციხეზე. ორას-სამას ფუთიანი ქვევრები ხომ ზოგიერთ ოჯახში დღესაცაა შემონახული. თიხისაგან ასეთი ვეებერთელა ჭურჭლის აგება განსაკუთრებული ტექნიკური მიღწევაა, რაც შთამომავლობით მიღებულ მრავალსაუკუნოვან ცოდნა-გამოცდილებას და რაღაც ჯადოსნურ ინტუიციას ემყარება.

აგერ, ჩემ თვალწინ, იღვწის აცანელი დიდოსტატი. „მორგვზე“ გამოუყვანია ჭურის „კუშტული“. ზედვე გაუშვრია და ძირს დაუდგამს, ირგვლივ სამი ქვა აქვს შეყენებული, ფენა-ფენა აშენებს თიხის „გორგალებს“. დღეში მხოლოდ ერთი „შემოყოლა“ შეიძლება, მერე ჭიაფერას ფოთლები უნდა დაათაროს და მეორე დღემდე იცადოს, რათა გაშრეს. ამიტომ აკეთებს ერთდროულად რამდენიმე ქვევრს. არავითარი ხელსაწყო არა აქვს „ფიჭის“ — სავარცხლი-სა და ხის დანის გარდა, რომელთაც მარტოოდენ მოსამანდაკებლად და ორნამენტების გამოზაყვანად იყენებს. ყველაფერი დამოკიდებულია ოსტატის მგრძნობიარე თითებსა და მახვილ თვალზომანზე. შენების პროცესში პროპორციულობა თუ დაირღვა, ჭური მაშინვე ჩაწვება. ის ხომ წვრილ წვერზე — „კუშტულზე“ დგას, რომელზედაც გადის „ფეხზე სადგომი სისწორის ხაზი“. და ალლოიან ხელოვანს საარაკო მიხვედრილობით ყოველგვარი ზუსტი ინსტრუმენტის გარეშე (ასეთი ხელსაწყო არც არსებობს) შეუძლია ქვევრის კედლები კვერცხივით ჩამოქნას, გამოძერწოს. ეს მისტიციზმი როდია, არამედ ქართველი კაცის ნიჭიერების მლალადებელი ხორცმესხმული რეალობა.

გატაცებით მუშაობს აცანელი მეჭურე, ღვარად ჩამოსდის ოფლი და ნამავს გაცოცხლებულ თიხას. ასე შრომობდნენ ჩვენი წინაპრები უხსოვარი დროიდან და თიხით სასწაულს ახდენდნენ. ამ სასწაულმა სწორედ ამ თმაშევერცხლილი კაცის წყალობით დღემდე მოაღწია და, რა დასანანია, რომ მის დიდებულ ხელოვნებას ვერ ვაფასებთ. გულისტკივილით გამანდო ოსტატმა თავისი ხეაშიადი: „დიდი ხანი აღარ ვაკეთებდი ჭურებს. მერე პენსიაში გავედი და ვეღარ მოვისვენე, რა ვქნა, მიყვარს ეს საქმე... სოფლის ერთ-ერთმა თავკაცმა, როცა გაიგო, მითხრა: რატომ არცხვენ შეილებსო, შერცხვენაა ეს?! — და მან ფარული სიამაყით გადახედა, თავის ნამზად საუცხოოდ ორნამენტირებულ ქვევრებს.

— არა, ეს სასახელოა ოთხმოც წელს მიღწეული კაცისათვის!

— განა მარტო თქვენთვის, ყველა ჩვენთანისათვის! — განვაგრძე მე და ღინდისის ქენჯნა ვიგრძენი. იმის ნაცვლად, რომ სახალხო კერამიკოსებს ვახალისებდეთ, მუშაობის ნორმალურ პირობებს

ეუქმნიდეთ, ვავიწროვებთ, ვღვენიო... ნუთუ მათ დანაშაულად უნდა ჩაეთვალოს თავიანთი მძიმე შრომისათვის გასამრჯელოს აღება? უდავოა, რომ ადამიანს ხარისხობრივ ჩაისთან ერთად სჭირდება ქვევრები, საღვინეები, ჩაფები, ქოთნები, ღერგები, სასმისები და სხვა. ჩვენი კერამიკული ქარხნები ოდნავადაც ვერ აკმაყოფილებენ მშრომელთა ფართო მოთხოვნილებას. კემშარიტება მოითხოვს ვთქვათ, რომ ფაბრიკული ნაწარმი ვერ შეედრება ძველ ოსტატთა ნახელავს. ხალხური ქურჭელი დახვეწილობით, სისადავით და ფორმის სინატიფით გამოირჩევა. მერედა, როგორ გვჭირდება ყველა ჩვენგანს, მხოლოდ სუვენირებად, საჩუქრებად კი არა, ყოველდღიურ სახმარად. სად თუნუქის სათლში ჩასხმული წყალი და სად ჰარიკაში ჩაყენებული. აღარას ვიტყვი ქოთნის ლობიოზე, ნიტრიდან და ქინკილიდან სასმელის შესმაზე და ა. შ.

აცანასა და აკეთში თბილისიდან და სხვა ქალაქებიდან ჩამოდიან ადგილობრივი ქურჭლის შესაძენად, ჩამოდიან და უკან ხელცარიელი ბრუნდებიან. ორიოდე ოსტატი, რომელთაც, სამწუხაროდ, თიხა საყიდელი აქვთ და თითქმის არაღეგარულად უხდებათ მუშაობა, მოთხოვნილებას ვერ აუვა. ხელმძღვანელობა კი მათ ბედზე აქამდე ნაკლებად ზრუნავდა. ადრე აშკარად დევნიდნენ, ამჟამად კი ცოტა შემწყნარებლობას იჩენენ და ეს დამოკიდებულება თითოეული თავმჯდომარის ხასიათზე. იძულებული ვართ ამხანაგებს მოვავგონოთ სსრ კავშირის კონსტიტუციის მეჩვიდმეტე მუხლი: „სსრ კავშირში კანონის შესაბამისად ნებადართულია ინდივიდუალური შრომითი საქმიანობა შინამრეწველურ-ხელოსნური საქრეწების, სოფლის მეურნეობის, მოსახლეობის საყოფაცხოვრებო მომსახურეობის სფეროში, აგრეთვე საქმიანობის სხვა სახეობანი, რომლებიც დაფუძნებულია მხოლოდ და მხოლოდ მოქალაქეთა და მათი ოჯახის წევრთა პირად შრომაზე.“

სახელმწიფო აწესრიგებს ინდივიდუალურ შრომით საქმიანობას, უზრუნველყოფს მის გამოყენებას საზოგადოების ინტერესებისათვის“. ხოლო 27-ე მუხლში ხაზგასმულია: „სსრ კავშირში ყოველნიარად ეწყობა ხელი პროფესიული ხელოვნებისა და ხალხური მხატვრული შემოქმედების განვითარებას“. ამასვე ითვალისწინებს საქართველოს სსრ კონსტიტუციის შესაბამისი (მე-17, 27-ე) მუხლები.

საკვირველია, რატომ არ ვიყენებთ ასეთ კარგ შესაძლებლობას. ადგილობრივი ქურჭლის დამზადებით ხომ დავიწყებისაგან ვიხსნით ხალხური რეწვის ტრადიციულ დარგს და თან მნიშვნელოვან შე-

მოსავალს მივიღებთ. დროა დაფიქრდეთ ამ საკითხზე, ეს სრულებით არ არის მეორეხარისხოვანი და წვრილმანი საქმე.

განსაკუთრებულ მზრუნველობას და პატრონობას მოითხოვს შარაგულის — წნული ქურკლის დამზადებაც. ნიშანდობლივია, „ანდრია მოციქული წირვას რომ მორჩებოდა, თავის სარჩენად კალათებს წნავდა და ჰყიდიდა“ [23, 32]. ხალხური ხელოსნობის ეს დარგი, რომელიც კარგი ოსტატის ხელში მხატვრულ ღირსებას იძენს, დღეისათვის ისევე საჭიროა, როგორც მეთუნეობა. უფრო მეტიც, ჩაის მეურნეობა, მეხილეობა, მევენახეობა, წარმოუდგენელია გიდლების, გოდრების, სალასტოებისა და კალათების გარეშე. მიუხედავად ამისა, აქაც ადგილი აქვს გაუმართლებელ სტიქიურობას. ოსტატებს ხელს არავენ უწყობს, პირიქით, ზღუდავენ — მოზარდ ხეს ანადგურებენო. ამის გამო, მათი რაოდენობა თანდათან მცირდება. სწორედ ამის შედეგია, რომ ტყეჩის გოდორი ბაზარზე 30—35 მანეთი ღირს. ხე-ტყის მდგომარეობა მართლაც დამაფიქრებელია, წნულ ქურკელზე ხის მხოლოდ ჩქოლა მერქანი გამოიყენება, რის გამოც აუცილებელია არა შემთხვევითი, არამედ გეგმაზომიერი ჭრა. ძველად ტყეები გამოიყენების თვალსაზრისით იყო დანაწილებული. ჰქონდათ სამასალე, სჰარე, „ნამაშვარი“ და სხვ. საგანგებოდ აშენებდნენ „საბელავებს“ და „სამორავ ხეებს“. ნამაშვარი ანუ ნამაშარი სამ-ოთხ წელიწადში პირწმინდად საკაფი იყო, საიდანაც იღებდნენ ფიჩხსა და წნელს. ასეთი ტყისათვის შედარებით ვაკე ადგილებს არჩეიდნენ — ჭალებს, მერეებს, რათა ღვარცოფები არ გაჩენილიყო. ძირზე მოკაფის წესი ტყეს უბერებელს და პროდუქტიულს ხდიდა. სამწუხაროდ, ახლაც ტყის გამოყენების ხალხური მეთოდები თითქმის დავიწყებულია. უფრო რაციონალური. მეცნიერული საშუალებანი კი პრაქტიკაში ნაკლებად ინერგება, მიუხედავად იმისა, რომ ჩვენი სატყეო მეურნეობანი მაღალკვალიფიციური სპეციალიტებითაა დაკომპლექტებული. ვინ იცის რამდენი ათასი წნული ქურკელი მზადდება საქართველოში, რისთვისაც ნედლეულის მოპოვება მეტწილად შემთხვევით ხასიათს ატარებს, რაც ბუნებრივია მწვანე საფარველზე უარყოფითად მოქმედებს, მაგრამ აქ შარაგულის ოსტატები კი არ ტყუიან, არამედ ისინი, ვინც მათთვის საექსპლოატაციოდ ტყის საჭირო მასივებს არ გამოჰყოფს.

ბაზრობაზე დღესაც შეხედებით ხის ქურკელს, მეტადრე როდინებს, კოთხოებს (ფელამუშისა და ფქვილისათვის), სასმისებს, საყველე „გვარდებს“, კიდევ აკენებს, შიბაქებს, კოვზებს, ხაფანგებს და სხვ. ხალხი მათ ხალისით ყიდულობს, ოსტატი კი ისევე შემ-

კრთალი და დაშინებულია. აქა-იქ ჩონგურსაც თლიან (სოფ. აცანა), „წმალას“ (კვევის ღერო), სამზეურ ქუდებს და ჭილის ჭილოფებს. (სოფ. ჭურყვეთი) ქსოვენ, ქვის ნივთებსაც აკეთებენ (სს. ვან-ზომ-ლეთი, სამება) და ა. შ. ბუნებრივია, დღემდე შემონახულია ის, რისი შეცვლაც მრეწველობის ნაწარმით შეუძლებელია. უნდა გამოვავლინოთ ამ საშვილიშვილო საქმის ოსტატები, აუცილებელია მათ დაეხმაროთ, წავახალისოთ, მივცეთ შემოქმედების ფართო ასპარეზი. პრაქტიკამ დაგვარწმუნა, რომ ვერავითარი „გაერთიანება“, ფაბრიკა, ქარხანა და მისთანანი ვერ დაამზადებს სრულყოფილ ხალხურ სუვენირებს. ხალხის შემოქმედება უბადლო და მიუწვდომელია, ამიტომ მას თვალისჩინივით უნდა გაფრთხილება.

ხალიჩების, ფარდაგების, ჭეჩიშების, ჭილოფებისა და სხვათა ქსოვის ხელოვნებაც გაქრობის პირზეა. სიტყვა მივცეთ ხელოვნებათმცოდნეს: „განა მომზიბლავი და დამაფიქრებელი არ არის, როდესაც ფშაველი ქალი ბაბალე მათეს ასული წოწკოლაური, სოფელ მაღაროსკარის მცხოვრები, 1946 წელს ქსოვს საფენს „ეთერისა და გოდერძის (აბესალომ და ეთერის ფშაური ვერსია) უკვდავ სიყვარულზე... ფშაველ ქალს გოდერძი თანამედროვე წითელარმიელად ჰყავს წარმოდგენილი და გამოსახული. ასევე ეთერი თანამედროვე ტანსაცმელში გამოწყობილი ქალია. რა თქმა უნდა, მქსოველი თანამედროვეობაში განხორციელებულს ხედავდა გოდერძისა და ეთერის სიყვარულს... იქნებ ეს წითელარმიელი მისი „გოდერძი“ იყო შინ გამარჯვებით დაბრუნებული... როგორც ვხედავთ, შას სხვანაირად არც შეეძლო, მისთვის ხალხური ძველი თქმულება ახლებურად აღედრდა და თანამედროვეობით იყო ხორცშესხმული და ამით უკვდავი...“

ასევე თანამედროვე მტკივნეულ საკითხს, საყოველთაო მშვიდობის დაცვას ეძღვნება მის მიერვე მოქსოვილი ხალიჩა, რომლის ორნამენტულ არშიაშია ჩაქსოვილი მოწოდება „მშვიდობა მსოფლიოს“, ხოლო შუაგული ვარდებითაა მოფენილი. ხალიჩის მთელი ფერადოვანი გამა მეტად ელერადი და საზეიმოა. სანათა პავლეს ასული ღრუბელაშვილი კი, სოფ. გომეწრის მცხოვრები, ქსოვს ფარდაგებს „ვარდ-ბულბულიანის“ თემაზე... ეს უქცნობი სიუჟეტი მუდმივი თანამგზავრი იყო და არის ახალგაზრდა, ახლად ფეხადგმული სიყვარულისა“ [52, 44].

ასე წერდა აწ განსვენებული მეცნიერი ზაქრო მაისურაძე. 1965 წ. დაიბეჭდა ეს წერილი და მორჩა, მერე არავინ დაინტერესებულა ამ ხელოვანი ქალების ბედით, იქნებ დაინტერესდნენ კიდევ, მაგრამ ასეთი იშვიათი შემოქმედნი რატომ არსად ჩანან?! რატომ

არ არიან პოპულარულნი?! მათი მსგავსნი ხომ თითო-ოროლა შე-
მორჩა საქართველოს!

შინაური მეაბრეშუმეობაც დაიწყებას მიეცა. ძველად გასა-
თხოვარი ქალი სამშითვოდ თვითონ იქსოვდა მთის მღელოსავით
ნაირფერ ხალიჩას, ცისარტყელასავით დასარტყულულ ფარდაგს, აბ-
რეშუმის ნახ ქსოვილებს, დარაიებს, ყალამქარებს, აკეთებდნენ სირ-
მას, ოქრომკედს. ახლა ძალიან ცოტამ იცის ეს საქმე. მათი გარ-
დაცვალების შემდეგ საბოლოოდ დაიკარგება ქართული ხატოვანი
ქსოვილების შექმნის ხანგრძლივი ტრადიცია და ასეთ კრიტიკულ-
მომენტში, როგორ შეიძლება გულხელდაკრეფილი ვიყოთ და
არაფერი ვილონოთ?! მსგავსი მდგომარეობაა საქართველოს თით-
ქმის ყველა რაიონსა და ქალაქში [126]. ხალხური მხატვრული
რეწვა ან დევნილი და მივიწყებულია ან უხამსი ხალტურის და ხალ-
ხური ხელოვნების გაყალბების გზით მიედინება. გამკითხავი კი,
ჭერჭერობით, არავინ ჩანს. წარმოების რენტაბელობისათვის „გა-
ერთიანებათა“, „ფირმათა“ თუ „კომბინატთა“ ხელმძღვანელობა
ციდილობს ეფექტურად გამოიყენოს ხალხური სტანდარტები და აჩ-
ქარებს მათ სერიულ გამოშვებას. მუშაობის პირველ ეტაპზე ეს გა-
საგებია, მაგრამ ერთგვარი სახიფათო გზაა, ჩვენ ხომ ერის შემოქ-
მელებასთან გვაქვს საქმე. უეჭველია, ახალ წარმოებას გამარჯვება
მაშინ დაეხედება, თუ იგი ყოველმხრივ არის მოფიქრებული, უკეთ-
რომ ვთქვათ, თუ სწორ მეცნიერულ-თეორიულ საფუძველზე დგას,
მით უმეტეს, თითოეულ წამოწყებას ნდობისა და ავტორიტეტის
მოხვეჭა დასაწყისშივე სჭირდება.

ბუნებრივია, პირველ რიგში, სწორედ მეცნიერულ-კვლევითი-
მუშაობის ჩატარებაა აუცილებელი, ხოლო შემდეგ სხვა წამოწყება-
ნი, მაგრამ სუვენირების საწარმოებს, რა თქმა უნდა, კვლევით ინს-
ტიტუტად ვერ ვაქცევთ. მათ გარკვეული ვალდებულებანი და მიზან-
დასახულობა აქვთ. აქედან გამომდინარე, ხალხური მხატვრული რე-
წვის, მისი კერების გამოვლენა-აღდგენისა და შესწავლის საქმე კვლავ
უყურადღებოდ რჩება. შესაბამის სამეცნიერო დაწესებულებებს.
მტკიცედ განსაზღვრული თავიანთი სამუშაო გეგმები და თემატი-
კა მოეპოვებათ. მაშასადამე, ხალხური გამოყენებითი ხელოვნების
მომავლადვი დარგების შესწავლისათვის ამჭერად არავის სცალია...

გამოყენებითი ხელოვნების ისტორია და პრაქტიკული საკითხ-
ები განსაკუთრებით კარგადაა შესწავლილი უცხოეთში [159; 160;
161; 165; 166; 169; 170; 171; 172; 175; 177; 178; 179;
180; 181; 184]. მოსკოვში, რუსეთის საბჭოთა ფედერაციული რეს-
პუბლიკის ადგილობრივი მრეწველობის სამინისტროსთან, არის

მხატვრული მრეწველობის სამეცნიერო-კვლევითი ინსტიტუტი. გამოდის სათანადო ლიტერატურა [152; 153 და სხვ.]. ასეთი ინსტიტუტის შექმნისათვის საჭიროა ჩვენთანაც მომზადდეს ნიადაგი, ხოლო სანამ ეს განხორციელდებოდეს, აუცილებელია ამ საქმესთან ახლო მდგომ ინსტანციათა (ისტორიის, არქეოლოგიის და ეთნოგრაფიის ინსტიტუტი, სამხატვრო აკადემია, საქართველოს სახელმწიფო მუზეუმი, ქართული ხელოვნების ისტორიის ინსტიტუტი, ხელოვნების მუზეუმი, საქართველოს ხალხური და გამოყენებითი ხელოვნების სახელმწიფო მუზეუმი, თბილისის ეთნოგრაფიული მუზეუმი, ქართული ხალხური ხუროთმოძღვრებისა და ყოფის ღია ცის ქვეშ მუზეუმი, მხატვართა კავშირი, მხატვრული თვითმოქმედების რესპუბლიკური სახლი და სხვა) საქმიანობის კოორდინაცია, რათა დროულად გატარდეს საერთო ღონისძიებანი გამოყენებითი ხელოვნების ადგილობრივი კერების, ცალკეული დარგებისა და ამ საქმის მიმდევარი პირების გამოსავლენად.

უპირველეს ყოვლისა, ყურადღება უნდა მიექცეს მხატვრული რეწვის მივიწყებულ დარგებსა და ნახევრად ჩამქრალ კერებს. მათი აღდგენა-გამოცოცხლება მეტად საშური საქმეა. ამასთანავე, უნდა შემუშავდეს კრიტერიუმი, რომლითაც დადგინდება შინამრეწველობის ეს თუ ის დარგი ხელოვნებას ეკუთვნის თუ ხელოსნობას, ესა თუ ის პირი ხელოვანია თუ ხელოსანი. ამის შესაბამისად განისაზღვრება შრომითი ანაზღაურება და უფლება-მოვალეობანი.

ადგილი რომ არ ჰქონდეს ხალხური შემოქმედებითი ნიმუშების გაყალბებას, მათი სეროული წარმოების საკითხი უნდა გადაწყდეს უმალეს დონეზე შექმნილი ავტორიტეტული კომისიის მიერ, ხოლო ის საამქრონი, რომლებიც ხალხურის მიბაძვით სუვენირებს ამზადებენ, „ხალხურობას“ არ უნდა შეეფარონ და სწორ, შესაფერის სახელს უნდა ატარებდნენ. საკუთრივ მათ, და მეტადრე, მათ მიერ გამოშვებულ საქონელს არ უნდა ჰქონდეს პრეტენზია, რომ თითქოს ის ხალხის შემოქმედების ნაყოფია. აქ კარგად უნდა განისაზღვროს ორიგინალი და ასლი, რათა ვილაყ სარფის მოყვარულის სასარგებლოდ არც თავი მოეიტყუოთ და არც მომხმარებელი შევიყვანოთ შეცდომაში.

ამჯერად, ჩვენი აზრით, მეცნიერულ-საექსპედიციო მუშაობის ბაზად უნდა იქცეს თბილისის ღია ცის ქვეშ მუზეუმი, რომელიც შენების პროცესშია, აქვს ფართო ტერიტორია, შეუძლია მოითავსოს საჭირო ნაგებობანი. ეს მუზეუმი მომავლისათვის ითვალისწინებს თავის ექსპოზიციაში აჩვენოს ცოცხალი ყოფაც, სახელდობრ, სხვა-

დასხვა დარგის ოსტატები საქმიანობის დროს. ხალხური ხელოვნების საჭიროებისათვის უნდა მოხდეს მუზეუმის რეორგანიზაცია, მიეცეს სათანადო შტატი: ეთნოგრაფები, არქიტექტორები, ხელოვნებათმცოდნეები და სხვ.

როცა საქართველოში არსებული გამოყენებითი ხელოვნების ყველა კერა და ამ საქმის მიმდევარი პირი აღირიცხება, მაშინ ეტაპობრივად მოეწყობა კონკურსები. კონკურსში გამარჯვებულ მინიჭებათ არა მარტო პრემიები, არამედ შეექმნებათ მუშაობის პირობები. შემუშავებული გრაფიკის მიხედვით, ისინი ღია ცის ქვეშ მუზეუმში თავიანთ საქმიანობას მნახველებს აჩვენებენ. ამით მუზეუმს ექნება მუდმივი ცოცხალი ექსპოზიცია.

ხალხური გამოყენებითი ხელოვნებისა და შინახელოსნობის პოპულარიზაციისათვის აუცილებელია გამოიცეს ჟურნალი.

ვფიქრობთ, ეს ღონისძიებანი თუ დროულად გატარდება, გადაარჩენს და შთამომავლობას შემოუნახავს ქართულ მხატვრულ რეწვას.

დღეს შველა შეიძლება, ხვალ გვიან იქნება!

§ 4. შინ მომსოვს ნოხს

ყვირას ქედის წარმტაც კალთებზე ჩაქარგულია სოფელი ჩქვალერი. თეთრი, სპეტაკი კირქვების რიყეში ლურჯ ზოლად იღვრება მდინარე მოროჟა და საჩინოსთან ინწირას ერთვის. ზევით ლარამედანი და ჭგალია, ქვევით ჭვარი და ღია. სახელთა ეს სიმფონია ამ დიდებული ბუნების საკადრისია. ვის არ მოხიბლავს აქოჩრილი მუქმწვანე მთები, თეთრად აქათქათებული ხეობები, მადლიანი დობიროები და ფუტემოშმლელი ნაფუტერები. ქვიშამოყრილი გზებიც თეთრად გადაპენტილან. მზის ოქროცურვილში უხვი სიმწვანე და სისპეტაკე ახლად ჩასულ, შეუჩვეველ კაცს ატყვევებს, აჯადოებს. ამ უფლისხელით დახატულ გარემოში დასაბამიდან ცხოვრობენ ძველი კოლხები — ფიფიები, ჭანტურიები, მატუები — გამრჯე, მამაცი, ნიჭიერი და პატიოსანი ხალხი. ვის არ მოხიბლავს აქაური სტუმართმოყვარეობა და ნატიფი ზრდილობა, ვაჟკაცთა სიმარჯვე, სიჩაუქვე, ქალთა მოხდენილობა და დახვეწილი ხელგარჯილობა. სწორედ ამიტომ მივაშურეთ მუზეუმის მუშაკებმა ჩქვალერს და ადგილობრივი საშუალო სკოლის პედკოლექტივის შემწეობით მრავალი საინტერესო ექსპონატი შევაგროვეთ. გავიცანით ზინა ტაგუს ასული ჭანტურია — ხალიჩების, ნოხების და ფარდაგების ერთ-ერთი უკანასკნელი ხელოვანი. სამოცდაათი წლის ქალი შრომაში დამდნარა, დაღეულა, მაგრამ საქსოვი დაზგა არ მიუტოვებია და დღესაც

ქსოვით ტეხს ღამეებს: — „მა დოვლურუქი, მინ დოშუს ორხეს!“ (მე რომ მოვკვდები, ვინ მოქსოვს ნოხს) — ჯაერობს ზინა და არც-თუ უსაფუძვლოდ. მთელ ამ მხარეში ის ერთადერთია, რომელიც კიდევ ქმნის ქართული ხალხური გამოყენებითი ხელოვნების შედეგ-რებს. შევედით თუ არა მის პატარა, კოპწია სახლში, ერთბაშად მოგვხიბლა ხატოვანმა ფარდაგმა, რომელსაც მთელი კედელი დაე-ჭირა და ტახტიც დაეფარა. ჩქვალერის განუშეორებელი ფერთა გამა ბორჯღალებში, ვარდულებში, კლაკნილებსა და თევზფხურებ-ში განსხეულებულა. მაგრამ ხელოვანი არ დასჯერებია მამა-პაპათ-გან გადმოცემულ ორნამენტთა დაკანონებულ სილამაზეს, მას სა-კუთარი ფანტაზია ვალვიძებია, შორს არ წასულა, ჩქვალერული მარჩენალი ვეყანი ძროხა გამოუხატავს გატიკნილი ცურით და კოკობა რქებით, ლეგა თხასაც არჩვივით მოუღერებია ყელი — ნეკერს ეძებს თუ ციყანი მონატრებია. ძირს ქორბუდა, ფაფარ-აყრილი ხარირემი და ფურირემია, მათ ფერხთით ბალახში მოზდენი-ლად ფეხებშეკეცილი ნუკრი წევს, გამოუცდელიობის სიმშვედე და-უფლებია, არხეინადაა, ნამღვილი ოჯახური იდილიაა. ეს წავი თით-ქოს ახლახანს ამოვიდა წყლიდან, გგონია სადაცაა ბეწვს დაიფერ-თხს. ერთი ყურცქვიტა საკუთარ თათებში განაბულა, მეორე უკანა ფეხებზე შემდგარა და ეთამაშება. თვით ბუნების გულწრფელობა და უშუალობა გადმოუცია ქსოვის ჯადოქარს ამ ვეებერთელა ფარ-დაგზე. უმზერ და ძალაუნებურად გაგონდება ფიროსმანი, მართა-ლია ზინას არასდროს უნახავს მისი სწორუპოვარი ქმნილებანი, მაგრამ სახალხო შემოქმედთა სულიერი ნათესაობა, რომელიც ქართველი ხალხის ხანგრძლივი ისტორიის მანძილზე ღველფვივით ღვივის, ჩვენდა გასახარად ზოგჯერ ასე დიდებულად გამოაშუქებს და ერთხელ კიდევ დაგვარწმუნებს, რომ ერთი ხის რტოები ვართ... ზინას ნახელავი ფარდაგი ამქამდ ქართული ხალხური ხეროთ-მოდღერებისა და ყოფის თბილისის ღია ცის ქვეშ მუზეუმს ამკობს. როცა გაიგო მუზეუმს სჭირდებაო, მან უყოყმანოდ დასთმო თავი-სი მრავალი წლის ნამაგარი.

ზინა ნაბდის მოთელვის ოსტატიცაა. მისი ნამზადი ნაბდები უძღვნეს საბჭოთა კავშირის გმირებს ეგოროვსა და ქანთარისს, მსოფლიო ჩემპიონს ჰადრაკში ნონა გაფრინდაშვილს, ერთი ნაბადიც თბილისის ღია ცის ქვეშ მუზეუმს გადასცა.

სამამულო ომის წლებში ზინა კანტურია მენაბდეთა მთელ ბრი-გადას ხელმძღვანელობდა და მათ საბჭოთა მეომრეობისათვის ხუთი-ათასი ნაბადი დაამზადეს. ვინ იცის რამდენი მებრძოლი გათბა, დას-ველებას და გაცივებას გადაარჩა ხელმადლიან ჩქვალერელ ქალთა

მოხდენილი ნაბდების წყალობით. იქაური ნაბდები, რომელთაც გარედან კულულებად აყრია ხუჭუჭა მატყლი ხომ სასიამოვნოდ თბილი და კოხტაა. არათუ მეომარი, მას ხალისით ატარებს ბევრი მოქალაქე, ვინც ჭერ კიდევ იცის ეროვნული ტანსაცმლის ფასი. რა დასანანია, რომ ეს საქმე თვალსა და ხელს შუა ქრება.

— „მი დობოკუნის ნაბადის!“ (ვინ მოთელავს ნაბადს), — ჭავრობს ზინა და სიყვარულით ავლებს ხელს სამუზეუმოდ დამზადებულ ჭარისკაცთა, მონადირეთა და მწყემსთა ამ იმედს. ალსა, ნაბადო!

არა, ნაბადი აღარავის სჭირდება, სამაგიეროდ ნაბდის ქუდების მსურველნი აქა-იქ კიდევ მოიპოვებიან. ზინაც აკეთებს მეგრულ მწყემსთა საყვარელ ფართო ფარფლიან ქუდებს — „ჩვენებურ სომბრეროს“, როგორც იხუმრა ერთმა ახალგაზრდამ. ამაზადებს სევანურ ქუდებსაც. სიტყვამ მოიტანა და არ შეიძლება არ ვთქვათ, საქართველოს ყველა კუთხეს თავისი დამახასიათებელი ქუდი ჰქონდა, რომელთა სრული კოლექცია თვით მუზეუმებსაც არ მოეპოვებათ, მაღაზიებს აბა რაღა უნდა მოეთხოვოთ. საქართველოში ევროპული მოდის ყოველნაირ ქუდს იშოვით, გარდა ქართულისა. მხოლოდ ზინასნაირი თითო-ოროლა ხელმადლიანი უხანგრძლივებს ქართულ ქუდებს სიცოცხლეს...

— „მი აკეთენს ქუდის!“ (ვინ გააკეთებს ქუდს), — ჭავრობს ზინა.

ძველად ყველა ოჯახში ასწავლიდნენ გოგონებს ხელსაქმეს: რთვას, ქსოვას, ქარგვას, ყაჭის ამოსხმას. განთქმული იყო მეგრული „ღართი“ — საჩოხე შალი, ყაბალახები, ნაბდები, აბრეშუმის დარაიები... ახლა აღარავინ მისდევს ამ საქმეს. შალი ვის სჭირდება, მაგრამ დასანანია ხატოვანი ქსოვილების ხელობა რომ გადაეარდა. ხელით ქსოვის დროს ხომ ფერთა სიმრავლით მაღალ ხელოვნებას აღწევდნენ, რაც ფაბრიკაში არ ხერხდება. შინაქსოვი თითოეული ხალიჩა, ნოხი თუ ფარდაგი დამოუკიდებელი, თავისთავადი ქმნილებაა, ისევე როგორც კარგად დაწერილი პოემა, ლექსი, ფაბრიკულ პროდუქციას კი შტამპის ბეჭედი აზის.

ზინამ ხატოვან ქსოვილთა დამზადება დედისაგან ისწავლა. დედას კი სოფელ ზანადან მოსული ოსტატი ქალისაგან აუთვისებია. ქანტურიების შორეულ ნათესავს ჩქვალურში შინასაოჯახო სკოლა გაუხსნია, შემოუტკრებია ქალიშვილები და ყვავილნარივით აფერადებული ხაოიანი ხალიჩები, დასურათხატებული ნოხები და ფარდაები უქსოვიათ. ასე სწავლობდნენ უწინ ხელსაქმეს, რომელიც დაუწერელი კანონის ძალით გასათხოვარ ქალს აუცილებლად უნდა

სკოდნოდა, ასეთი იყო ადათი, ახლა კი ამას ბევრი თაკილობს. მთელ ჩქვალერში არაეინ მოძებნილა, რომ ზინას მიებაროს, ღმერთმანი გასამრჯელო არ უნდა, რაც იცის დაუზარებლად, უსასყიდლოდ ასწავლის ყველას, ოღონდ ეს დედის ნაანდერძევი ხელობა არ მოკვდეს. ჩვენ ვთხოვეთ ჩქვალერის საშუალო სკოლის დირექტორს აპოლონ ჭანტურიას, რომ ზინასთან ხელგარჯილობით დაინტერესებული რამდენიმე მოსწავლე ატაროს, იქნებ გადარჩეს, შთამომავლობას შემოენახოს მისი, დღესაც მეტად საჭირო ცოდნა.

თითზე ჩამოსათვლელია ქართული ხალხური გამოყენებითი ხელოვნების უკანასკნელი მოჰიკანები. ისინი ჩვენგან შეუმჩნევლად მიდიან და საფლავეში მიაქვთ მხატვრული რეწვის მრავალსაუკუნოვანი ტრადიციები. დაყოვნება დაუშვებელია, სანამ კიდევ შესაძლებელია, ვისწავლოთ მათგან!

§ 5. ჩოხა ქართული

ზაქარია ჭიჭინაძე გვაუწყებს: „დერციკები და თერძები იყვნენ მრავლად და ჰკერაედნენ ქართველ მამაკაცთა კაბებს, ქულაჯებს, ჩოხებს, ჩერქეზებს და სხვათაც მრავალთ“ [115, 18]. ჩვენ ხედოთ ქართული ენის განმარტებით ლექსიკონს: „დერციკი იგივეა, რაც თერძი“; „თერძი მამაკაცის ტანსაცმლის მკერავი. თერძი კერავდა ქართულ ტანსამოსს: ჩოხას, ქულაჯას, ახალუხს, შარვალს“. სათანადო ლიტერატურიდან ცნობილია, რომ საქართველოს დაბა-ქალაქებში თერძ-დერციკნი უხვად ისხდნენ და მოსახლეობა ძირითადად მათი ნახელავით იმოსებოდა. ასე იყო ჩვენი საუკუნის დასაწყისამდე, მერე ევროპულმა ტანსაცმელმა იმძლავრა, ზოგი თერძი ვაკოტრდა და საქმეს თავი დაანება, ზოგიც ახალი მოდის ტანსაცმლის კერვას დაეუფლა. თუმცა მეორე მსოფლიო ომის წინა წლებში აქა-იქ მოჰკრავდით თვალს თერძის დუქანს და მის ღია დარაბაში ქართულ ტანსაცმელს, დღეისათვის კი პროფესიონალი თერძების მრავალრიცხოვანი ლაშქარი დაღუულა და ამ ძველი ხელობის მკოდნე სანთლით საქმეარი გამხდარა. ეს კანონზომიერია, ყოფიდან ქართული ტანსაცმელი გაქრა და ოსტატიც მას მიჰყვა. რაც შეეხება სცენის საჭიროებას მეტ-ნაკლებად აკმაყოფილებს კულტურის სამინისტროს საწარმოო კომბინატთან არსებული ნაციონალური ტანსაცმლის სამკერვალო საამქრო და საყოფაცხოვრებო მომსახურების სამინისტროს № 5 ატელიეს პატარა განყოფილება, სადაც შევხვდით და გავიცანით ერთ-ერთი უკანას-

კნელი თერძი-დერციკი მიხეილ ალფეზის ძე ფანჩულიძე. 72 წლის ქარმაგი ვაჟკაცი ფანტიკურადაა შეყვარებული თავის ხელობაზე და ქართული ტანსაცმლის უარყოფას მწვავედ განიცდის: — „არა ბატონო, არ იყო ასე ადვილად გადასადგები ჩვენებური ჩაცმულობა. ბევრს არ დავიქადნი და ტანსაცმლის ყადრი კი ვიცი, ცხრაწლიდან ნემსი მიჭირავს ხელში. დუნიაზე არ არის სამოსი, რომელსაც ტანის სილამაზის დახატვა ისე შეეძლოს, როგორც ქართულს. ვისაც ტანი არ უვარგა ჯანდაბას, რაც უნდა ის ჩაიცვას, მარა კაი საჩოხე ბიჭს რომ დაეინახავ, ხელი ამიკანკალდება, გასამრჯელო არ მინდა, ისე შევუქერავ, ოღონდ ჩაიცვას, ჩოხა-ახალუხით დამშვენდეს და ქალაქიც დაამშვენოს! სზირად ნახავ თბილისში გარე-ქვეყნების ხალხს, შემოუხვევიათ ფალას-ფულასი და მიცუხცუხობენ, კოსტუმი კი ეშოვებათ, მარა ჯიბრზე დამდგარან — თავისი ურჩევნიათ, ამით გვეუბნებიან ტანისამოსითაც გამორჩეულნი ვართო. თავი ნუ მომიკვდება, მომწონს, აფერუმ მათ ვაქაკობას!.. ჩვენ ბატონო, ოღონდაც უცხო ვნახოთ რამე და მეტიც არ გვინდა — მოდას მივყოებით... გულა მიკვდება რუსთაველზე ისეთ ჩაცმულ ახალგაზრდებს ვხვდები, ე ტყაპუქები და უშნო ლანჩიანი, უსაშველოდ სქელძირიანი ფეხსაცმელები რაღას შემოიღეს. ამ შარვლების საცოდაობით ვიწვები, რას არ უშვებიან კაცო! მოდაა ბატონო, მოდაო, კი მარა, ეს ქართული ტანსაცმელი რატომ არ შემოდის მოდად, თუ ფრანგებს არ გაუგიათ ჯერ მისი ყადრი, მოგეცა სიცოცხლე, ევროპაში თუ ჩაიცვეს ჩვენებურ ჯელებს ველარ დააკავებ. არა გეთაყვა, შინაურ მღვდელს შენდობა როდის ჰქონია“.

სიხარულის ღიმილი ველარ დამალა მიხამ, როცა სახელოსნოში გვერდით მიეუჭეჭი და მისი შეგირდობა-ხელოსნობის ამბავი წერილად გამოვკითხე. და ჩემს თვალწინ გაცოცხლდა ძველი საჩხერე, მოდინახეს ციხის ჩრდილში, დამფრთხალი წიწილებივით შეყუჟული, დარაბიანდ რუქნები, ენაკვიმატი ხელოსნები: თერძ-დერციკები, მეწალენი, მეუნაგრენი, ოქრომკედლები, მეყაითენნი... ცხენოსნები და ეტლოსნები. თორნეებიდან მონადენი ახლად გამომცხვარი პურის თავბრუდამხვევი სურნელი და რუმბმუცელა მიკიტნების როხროხი...

მოგონებათა გულაჩქროლების ცრემლები უციალებს მიხას თვალბში. რაც მართალი მართალია, იმ ყველაფერსაც თავისი გემო ჰქონდა.

მამამ, ალფეზ ფანჩულიძემ — მთელს იმერეთში განთქმულმა მეუნაგრემ, უფროს ვაჟს უშანგის თავისი ხელობა ასწავლა, ხოლო საშუალო მიხა დერციკთან მიაბარა, უმცროსმა დაეითმა ხელოსანთა

ბოკემას უღალატა და თბილისის სახელმწიფო უნივერსიტეტის პროფესორი გახდა.

ოთხი წელი იყო მიხა შეგირდად, ერთი წელი ქარგლად იმუ-
შავა და 1918 წ., 16 წლისა ოსტატად ეკურთხა, საკუთარი ღუქანი
გახსნა და საქმეს შეუდგა. 1938 წლიდან თბილისში გადმოდის.
ახალბედა თერძმა დიდი ნიჭი და უნარი გამოიჩინა, მაშინვე ბევრი
მუშტარი მიიზიდა.

— თერძებს თარგი და ესკიზი არ გვეკირდებოდა, — გვარწმუ-
ნებს მიხეილი, — ადამიანის ტანი გვეუბნებოდა, როგორ მოგვეგო,
ავულებდით ზომას, ერთხელ გავასინჯებდით და ეგ იყო. თერძის
ხელისაა ჩოხის, ახალუხის, შარვლის, პაიკების და ყაბალახის შე-
კერვა. ზოგიერთმა ნაბდის გამართვა-გაწყობაც ვიცოდით. 'ქრა
ბატონო, ქართული ჩოხის შესადარი ჩასაცმელი ქვეყნიერებაზე
არაა, უწინ ღია და მუქი თავისფერი დიგორული და ონური შა-
ლები მოდებდა, არც მაგათი ბადალი ქსოვილი მეგულება სადმე,
ერთ საჩოხეს მუქში მოიმწყვდევედი. ახლა, ხელში როგორი დამ-
ყოლი იყო, წვეთივით მოადგებოდა ტანს. რა ექნა ბატონო, რომ
არ ვთქვა არ შემიძლია, დღევანდელი ფაბრიკული მაუდი რას შე-
ედრება! რაც არ უნდა კარგი შალი იყოს, თავი რომ მოიკლა, ცი-
ზურს ვერ გაუკეთებ, შინნაქსოვი დიგორული და ონური შალები
ისე ციზურდებოდა თვალთ კი არა, გამადიდებელი შუშით ვერა-
ფერს შეატყობდი. ციზური ბატონო, თერძული კერვაა, ახლა რომ
საკერავ მანქანას ავარახჩახებთ ნაკერს ნაკერი დააჩნდება, ესე არ
იყო უწინ, ჩოხა კვერცხივით უნდა გამოყვანილიყო, მაკრატლისა და
ნემსის განაკრავი არსად უნდა დამჩნეოდა, ეს კი ციზურით კეთდე-
ბოდა: ქსოვილი უკუღმა პირით ერთმანეთზე დაგვირისტდებოდა, მე-
რე წალმა ამობრუნდებოდა და დარჩენილი ნაწიბური ისე ამო-
იკემსებოდა, არაფერი აღარ ეტყობოდა. იმნაირი ხაო ჰქონდა
დიგორულ და ონურ შალებს ციზურს იმშვენებდა, ახლა
ბიძია, ვერ მოგატყუებ, არ კეთდება. ჰმ, ძნელი? ძნელი და საგვიან-
ო იყო, მარა შენი ნახელავი იმდენად გაგახარებდა სულ ყურება
გინდოდა. ახლა ბატონო, გვეჩქარება და საქმე მიფუჩეჩებული გა-
მოგვდის. ღილკილო ავიღოთ, თითქოს უბრალოა, თუმცა მამალი
რომ გამონასკეო თოთხმეტი ამოყვანა უნდა. ბევრი კაი მკერავია
დღეს ჩვენში, ღილკილოს გამონასკეა ორმა-სამმალა თუ იცის. იოლს
არაიან ნაჩვევი — დაახვევენ კვანძს, შემოკერავენ და ჰაილა ამნაირი
ღილკილო რად გინდა, ორ შებნევაზე იშლება, გარეგნულად არაფ-
რად ვარგა. პატარაა თუ დიდი ყველა საქმეს თავისი მულამი და

ყადრი სკირდება. ჩვენი ძველები საიოლოს საძნელოს იმეტომ ამ-
ჯობინებენ, რომ გამძლეობასა და სახიერებაში იგებდნენ.

ლილილო ყაითნისა უნდა ყოფილიყო. უწინ განთქმული იყო
ჩხარული ყაითანი წმინდა აბრეშუმისა. სირმაც იყო ოქრომკედის
ძაფისა, ოლონდ ქართული ჩოხის გაწყობას ყაითნით ვარჩევდით.
ჩვენებური კაცი წყნარ, ზომიერ ფერებს მისდევდა, მოსირმული
ჩოხა პრისტავებს უყვარდათ. უფრო მეტად სირმით შემკობა
ყაბალახებისა ვიცოდით. ჩოხის ქილებს ოქრომკედელი აკეთებდა.
მკერდზე შევხედავდით ვაჟკაცს და ვიტყოდით რამდენი ქილა დას-
ქირდებოდა. შემხვედრია თორმეტ-თორმეტი ქილიანი ჩოხის შე-
კერვა. ასეთ ჩოხას რო გამართავს, ის კაცი დევიეთაა. ახალუხი
ატლასისა იყო, შარვალი „ყარაბანდული“. წულა-მესტზე ზოგი ტყა-
ვის აზიურს მოირგებდა, ზოგი პაიჭს ამჯობინებდა. პაიჭები საჩოხე
შალისაგან იკერებოდა და ჩოხის ყაიდაზე, წინ ყაითნით ან სირმით
იყო გაწყობილი. კარგა ხანია პაიჭი აღარ შემიკერავს. ხუთიოდე
წლის წინათ ერთი გურული კაცი ჩამოვიდა იმან შემაკერინა —
ტყავზე უკეთესად ფეხს პაიჭი ადგებო, ეს იყო და ეს. დღეს სა-
თეატრო ტანსაცმლის კერვაზე ვარ გადაგებული. გეგმას ყოველთვის
გადაქარბებით ვასრულებ, მაღლობები და სიგელები არ მაკლია,
მაგრამ მხატვრის ხელი რომ შეეხება ტანსაცმელს, ის ჩვენებური
აღარაა და ეს ნამეტანი მაწუხებს. მოცეკვავეებისა და მსახიობებისა-
თვის თოთხმეტნაირი სამოსი მაინც იკერება, ყველა ქართულს გავს.
თუმცა ნამდვილი ქართული არც ერთი არაა. ხანდახან ვინმე მო-
ხალისე მოვა და მაშინ თუ შევკერავ ძველებურ ჩოხა-ახალუხს,
უფრო ბავშვები იჩემებენ, ზოგიერთი ხნიერი კაციც იკერავს; მა-
რა რად გინდა, გამოსაჩენ ადგილზე არავინ იცვამს. ოციოდე ჩემი
ნახელავი საზღვარგარეთაც გაიგზავნა. რა ექნა, სათეატრო ტანსა-
მოსის კერვა ხელობას მიფუჭებს, არა და გადადის ჩვენი საქმე.
თხუთმეტი-ოცი წელი იქნება, რაც თბილისში დაიბოცნენ განთქმუ-
ლი ოსტატები: ტრიფონ ჭიჭინაძე, ვასო კინწურაშვილი, სვანიძე,
ფაილოძე... ამ ქვეყანას ვინ შერჩენია, ყველა წამსვლელი ვართ და
სამარეში რად უნდა წავილოთ ჩვენი ხელობა, აქნებ კიდევ ვინმეს
დასქირდის დერციკობა. ერთიც ვნახოთ, მოეხასიათა ახალგაზრ-
დობას ქართული ტანსაცმლის ჩაცმა, ვინ უნდა შეუკეროს?!

მართალი ხარ ჩემო მიხეილ, ამ საქმეს უფრო მეტი ყურადღება
სკირდება. მხატვართა მიერ გამომუშავებული, ქართულის მიბაძვით
დამზადებული ტანსაცმელი ხალხური არ არის. მას აკლია ფერთა
ზომიერება, ის სისადავე და ორიგინალობა, რასაც შთამომავლო-
ბით მიღებული ჩვევებით, ხალასი ნიჭითა და ინტუიციით თერძ-

დერციკები აღწევდით. დიახ, არტელური წესით დამზადებული ჩოხა, ნაბადი, ყაბალახი თუ ქუდი ვერ შეცვლის და შეედრება ძველ ოსტატთა ნახელავს. არა მარტო ქართული ტანსაცმელი, დაეწყებას უნდა გადაურჩეს ლილეილო და ციზური. ამ უკანასკნელი ტერმინის სრული განმარტებაც კი არ მოგვეპოვება და შენი მეხსიერება თუ გვიშველის, მიხეილ!

იმაშიც მართალი ხარ, სადღაც ატელიეში, ყრუ პატარა ოთახში არ უნდა იჯდე, არამედ გამოსაჩენ ადგილას, ვთქვათ ქართული ხალხური ხეროთმომღვრებისა და ყოფის ღია ცის ქვეშ მუზეუმში, თერძის დუქანი უნდა გედგას, ტანთ საკუთარი ხელით შეკერილი ახალუხი და დერციკის ქალაქური ხალათი გეცვას და საქმიანობდე. გარს შეგირდები უნდა გეხვიოს, რათა წინაპართაგან მადლად მიღებულ საკუთარ ოსტატობას და სიბრძნეს უზიარებდე. იმედია ჩვენს სიტყვას ვინმე საქმედ აქცევს, ჩემო მიხეილ!

თ ა ვ ი მ ე ო თ ხ ე

ქართული ეთნოგრაფიის სადღეისო ამოცანები

დაიწყება ისტორიისა მომასწავებელია ერის სულით და ხორციით მოშლისა, დარღვევისა და წარწყმედისა. წარსული მკვიდრი საძირკველია აწმყოსი, როგორც აწმყო — მომავლისა.

ი ლ ი ა კ ა ე ქ ა ვ ა ძ ე

§ 1. სოფლის საბაზიზარი

ახლა, როცა ჩვენს რესპუბლიკაში უდიდესი გარდაქმნებია, როცა თანამედროვე მჩქეფარე ცხოვრების ყველა მხარეს ანალიზს ვუკეთებთ და ახალ-ახალი მწვერვალებისაკენ მიმავალი გზების მეცნიერულად გაკვლევა-გააზრებისათვის ვიღწვით, არც ერთი დარგის მუშაკს, არც ერთ პატიოსან მოქალაქეს უფლება არა აქვს მხარში არ ამოუდგეს ჩვენს კომუნისტურ პარტიას, ცენტრალურ კომიტეტს და თავისი მოკრძალებული წვლილი არ შეიტანოს ამ ჰემმარიტად სახალხო და საშვილიშვილო საქმეში.

ღიახ, ეთნოგრაფებმაც უნდა ვთქვათ სათქმელი და ვეცადოთ ქართული მეცნიერების ავანგარდში ვიყოთ. ჩვენი კვლევის საგანი ხომ ხალხის ყოფა და კულტურაა, მისი გრანდიოზული მრავალფეროვნებით. არ არსებობს ადამიანის ცხოვრების რომელიმე მხარე, რომელსაც ეთნოგრაფი არ სწავლობდეს. იგი მუდამ ხალხში ტრიალებს, იგი მუდამ ხალხთანაა, ხალხია მისი შემოქმედების სათავე და სიბრძნის წყაროსთვალი. ამჟამად, თვით ცხოვრების აუცილებლობამ ეთნოგრაფია პრაქტიკულ მეცნიერებადაც აქცია. ჩვენს გლობალურ ხანაში, როცა ხალხთა დაახლოებას მანძილი და სივრცე ვეღარ ზღუდავს, როცა მსოფლიო ცივილიზაცია ნაციონალურ თავისებურებებს ავიწროებს და გაქრობით ემუქრება, სწორედ ეთნოგრაფებს ძალუძთ შთამომავლობას შეუნარჩუნონ ის ეროვნული, ის განსხვავებული, რაც ამა თუ იმ ხალხს ახასიათებს. მეტადრე.

დიდი პასუხისმგებლობის წინაშე ვართ ქართველი ეთნოგრაფები, ქართველები ხომ სამყაროს უძველესი ხალხია. ჩვენს წიაღში ხომ გარდასული ცივილიზაციის მრავალი ელემენტია შემონახული, რომელთა მეცნიერულ ფიქსაციას მსოფლიო-ისტორიული მნიშვნელობა ენიჭება. ეს წმინდა თეორიული თვალსაზრისით; ახლა პრაქტიკულად რამდენი რამ გვაქვს გასაკეთებელი, მოსაგვარებელი. არის ბევრი მნიშვნელოვანი პრობლემა, რომელიც დაუყოვნებლივ გადაწყვეტას მოელის, რათა ჩვენმა რესპუბლიკამ შეინარჩუნოს ეროვნული სახე, ის განუმეორებელი კოლორიტი, ყოფის, ხასიათისა და ბუნების სიმშვენიერე, რაც ასე იზიდავს და ხიბლავს ასეულ-ათასობით ადამიანს. საქართველოს კომუნისტური პარტიის მეათე პლენუმზე (1973 წ. 28 ივლისი) ხაზგასმით აღინიშნა: „ჩვენს რესპუბლიკას დიდი პერსპექტივები აქვს იმისა, რომ უახლოეს მომავალში იქცეს არა მარტო საკავშირო, არამედ საერთაშორისო ტურიზმის დიდ ბაზად და მაშინ მთაში განსაკუთრებით დაგვირდება ხალხი. საქართველოს კომპარტიის ცენტრალური კომიტეტი და მინისტრთა საბჭო სერიოზულად ფიქრობენ მთის რაიონების ეკონომიკის, კულტურის და ყოფა-ცხოვრების აღმავლობის ღონისძიებათა კომპლექსზე. ეს ჩვენი დიდმნიშვნელოვანი პრობლემაა, რომლის გადაჭრა საქართველოს კომპარტიის ღირსების საქმეა“. რა თქმა უნდა, ამ საშვილიშვილო წამოწყებაში მნიშვნელოვანი როლი უნდა შეასრულონ ეთნოგრაფებმა, როგორც საქართველოს მთიანი რაიონების საუკეთესო მცოდნე სპეციალისტებმა. ამჯერად ყურადღებას გავამახვილებთ მხოლოდ ზოგიერთ მტკივნეულ საკითხზე.

საქართველო მთიანი ქვეყანაა და გადაჭარბებული არ იქნება თუ ვიტყვით, მთის ავ-კარგი მთელი ჩვენი რესპუბლიკის აწმყო და მომავალია. ახლა ჩვენში ვერ შეხვდებით მოაზროვნე კაცს, რომელსაც არ აწუხებდეს მთიანი რაიონების ბედი. ამ საკითხზე ბევრი იწერება და იბეჭდება, მაგრამ ძალები დაქსაქსულია და წამოყენებული დებულებანი კეთილ სურვილებად რჩება. სწორედ ამიტომ აუცილებელია, რაც შეიძლება, დროულად გადაწყდეს საღირექტივო ორგანოებთან საკოორდინაციო ცენტრის შექმნა, რომელიც ამ საკითხთან დაკავშირებით, არა მარტო საზოგადოებრივ აზრს შეაჯამებს, არამედ პრაქტიკულ ნაბიჯსაც გადადგამს.

მთიდან ბარში მოსახლეობის დენადობა ან პირიქით, ბარიდან მთაში გადასახლება ქართული ისტორიული სინამდვილისათვის ჩვეულებრივი მოვლენა იყო. ყოველივე ამას თავისი დროის შესაფერისი სოციალურ-ეკონომიკური მიზეზები ჰქონდა. საერთოდ დასახ-

ლების პრობლემა რთულია და ამ საკითხს ქართველი ეთნოგრაფები კარგა ხანია სწავლობენ [96; 117; 118; 40]. მათ დაადგინეს, რომ დასახლების ტიპს, ძირითადად, საწარმოო ურთიერთობანი განსაზღვრავს, აგრეთვე მნიშვნელოვან როლს ასრულებს ბუნებრივი გარემო და მეურნეობის ხასიათი. მიუხედავად იმისა, რომ ეს დებულება დღეს აღიარებულია, პრესაში ზოგჯერ შეხედვებით მეცნიერულად უმწეო და დაუსაბუთებელ მოსაზრებებს, რომ მთის „მიუვალ“ ადგილებში მცხოვრებთა დასახლება საქართველოს ძნელბედობის — მუდმივი ომიანობის შედეგია. დღეს კი, როცა მშვიდობიანობა დამყარდა, მოსახლეობა მთიდან ბარისაკენ წაიძრა, რაც სრულიად კანონზომიერი და სასიხარულო მოვლენააო. მთებში მერცხლის ბუდეებივით მიყუყული პატარა სოფლების ნაცვლად ვრცელი, კეთილმოწყობილი დაბები შეექმნათო და ა. შ. ეს ფრიად კეთილხმოვნად უღერს, მაგრამ მთელი საქართველოს მოსახლეობა ერთ თანამედროვე ქალაქში რომ მოვათავსოთ, მსოფლიო ასპარეზზე ეს ქალაქი მაინც პატარა გამოჩნდება, უპველესი კულტურის მქონე, მრავალფეროვნებით განთქმული ჩვენი სამშობლო კი თავის სახეს დაკარგავს. აბა, რას ემსგავსება სვანეთისა და ხევსურეთის მთები უაღამიანოდ? ან საქართველო ჩაითვლება საქართველოდ ხევსურეთისა და სვანეთის გარეშე?!

ვფიქრობთ, უპირველეს ყოვლისა, საჭიროა კომპლექსურად იქნეს შესწავლილი მთის თითოეული სოფელი. გამოვლინდეს ის სახსარი, რამაც მათი წარმოქმნა და დღემდე მოღწევა განაპირობა. აქ დასადგენია ისტორიულ-სოციალური და ბუნებრივ-ეკონომიკური ფაქტორების მთელი სისტემა, რომელთა მნიშვნელოვანი ნაწილი, ჭერჭერობით, ამოცნობილი არ გვაქვს. ამიტომ არის საჭირო მთიანი რაიონების ეკონომიკურ-გეოგრაფიულ, ისტორიულ-ეთნოგრაფიულ და სოციოლოგიურ კრილში ინტენსიური გამოკვლევა, გაკეთებულის შეჯამება და მთის თითოეული რეგიონის მომავლის მეცნიერული გააზრება. დასამალი არ არის, რომ მთიდან ბარისაკენ მცხოვრებთა ლტოლვამ ფართო ხასიათი მიიღო. მოსახლეობის ადგილობრივი თუ შორეული მიგრაციები თავისებურად ერწყმის თანამედროვე ურბანიზაციის პროცესს. საქართველო მხოლოდ ლამაზი მთები და ხეობები როდია, მათ ადამიანები ამშვენებენ. ადით მათუშეთში და იგრძნოთ, თუ რა არის მიტოვებული სახლები, გაბალახებული გზები, ღობე და ჭიშკარმოშლილი საცხოვრებლები. მოსახლებისაგან იცლება ქვემო ქართლის ქართული სოფლები. აბა ვინ არ იცის ტანძია, სულხან-საბა ორბელიანის ნააყვნარი. იგი ბოლნისის რაიონში მდებარეობს. ვისაც კლდოვან ბორცვებზე ჩადუ-

დაბებული ქვეშის ციხე უნახავს, მერე ალიშანას მცირე ხეობას აღმა აპყოლია და აქოჩრილ ქედის ძირას მწყერივით განაბული ტანძია დაუთვალეირებია, დიდხანს ვერ დაივიწყებს მის მომხიბლაობას. რა არ გადახდენია ამ სოფელს, მაგრამ დღემდე მაინც მოუღწევია და შთამომავლობისათვის გადაუცია თავისი სახელოვანი შვილის ფაქიზი სიყვარული. სოფლის თავში ორბელიანთა ნამოსახლარი, მეწამული ქვით ნაგები, ტანკენარი ეკლესია და მარმარილოში ნაკვეთი სულხან-საბა ორბელიანის ქანდაკებაა. ეს ადგილი წმინდათაწმინდა ტანძიელთათვის. ჩასულ კაცს მაშინვე მეგზურობას გაუწივენ, დაუფარავი სიამაყით გაუძღვებიან და გზადაგზა ხალისით უამბობენ თანასოფელი ბრძენის განუზომელ ღვაწლსა და საოცარ თავგადასავალზე, და ბოლოს, როგორც დიდ საიდუმლოს ისე გაანდობენ: „კიდევ დაიბადებო ჩვენს სოფელში სულხანის-თანა კაცი“.

უმჯერ ამ თვალწარმტაც სოფელს, ფერღობებზე დაღლილივით ჩამუხლულ ისტორიულ ძეგლებს, ქარტეხილებთან ბრძოლაში დაბრძენებულ კაკლის ხეებს და კმაყოფილებასთან ერთად სინანულიც გიპყრობს — სოფელს აქლია მზრუნველი ხელი. გზა ცუდია, უამინდობის დროს თითქმის გაუვალი ხდება, ამიტომ მწარედ ხუმრობენ ტანძიელები: „ჩვენ სოფელში ამოსვლას დარუბანდს მგზავრობა ჯობიაო“. სწორედ უგზოობაა იმის მიზეზი, რომ ტანძია რაიონის ცენტრთან ავტობუსით დაკავშირებული არ არის, სოფელს კლუბი არა აქვს, მხატვრულ თვითშემოქმედებაზეც ლაპარაკი ზედმეტია, კინოსურათებს იშვიათად უჩვენებენ. სამწუხაროა, მაგრამ ფაქტია, რომ ტანძიელები სოციალისტური სოფლის კულტურული ცხოვრების მიღმა დარჩენილან. გარდა ამისა, ტანძიას არა აქვს სარწყავი წყალი. ძველად ეს სოფელი მდინარე შოშინეთიდან გამოყვანილი რუთი ირწყვებოდა, მოუვლელობის გამო, ჩვენი საუკუნის დამდეგს, არხი გაფუჭებულა და მისი განახლება დღემდე არავის უცდია. ყოველივე ამით არის განპირობებული, რომ დღევანდელ ტანძიაში მოხუცებს უფრო შეხვდებით, ვიდრე ახალგაზრდებს. სოფელს დაცარიელების საფრთხე ემუქრება, მხოლოდ ორმოციოდე კომლია დარჩენილი. ისინი, ვისაც მამაპაპისეული საძვალე ვერ დაუთმია, ყველა ჩამომსვლელს შესჩივიან შვილთა მოუსვლელობაზე, კარმიდამოთა გატიალებაზე...

ტანძიელები სიცოცხლისუნარიანი, გამარჯე და შრომისმოყვარე ხალხია. იქ კიდევ შეხვდებით შვიდ, რვა და ცხრაშვილიან დელებს. მაგრამ რა, პატარები წამოიჩიტებიან თუ არა, ბუდიდან ამოფრინდებიან და ტანძიაში მხოლოდ სტუმრად თუ ჩამოვლენ, მარჯვენა-

მოუღლელ, წლებით დამძიმებულ, მხენელ-მთესველებს კი შეპყვავილი სჭირდება.

— ჩემი ბიჭები რუსთავს სიცხეში ირუჯებიან, მე კი მათ ნატვრაში ამომდის სული! — გაგვიზიარა თავისი დარდი მნ წლის მოხუცმა ივანე აბრამიშვილმა, — აბა, გზაკვალი და სარწყავი წყალი იყოს აქ, მაშინ თუ წაველენ სხვაგან!

არ შეიძლება არ დაეთანხმო ამ მრავლისმომსწრე კაცს. ადამიანი ყველგან საჭიროა, მაგრამ ის კერა, სადაც შობილხარ და გაზრდილხარ, მხოლოდ დასასვენებელ ადგილად არ უნდა იქცეს. სოფლიდან ბუნებრივი ნამატი აუცილებელია წავიდეს, რათა შეიქმნას ახალი ქალაქები, ახალი სოფლები, ოღონდ საბუდარში კვერცხი არ უნდა გაცივდეს, ბუდე ბუდედ უნდა დარჩეს!

ტანძიის, ამ ისტორიული სოფლის დაცარიელება დაუშვებელია. და განა მარტო ტანძიისა?! საქართველოში მთის ბევრ სოფელს სჭირდება განსაკუთრებული მზრუნველობა და პირდაპირ ვიტყვით, გადარჩენა.

პერიოდულ პრესაში არცთუ იშვიათად ქვეყნდება „სოფლის სამღურავი“, მაგალითად: „ტოლები სამტრედიის რაიონის მთავორიანი სოფელია. 1930 წელს აქ ხუთი სოფლიდან ტოლების 25 კომისრის სახელობის კოლმეურნეობა შეიქმნა, ხოლო 1960 წელს კოლმეურნეობის საბჭოთა მეურნეობად გადაკეთების საკითხი დაისვა. ადგილობრივი მოსახლეობა ამას სიხარულით შეხვდა, გვეგონა ეს გააუმჯობესებდა საყოფაცხოვრებო-კულტურული მომსახურების დონეს, მაგრამ მოხდა პირიქით — სოფელს არა აქვს გზა, სასმელი წყალი, რადიო, კლუბი. სასოფლო საბჭოს აღმასკომი და სამკითხველო მოთავსებულია ავარიულ შენობაში, სადაც წვიმის დროს კაცი თავს ვერ შეაფარებს. ფოსტა, საბავშვო ბაღი, საექიმო უბანი მოთავსებულია უვარგის ბინაში, მოსახლეობას არა აქვს კულტურული გართობისა და დასვენების ადგილი...“ („კომუნისტი“, 24 დეკემბერი, 1974, გვ. 3).

მეტად ნიშანდობლივია ლეჩხუმიდან გამოგზავნილი ერთი კორესპონდენცია: „ცაგერა. არის ასეთი სოფელი ცაგერის რაიონში, — გვამცნობს კორესპონდენტი, — იგი, მართალია, ჰატარაა, 50 კომლისაგან შედგება, მაგრამ ყველა კოლმეურნე ბეჭითი შრომისა და ნოყიერი სავარგულების წყალობით შეძლებულად ვცხოვრობთ. ამის მიუხედავად, ერთი დიდი გასაჭირი მაინც ვერ მოვიშორეთ. ეს არის გზისა და სასმელი წყლის უქონლობა. ჩვენი სოფელი ალპანის გამსხვილებულ კოლმეურნეობაში შედის და კოლმეურნეობის ძლიერებაში საკმაო წვლილიც მიუძღვის, მაგრამ არც კოლმეურ-

ნეობის და არც სასოფლო საბჭოს აღმასკომის თავკაცებს აღნიშნულ საკიროებათა მოგვარებით თავი არ შეუწუხებიათ. სოფლისათვის გზისა და სასმელი წყლის გაყვანა არცთუ ძნელია, რადგან რელიეფი ამის საშუალებას გვაძლევს. კიდევ უფრო იოლია წყალსადენის მოწყობა, ძვირფასი წყარო სოფლიდან მხოლოდ ერთ კილომეტრზეა დაშორებული. ახლა წყალსადენი მილებიც იშოვება და ფულადი სახსრებიც, მაგრამ სოფლის თავკაცთა ხელმძღვანელობისა და დახმარების გარეშე ამ საქმის ხელში აღებას ვერავენ ბედავს“ [5].

აქ საქმეს კიდევ არა უშავს, ყაზბეგის რაიონის მალალმთიან სოფელ ცდოს მისი თავკაცები მთლად აყრას უპირებდნენ, რაზედაც იქაური მკვიდრი მიხეილ წიკლაური „სოფლის ცხოვრებაში“ გულისტკივილით წერდა: „განა უფრო სწორი არ იქნება, ცდოში შევქმნათ ელემენტარული საყოფაცხოვრებო პირობები, ვიდრე სოფელი აყვაროთ, ხარკები გავწიოთ და რისთვის, მთების დასაცარიელებლად და გაუსაკაცრიელებლად?“ [112].

არასახარბიელო მდგომარეობაა არაგვისპირეთშიც: „დიდი მუშაობაა გაჩაღებული ჟინვალქესის მშენებლობაზე, — იუწყება კორესპონდენტი, — სოფლებიდანაც ბევრი ჩამოსახლდა ახლად მიზომილ ადგილებში. ჯერ ისედაც გარბოდა ხალხი დუშეთის რაიონის სოფლებიდან: ახალციხიდან, კენჭაკლიდან, გურგალევიდან და ახლა მითუმეტეს.

1967 წ. შემდეგ, როდესაც პატარა-პატარა კოლმეურნეობების ბაზაზე არაგვისპირეთის საბჭოთა მეურნეობა შეიქმნა, სამუშაოს ხალხი მხოლოდ სეზონზე თუ შოულობს, მაშინ ძალიან უჭირთ ამ ღღრო-ჩოღრო გზებზე რამდენიმე კილომეტრზე მეურნეობამდე ფეხით სიარული. პირველი მოთხოვნების საგნების შექმნა ადგილზე შეუძლებელია, ასეთი რამისათვის ხეობის მალაზიაში უნდა წავიდეთ (შესაძენად კი არა, პატარა ცნობისათვისაც, რადგან ხეობის საბჭოზე ვართ მიწერილი, როცა ტერიტორიულად ჟინვალი უფრო ახლაა ჩვენთან). გზების გაყვანასა და ძველის შეკეთებაზე არავინ ფიქრობს. ჩვენ გვიჭირს ხეობაში წასვლა, ამიტომ იქაური მალაზიით მხოლოდ ქუბრიანთკარისა და ბულაჩაურის მოსახლეობას შეუძლია სარგებლობა, ჩვენთვის კი მცირე ფარდულის გახსნა გავჭირდა, რომლითაც ისარგებლებდნენ ახალციხის, გურგუალის, კენჭაკლის, საცხავატოს მცხოვრებნი.

ჩვენი ქვეყნის სოფლების უმეტესობა ქალაქის ტიპის დასახლებად იქცა. მათთვის უცხო არაა კულტურული ცხოვრების სიკეთე, ჩვენ კი ბევრ რამეს მოკლებულნი ვართ. როცა სოფელში კოლმე-

ურნეობა იყო, კლუბისათვის შენობა ავაგეთ. აკლდა ქერი, იატაკი და შელესვა. საბჭოთა მეურნეობების შექმნის შემდეგ შენობა უპატრონოდ მიატოვეს და ახლა იგი სოფლის პირუტყვის სადგომად არის გადაქცეული. ჩვენ კი გვეგონა გვეღირებოდა კლუბი და წელიწადში ერთი-ორჯერ მაინც ვნახავდით კინოს. სასწრაფო საექიმო დახმარება რომ დაგვეკირდეს, ექიმს ვერაფრით მოვიყვანთ.

ყველა ამ მიზეზის გამო ჩვენი სოფლებიდან ახალგაზრდობა მიდის ისეთ ქალაქებსა და სოფლებში, სადაც მუდმივი სამუშაო ექნება, არ გაიტანჯება უგზობობით, მოკლებული არ იქნება ცხოვრების ყოველგვარ სიკეთეს. ჩვენ რა ვქნათ, რომელთაც გვენანება მამა-პაპათა სამყოფელის მიტოვება. მერედა როგორი სამყოფელისა — ჯანსაღი ჰაერითა და წყლით“ [73].

ფაქტები დადასტურდა, ზომები მიღებული იქნა, დამნაშავენი დაისაჯნენ, მაგრამ ზომ შეიძლებოდა საქმე აქამდე არ მისულიყო. მითითებულ სოფელთა ხელმძღვანელები ახლო წარსულის ნეგატიური მოვლენების ტყვეობაში რომ არ ყოფილიყვნენ, დაკისრებული მოვალეობის შესრულების დროს მეტი გულისხმიერება და პრინციპულობა გამოეჩინათ, ბუნებრივია, ზოგიერთი მტკივნეული საკითხი ადგილზევე მოგვარდებოდა. თუმცა ისიც უნდა გავითვალისწინოთ, რომ მარტოოდენ სოფლის ხელმძღვანელთა უგერგილობაში არ არის საქმე. აქ უფრო ღრმა მიზეზებია, სახელდობრ, დასაქმების მოუგვარებლობა, ანაზღაურების არარენტაბელობა, კულტურულ და საყოფაცხოვრებო მოთხოვნილებათა დაუკმაყოფილებლობა. დიახ, ასეთია რეალური სინამდვილე სოფელთა იმ ნაწილში, რომლებიც თავიანთი გეოგრაფიული მდებარეობის წყალობით, თანამედროვე ცივილიზაციის სიკეთეთა მიღმა დარჩენილან. როგორც მოტანილი მასალებიდან ირკვევა, ეკონომიურად წელგამართულ მცხოვრებთაც იმდენად აწუხებთ კულტურულ და საყოფაცხოვრებო პირობების მოუგვარებლობა, რომ მშობლიურ ადგილებში აღარ ეცხოვრებათ. სწორედ ამის შედეგია ახალგაზრდობის განთესვა, ანდა მთელი სოფლების აყრა და ახლად შექმნილი საბჭოთა მეურნეობის ან გამსხვილებული კოლმეურნეობის ცენტრში ჩასახლება. მაშასადამე, ტრადიციული ქართული სოფელი თავისი კოპწია კარმიდამოებითა და ნაგებობებით გზას უთმობს თანამედროვე კეთილმოწყობილ დასახლებას, სადაც არის კლუბი, სკოლა, საავადმყოფო, საყოფაცხოვრებო მომსახურების, საზოგადოებრივი კვების, სავაჭრო და სხვა ობიექტები. მაგრამ აღარ არის ჩუქურთმებით გადაქარგული ოდასახლები, კონინდართ აბიბინებული ეზოები და საერთოდ ქართული სოფლის ის კოლორიტი,

რომლის სრულყოფილად დახატვა ან აღწერა შეუძლებელია. ბევრი მცხოვრები ვერ თმობს ამ სილამაზეს და განა მარტო სილამაზეს? — მამაპაპურ სახლკარს, ვენახს, ჭანსალ ჰაერს, წყალს, სახნავ-სათესს, საძოვარს, ტყეს და სრულიად კანონზომიერად მოითხოვს დახმარებას. დიახ, ეს საკითხი ძალიან სერიოზულია, იმდენად სერიოზული, რომ მის ვადაწყვეტასთან დაკავშირებულია, თუ როგორი იქნება ჩვენი სამშობლოს მომავლის პროფილი — შევიწინარჩუნებთ ჩვენი ცალკეული კოთხეებისა და სოფლების ეროვნულ სახეს ნიუანსური თავისებურებებით, თუ მოხდება ყოველივეს ნიველირება ე. წ. „კეთილმოწყობილ დაბათა“ სასარგებლოდ, რომელთაც, სხვას რომ თავი დავანებოთ, წმინდა ესთეტიკური თვალსაზრისით, ჭერჭერობით, მეტად საეჭვო ღირებულება აქვთ.

ამრიგად, კოლმეურნეობის გამსხვილება ანდა წვრილ, ჩამორჩენილ კოლმეურნეობათა ბაზაზე ახალი საბჭოთა მეურნეობის ჩამოყალიბება, არა მარტო ეკონომიკურ ფაქტორს უნდა ითვალისწინებდეს, არამედ ამ რეგიონის თითოეული სოფლის ავ-კარგს — მცხოვრებთა დასაქმებიდან დაწყებული, გზითა და ტრანსპორტით უზრუნველყოფამდე.

დაკვირვებამ დაგვარწმუნა, რომ სოფლის ბედს დღეს მისი მდებარეობა და რელიეფი წყვეტს. ძველ სოფელთა დასახლების ტიპი და განლაგება შეესაბამებოდა მაშინდელ კომუნიკაციებს, ფეხით მიმოსვლას, საქაპანო და საკიდარ ტრანსპორტს. ამჟამად მდგომარეობა შეიცვალა, სოფელი საავტომობილო გზისაკენ დაიძრა, რადგან ავტომანქანა გახდა მიმოსვლისა და ტვირთზიდვის უმთავრესი საშუალება. მოკლედ, სადაც ავტომანქანა დაუბრკოლებლად მიდის, იქ მოსახლეობა მეტწილად ადგილზე რჩება, ხოლო მთაგორიანი ადგილები ხალხისაგან იცლება. მიგრაციის მრავალ მიზეზთაგან, ჩვენი აზრით, ეს ერთ-ერთი არსებითია. ახლა თითქმის ყოველი გზატკეცილის ირგვლივ თვითნებურად იქმნება დასახლებანი, რომლებიც უგემოვნობითა და ქაოტურობით გამოირჩევიან. სამოსახლოს მოუხერხებლობისა და სიმცირის გამო გლეხს კარმიდამო ზოგჯერ არა აქვს და იძულებულია „ქალაქურად“ იცხოვროს, ე. ი. ბაზრიდან ზიდოს სურსათი, მესაქონლეობის ნაწარმი, ბოსტნეული, ხილი... ეს პროცესი ძალზე ინტენსიურად ვითარდება და ხეხილში ჩაფლულ ვენახებითა და მტილებით დამშვენიებულ, საძოვრებითა და ტყით მდიდარ, თვალწარმტაც ქართულ სოფელთა ნაცვლად ვიღებთ ნაუცბათევ, ჩამოყალიბებულ დასახლებებს, რომელთაც მხოლოდ ერთი უპირატესობა აქვთ — საავტომობილო გზასთან სიახლოვე.

სოფელი თავისთავად ისტორიული კატეგორიაა. მისი აღმოცენება დამყარებულია ბუნებრივ-გეოგრაფიულ და სოციალურ-ეკონომიკურ საფუძვლებზე. საქართველოში — ბინადარი ცხოვრებისა და მიწათმოქმედების უძველეს ქვეყანაში — შემთხვევით არცერთი სოფელი არ არის გაჩენილი. თვით ყოველი უბანი გააზრებულად წარმოიშობოდა და მის ირგვლივ მდებარე ბუნებრივი რესურსების მაქსიმალურად ათვისებას უზრუნველყოფდა. ახლა გლეხობის ნაწილი მკვიდრ გარემოს შორდება და ბაზრის, გარედან შემოტანილის შემყურე ხდება, რის უარყოფითმა შედეგებმა სასოფლო-სამეურნეო პროდუქტების სიძვირის სახით კარგა ხანია იჩინა თავი. ამიტომ თითოეული სოფლის, უბნის და კომლის ბედის გადაწყვეტა სახელმწიფოებრივი მნიშვნელობისაა და დიდი სიფრთხილე და წინდახედულებაა საჭირო. მიუხედავად ამისა, ამ ჰემმარიტად ეროვნულ საქმეში ზოგჯერ მიუტყვებელ უდარდლობას იჩენენ. მაგალითად, ხაშურის რაიონში მტკვრის მარჯვენა ნაპირზე, სადაც საავტომობილო ხილია და ავტობუსი დადის (ხცისი, წრომი, რბონა. დამხხეულა და სხვ.), სოფლები ხალხმრავალია, მაგრამ მოსახლეობა გარბის თავვეთ-ქაშვეთიდან, გაქრნენ ღუდა და ჯვარმუხა. მძიმე სანახავია ეს ნასოფლარები, იავარქმნილი ნოყიერი ნაფუძვრები, გაპარტახებული ნავაზარ-ნავენახრები, გავერანებული კარმიდამოები. ქაშვეთიც არსებობის უკანასკნელ დღეებს ითვლის. უეზოობა, ცივილიზაციის თანამედროვე სიკეთეთა უქონლობა შეუბრალებლად სდეენის მკვიდრთ მშობლიურ ადგილებიდან, რაიონული ხელმძღვანელობა კი ნაკლებად ზრუნავს. მართალია, მტკვარზე საავტომობილო ხიდის აგება ერთი რაიონის შესაძლებლობას აღემატება, მაგრამ რამდენიმე სოფლის ყოფნა-არყოფნის საკითხი ყოველგვარ ხიდზე ძვირფასია. აშკარა უყურადღებობის თუ დაუდევრობის შედეგია ქვიშხეთის ზემოთ, სოფელ მონასტერში, ბელლითსა და სხვაგან, თვით ზაფხულის კარგ ამინდშიც რომ ვერ მიდის ავტომანქანა. იქ მაინც არაა საჭირო ხიდის გაკეთება, მიუხედავად ამისა, უეზოობის გამო ის სოფლებიც იცვლება და განმკითხავი არავინ ჩანს.

ამ ათიოდე წლის წინათ აყარეს და სურამის სანახებში ჩაასახლეს ულუმბა, ჰიშორა და ნინისი. დაცარიელდა ისტორიული ადგილები, დაობლდა ძეგლები, გაუქმდა დოვლათისა და სიკეთის ის წყარო, რაც ამ სოფლებს გააჩნდა. იქაურები ახლაც ვერ შელევნიან ძველ ადგილებს და იძულებულნი არიან საძოვრისა და ტყისათვის იქ, საკმაოდ შორ მანძილზე წავიდნენ.

ბუნებრივია, სოფლის ადგილგადანაცვლება ერთი ხელის დაკ-
ვრით კი არ უნდა გადაწყდეს, არამედ კომპლექსური მეცნიერული
შესწავლის შედეგად. მაშინ თავიდან ავიშორებთ მოუტყევებელ შეც-
დომებს, რაც ხშირად თითო სოფლად გვიჩდება. სოფლის ბედის
განსჯის დროს არა მარტო ეკონომიურ სარგებლიანობას უნდა გა-
ეწიოს ანგარიში, არამედ ისტორიულ ასპექტსაც, საჭიროა ვიცო-
დეთ, თუ რა წარსულის მქონეა ესა თუ ის სოფელი და ამის მი-
ხედვით განვაგოთ მისი მომავალი. მაგალითად, ცნობილ სამონას-
ტრო სოფლის უღუმბას გაუქცარიელება არაფრით არ არის გამარ-
თლებული.

დასახლების ტიპი და ნაგებობანი სურამის ქედის მიდამოებ-
ში შეუსწავლელია. აქ ეთნოგრაფი მხოლოდ საკუთარ აწლოსა და
შეკრებილ მასალას უნდა დაეყრდნოს. ერთი თვალის გადავლები-
თაც შეიძლება დავრწმუნდეთ, რომ ქედს გადაღმა მთური რელიე-
ფის მიუხედავად გაშლილი კარმიდამოები სკარბობს მრავალპრო-
ფილიანი ეზოებით, ოდებით და ნაირნაირი „ნამშრალიებით“ (სა-
მეურნეო ნაგებობანი), ხოლო გადმოღმა ადგილ-ადგილ ქართლისა-
თვის დამახასიათებელი მჭიდრო „უეზოო“ დასახლებანია, უფრო
სწორად შერეული ტიპი. მაგალითად, აღში, ბრილში, ქემფერში.
ფლევეში და სხვ. ვიწრო „ქართლურ“ ეზოში, სახლის ირგვლივ, არ-
ცთუ მაინცდამაინც გეგმაზომიერად, თავმოყრილია მარანი, ბელელი,
საბძელი, სახლ-ბოსელი, თონე და ა. შ. იგრძნობა, რომ მოსული
იმერელი ჯერ კიდევ ვერ შელევია თავის მამა-პაპისაგან ტრადიცი-
ულად გამომუშავებულ დასახლების სისტემას, თან ხარკს უხდის
თუ იძულებულია შეეგუოს „მიწაზე ჯდომის“ ადგილობრივ წესსაც.

ჩვენი განსაკუთრებული ყურადღება მიიქცია ქედის დასავლე-
თით ტერასულმა კარ-მიდამოებმა. რთულ რელიეფს შექიღებული
გლეხი გამარჯვებული გამოსულა და ხრიოკი ფერდობები აყვავე-
ბულ უზნებად უქცევია. სახლი და ყველა „ნამშრალი“ შესაბამის
ტერასზეა განლაგებული. ჩვეულებრივ, მარანი, ბელელი და სათონე
„ერთ ფარგალშია“, ცალკე მხარე აქვს დათმობილი საბძელ-ბოსელს,
სალორეს, საქათმეს და საცხვრეს. ისიც კი არის გათვალისწინებუ-
ლი, ნიავე საით უბერავს, რათა ცუდმა სუნმა სახლამდე არ მიაღ-
წიოს. ყოველ ნაგებობას არა მარტო დანიშნულების მიხედვით აქვს
ადგილი შერჩეული, არამედ თითოეული ოსტატურადაა შეხამებული
უაღრესად დანაწევრებული რელიეფს. სწორედ ეს ქმნის იმ გა-
ნუმეორებელ სილამაზეს, რასაც იმერელი გლეხის კარმიდამო ჰქვია.
მიწის ყოველი მტკაველი მიზნობრივად გამოუყენებიათ, ნაკვეთი,
რომლის დამუშავება შესაძლებელია დასასახლებლად არ გაუმეტე-

ბიათ, სამაგიეროდ თავი არ დაუზოგავთ, კარმიდამო, როგორც ადგილობრივნი ხატოვნად ამბობენ, „კორტოხისათვის წაერთმიათ“. ახლა საავტომობილო გზის უქონლობის გამო კულტურის ეს მონაპოვარი იკარგება, მოსახლეობა სოფლის მეურნეობისათვის ძვირფას სავარგულებს ეუფლება (ზოგჯერ არცთუ უანგაროდ), რაც მეტად არასასურველია. საბოლოო ჯამში ამ მიწების მოცდენა უფრო ძვირი დაჯდება, ვიდრე ყველა უბანში გზატკეცილის გაყვანა.

მიწის რაციონალურად გამოყენება ქართველ ხალხს ისტორიულად მოსდგამდა. ეს იყო მცირესავარგულებიანი ქვეყნის სასიცოცხლო აუცილებლობა. ძველი მცხეთის არქეოლოგიურმა და ისტორიულ-ტოპოგრაფიულმა შესწავლამ ცხადყო, რომ სამოსახლოდ, დასამუშაველად უვარგისი ქედის თხემ-კალთები შეურჩევიათ. ხოლო ნოყიერ ზეგან დაბლობებში ბალ-ვენახები და მარან-საწინახლები უშენებიათ [50, 62].

„ძველი იმერეთი“ სამეურნეო ნაგებობებში უფრო იგრძნობა. შესანიშნავია იქაური ძეგური მარნები და სახლ-ბოსლები. სახლ-ბოსელი ორიგინალური შენობაა მუხის ან წაბლის „დაწარბული“ ძეგლებით ნაგები, მოგრძო, სწორფერდად დახურული. წინ განზიდული „გადასაწვიმებელი ლაფაროთი“. ერთ „თვალში“ ბოსელია, მეორეში საცხოვრებელი, შუაეცხლით, ნაჭათი და სამღვებ-საქვებურათი. ზოგან შემორჩენილია ხის თართო ტახტები. სახლ-ბოსლის დღემდე შემონახვას ხელი შეუწყო იმ გარემოებამ, რომ მას ფუნქცია არ დაუკარგავს, იგი ბოსლად და სამზადისად ახლაც გამოიყენება.

რაც შეეხება სახლს, მისი ადგილობრივი ტიპი თითქმის გამქრალია. ეთნოგრაფის ყურადღებას აქა-იქ მხოლოდ აივან „დაჭოჭი-ალავებულ“-„მოფიგურებული“ ძეგური ან ფიცრული ოდები თუ მიიპყრობს. ამჟამად ყველგან აგურითა და „ბლოკით“ ნაგები, გვებერთელა კიბეებით დამძიმებული, ე. წ. „ქალაქური“ სახლები გაბატონებულია. ნიშანდობლივი მოვლენაა, რომ ქართველი კაცის ბუნება უაივნობას ვერ შეგუებია და ახალმოდის ყუთისებრი შენობებისათვის ირგვლივ რკინა-ბეტონის „ვერანდები“ შემოურტყამთ. ყოველივე ეს მნახველზე მძიმე შთაბეჭდილებას ახდენს, ტრადიციული გამოსახულებებით „შემკულ“ რკინის კიშკარ-გალავნებიდან მოკიდებული, თუთიის სახურავების აუთრულ სამშენისებამდე.

ასევე დამაფიქრებელი მდგომარეობაა რაჭაში. დღეისათვის, განსაკუთრებით რიონის მარჯვენა სანაპიროზე გაშენებულ სოფლებში, ირღვევა ტრადიციულად დამკვიდრებული დასახლების ტიპი და შრომის ორგანიზაცია. მცხოვრებნი სტიქიურად მიისწრაფ-

ვიან მთავარი გზატკეცილისაკენ და იქვე სახლდებიან. ადგილის უქონლობის გამო, ბევრ მათგანს აღარ გააჩნია კარმიდამო, რაც უარყოფით ზეგავლენას ახდენს ოჯახის ეკონომიკაზე. სოფელ ზვანქარაში უკვე მოიშალა ნემსიწვერიძეების, ლუხუტაშვილების და ნაწილობრივ ტყეშელაშვილების ძველი უბნები. ჩამოსახლების მიზეზად მოსახლეობა საავტომობილო გზის უქონლობას ასახელებს. სხვა მხრივ სამოსახლო ადგილის მიმართ საყვედურს არ გამოთქვამენ. პირიქით, ენაწებათ კიდევ მამაპაპური „ეზო-მიდამოს“ დატოვება. „გლეხის პირობაზე იქ უკეთესად ვიყავით, — ამბობენ ისინი, — ტყე ახლოს გვექონდა და საბალახო; ჰაერიც კარგი იყო. მაგრამ ახალმა დრომ შეცვალა ჩვენი ცხოვრება, ხარ-ურემი აღარ გვყავს, ავტომანქანას ყველგან ვერ მიიყვან. თქვეილი, პური, ნათი მალაზიიდან მოგვაქვს, ჯობია გზასთან ახლოს ესახლო, ვინემ გორეებზე“, საგულისხმო სიტყვებია. მართალია დროს თავისი გააქვს, მაგრამ როცა სოციალისტური სოფელი სახეს იცვლის ეს მხოლოდ და მხოლოდ გეგმაზომიერად უნდა ხდებოდეს. ასევე სტიქიურობის შედეგია სოფელ ჩორჯოსა და ღვიარას ბოლოს ქაოტურად განლაგებული ახალშენები. უგემოვნო და უეზოო სახლები. იქ ველარ ნახავთ მრავალგვარ შრამელ-ბურულებს. ერთადერთი, რაც გლეხს დარჩენია, საავტომობილო გზასთან სიახლოვეა. და ნუთუ ამისათვის ღირს საუკუნეთა მანძილზე გამომუშაებული დასახლების ტიპის მოშლა? რაც მთავარია „ნამოსახლის“ დაშორება მის ირგვლივ მდებარე, საარსებო რესურსების სრულყოფილად გამოყენებას აბრკოლებს. პრაქტიკამ გვიჩვენა, რომ ჩამოსახლებულთ ძველ ადგილებში სამუშაოდ წასვლა ეძნელებათ. მიწათმოქმედების ნაცვლად ისინი უფრო იოლ საქმიანობას ეძალებიან და ძალაუნებურად საკოლმეურნეო შრომას გაურბიან. რაჟა, იმთავითვე, მცირემიწიანი კუთხე იყო და იქ ერთი „ფეხის დადგამაც“ არ რჩებოდა გამოუყენებელი, ამჟამად კი ბევრი სავარგულია გატყუიერებული. სწორედ ამის მიზეზია ადგილობრივ ყურძნის, სიმინდისა და ხორბლის მოსვლის შემცირება, მომარაგების ოდნავი შეფერხებაც კი საკმარისია, რომ პურის მალაზიის წინ რიგი გაჩნდეს. სამამულო ომის დროს ქვემო რაჟის მთიანი სოფლები მარცვლულით ამარაგებდნენ ვენახიანი ზოლის სოფლებს. სიმინდის მოსავლით განთქმული იყვნენ ლაბეჰინა და გენდუში. კოლმეურნეობების გამსხვილებასთან დაკავშირებით, ამ სოფლის მცხოვრებნი ქვედა ჰყვიშსა. და ქვედა ჟოშხაში ჭამოესახლნენ და ღღეისათვის მათი ყანები აღარ მუშავდებო. ადამიანის საცხოვრებლისა და შრომის ადგილის ერთიანობის დარღვევას ხშირად არასასურველი შედეგი მოაქვს. კიდევ და კიდევ უნდა

გავიმეოროთ, რომ ვერც ერთი სოფელი დღემდე ვერ მოაღწევდა, თუ მას არ ექნებოდა საარსებო საშუალებათა გარკვეული კომპლექსი. და როცა რომელიმე სოფლის არსებობის საკითხი დგება, უპირველეს ყოვლისა, მისი ყოველმხრივი შესწავლა უნდა მოხდეს ახალ სამოსახლო ადგილთან შეპირისპირებით და მხოლოდ ამის შემდეგ უნდა გადაწყდეს გადასახლების საკითხი.

გურიაში ძალუმაღ შეიგრძნობა სოციალისტური სოფლის მაცხისცემა. გამონაკლისს გარდა, ყველგან დანერგილია თანამედროვე ქალაქისათვის დამახასიათებელი კულტურის მიღწევები. ჩვეულებრივია მოსაფალტებული ქუჩები, ლამპიონები, ქანდაკებებით, აუზებითა და შადრევნებით შემკული ბალები და სკვერები. ზურთმოდგრული ანსაბლით (ადმინისტრაციული შენობები, სკოლები, კულტურის სახლები, კინოთეატრები, მუზეუმები, მაღაზიები, რესტორნები, საყოფაცხოვრებო მომსახურების სალონები, საავადმყოფო, სამშობიარო და სხვ.) დამშვენებული ცენტრი. მოსახლეობის უმეტესობასაც, გაფორმებული ფასადებით, ქუჩისპირას ჩარჩეული ახალი სახლები აქვს.

დღევანდელ გურიაში ქალაქსა და სოფელს შორის ზღვარის წაშლის მეტად საინტერესო პროცესი მიმდინარეობს, რაც შემდგომ მეცნიერულ დაკვირვებას და შესწავლას საჭიროებს. ამქმად ყურადღებას გავამახვილებთ აღნიშნულ კუთხეში ახალი ქალაქურ ტიპის სოფელთა ფორმირების მხოლოდ ზოგიერთ საკითხზე. უპირველესად, რაც ეთნოგრაფს თვალში მოხვდება, ეს არის კარმიდამოებისა და საცხოვრებელ ნაგებობათა ერთგვარი სტანდარტიზაცია. გურიის სოფელი თანდათან კარგავს ტრადიციულ ელფერს. ზოგიერთს ეს ფაქტი ცხოვრებისეულ და ამდენად კანონზომიერ მოვლენად მიაჩნია, რასაც ვერ დავეთანხმებით. რა თქმა უნდა, ტალახიანი ორღობეებისა და საცხოვრებლად მოუხერხებელი ჭარგვალეების შენარჩუნება უაზრობაა, მაგრამ წინაპართა მიერ საუკუნეთა განმავლობაში შემუშავებული რეალიების ხელაღებით უარყოფაც დაუშვებელია. ნუთუ არ შეიძლება ჩვენი სოფელი თანამედროვე იყოს და ეროვნულიც. ჩვენ სამშობლოში ხომ სრულყოფილად იყო გამოყენებული საცხოვრებელი გარემო. ყველა კუთხეს თავისი მეურნეობის ფორმირებისა, მიკროპავის და ეკოლოგიური პირობების შესაბამისად გამომუშავებული ჰქონდა ეზოების, საცხოვრებელი და სამეურნეო ნაგებობების ტიპები. ქვეყნის სოციალისტურმა გარდაქმნამ, ბუნებრივია, აქ თავისი კორექტივი შეიტანა, მაგრამ, ძირითადად, ჩვენი სოფლებისა და ქალაქების განაშენიანება მაინც ნაციონალური, ქართული უნდა დარჩეს. და უფრო მე-

ტიც, ყველა კუთხემ უნდა შეინარჩუნოს საკუთარი ეთნოგრაფიული (კარგი გაგებით) სახე. ამრიგად, სახლის აშენება და კარმიდამოს გამართვა სრულებითაც არ არის კერძო საქმე. ზემდგომი ორგანოების დადგენილებით 1974 წ. იანვრიდან აკრძალულია ინდივიდუალური საცხოვრებელი სახლის მფლობელის შეხედულებისამებრ აშენება. „იყო შემთხვევები, როცა ზოგიერთი საცხოვრებელი სახლის ფართობი მნიშვნელოვნად აღემატებოდა საზოგადოებრივი ნაგებობების ფართობს. დაწესებულია ფართობის მაქსიმუმი, როგორც ძირითადი, ისე დამხმარე სათავსოებისათვის. საცხოვრებელი სახლები აიგება მხოლოდ იმ პროექტებით, რომელთაც „საქსოფლმშენპროექტის“ რეკომენდაცია მიეცემა. სოფლის ინჟინერი და რაიონის არქიტექტორი კონტროლს გაუწევენ მშენებლებს ზუსტად დაიცვან დედანი“ [15]. მაგრამ ეს აკრძალვა ხალხური ხუროთმოძღვრების დაბრკოლებად არ უნდა იქცეს. უდავოა, სასტიკი ბრძოლა უნდა გამოეცხადოს კიჩის ყოველგვარ გამოვლინებას, ოღონდ ეროვნულ ნიადაგზე აღმოცენებულ, თვითმიხვედრით მოფიქრებულ პროექტს. თუგინდ არასპეციალისტისა იყოს, შეიძლება ხორცი შეესხას, ბუნებრივია სათანადო განხილვის შემდეგ ეს პრაქტიკულადაც აუცილებელია, რადგან არქიტექტორები ყველა მოთხოვნას ვერ აუვლენ, ხოლო ორიოდ ტიპიური პროექტის მიხედვით ინდივიდუალურ სახლთა მასიური მშენებლობა შაბლონურ სტანდარტიზაციას გააღრმავებს, რაც საბოლოო ჯამში უარეს შედეგს მოგვცემს. მით უმეტეს, დღევანდელი სოფლის ახალ ნაგებობათა უმრავლესობა სხვა არაფერია, თუ არა უნიკოდ გააზრებული, ე. წ. „ქალაქური სახლის“ ხელმოცარული მიბადვა, თუმცა ამ უნებლიე ცოდვის ფესვებს თუ მიეყვებით პროფესიონალ ხუროთმოძღვართა სახელოსნოებს შივადგებით.

მიუხედავად იმისა, რომ გურიამი ქვის საბადოები უხვად იყო და მათი გამოყენება-დამუშავების საქმე ძველთაგანვე მაღალ დონეზე იდგა, ნესტიანი ჰავის გამო, ქვის საცხოვრებლებს ხისას ამჭობინებდნენ. დღეს კი სურათი შეიცვალა. ხის სახლი რატომღაც ათვალწუნებულია, სოფლად ფეხმოდგმულია ცემენტისა და აგურის შენობები, რომლებიც უგემოვნო არქიტექტურით გამოირჩევიან, ფასადები ტრაფარეტულია, ძველქართული აივნები გამქრალა, ულაზათოდ დგას კიდობანივით შეკრული შენობა, რომელზედაც ბასტიონივითაა მიშენებული რკინა-ბეტონის უზარმაზარი კიბე. ამ კიბით ზედა სართულში რომ მოხვდე, ზოგჯერ საკიროა მთელი ვზო მოიარო. სახლებს ჩვეულებრივ თუნუქი ხურავს და ხშირად მამლები თუ რაღაც მათი მაგვარია კუთხეებსა და წვეროებზე

თუნუქითვე გამოყვანილი. ეს ძვირადღირებული, მაგრამ იაფფასიანი „ჩუქურთმები“ ცუდ შთაბეჭდილებას ახდენს და ცხადყოფს, რომ ჩვენი ქალაქების არქიტექტურული წესი ეპიდემიასავით მოსდებია სოფლებს. შესცქერი ამ ნაგებობებს და ძალაუნებურად გავონდება სოფ. ზოტსა და ჩხაკაურაში (ჩოხატაურის რაიონი) შემონახული ძველქართული სახლები, რომელთაც ეროვნულ კოლორიტთან ერთად შენარჩუნებული აქვთ მომზიბლავი უბრალოება, ამასთანავე ისინი საცხოვრებლად ძალზე მოხერხებულია. პირველი სართულიდან, შიგვე დატანებული კიბით, მეორე სართულზე ახვალთ, რომელსაც მთელ სიგრძეზე ჰკვეთს „დეფანი“. ხელმარჯვნივ „სარძიე“ და ბუხარაიანი სამზარეულოა, საგანგებო „ფიტონ-ხარხებზე“ განლაგებული ჯამ-ჭურჭლით. სამზარეულოს გვერდით სსსადილო ოთახი და საკუქნაოა, ხელმარცხნივ ბედელია (ზოგჯერ ბედელი უშულოდ სახურავქვეშაა ატანილი და კაკვების საყრდენის „ეაცს“ მოვალეობას ასრულებს), ბელის მიღმა ორი საწოლი ოთახია. დერეფანი აივანზე გადის, საკუქნაოსა და აივნის კუთხეში შენიღბულ ადგილას ტუალეტია. ავეჯი ძველებურია შემონახული: ფეხდაბალი ტახტები და ტაბლები, კუთხეებში დატანებული კარადები, სკივრები, ზანდუკები, „საზურგულიანი სკამები“ და სხვა. ასეთ სახლში, როგორც იტყვიან, ფეხი არ დაგისველდება, გარეთ გასვლა არ დაგჭირდება. ეს არის სახლი, რომლის ყველა კუნძული საცხოვრებლად გამოყენებულია, მაშინ როდესაც ახალი მოდის შენობების მეორე სართული ფაქტიურად უქმდაა, უცხოური ავეჯით გადატვირთულია და მდარედ შესრულებულ სამუზეუმო ექსპოზიციას ჰგავს.

სამწუხაროდ, ქართულ ავეჯს, რომელიც მოხერხებულობით, დახვეწილობითა და მიმზიდველობით გამოირჩევა, მხოლოდ ძველ სახლებში შეხვდებით ან სამზადებში. მას ზოგიერთი დღესაც კი ქედმაღლურად „პრიმიტიულ საოჯახო ნივთებს“ უწოდებს, მაშინ როდესაც ჩვეულებრივი საკარცხულის, სკამლოგინის, ტახტის, სუფარის, სკივრის, კილოზნის, მაქალოზის, ტაგრუტის და სხვათა აუცილებლობა დიდი ხანია იგრძნობა, როგორც პრაქტიკული საჭიროებისათვის, ისე სუვენირებად. ნუთუ დრო აღარ არის ავეჯის ფაბრიკებმა გაითვალისწინონ ხალხის მიერ შექმნილი სტანდარტები და მომხმარებელს მიაწოდონ ნამდვილი ეროვნული, სადღეისოდ სახმარად გარდაქმნილი ავეჯი, რომელიც თანამედროვე მოთხოვნების მიხედვით, ქართულ ტრადიციებზე აგებულ სახლებში განლაგდება და მარტოოდენ ჩვენთვის დამახასიათებელ, თავისებურ გარე-

მოს შექმნის¹. ზოგიერთი რამ ჯერ კიდევ ყოფიდან არ გამქრალა და თითო-ოროლა ოჯახი ეროვნულ სურნელს ისევ ინარჩუნებს, მაგალითად, სოფ. ცხემლისხილში (მახარაძის რაიონი) გიორგი სალუქვაძის სახლ-კარი:

ხევსმოკიდებული რიყის ქვის ყორეს კობტა შესერა გადაუყვება. ხის თაღოვანი ჭიშკრით ვრცელ, მწვანედ აბიბინებულ „წინა-ეზოში“ შეხვალთ, ხელმარჯვნივ ჭა ჩანს ოწინარით და მთლიანი ქვის გვიმით. ღობეს თავს დასცქერის რტობეგაშლილი „სამორაფი ხეები“ რცხილა და იფნა. ეზოს სიღრმეში ნაყოფით დახუნძლული ხეხილია. თავისუფალ კუთხესთან, წყავის ქვეშ სტუმრებს დინჯად ელოდება ქვაში ფაქიზად ნაკვეთი მრგვალი მაგიდა. ვეება ცაცხვის ჩრდილში ერთსართულიანი წაბლის ოდა დგას, რომელსაც ფართო აივანი ამშვენებს თავისი ნახარატევი მოაჯირით, ნაჩუქურთმევი სვეტის თავებით და კამარებით. აივანს თითქოს შეზრდილია მექი, თლილი ქვის კიბე.

სასტუმრო, სასადილო, საძინებელ ოთახებს და საკუჭნაოს შესაფერისი, ძველებური ავეჯი უხდება. აგერ „წამოსაწოლ ტახტზე“ შინნაქსოვი ფარდაგი, გიშრისფერი ხავერდის მუთაქები და უცხოდ ნაქარგი ყურთბალიშებია. კედელზე სადაფით შემკული ჩონჯური დაუკიდიათ. ნიგვზის ჩარჩოებიდან შთამაგონებლად იმზირებიან წინაპართა სახეები.

სახლში იმდენი სივრცე და სიხალვათეა, ლამის ფრთები შეგესხას, დგამ-ავეჯი კედლებს ისე შერწყმია, სულ არ იგრძნობა. ყველგან წესრიგი და სისუფთავე სუფევს, 35 წლის დიასახლისს ოღლა სალუქვაძის მისაბაძი გემოვნება და მოუღლევი მარჯვენა ჰქონია.

სახლს უკან „სახმარი ეზოა“, სადაც ისლით დახურული სამზადი და მარანია. მარნის კედლები წნელით არის მოწნული. შიგ მხარეთეძოზე ნებივრად წამოწოლილა გურული, მრგვალი საწნაბელი. ჭურები გარეთაა ჩაფლული ბებერი წყავის გრილოში. აქვე მესერზე წამოსკუპებულა კობე, ორკობე, ორჩხუში, ჯანტარა, ძელბარა და სხვ. მარნის მიღმა ღობით გამოყოფილი „საჭყინტო“ სიმინდის ყანა და ბოსტანია. ძველად იქვე იყო გაშენებული სამკურნალო მცენარეები. ეზოში გახვალთ და მზის სხივები თვალს მოგჭრით, ვაზებით დაბარდნილ ხურმებს შეეფარებით და „შავ ეზოს“ მოკრავთ თვალს. მაღალ ბოძებზე შემდგარი ნალია თითქოს თავს იწონებს, მოშორებით „კარია“ — საქათმეა, შორს კი, ქართაში სა-

¹ ამ მხრივ თბილისში სათანადო ინიციატივა გამოიჩინეს და ქართული სტილით დამზადებულმა ავეჯმა სახელმწიფო „ხარისხის ნიშანიც“ კი მიიღო. ჰირველი ცდის ესოდენ დიდი წარმატება მრავლისმეტყველი ფაქტია.

ლორე და „კონახია“ (საქონლის საზამთრო ბინა, წნელი და „ალიზა“ მიწით შეღესილი). თუ კიდევ ბილიკს გაპყვებით, ხეხილის ბაღს და მალლარ ვენახს გაივლით, ნაკადულის ჩურჩულს გაიგონებთ და თხმელნარებში მოგრუტუნე ერთი ბეწო წისკიელს იხილავთ.

კარმიდამოც ესაა და ცხოვრებაც ამას ჰქვია. აღწერა, თუგინდეთნოგრაფიული, ხშირად უსრული და ნაკლოვანია, ყველაფერი ეს საკუთარი თვალით უნდა ნახოს კაცმა, რათა დარწმუნდეს გურული გლეხის მახვილგონიერებასა და ნიჭიერებაში.

ტერასული კარმიდამოს კარგი ნიმუშია ვარლამ ცეცხლამის ეზო-გარემო (სოფ. გოგიეთი, მაკვანეთის თემი). გამრჩე ადამიანებს შთის ფერდობი დაუვაკებიათ და ვრცელ, მშვენიერ ეზოდ უქცევიათ. ეზო, მიუხედავად რთული რელიეფისა, გამოყენების თვალსაზრისით, აქაც სეგმენტირებულია და მის ყველა ნაწილში ბურული (ნაგებობა) დგას. განსაკუთრებულ ყურადღებას იქცევს კლდეში შეჭრილი ხელოვნური გამოქვაბული, რომელიც ბუნებრივი მაცივრის მოვალუობას ასრულებს და წკანწკარა წყარო — „საცივი“.

ღიან, ჯერ კიდევ ბევრი რამ არის გურიაში ეთნოგრაფისათვის საინტერესო. „ქალაქური სახლების“ ფასადებს მიღმა ისევ ძველებურად განაგრძობენ ცხოვრებას მამაპაპური სამზადები, მართალია, მათ გაზის ქურები შეუფარებიათ, მაგრამ კერძის მაინც ინარჩუნებენ, რადგან შუაეცეხლზე გამომცხვარი მკაღი და ხაქაპური. გამოშუშებული ღომი და შემწვარი ქათამი სულ სხვა გემოსია. მარნებში ისევ წვანან დარბაისლურად საწნახელები და „ჩაოში“ (ჩრდილში) ქურები ჩაბუდებულან, რადგან ვერც ერთი სასმელი ვერ შეედრება ძველხალხური წესით დაყენებულ ღვინოს. არა, ისინი შეუცვლელია, განვითარების რა დონეც არ უნდა იყოს. მათი დაკარგვა შეიძლება, შეცვლა კი არა.

დასასრულს ისლის სახურავზედაც უნდა აღინიშნოს. წინდახედული გურული მეურნე შესაფერის ნაკვეთზე ისლს საგანგებოდ აშენებდა და როგორც ყანა-ვენახს ისე უვლიდა. ეს იყო „საისრე“ — საისლე, რომელიც თავის დროზე ითიბებოდა და სახურავისათვის საჭირო მასალას „კარიყურში“ იძლეოდა. ამჟამად, გურიაში საისლე თითქმის არ გვხვდება. თვით ისლის სახურავი თითო-ოროლა სამეურნეო ნაგებობასლა თუ აქვს შენარჩუნებული, ხოლო ისლით სახლის დახურვა ხომ დიდ სირცხვილად ითვლება. ისლი დღეს ჩამორჩენილობისა და სიღარიბის ასოციაციას იწვევს. წარსულის ამ მძიმე მემკვიდრეობის დაძლევის შედეგად ისლის სახურავი, როგორც გლეხის სიდუხჭირის სიმბოლო, მოისპო. ხანგრძლივი ძიების

შემდეგ, ერთ განაპირა სოფელში, ძლიერ ვიპოვეთ ისლით დახურული კონახი. მასპინძელმა ჩვენი მეგზური — სოფლის ერთ-ერთი ხელმძღვანელი საყვედურებით აავსო: „დროზე არ მომეცით წესიერი სახურავი და ახლა თავი მომეჭრა, მარტო მე გავხდი საამბო და საგაზეთო“. ჩვენმა ახსნა-განმარტებამ, რომ ისლი სახურავთა შორის ყველაზე საუკეთესოა, შესანიშნავად ინარჩუნებს ნორმალურ ტემპერატურას, საცხოვრებელში უზრუნველყოფს ჭანმრთელ მიკროკლიმატს, თუ ის კარგად გაკეთებულია და „ნაფუტეარი“, ე. ი. კვამლზე გამოყვანილი გამძლეობა საკმაო აქვს, ევროპისა და ამერიკის ბევრ სახელმწიფოში სააგარაკო კოტეჯებს ისლით ხურავენ და სხვა, ნაყოფი არ გამოიღო და თუ ეს ფაქტი საჭაროდ გამოგვაქვს, იმიტომ, რომ ნიშანდობლივად ააშკარავენ წარსულის შემკვიდრების შეუფასებლობას. ის, რაც ჩვენს ხალხს ემპირიულად, უხსოვარი დროიდან მოუპოვებია, მეცნიერული კვლევის შედეგად, ზოგიერთ ქვეყანაში ახლა აღმოაჩინეს და მის ყოფაში დანერგვას ცდილობენ. ჩვენ კი მიუტევებელ გულგრილობას ვიჩინებთ და წინაპართა მაღალ კულტურას ზოგჯერ ჩამორჩენილობად ვაცხადებთ. სხვათა შორის, ვაზის ქართულად სხელის უძველესი წესი, რომელიც ადრევე გახდა ფრანგ მკვლევართათვის ცნობილი, საქართველოს დაუბრუნდა, როგორც ფრანგული. ვშიშობთ, ასევე არ მოხდეს ისლის სახურავთან დაკავშირებით. უნდა გავითვალისწინოთ, რომ ხალხის ზოგიერთი ემპირიული მიგნება მეცნიერების მიღწევებს როდი ჩამორჩება, პირიქით, უფრო ხელსაყრელი, მრავალმხრივ შემოწმებული და საიმედოა, ამიტომ ღრმად უნდა შევისწავლოთ ის ცოდნა-გამოცდილება, რაც ჩვენს ერს ხანგრძლივი არსებობის მანძილზე დაუგროვებია.

დღეს, არნახული შემოქმედებითი შრომისა და მშვიდობის ხანაში, ოფლითა და სისხლით მონაპოვარს დავიწყების ფერფლით ნუ შევმოსავთ!

1973 წ. ივნისში საშუალება მოგვეცა, ხანმოკლე საველე-ეთნოგრაფიული მუშაობა გვეწარმოებინა კახეთში, სახელდობრ გურჯაანის რაიონში. მართალია, იქ სულ სხვა მიზნით ვიყავით ჩასული, მაგრამ ძალაუვნებურად ჩვენი ყურადღება მიიქცია დასახლების ტიპმა, უპირველეს ყოვლისა, უაღრესმა სიმჭიდროვემ. სოფელთა შორის ზღვარი თითქმის წაშლილია და ისეთი გრძნობა დამეუფლა, თითქოს დაუგეგმარებელ ქალაქში მოვხვდი.

იშვიათია გურჯაანის რაიონში სოფელი, რომელიც დღეს თავის ძველ ადგილას იყოს დარჩენილი. თანამედროვე კომუნიკაციებმა აქაც გადაწყვეტი როლი ითამაშა და გზატკეცილის თუ რკინიგ-

ზის ირგვლივ მივიღეთ უთავბოლო განლაგების, ერთმანეთზე მიჯრდილი მჭიდრო დასახლებანი, რკინა-ბეტონის ზღუდეებში ჩამჭდარი შეჭავშნული სახლებით, რომელთა უმრავლესობა კიჩის აყვავების მრავლისმეტყველი დადასტურებაა. ამ კონგლომერატში ამაოდ ეძებს თვალი ადგილობრივის დამახასიათებელ ბრწყინვალე ხალხური არქიტექტურის ნიმუშებს.

მოსუც მთხრობელთა მტყიცებით, სოფლები ძველად ცივგომბორის ქედის კალთებზე იყო შეფენილი, იქ, სადაც ხშირი ტყეები იწყებოდა. ხის მასალა, შეშა, ფიჩხი ახლოს ჰქონდათ. სოფლის ქვემოთ „წაფენება მზვარეები“ ვენახებს ეჭირა. ვრცელი „გასატევარი“ — სახნავ-სათესი, საძოვარი, „ვაკიტყეები“ ალაზნის ქალებში იყო. იქ დროებით „ბინებსაც“ აშენებდნენ, ოღონდ სოფელი „ადგილიდან არ იძვროდა“, რადგან ჭანსალ ჰავას („ზაფხულ გრილი, ზამთარ თბილი“) და ცივ-ანკარა, მოჩუხჩუხე წყაროებს ვერ თმობდა. მერე მედიცინამ ციებ-ცხელება დაამარცხა, ყოფაში მიმოსვლის თანამედროვე საშუალებანი დამკვიდრდა და ხალხიც „გზისპირებისაკენ“ დაიძრა.

მოვინახულეთ სოფელი ზიარი, რომელიც არსებობის უკანასკნელ დღეებს ითვლის. უგზობრამ გაანადგურა მთელი ეს მიდამო. ძირფესვიანად ამოვარდა სოფლები — ფხოველი და დარბა. მოსახლეობისაგან დაიცალა სახელგანთქმული ქერემი, რომლის აღდგენა ახლა მიმდინარეობს. სამოთხისებრი ადგილები უკაცოდ დარჩა. სარეველებში გაპარულა ვაზი, აღარ ბიბინებს ჭეჭილი და ბეითალმანად ქცეული მიწას ჭრილობებივით ამჩნევია ნასახლარები. აქ ზომ გადაულახავი მალალი მთები და კლდოვანი, ღრმა ხეობები არ არის, ნუთუ არ შეიძლებოდა თავის დროზე გაეყვანათ გზა, გაეხსნათ საექიმო პუნქტი, მალაზია, კლუბი, ბიბლიოთეკა.

ასეთია იმ კუთხეთა შესახებ ჩვენი ზოგადი დაკვირვებანი, სადაც შესაძლებლობა მოგვეცა ვყოფილიყავით.

საზოგადოდ, საქართველოს დღევანდელი სოფლის დასახლების ტიპისათვის დამახასიათებელია ძირეული ცვლილებები, რაც გარეგნულად კარმიდამოთა და ნაგებობების მოდერნიზაციაში გამოიხატება. საღირეტივო ორგანოების მიერ უკვე აღინიშნა, რომ ამ სათუთ საქმეში, უკანასკნელ ხანებამდე, განუყოფლობა და სტიქიურობა სუფევდა. ანგარიში არ ეწეოდა ტრადიციულად შემუშავებულ დასახლების სისტემას, რომელიც მოცემული რეგიონისათვის ყოველმხრივ შესაფერისი იყო. მართალია, სოციალურ ცვლილებებს სერიოზული კორექტივი შეაქვს მოსახლეობის განლაგების სტრუქტურაში, მაგრამ ბუნებრივი გარემო, ძირითადად, იგივე რჩება და

ამდენად წინაპართა გამოცდილებას სათანადო ანგარიში უნდა გაეწიოს. მით უმეტეს, საქართველოს ყველა კუთხეს დასახლების საკუთარი, ორიგინალური სტილი მოეპოვება, რომელიც ყოველგვარი ზედმეტობისაგან თავისუფალია. სწორედ ზედმეტობამ, კიჩმა, როგორც ვნახეთ, ბევრი ჩვენი სოფელი დაამახინჯა. ამ უცხო, ქართველი ხალხისათვის შეუფერებელ მოვლენას ხარკს უხდიან იოლი მონახვევით გამდიდრებული ელემენტები, რომელთაც ჩვეულებრივისაგან განსხვავების აღვირახსნილმა სურვილმა ბანალური გემოვნება განუვითარა. ფრიად სასიხარულო მოვლენაა, რომ დღეს მათ სიხარბეს და მსუყვე მისწრაფებას ზღვარი დაედო. ბუნებრივია, ქართული სოფელი ყოველგვარი კიჩისაგან უნდა განიწმინდოს, იგი უაღრესად თანამედროვე, ამასთანავე ტრადიციული, საკუთარი სახის მქონე — ეროვნული უნდა იყოს.



სოფლის სატკივარს ქალაქისაც უნდა მივუმატოთ. საერთოდ, საქართველოს ქალაქების ეთნოგრაფია ნაკლებად შეისწავლება. შორს ნუ წაველთ, ვილაპარაკოთ თბილისზე, რომელმაც ჩვენ თვალწინ დაკარგა ჩვეული მომხიბლაობა და ორიგინალობა. ნაკლებად იმისა, რომ მთელი უბნები და კვარტალები ეთნოგრაფიულ ნაკრძალებად გამოგვეცხადებინა (ამისათვის ხომ დროულად იღწვოდა აკად. ივ. ჭავჭავაძის) საფუძვლიანად დავანგრეთ ისინი. ას წელზე მეტი გავიდა, რაც თბილისის ისტორიასა და ეთნოგრაფიაზე დ. ბაქრაძისა და ნ. ბერძნიშვილის წიგნი გამოქვეყნდა. იმის შემდეგ თბილისის ისტორიის შესახებ ბევრი დაიწერა, ეთნოგრაფია კი თითქმის დავიწყებულ იქნა. პოეტ-აკადემიკოსი ი. გრიშაშვილის (ისიც ნაწილობრივ) და ზოგიერთი გამონაკლისის გარდა, ამ საქმისათვის ხელი არავის მოუკიდია. ახლა ამოდ დაეძებენ მწერლები, რეჟისორები, სცენარისტები, დრამატურგები, კომპოზიტორები, მხატვრები და სხვ. თბილისის გარდასული ყოფა-ცხოვრების ამსახველ ნაშრომებს. მაშინ, როდესაც საკმაო სამეცნიერო დაწესებულებანია ამ საქმისათვის მოწოდებული (თბილისის ისტორიულ-ეთნოგრაფიული მუზეუმი, საქართველოს ხალხური და გამოყენებითი ხელოვნების მუზეუმი, მეცნიერებათა აკადემიის შესაბამისი ინსტიტუტები, აკად. ს. ჭანაშვიას სახელობის საქართველოს სახელმწიფო მუზეუმი და სხვ.). ჩამოთვლილთაგან ბევრი მათგანი გატაცებულია არქეოლოგიით, ალბათ იმიტომ, რომ არქეოლოგია ეფექტურ, ხმაურიან აღმოჩენათა შესაძლებლობას იძლევა, ეთნოგრაფიას კი

და მოსახლეობისათვის ყუათიან, მაღალკალორიულ საქმელს იძლეოდნენ.

ნიადაგის დაცვა-გაპატივებისა და რწყვის ხალხური წესებიც [18] ანგარიშგასაწევია და სადღეისოდ გამოსაყენებელი. ხალხის მიერ ხანგრძლივი დაკვირვებით მიღებული შედეგების გაუთვალისწინებლად შეუძლებელია მთის საძოვრების რაციონალური ექსპლუატაცია. მხედველობაში გვაქვს მსხვილფეხა და წვრილფეხა საქონლის შერჩევითი ძოვება, ე. ი. საბალახოთა დანიშნულების მიხედვით ტრადიციული განაწილება [87], რაც დღეს დავიწყებულია. ასევე ითქმის თიბვისა და საკვების საზამთროდ დაუნჯების წესებზე-დაც და სხვა მრავალზე.

მაშასადამე, როცა რესპუბლიკის სოფლის მეურნეობის დარგების განლაგებისა და სპეციალიზაციის მოდელირების პრობლემებზე წყდება, სერიოზული ანგარიში უნდა გაეწიოს ეთნოგრაფიულ კვლევას.

კაპიტალისტური გარემოცვის მავნე ზეგავლენა კიჩის სახით ჩვენს ჯანსაღ ყოფაშიც შემოუნავს ხოლმე. ზოგიერთ მერყევ ელემენტში თავს იჩენს უცხოური მოდით გატაცება, სქესი, ნარკომანია ყოველივე ამას ჩვენი კომუნისტური იდოლოგიის გარდა, უნდა დავუბრისპიროთ ძველხალხური, საუკუნეებით შემოწმებული და გამობრძმედილი ტრადიციები.

არა მარტო ბუნების მშვენიერებით, ვაზის, ხილის, ხორბლის ჯიშების სიუხვით, არამედ ნაციონალური ტანსაცმლის მრავალფეროვნებით საქართველოს იშვიათად შეედრება რომელიმე ქვეყანა. და აი, რა ხდება, თაყვანს ვცემთ უცხოურ მოდას, ხოლო ქართული ტანსაცმელი, რომელიც ადამიანის ტანის სილამაზეს სრულყოფილად გადმოსცემდა, სრულიად დავიწყებული გვაქვს. რა თქმა უნდა, არ ვქადაგებთ ყველანი ჩოხა-ახალუხში გამოეწყონ, მაგრამ ხომ შეიძლება, რომ ხევისურული, ინგილოური, სვანური, მეგრული, აჭარული, რაჭული და სხვა კუთხეთა ნაირგვარი სამოსის ნიმუშების მიხედვით შევქმნათ თანამედროვე ტანსაცმელი, რომელიც წარმატებით გაუწევს მეტოქეობას უცხოურ ზიზილ-პიპილოებს.

ქართული ავეჯის დახვეწილი სტილი და მოხდენილობა მრავალ მოგზაურს აოცებდა. თვით მეფის მაღალი რანგის ჩინოვნიკი და მეცნიერი პარტოლომეი, რომელიც დიდმპყრობელური ზიზილით უყურებდა ადგილობრივ მცხოვრებლებს, ალტაცებას ვერ ფარავს სვანური საკურცხილების ხონჩა-ტაბაკების, სამამაცო ზკამების და საერთოდ სახლის მოწყობილობის გამო. ჩვენებური ფერზომიერი ხალიჩა-ფარდაგები, სირმა, ოქრომკედი, და ნაქარგობანი ხომ

მთელს წინა აზიაში პირველობდნენ. რად ვთქვით უარი ყოველივე ამაზე, რატომ ვეძალებით უცხოურ ავეჯს და ქსოვილებს. თუმცა ამასაც თავისი რეალური გამართლება აქვს, ჩვენი ფაბრიკა-ქარხნების ნაწარმი ხალხური სტანდარტების დონემდე, ჯერჯერობით, ვერ მალღდება, სახალხო ოსტატებს კი მუშაობის საშუალებას არ აძლევენ.

რატომ ავიღეთ ხელი ძველებურ დღეობა-კარნავალებზე (ბერიკაობა, ყვენობა და სხვ.), ვეროპული კაფე-რესტორნების ნაცვლად, რატომ გზას არ ვუბნით ქართულ ფუნდუქებს, სადაც დუდუქს დაუკრავენ, მწვანილს, ცოცხალს და ჭიქა ღვინოს მოგართმევენ.

მთელი ბულგარეთი დღესასწაულობს ვაზისა და ღვინის დღეს, ჩვენთან კი ამის მსგავსს ვერ შეხედებით, მაშინ როდესაც, ძველად საქართველოში ყველა ოჯახმა იცოდა „რთველისჩამოლოცვა“, „კალოკერობა“. ეს იყო მოსაელის მოწვევისა და დაბინავების დღეობა, სადაც აჯამებდნენ წლის ნაამაგარს, შრომის ნაყოფით ხარობდნენ და ზეიმობდნენ, აქებდნენ გამრჯე ადამიანებს, ქირდავდნენ და დასციროდნენ ზარმაკებს... ყოველივე ამას ღრმა აზრი ჰქონდა, კარგად ჩანდა ხალხის სიბრძნე და მიზანდასახულობა.

ნადი — მამითადი თავისი დამახასიათებელი სიმღერებითა და სიხალისით ხომ კოლექტიური შრომის აპოთეოზი იყო. ჩვენი ძეგლები შრომაში ხალისს ისეთივე მნიშვნელობას ანიჭებდნენ, როგორც წესიერ კვებას. მაგალითად, მესვეურად თოხნის, მკის, რთველის, ტეხა-კრეფის და სხვ. დროს იწვევდნენ კარგ მუშა. ენამახვილ ვაჟკაცს, რომელსაც სიტყვაც უპირიდა, სვეს გატანაც ემარჯვებოდა და მოლხენაც საუკეთესო იცოდა. მესვეური მხოლოდ მოწვეული უნდა ყოფილიყო (მასპინძლესათვის უხერხული იყო), იგი მუშებს საკუთარი მაგალითით აქეზებდა და ამხნევებდა. თუ ვინმე სიზარმაცის გამო ჩამორჩებოდა, გააქილიკებდა, ისარივით სტყორცნიდა ფრთიან, მსუსხავ სიტყვას. დროდადრო მუშაობის რიტმის გასაცხოველებლად სიმღერას დააგუგუნებდა და ნადს ორმაგ საქმეს აკეთებინებდა. საქართველოში ჯერ კიდევ გვყავს ასეთი მესვეურები. მაგრამ ვაი, რომ მათ ვერ ვაველენტ და ვერ ვიყენებთ. დასამალი არ არის, შრომის პროცესში დავიწყებული გვაქვს მორალურ-ესთეტიკური ფაქტორი. ხშირად მინახავს თავმჯდომარე ან ბრიგადირი, რომელიც კოლმეურნეს ემუქრება სამუშაოდ არ გამოხვალ საკარმიდამო ნაკვეთს ჩამოგართმევო, დამეთანხმებით ბევრი ვერაფერი წახალისებაა.

ზოგჯერ იფეთქებს კამპანია „ტრადიციული“ ტირილის ან ქორ-

წილის წინააღმდეგ. ეს ახალი მოვლენა არ არის, ვისაც XIX ს. საქართველოში გამოხუცილი პრესა გადაუფურცლავს, მსგავს პოლემიკას ხშირად შეხვდებოდა. მაშინაც და ახლაც იწუნებენ ამა თუ იმ ადათს, სამაგიეროდ გვთავაზობენ მზამზარეულ რეცეპტს — „ასე მოვიქცეთო!“ დაკვირვებამ დაგვარწმუნა, რომ რეცეპტი განზე რჩება, ცხოვრება კი თავისი გზით მიდის.

საზოგადოლო, ზედაპირული განსჯა ისეთი სერიოზული საყოფაცხოვრებო მოვლენების, როგორცაა ტირილი და ქორწილი, რომლებიც აჯამებენ ადამიანის ცხოვრების უმნიშვნელოვანეს ეტაპებს, ყოველად დაუშვებელია. საფუძვლიანი, ღრმა ანალიზი კი, ჯერჯერობით, არ ჩანს. ერთი რამ ნათელია, ქართულ ტირილსა და ქორწილში შემთხვევითობა გამორიცხებულია. იქ საუკუნეთა მანძილზეა გათვლილი და დაკანონებული ყოველივე. ხარჯიდან მოყოლებული ჩქოლა ხის მოჭრის ჩვეულებამდე, ყველაფერს თავისი საფუძველი და გამართლება აქვს. აქედან გამომდინარე, საჭიროა ჯერ შევისწავლოთ, ჩავწვდეთ, ავხსნათ ესა თუ ის წესი და მერე დავგმოთ, თორემ ტრადიციის ხელაღებით უარყოფას ხანდახან სავალალო შედეგი მოაქვს. მაგალითად, მოკამათეთა გულისწყრომას იწვევს ტირილსა და ქორწილში გაწეული „უაზრო ხარჯები“, რომელიც „მძიმე ტვირთად აწვება ოჯახს“. მართალია, აქ, ერთი შეხედვით, თითქოს საკამათო არაფერია, მაგრამ ეს ხარჯები მართლა უაზროა? პირიქით, „აზრიანობას“ და მორალურ კოდექსს ეწირებოდა აურაცხელი ნივთიერი საფასური. ხალხი მატერიალურს თმობდა, რათა სულიერ სფეროში მოეგო. ადამიანის გარდაცვალების ან ახალი ოჯახის შექმნა — ეს განსაკუთრებული ფსიქოლოგიური აქტია და მისი გაუბრალოება გამოუსწორებელ სულიერ ზარალს იწვევს. უნდა ვალია როთ, რომ ამ ორ უმნიშვნელოვანეს მოვლენასთან დაკავშირებით, ეკლესიის მიერ შემუშავებული ნორმები კვლავ უპირატესობას ინარჩუნებს. კარგა ხანია მმაჩის ბიუროების ნაცვლად ქორწინების სახლები მოქმედებენ (ჯერჯერობით მხოლოდ დედაქალაქსა და ზოგიერთ დიდ ქალაქში), მაგრამ უკვე აქაც იჩინა თავი ტრაფარეტულმა ერთფეროვნებამ, არაფრისმთქმელმა, მოსაწყენმა ცერემონიალმა. ამის გამო, შემთხვევითი არ არის, რომ ქორწინების სახლის შემდეგ, ახლადშეუღლებული წყვილები ეკლესიას მიაშურებენ ხოლმე. ეკლესიაზე უპირატესობის მოპოვებას მაშინ შევძლებთ, თუ მის აქსესუარებს და რიტუალებს დავჯაბნით, მოვერევით და უფრო მიმზიდველ, უფრო მომხიბვლელ ცერემონიალს შევქმნით.

ხშირად ვახსენებთ „წარსულის მავნე გადმონაშთებს“, მაგრამ თვით ბუნება გადმონაშთებისა ამომწურავად გარკვეული არ

გვაქვს. ზოგჯერ ის, რაც წარსულის გადმონაშთებად მიგვაჩნია, არცთუ დიდი ხნის წინათ, ჩვენს წიაღშია წარმოშობილი. სამაგალითოდ ავიღოთ მომხვეჭელობა, სპეკულაცია, ლოთობა და ხელიგნობა. ძნელია ზუსტად განისაზღვროს კაცობრიობამ ეს მანკიერებანი სად და როდის შეიძინა, მაგრამ ერთი რამ ცხადია — არც ერთი მათგანი ქართველი ხალხისათვის ტიპური, ტრადიციული არ არის, ისინი შემდგომ, უპირატესად ზედათენის მიერაა შეთვისებული და მათი შანთით ამოწვა თუ გვინდა, ჭერ ფესვებს უნდა მივავნოთ, რადგან ავთვისებიანი სიმსივნის ზედაპირულ მკურნალობას აზრი არა აქვს.

არცთუ იშვიათად, ყოველდღიურ პრესაში გამოჟონავს ხოლმე — სევანეთსა და ხევსურეთში სისხლის აღებას, ქალების მოტაცებას და მისთანათ კიდევ აქვს ადგილიო. დიახ, ცალკეული მახინჯი ფაქტი თუ საქართველოს მთაში მოხდა, მაშინვე წინაისტორიული ხანა გვახსენდება, ხოლო დედაქალაქში ფიქსირებულ მსგავს შემთხვევას ასეთ „მალალმეცნიერულ დონეზე“ ვეღარ ვანზოგადებთ. ყოველივე ეს სათავეს კავკასიის ხალხების ჩამორჩენილობის დრომოკმულ თეორიებში ჰპოვებს, რაც ყოვლად მიუღებელია თანამედროვე მარქსისტულ-ლენინური მეცნიერებისათვის.

მხედველობიდან გვაქვს გამორჩენილი ეთნოგრაფიის უტილიტარული მხარე. ამერიკის შეერთებულ შტატებში, ჭერ კიდევ XIX ს. მეორე ნახევარში ეთნოგრაფიას პრაქტიკული მიზნებისათვის იყენებდნენ, სახელდობრ, სამრეწველო-საეაჭრო ფირმებს ჰქონდათ საგანგებო სამეცნიერო-კვლევითი ბიუროები, რომლებიც სწავლობდნენ მომხმარებელთა გემოვნებას და სურვილებს, რის შედეგადაც მეცნიერულ მონაცემებზე დაყრდნობით საქონლის რეალიზაციას გამიზნულად, წარმატებით ეწეოდნენ. მაშასადამე, ეთნოგრაფიის გამოყენება სახელმწიფო ვაჭრობაშიც შეიძლება, თუ სათანადო მომზადების კადრი გვეყოლება, რომელიც დაადგენს, ვთქვათ, რა ფერისა და მოდის ტანსაცმელი, ჭსოვილები, ფეხსაცმელი, სურსათი, ავეჯი, საამშენებლო მასალები, რკინა-კავეული, წიგნები, კულტსაქონელი და ა. შ. მოსწონს ამა თუ იმ რეგიონის მოსახლეობას. მაშინ მაღაზიებში გაუყიდავი საქონელი აღარ დაგროვდება.

ეთნოგრაფიის გამოყენება აუცილებელი გახდა მედიცინაშიც. აღარას ვამბობთ ძველხალხურ რაციონალურ მკურნალობის უეჭველ სიკეთეზე, მხოლოდ მკითხველს მოვავაგონებთ იმ ფაქტს, რომ შეუძლებელია განსაკუთრებით საშიშ დაავადებათა პროფილაქტიკა და

დამარცხება, თუ მაქსიმალურად არ შევისწავლით ცალკეული ხალხების ცხოვრების ნიჩს, ზნე-ჩვეულებებს. აქედან გამომდინარე, ძალაუვნებურად ასპარეზი ეხსნება მეცნიერების ახალ დარგს სამედიცინო ეთნოგრაფიას.

რა გექონდა ძველად და რა გამოდგება დღეს — აი, უპირველესი პრობლემა, რომელიც უნდა გადაწყვიტოს ქართულმა ეთნოგრაფიამ. ეს შეეხება როგორც მატერიალური, ისე სულიერი კულტურის ყველა სფეროს. ეთნოგრაფიული მეცნიერება ახალ ყოფას უნდა სწავლობდეს ძველთან მოუწყვეტლივ, მასთან მჭიდრო კავშირში. ეთნოგრაფიული თემისათვის მიჯნად რომელიმე თარიღი არ გამოდგება, ისევე როგორც ენათმეცნიერების, ფიზიკის, მათემატიკის ან ქიმიისათვის.

სუბიექტივიზმისა და ვოლუნტარიზმის პერიოდში ახალი ყოფის შესწავლის მანე პრაქტიკა დამკვიდრდა, ეთნოგრაფები იძულებულნი იყვნენ ზერელედ, მათეზლობისა და ნაკლოვანი მხარეების მიჩქმალვის გზით წარმოეჩინათ რომელიმე კოლმეურნეობის ან საწარმოს ყოფა. ასეთი ნაშრომის საზეიმო, პათეტიკური ტონი და მეცნიერული უსუსურობა იმთავითვე გახდა ცნობილი. ქართული საბჭოთა ეთნოგრაფიისათვის ეს უკვე განვლილი ეტაპია და, ბუნებრივია, მას აღარავინ დაუბრუნდება, როგორც ამას ზოგიერთი მოითხოვს.

დიახ, ჩვენ უნდა შევისწავლოთ საბჭოთა საქართველოს სისხლსავსე ცხოვრება, მრავალფეროვანი ყოფა და კულტურა, ფაბრიკები, ქარხნები, საბჭოთა მეურნეობები, კოლმეურნეობები, ოღონდ არა მარტო მოწინავენი, არამედ ჩამორჩენილებიც. მე ვიტყვოდი, უპირველეს ყოვლისა, ჩამორჩენილებს უნდა მივაშუროთ, რათა ჩავწვდეთ ნაკლოვანებათა მიზეზებს და მათი აღმოფხვრისათვის სათანადო რეკომენდაციები შევიმუშავოთ.

§ 2. ნიადაგის ღაცვის ხალხური საშუალებანი

ასე ამბობენ თმაშევერცხლილი გუთნისდედანი და მეკენახენი: თუ მიწა არ გიყვარს და მას თვალისჩინივით არ უფრთხილდები, თვალსა და ხელს შუა გაგეპარება, მშიერს დაგტოვებს და სიცოცხლეს სანანებლად გაგიჩდის. მიწა პურ-ღვინო არ არის, მაგრამ ორივეს მომცემია. მიწას ენა რომ ჰქონდეს კაცს ეტყოდა: შემინახავ? შეგიინახავო! მიწაა ჩვენი სიმდიდრე, მარჩენალი და სავანე.

ბუნების დაცვა კაცობრიობის გლობალურ პრობლემად იქცა-

დედამიწას და ატმოსფეროს მოვლა-პატრონობა სჭირდება. მითუმეტეს ახლა, მიცნიერულ-ტექნიკური რევოლუციის ეპოქაში. ზოზოგიერთ ქვეყანაში ჟანგბადის შიმშილი დაიწყო. ინტენსიურად ნაღჯურდება ტყის საფარველი, რაც არა მარტო ჟანგბადის, არამედ წყლის ნაკლებობასაც იწვევს. მასიურად იხრამება და იფიტება ნიადაგები, ამიტომ დღეს წყლისმიერი და ქარისმიერი ეროზიის წინააღმდეგ ბრძოლა საერთო-საზღაბო საქმედ იქცა. 1958 წ. 23 ნოემბერს საქართველოს სსრ მინისტრთა საბჭომ, ერთ-ერთმა პირველმა საბჭოთა კავშირში, მიიღო კანონი „ბუნების დაცვის შესახებ“. აღსანიშნავია აგრეთვე დადგენილებანი: სახელმწიფო მინდორსაცავი ტყის ზოლების გაშენებისა და „რესპუბლიკაში ქარისმიერი და წყლისმიერი ეროზიისაგან ნიადაგის დაცვის გადართულ ღონისძიებათა შესახებ“ (1967 წლის 6 ივლისი). უდიდესი მნიშვნელობა ენიჭება 1973 წ. ივნისის საქართველოს კომპარტიის ცენტრალური კომიტეტისა და საქართველოს სსრ მინისტრთა საბჭოს ერთობლივ დადგენილებას „ბუნების დაცვის გაძლიერებისა და ბუნებრივი რესურსების გამოყენების გაუმჯობესების შესახებ“, სადაც რესპუბლიკის ბუნების დაცვა-გაჯანსაღებისათვის გრანდიოზული პროგრამაა დასახული. ამ მიმართებით. თანამედროვე მეცნიერული კვლევის შედეგების ცხოვრებაში დანერგვასთან ერთად, მეტად ფასეულია ხალხის მრავალსაუკუნოვანი საწარმოო პრაქტიკა, მეტადრე მთიან რაიონებში მოპოვებული ეთნოგრაფიული მასალა. რთულა, დანაწევრებული რელიეფი ხომ უხსოვარი დროიდან აიძულებდა ქართველ მთიელს მაღალი სამწიფათმოქმედო ტექნიკა ჰქონოდა და ამასთანავე ნიადაგის დაცვის ეფექტური სისტემა შეემუშავებინა.

ვისაც მესხეთი მოუვლია და იქაური „ოროკოები“ უნახავს, ადვილად დარწმუნდება, თუ რა დონეზე იდგა „შვეტი“ — ძლიერ დაქანებული ფერდობების გამოყენება [10]. მართალია, ასეთი კლასიკური სახით, ჩვენი ეკუენის სხვა კუთხეებში ტერასული მეურნობის ნაშთები ამჟამად არ გვხვდება (გამონაკლისია ატენის ბეობა, სადაც ჭერ კიდევ ცოცხალია დატერასების მაღალი ხელოვნება), მაგრამ ფერდობის ათვისებისა და დაცვის სხვადასხვაგვარა ზერხები საქართველოს ოთქმის ყველა თემშია შემონახული [94: 55: 18: 62; 103]. მიუხედავად დიდი პრაქტიკული მნიშვნელობისა, ეს საკითხი, ჭერჭერობით, ნაკლებად შესწავლილია.

შესაძლებლობა გვექონდა ნიადაგის დაცვის ხალხურ საშუალებებზე დაკვირვება გვეწარმოებინა რაქა-ლეჩხუმში, ქვემო სვანეთსა და გურიასში, აქ სწორედ ამ ნაკლებად ცნობილ მასალას მო-

ვიტანთ, მითუმეტეს ეს საჭიროა, რადგან ფერდობის ექსპლუატაციის ძველ წესებს ცხოვრებაში ახლა ნაკლებად იყენებენ. მკვლევარი პ. ჯაფარიძე გულისტყვილით აღნიშნავს: რაჭაში „ვენახები უმთავრესად გაშენებულია დაქანებულ და ძლიერ დაქანებულ (ციცაბო) ადგილებზე, არ არის გამოქენებული ტერასები, ჭებირები და წვიმის დროს მოვარდნილი წყლების ასაქცევი თხრილები. ამ მიზნით ეროზიის გავლენას განიცდის როგორც გაშენებული, ისე სხვა ფართობიც“ [125]. სწორედ ამის შედეგად რაჭაში ბევრი ვენახია გამოფიტულ-დაკნინებული. რატომღაც თავის დროზე არ იქნა გათვალისწინებული, რომ მიწის პლანტაჟი ციცაბო ადგილზე დაუშვებელია. ჭერ კიდევ 1913 წ. გაქართველებული ფრანგი აგრონომი ემილ ჟანი რაჭველ და ლეჩხუმელ მევენახეებს უჩრევდა: „იქ სადაც ძალიანი ფერდობების გამო შეიძლება მიწის ჩამოცურება, ვაზი (ოგულისხმება ნამყენი ლ. ფ.) უნდა ორმოებში ან თხრილებში იქნას ჩარგული“ [65], ოღონდ საჭიროა სავენახე ადგილი წინასწარ გაიწმინდოს, გადაიბაროს და დააკალვა აუცილებლად სიმალღეზე — „ეკრად“ მოხდეს. ამგვარად, სწავლული აგრონომი დაქანებულ ფერდობზე ნამყენი ვაზის გაშენებას ხალხური მეთოდით ამჯობინებდა. აღსანიშნავია ის ფაქტი, რომ ვენახი, მეტადრე თუ ის ძველი წესით იყო გაშენებული, ციცაბო ჩამორცხვა-გამოფიტვისაგან იცავდა [119; 306; 127].

ვაზის გაშენების გარდა, რაჭა-ლეჩხუმსა და ქვემო სვანეთში ფერდობის დაცვის სხვა ეფექტური საშუალებანიც დადასტურდა, სახელდობრ მოზვიწვა-დაკაბდობა, დაჭებირება, შეყორვა, დალატვხა-დაროცევა-დაგლანვა-დაბოგვა-დაბიგვა, დაღობურება, დაჭარჯვა, დაკვალვა — წყალსაყარების-საღვარეების და საწრეტების მოწყობა, მიწის ჩანაცვლება-ჩაბრუნება, ხენისა და თოხნის თავისებურება, დანიხვა, ბეგების (აჭეების) გაშვება, ტყე-ბუჩქნარისა და საბელავეების გაშენება, ვაზისა და ნათესების მიერ ნიადაგის დაცვა, კარისა და როყნალის გამოსახმარისება.

მოზვიწვა-დაკაბდობა. ფერდობის ხელოვნურ დაკვებას და უსწორმასწორო ადგილების გასწორებას რაჭაში „მოზვიწვა“ ეწოდება (შდრ. იმერული „მიწის მოკავება“) [40,102]. ამავე მნიშვნელობით ხმარობენ ლეჩხუმში „დაკაბტობას“. „კაბტო“ (კაბდო) ხარებშესაბმელი მიწის მოსასწორებელი იარაღია. კაბდოთი უმეტესად ავაკებდნენ ეზოებსა, კალოებს და თუ ჭაჭიროება მოითხოვდა სავენახესაც. ეს საქმიანობა მეტად შრომატევადი, რთული და თავისებურია; ამიტომ ცალკე, სპეციალურ განხილვას საჭიროებს, მითუმეტეს, აღნიშნულ კუთხეთა კარმიდამოების მნიშ-

გნელოვანი ნაწილი ხელოვნურ ტერასებზეა დაფუძნებული. უწინ ხომ სამამულედ და სახნავ-სათესად ვარგის მიწას დასასახლებლად არ იმეტებდნენ, ქვიან და ხრიოკ ნაკვეთებს, საარაკო შრომის შედეგად „გამოასახმარისებდნენ“ და სამოსახლოდ აქცევდნენ.

დაჯებირება. ლეჩხუმში ტერამინი „დაჯებირება“ დატერასების მნიშვნელობით დავადასტურეთ, მას განმაზოგადებელი ზაქიათი აქვს და მიწისა და წყლის დამაგრების ყველა ხელოვნური საშუალების აღმნიშვნელადაც იხმარება.

ტერასები ისეთი გამოკვეთილი სახით, როგორც მესხეთშია, ამჟამად ჩვენს საკვლევ რეგიონში არ მოიპოვება, მაგრამ მათი ევალი აშკარად ჩანს სოფ. ლევდში. ხელოვნური ტერასები ქვემო სვანეთში, ჩოლურის თემშიც ყოფილა, აღ. დოღუშინი წერს: „ადგილ-ადგილ ვიწრო ხეობა, რომელზედაც ჩვენი გზა გადიოდა, ფართოვდებოდა და თვალწინ იშლებოდა ერთ ვერსამდე ჰიკრძის მცირე ველი. ასეთ ველზე განლაგებულია სოფლები. რომელთაც უშუალოდ ეკვრის ხნული. ჩვენ ფრიად გოცებულნი დავრჩით, როცა შევამჩნიეთ, რომ ველის ორივე მხარე ასეთ ადგილებში ძალიან სწორ ტერასებად ეშვება და ყოველი ტერასის კრილი საგულდაგულოდაა ქვით ამოშენებული. ჩვენმა გაცვიფრებამ უკიდურეს საზღვარს მიაღწია, როდესაც გავიგეთ, რომ ყველა ეს ტერასა ხელოვნურია. ეზიდებიან მიწას და ფერდობები, რომლებიც წინათ არც ერთი კულტურისათვის არ ვარგოდა საუკეთესო საყანედ გარდაიქმნა, რომელზედაც თესავენ სიმინდს, ფეტვს, ხორბალს. უფრო მაღლა კალთებზე კი — ქერს და ჭვავს“ [133, 146-7].

ჩოლურის თემის სოფლებში, კერძოდ ზულეშსა და მუწუდში ძველი ტერასები ახლაც შეიმჩნევა. ხელოვნურად დავაკებულ ადგილს ქვემო სვანეთში „ჟილნაკე“ ეწოდება. იქ „ჟილნაკეზე“ ფერდობი სოფლების სამოსახლოთა უმრავლესობა, ასევეა რაქალეჩხუმშიც, მაგრამ სახნავად და სავენახედ მიწის დატეოასება ამჟამად არც ერთ კუთხეში არ დასტურდება. ძველიც მოუვლელია და მხოლოდ გამოცდილი თვალი თუ მიაგნებს მათ ნაშთებს. დასამალი არ არის, რომ, ჯერჯერობით, საკოლმეურნეო სავარგულების მოვლას, მიუხედავად მთავრობის საგანგებო დადგენილებებისა, ნაკლები ყურადღება ექცევა.

ძლიერ დამრეცი ჭვარდობის, ანუ ლეჩხუმური გამოთქმით, „რიცეს“ დაცვის გარდა, დაჯებირებას ფართოდ იყენებდნენ ლელებისა და მდინარეების ასალაგმავად. იქ, სადაც ნაპირს „შინივი“ (წყლის მთავარი ტალღა) სცემდა და მიწა მიჰქონდა, ჯებირა ჩაუდგამდნენ. ჯებირი ან წნული ლობისა ან „ყურე-ამოყვანი-

ლი — დაქილიკებული როკებისა“, ღიობს, ჩვეულებრივ, რიყის ქვებით ამოუყორავდნენ. ჳებირებით ზოგჯერ მდინარეს მთლად უცვლიდნენ კალაპოტს, თაეისუფალი რიყე დროთა განმავლობაში „გადამიწდებოდა“, „გაბალახდებოდა“, თხმელნარით, ეკალ-ბარ-დებით შეიმოსებოდა, მერე უსარგებლო „ძეგვებს“ გაკათავდნენ, თხმელის ხეებს შერჩევით დატოვებდნენ, ეაზს მიურგავდნენ და ასე გაშენდებოდა დობირო, სწორედ ასეთი დობირო უნახავს სოფ. ჩხუტელში, ცხენისწყლის პირას, ა. იაკოვლევს, რომელსაც საკ-მაროდ დაწვრილებით აღწერს.

შეყორვა. ყორე“ ანუ „ნაშენი“, სვანურად „კვილა“ კარნიდამოს მოზლუდვსა და ნიადაგის დამაგრების გავრცელე-ბული საშუალებაა. „ნამუშევარი მიწის“ ძირს დაწვევის შემთხვე-ვაში, მთელ სიგრძეზე „სანაშენე ბალავერს“ ამოჭრიან და ყორეს გააკეთებენ. ერთ სავარგულში, საქიროების დროს, შეიძლება ერ-თმანეთის პარალელური რამდენიმე ყორე ააშენონ, მაგრამ ფერ-დობის ხელოვნურ გავაკებას არ მიმართავენ. მშრალად ნაგები ქვა მიწისქვეშა წყლებს სადინარს აძლევს და ნიადაგს ჩამოშლისაგან იცავს. სწორად უთქვამს ხალხს: „ყორიფელს უნდა მულამი, ვინ ნახა ყორეს დულაბი“.

დალატენა - დაროკვა - დაგლანვა - დაბოგჯა - დაბიგვა. შეყორვას ზოგჯერ „დალატენით“ სცვლიან. ყო-რე დიდ შრომას და ხარჯებს მოითხოვს, ამიტომ „დარაყულ ნა-მუშევარ მიწას“ ხანდახან, როგორც დროებით საშუალებას, „ლატ-ნებს“ შეაშველებენ“. ლატნები გრძელი, „სორსალი“ ხეებია.

ლეჩხუმში „როკი“, „გლანი“, „ბოგი“, „ბიგი“ ეწოდება ზო-მაზე დაჭრილ ლატანს, რომელსაც „ქანობის სამაგრად“ ხმარობენ. როკები ფერდობის მთელ სიგრძეზე პორიზონტალურ რიგებად არის განლაგებული და პალოებით ჩამაგრებული [103, 108]. რიგ-თა შორის მანძილს ფერდობის დაქანების ხარისხი განსაზღვრავს. რაც უფრო ციცაბოა „რიცე“ მით უფრო ახლო-ახლოსაა „რო-კების შარები“, საშუალოდ ორი მეტრიდან ათ მეტრამდე.

„მიწის დაროკვა“ ფართოდ იყო გავრცელებული ლეჩხუმში, როგორც სახნავი ადგილების, ისე ეზოების „დასაკავებლად“, ხო-ლო ვენახებში არ დაგვიდასტურებია. დაროკვის ნაშთები ამჟამად შენარჩუნებულაა. ზემო ონკეიში ადგილ „ატმანში“, სოფელ ბენთქოულასა და ოფიტარაში.

გლანებით აკავებდნენ აგრეთვე დამრეც გზებსაც. „დაგლა-ნული გზეცი“ სოფ. ორბელში (ცაგერის რაიონი) გლოლასა და ხირხონისში (ონის რაიონი) დღესაც არის.

დალობურება. ნიალვარიანგან გაჩენილ ხრამებს „დალო-
ბურებენ“, ე. ი. რამდენიმე ადგილას, ერთმანეთის გასწვრივ,
მარგილებს ჩაასობენ და ამოლობავენ. ავდრის შემთხვევაში ლო-
ბე წყალს საშუალებას არ მისცემს ჩამონარეცხი წაილოს, ხრამი
ნელნელა ივსება და თავისთავად სწორდება. ხშირად სარები ტი-
რითის ან ვერხვისაა, ისინი ადვილად ხარობენ და საბელავ ხე-
ბად იქცევიან.

„დალობურება“ ვენახშიც იცაან. ეთნოგრაფ ნ. რეხვიაშვილს
ქველეველ (ზემო რაჭა) მევენახეთაგან ჩაუწერია: „შარებ შუა
პატარა ლობურებს გავაყოლებთ, წყალმა რომ არ ჩამოთხნოკოს“
[89,54]. საჭიროების დროს, ლობურებს „ფხნეკზე“ გაშენებულ
ვაზის ძირებსაც უკეთებდნენ.

დაჯარჯვა. ადგილის დახრამებისას, ხრამის სათავესთან
და კალაპოტში ჯარჯებს ჩაყრიდნენ და სარებით დაამაგრებდნენ.
საჯარჯე მასალად წალამს და ტყის ნაკათს იყენებდნენ. ახოვებში
ქველად მიწის დაკავება ფიჩხის კონებითაც იცოდნენ. ჯარჯებით
ამაგრებდნენ აგრეთვე „ნაშვავ“ ადგილებს ნამეწყარ გზებს და სხვ.

დაჯარჯვა ეწოდება ციცაბო ფერდობზე გაშენებული ვაზის
ძირების ერთ გონებამახვილურ საშუალებას: წალმის პატარ-პა-
ტარა კონებს შეკრავენ დ თითოეულ მათგანს ვაზის ძირთან, ქვე-
და მხრიდან პალოებით ჩაამაგრებენ. კონა მიწას იჭერს და ფესვებს
გაშიშვლებისაგან იცავს. „ვაზების დაჯარჯვა“ უკანასკნელ ხანე-
ბამდე სოფ. ჩორჯოში იყო შემორჩენილი.

დაკვალვა — წყალსაყარების-საღვარე-
ების და საწრეტების მოწყობა. დაკვალვა ნიალვართან
ბრძოლის ეფექტური საშუალებაა. მთხრობელთა ხატოვანი თქმით,
„როცე საღვარეებით უნდა იყოს დალიანდაგებული“. ისეთ ად-
ვალს, სადაც ავდრის შემთხვევაში ღვარცოფების გაჩენაა მოსა-
ლოდნელი, გაჭრიან მოზრდილ არხს, ე. წ. „წყალსაყარს“, რომე-
ლიც კარმიდამოს, ყანას თუ ვენახს საიმედოდ იცავს. მას ჩვეულებ-
რივ საღვრები უერთდება, ამ უკანასკნელთ კი საწრეტები კვე-
ბავს. მათი განლაგება ადგილის თავისებურებაზეა დამოკიდებუ-
ლი. მეურნე თვალდათვალ ატყობს „საითკენ მიდის საწვეთელი“
და საწრეტებიც იმის მიხედვით გაჰყავს. საერთოდ, წყალსაყარებ-
სა და საღვარეებს ადგილის განაპირას აკეთებენ, ხოლო კვლებს
ყანა-ვენახის შიგნითაც შეხვდებით.

მეწის ჩანაცვლება - ჩაბრუნება. მიღებული ზო-
მების მიუხედავად დამრეცი ნიაღაგი მაინც ცვლება, მიწა ქვემოთ
იწევს და ვენახის თავში „ბრეკები“ ჩნდება, ვაზებს კი ფესვება

უშიშვლდება. სწორედ ასეთ შემთხვევაში არის აუცილებელი მიწის ჩანაცვლება-ჩაბრუნება. „ბრეკებს მოწვდიან“ და ვაზებს შორის გაშლიან. თუ შესაძლებლობაა მიწას ზემოთ მდებარე ტყიდან და — „უჟიდანაც“ (კორდი, ყამირილ. ლ. ფ.) ჩამოსწევინ.

მიწის ჩანაცვლება ფერდობი ყანებისთვისაც აუცილებელი იყო. ამასთან დაკავშირებით სვანეთის სიძველეების კარგმა მკოდნემ, მხცოვანმა პედაგოგმა სპირიდონ ონიანმა გადმოგვცა: „სოფ. ჯახუნდერში ვაკეყანა ჰქონდა სპირიდონ გაგანს, მას გრიგოლ ონიანის ფერდი ყანა ებმოდა. დროდადრო გრიგოლს მოცვეთილ ყანაში მიწა, რომ ჩაენაცვლებია, სპირიდონისაგან იყიდა ორი საჯიბი სიგანას ადგილი, ორმაგი ფასი მისცა. იქედან ჯოველ ხუთ წელიწადში გრიგოლი მიწას ჩამოსწევდა და გეარაიან მოსავალს იღებდა“.

ხ ვ ნ ი ს ა და თ ო ხ ნ ი ს თ ა ვ ი ს ე ბ უ რ ე ბ ა. ფერდობზე ხვნის თავისებურებანი ქართველ ეთნოგრაფებს საგანგებოდ აქვო შესწავლილი [123] და ამ საკითხზე სიტყვას არ გავაგრძელებთ, მხოლოდ მოვიყვანო ერთ დამახასიათებელ მაგალითს: სოფელი მეორე ტოლის (ამბროლაურის რაიონი) ზედა უბნებს „ქედი“ და „სატყი“ ეწოდება. ისინი ადრე შემნიდერეობის ბრიგადაში იყვნენ გაერთიანებულნი, ხოლო ქვედა, „ქალის“ უბნელები — მევენახეობის ბრიგადაში. მერე ბრიგადების ასეთი დასპეციალება მოიშალა და ყანა-ვენახი სამუშაოდ ყველას თანაბრად გაუნაწილდა. ქვემოურებს ხვდათ „საფაფის“ ყანები, რომელსაც ადრე ქედელები და სატყელები ამუშავებდნენ. 1946 წ. გაზაფხულზე, საფაფიაში სახნავად ქვედა უბნელი ახალგაზრდები წავიდნენ. მათ იცოდნენ, რომ ქედისა და სატყის მცხოვრებნი „ფხნეკ“ ადგილებს უცნაურად, ხარვეზებით ხნავდნენ: ორ კვალს რომ გაავლებდნენ, მესამეს დაუხნავს ტოვებდნენ, რაც უფრო დაქანებული იყო ფერდობი, დაუხნავი ადგილის სიდიდეს მით უფრო ზრდიდნენ. გამოუცდელ ახალგაზრდებს უფიქრიათ მიწა რად მოვაცდინოთ, მიმდგარან და პირწმინდად დაუხნავთ. ამას სავალალო შედეგი მოჰყვა, საფაფიის ყანები პირველი, ძლიერი წვიმისთანავე ჩამოირეცხა და იქ ახლა უნაყოფო ხრიოკებია.

მეურნე ციცაბოზე გაშენებულ ვენახს განსაკუთრებული გულისყურით „ხელამოდ“ ამუშავებდა. ერიდებოდა ნადის მოწვევას, ცდილობდა თვითონ დაებარა და გაეთოხნა. რაც შეიძლება პატარა ბელტებს აბრუნებდა და „თავისსავე ნაღგომში აწვენდა“. იქნის ისე შემოუთოხნიდა, რომ ქვედა მხარეზე ბევრი მიწა დარ-

ჩენოდა. გარდა ამისა, მეურნეს „სალეარო კვლეზი“ ხშირად უნდა გაეწმინდა.

საერთოდ, სახენელით მუშაობას „რიცეზე“ ერიდებოდნენ! და მის თოხით დამუშავებას ამჯობინებდნენ, მაგრამ, როგორც ვნახეთ, თოხის გამოყენებაშიც ზომიერება იყო საჭირო. თოხნა ჩვეულებრივ ქვემოდან ზემოთ წარმოებს, ზოგიერთა მეურნე, მიწა ძირს რომ არ დაწეულიყო, მუშაობის სირთულის მიუხედავად, ფერდობს განზე თოხნიდა. ქვემო სვანეთში ახლაც ყვებიან საინტერესო გადმოცემას, ჩოლურის მებატონე გერგ გარდაფხადის ერთი ახირებული სიმკაცრის გამო. გერგს ყმებად ჰყოლია ხაბულიანები, მუკბანიანები ზურაბიანები, ლიპარტელიანები, ბაბლუიანები და სხვ. მათ თურმე დაქანებული ფერდობი „ტერნი გოლაი“ გააკაფვინა და დაამუშავებინა, თან უბრძანა: „ყოველთვის თავდაღმა (უკულმა) იმუშავეთო, არ ვნახოთ თოხი ზევით, წაღმა დაარტყათო!“.

მოყურიადღედ მოურავი მიუჩინა და ვაი მისი ბრალი, ვინც ბატონის ბრძანებას გადავიდოდა. გაუჭირდათ გლეხებს; სასხლო თავში აწვებოდათ და არაქათი ეცლებოდათ. ბატონმა ამბის გასაგებად დიაკონი გაგზავნა:

— „ყური დაუგდე რას ამბობენ ჩემზეო!“

გლეხებმა მსტოვრის მოსვლა იგრძნეს, განგებ გამხიარულდნენ და ხმამალა იწყეს ლაპარაკი:

— „ამენდა ჩვენი ბატონის ოჯახი, ეს რა კარგ წესზე მოგონა მუშაობა, ქვები ფეხებში არ გვხვდება, არც სილა და მტვერი გვაწუხებსო!“

როცა გერგიმ თავისი ყმების ასეთი „კმაყოფილება“ შეიტყო ფიცხლად ბრძანა:

— „წაღმა თოხნონ, უკულმა მუშაობა რას მიქვიანო!“

თავდაღმა თოხნა მთლად ახირების გამო არ უნდა იყოს მოგონილი. საფიქრებელია, რომ ბატონი ზემოდან ქვემოდ თოხნით უთვნილ ფერდობს გამოფიტვისაგან იცავდა, ყმების წყალება კი არაფრად მიაჩნდა.

დ ა ნ ი ხ ვ ა. ზენის დაწყებაჲდ გეთნისდეღა ყანას წინააწარ „დანიხავდა“, ე. ი. სახენელით დაკვალავდა. კვლებს შორის მოქცეულ ადგილს „ნიხა“ ეწოდება. შემოდგომაზე, მოსავლის აღების შემდეგ ფერდობი ყანის ჰორიზონტალურად დანიხვა იცოდნენ. „ნიხა-ნიხა“ — ერთმანეთის პარაპლერულად (გავლებული კვლები ნიადაგს ჩამორეცხვისაგან იცავდა, თან თოვლის წყალს და პატივის „მოღავს“ (სიმსუქნეს) უკეთ ისრუტავდა.

ბეგების (აჭეების) გაშეება. კრეულ ფერდობზე, ჯანივად 3—4 მ სიფართის მონაკვეთს არ დაამუშავებდნენ და ზედ ყანაში მოკრებილ ქვალორლს მიაყრიდნენ. ასე წარმოიშობოდა „ხვილა“ (ამ შემთხვევაში „ხვილა“ ნაყარი ქვების გროვას აღნიშნავს და მას რაჭა-ლეჩხუმში, ყორიდან განსხვავებით, ასეთი მნიშვნელობით ხმარობენ). ხვილა დროთა განმავლობაში „გაბალახდებოდა“, ბუჩქნარით დაიფარებოდა და „ბეგად“ (რაჭ.) — „აჭედ“ (ლეჩხ.) იქცეოდა. გრძელ „რიცეზე“ რამდენიმე ასეთი ზეგი იყო დატოვებული. მსგავსი საშუალებით ნიადაგის დაცვა აკად. ნ. კეცხოველი მალალ შეფასებას აძლევს: „ზოგან... ნაკლები დაქანების ფერდობზე დღესაცაა მთის მეურნეობის თავისებური წესი. მიწა ფერდობის გარდიგარდმო გადახსულია 15—16 ზ. სიგანეზე, შემდეგ 3—5 მ სიგანის ბუჩქნარია დატოვებული. ამის შემდეგ კვლავ მოხსულია 15—25 მ სიგანეზე და კვლავ დატოვებულია მალალმოზარდი ხეების ზოლი. ამგვარად, იქმნებოდა განურ-მინდვრიანი ოროკო ბუნებრივი ბუჩქნარის შესანიშნავი ზოლით, რომელიც ფერდობს ნიადაგის ჩამორეცხვისაგან იფარავდა. ასეთი მინდვრები ჩვენს მთიან მხარეში იშვიათი არ არის, მაგრამ, სამწუხაროდ, ამჟამად ამ მინდვრის ზოლებს ზოგიერთები ძირკვავენ, მინდვრებს აერთიანებენ, ეს კი დიდი შეცდომაა, რადგან მთის მინდორს თუ დამფარავი ზოლები არ ექნება, იგი მალე ჩამორეცხება, ჩამოხრიოკდება, საცნავ-სათესსაც დაუკარგავთ და ტყეც ვერ განახლდება“ [41, 344].

ტყე-ბუჩქნარისა და საბუნებრივი გაშენების დამწეყრილ ადგილებში დეღეებისა და მდინარეების სანაპიროზე, სწრაფად მოზარდ ხის ჯიშებს რვავენენ (ტირიფი, ვერხვი, თხმელა, ალვის ხე, აკაცია და სხვ.). ამათგან ზოგს საბელავად იყენებდნენ, ზოგიერთს კი სამასალედ ზრდიდნენ.

დიდ ხრამებსა და კბოდეებში „აჭეებს — ბუჩქნარს (ეკლო-ჯანი მცენარეები, აგრეთვე თხილი, შვინდი, არწკლი, ღორტყემალა, ბროწეული, ლელვი, კვინჩხა, კვილოლა და სხვ.) უშვებდნენ და გაჩეხვას კრძალავდნენ.

სასურველია ფერდობი ვენახის ან ყანის თავში ტყე იყოს, იგი მას ნიაღვრისა და ქარისაგან იცავს. იქიდან ჩამონაყონ წყალს „მოლავი“ ჩამოაქვს და ნიადაგს ანოყიერებს, ჩასაბრუნებელ მიწას და ხარდანს იძლევა. აქედან გამომდინარე, მეურნე ყოველთვის ცდილობს სავარგულს შიშველი თავი და ნაპირები არ ჰქონდეს. საზოგადოდ, ირგვლივ ხეხილი, ბუჩქნარი და საბელავები თითქმის ყველა ადგილობრივი ვენახისთვის დამახასიათებელია.

ვაზისა და ნათესების მიერ ნიადაგის დაც-
ვა. განსაკუთრებული მოვლის მიუხედავად, დამრეც ადგილე-
ბის საყანედ — სახნავად დიდხანს გამოყენება დაუშვებელი იყო,
რადგან ყოველწლიურად „მიწის დძერა“ გამოფიტვას ხელს უწყ-
ობდა. მიწის უქმარობა მათი ხანგრძლივად მოცდენის შესაძლებ-
ლობასაც გამორიცხავდა, ამის გამო მეურნე „რიცხე“, ძველი
ქართული წესით, ვენახის გაშენებას არჩევდა. ხშირი ვადაწვე-
ნის მეოხებით, ვაზი ფესვთა ძლიერ სისტემას ივითარებდა და ნი-
ადაგს საიმედოდ იცავდა. ასეთ ვენახებში შენაცვლებით ცერ-
ცვისნაირებს, ხორბალს, იონჯას და მისთ. გამოთესავდნენ ხოლ-
მე. ეს კულტურები მიწას „აპატივებდნენ“ და თან „სილას აგო-
რების“ საშუალებას არ აძლევდნენ.

ჭარისა და როყნალის გამოსახელობა.
„ჭარი“ ძლიერ ნესტიანი, ჭაობიანი ადგილია. მის „გამოსავარგებ-
ლად“ უპირველესად „წყლის თვალისათვის“ უნდა მიეგნოთ.
შემდეგ სათავიდან ხევამდე ღრმა „საწურავს“ — „საწრეტს“ გაუ-
ჭრიდნენ. თუ ეს არ უშველიდა, მაშინ „საჟონავებს“ გამართა-
დნენ: საჭირო მიმართულებით მაღალ თხრილებს ამოიღებდნენ,
შიგ ცერად რიყის ქვებს ჩაალაგებდნენ, თხმელის ნაკაფით (თხმე-
ლა სინესტეში ნაკლებად ღებბაო) შეხურავდნენ და ზედ მიწას
დააყრიდნენ. „ჭარის გამომშრალების“ ეს ოსტატურად მიგნებუ-
ლი ხერხი იმითაც იყო ხელსაყრელი, რომ ერთ მტკაველ ფართობ-
საც არ აცდენდა, საჟონავების თავზე ხვნა-თესვა და ვენახის გა-
შენება ჩვეულებრივად შეიძლებოდა. დახურულ საჟონავებს და-
ნესტიანებულ — „გამოჭარულ“ ვენახებშიც აწყობდნენ.

მიწას მონატრულ მეურნეს უზარმაზარი ლოდებითა და ქვა-
გონებით ჩახერგილი ადგილი „როყნალიც“ გამოუყენებია. თუკი
მიწა ოდნავ მაინც ჩანდა, უსათუოდ შეეცდებოდა მის განთავისუფ-
ლებას. ლოდებს რკინის სოლებითა და უროთი შეძლებისდაგვარად
დააპობდა, მერე ნაღს, მოიხმარდა და ნიადაგს გაწმენდა. ნაკვეთი
ზოგჯერ „მთლად ბითუმ კლდეზე იყო“, მაშინ დაცვეთილ მიწას
მოზვინვით გააახლებდნენ და სავარგულოდ აქცევდნენ. ხანგრ-
ძლივი და მუყაითი შრომა ყველა დაბრკოლებას სძლედა.

ნიადაგის დაცვისა და ათვისების აღწერილი წესები და სა-
შუალებანი მეტ-ნაკლებად გურიისშიც დავადასტურეთ. ოღონდ
უნდა ვაღიაროთ, რომ ამ თვალთახედვით იქ ხანგრძლივი სავლე მე-
შაობა არ გვიწარმოებია, სწორედ ამიტომ ჩვენს მიერ მოპოვე-
ბული მასალა ფრაგმენტულია. გურიისშიც მრავლად არის ხელოვნ-
ურად დატერასებული კარმიდამოები, ყორით თუ ხის ძელებით

დაკავებული ნიადაგი. აშენებდნენ „სამორაე“ ხეებს, სწრაფად მოზარდ ჯიშებთან ერთად დიდ მიწონებაში იყო რცხილა. შეიძლება ითქვას, რომ ამ ხის კულტი დღესაც ცოცხლობს. რცხილა მაღლარი ვაზის გასაშვებ საუკეთესო ხედ მიაჩნიათ, წერილი ფოთლები აქვს და ყურძენს კარგად ამწიფებს, ფესვის ღრმად ვატანა „ცის და მიწას იკავებსო. სუფთა ხეა, უსუნო და უნაყოფო, ამიტომ ეზოებისა და ჭურისთავეების ირგვლივ რგავენ. სააუკეთესო შემას იძლევა და ახალწლის წინა დღეს საგანგებო დღესასწაულიც არის „ცხემლის ჭრა“. საახალწლო ცეცხლი უსათუოდ რცხილის შემთხუნდა დაინთოს და ა. შ. როგორც ჩვენი მასალებიდან ჩანს, გურიაში ხეების გაშენება ნიადაგის დაცვის ერთ-ერთი უმოკვერესი საშუალებაა.

აღსანიშნავია „დამოდვილებული“ (დაღლილი, გამოფიტული) მიწის გატყეება. 10 — 15 წელი „ნამუშევარ ადგილს სულს შოათ-ქმევენებდნენ“, ე. ი. აღარ დაამუშავებდნენ, იქ ტყე წამოვიდოდა, ლის ფესვები მიწას საიმედოდ ინახავდა, ხოლო ფოთლები და ნაყოფი ანოყიერებდა. მდინარისპირა დაბლობ ადგილებში ე. წ. „მერეებში“ მიმართავდნენ წყალგამჭდარი მიწის დაშრეტასაც, რასაც დიდი გარჯა და „ტანჯი“ უნდოდა. ამ მიზნით, ზემოთ აღწერილი წესის მიხედვით, გაჰყავდათ არხები. რასაკვირველია, ჩვეულებრივი მოვლენა იყო ფერდობებზე სანიღვრე წყალსაყარების, თხრილებებისა და კვლების მოწყობა. იმ შემთხვევაში, როცა დაქანებულ ფერდობზე ღრმა არხის გაქრა აუცილებელი იყო, მაშინ მის ფსკერს ატერასებდნენ, რათა „ნოღრო“ (ნიაღვარი) გატეხილიყო, მიწა არ ჩაექრა და თხრილი ხევად არ ექცია. არხის ფსკერზე, ტერასთა შორის მანძილს ფერდობის დაქანების ხარისხი განსაზღვრავდა (სოფ. შემოქმედი, მახარაძის რაიონი).

„შეავის“ (თოვლის, ქვიშის, დაძრული მიწის) და „ნოღროს“ (ნიაღვრის) მავნე ზეგავლენის ასაშორებლად აკეთებდნენ „ჭეფი-რებს“ (ჭებირებს): საჭირო ადგილას, ჩაასობდნენ წაბლის მაგარ ბოძებს, ზედ გააყრავდნენ წაბლისვე „ლანდურებს“, რომლებზედაც ვერტიკალურად მიაყრდნობდნენ მრგვალი ხის „მორგვებს“ ან „პობილებს“. ამათ წვერები მიწაში ღრმად ჰქონდათ ჩასობილი. დროთა განმავლობაში ეს მოწყობილობა მართალია მოინდობოდა, მაგრამ ვიდრე არ დაღებოდა, ზემოდან წამოსულ ყოველგვარ მასას საკმაო დაბრკოლებას უქმნიდა. ასეთი ჭებირებით არა მარტო ყანა-ვენახს, არამედ სახლებსა და კარმიდამოებს იცავდნენ (სოფ. ბუქსიეთა, ჩოხატაურის რაიონი).

სოფ. მამათში (ლანჩხუთის რაიონი) წაბლის ლატნებს — „ლან-

დურებს „ნოლას“ უწოდებენ და დაჭებირების ნაცვლად ტერ-
მინ „დანოლვას“ ხმარობენ.

ნიადაგის დასაცავი ჯებირები ასედაც კეთდება: ახლო-ახლო
დაასობენ „შხუნებს“ — ეული, ჩქოლა ხის „დაკოკვრილ ფორჩ-
ხებს“ (გაკაფულ და ზომაზე დაკრილ მარგილებს). ზედ მააყრიდ-
ნენ „უვეროს“ (ფოთოლგაუცლელი, ნედლი ნაკაფი) ან „ჩხერს“
(ფიჩხს). შესაძლოა ფორჩხები აპოვლობათ კიდეც, რაც უკუთესი
იყო — ჯებირი გამძლე და მაგარი ხდებოდა (სოფ აცანა, ლანჩხუ-
თის რაიონი).

მდინარისპირა ჯებირებს საყოველთაოდ ცნობილი წესის მი-
ხედვით აკეთებდნენ და აქ სიტყვას აღარ გავაგრძელებთ.

თავისებურია სავარგულის დაცვის ერთი წესი: ყანა-ვენახის
გაწმენდის დროს თავს იყრიდა ბალასტი — „გვანი“, რომელსაც
ნაღვარევ და დახრამულ ადგილებში ყრიდნენ. ფერდობზე „გვა-
ნებს“ ხის ან ქვის სამაგრებს უკეთებდნენ და ასე იქმნებოდა „კან-
დო“ „აქედან „დაკანდოვება“, რომელიც ნიადაგის დაცვის ეფექ-
ტური საშუალება იყო (სოფ. ბეოლიეთი, ჩოხატაურის რაიონი).

ასეთია ჩვენს ხელთ არსებული მცირეოდენი მასალა, უეჭვე-
ლია შემდგომი, საგანგებო კვლევა-ძიება ნიადაგის ეროზიის სა-
წინააღმდეგო მრავალგვარ ხალხურ წესს გამოაველენს, რომელთაც
პრაქტიკული მნიშვნელობა დღესაც არ დაუკარგავთ.

§ 3. ფიჩხები ქართულ ვახსა და ღვინოზე

მიწის დამუშავებისას გლეხი თანდა-
თანობით გლეჯს ბუნებას ზოგიერთ საი-
ღუმლობას და მის მიერ აღმოჩენილ
ქვშმარტივება საყოველთაო.

ანტუან დუ სენტი-ეზიუკერი

მევენახეობა საქართველოს სოფლის მეურნეობის უძველესა
და ტრადიციული დარგია. იგი არა მარტო ქვეყნის ეკონომიკის საყ-
რდენია, არამედ ქართველი ხალხის თავისებურებათა ჩამოყალი-
ბების ერთ-ერთი საფუძველიც. ამ თვალსაზრისით წარმოებულ
კვლევა-ძიება, რასაც ქართველი ეთნოგრაფები ეწევიან, საგული-
ხმო შედეგებს იძლევა. დიდი პრაქტიკული მნიშვნელობა ენიჭება
ვაზის მოვლისა და ღვინის დაყენების საქმეში ხალხის ცოდნა-გა-
მოცდილების გამოვლენას. აღმოჩნდა, რომ მევენახეობას არა მარ-
ტო ბარის მცხოვრებნი მისდევდნენ, არამედ ქართველი მთიელე-
ბიც. მეურნეობის წესიერად წარმართვისათვის გადამწყვეტა

მნიშვნელობა აქვს ვერტიკალურ ზონალობაში სასოფლო-სამეურნეო კულტურათა სწორ განლაგებას, რასაც ძველი მეურნე-ნი ემპირიულად ახორციელებდნენ. ყინვაგამძლე ვაზის საადრეო-ჯიშების ჯამოყვანით მევენახეობის საზღვარი ზღვის დონიდან 1100—1200 მეტრამდე აღწევდა, მაგრამ რაც უფრო მაღლა შენ-დებოდა ვენახი, მით უფრო ეცემოდა მოსავლის ხარისხი, ამი-ტომ მაღალმთიან ზოლში მცხოვრებნი ცდილობდნენ ვენახები ზარად ჰქონოდათ. ქართველი მთიელები თავიანთ საცხოვრებლებზე ათეულ კილომეტრობით დაშორებულ ვენახებს თვითონ ამუშა-ვებდნენ მაღალგანვითარებული საწარმოო ჩვევებისა და შრომის ორგანიზაციის დახვეწილი ფორმების წყალობით. მაგრამ ვაზის სოკოვანმა დაავადებებმა და ფილოქსერამ არა მარტო ძველი ვე-ნახები გაანადგურა, არამედ ქართულ მევენახეობას ნაწილობრივ დაუკარგა საუკუნეთა მანძილზე გამომუშავებული თავისებურე-ბა და ორიგინალური სახე. თითოეულ ვაზის ჯიშს თუ ვენახის ტიპს წინათ მტკიცედ განსაზღვრული ადგილი მოეპოვებოდა და იგი თავის არსებობას რაიმე დადებითი თვისებით ამართლებდა. ამის გამო მალე განლაგებას წინასწარ გამიზნული მკაცრი ლოკალურო-ბა ახასიათებდა, რაც XIX ს. შუა ხანებიდან მოკიდებული დღემ-დე თითქმის მოიშალა. მევენახეობაში ძველი ცოდნა თანდათან დავიწყებას მიეცა და ქართული ვაზის ჯიშების სიმრავლე „უცნა-ურ ფაქტად“ იქცა, ხოლო ვენახის ძირითად ფორმად საქართვე-ლოს ყველა რაიონში დაბლარი გაბატონდა. ბოლოს საქმე იქამ-დე მივიდა, რომ ზოგიერთმა სპეციალისტმა „არასტანდარტული ჯიშებისაგან დანაგვიანებული ვენახების გაწმენდა“ მოიწადინა, ამით, რაც დაავადებას გადაურჩა მისი შეგნებულად განადგურე-ბა დაკანონდა. მართალია, საზოგადოებრიობამ და ცალკეულმა მე-ცნიერებმა იმთავითვე ხმა აღიმალღეს, მაგრამ განწირული ჯიშე-ბისა და ვენახის საბუნებრივ შესანარჩუნებლად პრაქტიკულად თითქმის არაფერი კეთდებოდა. ჯიშის ღირსებას ავადმყოფობათა გამძლეო-ბა და უხვი მოსავლიანობა განსაზღვრავდა. აღარ იგრძნობოდა ცალკეული მიკრორაიონისათვის დამახასიათებელი ღვინოების აუცილებლობაც, ამის გამო ვრცელდებოდა ასე ინტესიურად ე. წ. „სტანდარტული ჯიშები“ და საფუძველი ეცლებოდა ჩვენი მე-ვენახეობა-მელვინეობის მრავალფეროვნებას. ასე რომ გაგრძელებულიყო, აღმოსავლეთ საქართველოში მხოლოდ რქაწითელი დაგ-ვრჩებოდა, ხოლო დასავლეთში ცოლიკოური, თუმცა საქართვე-ლოს მევენახეობა-მელვინეობის უმთავრესი ღირსება იმაშიც იყო, რომ ჩვენი ქვეყნის მევენახეობის თითოეულ მონაკვეთს ვაზის სა-

კუთარი ჯიში და, აქედან გამომდინარე, შესაბამისი ღვინო ჰქონდა (ჩხავერი, ჯანი, ოჯალეში, ალექსანდრეული, უსახელოური, ტვიშური მწვანე, საფერავი—ქინძმარაული, მანაეის მწვანე, ჩინური—ატენური და სხვა). მრავლისმეტყველი ფაქტია, რომ უსახელოურმა იალტაში გამართულ ყურძნის ღვინოებისა და კონიაკების საერთაშორისო კონკურსზე კიდევ ერთი მაღალი ჯილდო — ვერცხლის მედალი მიიღო, მაშინ როდესაც ამ ღვინის მასიური წარმოება ნედლეულის უქონლობის გამო 1968 წ. შეწყდა. რაც დრო გადის „ხვანჭკარის“ ყურძნის მიღებაც კირს. მისი მომცემი ჯიშები ალექსანდრეული და მუჭურეთული მაღალხარისხოვან ნაყოფს მაშინ ისხამენ, როცა ისინი გაშენებულია მათი ისტორიული ვავრცელების სოფლებში (ჩორჯო, ხვანჭკარა, ტოლა, ყოშსა, ჰყეიში), მწირ, სამხრეთით მიფიცებულ, „მზიგულ“ ფერდობებზე. სამწუხაროდ, მოუვლელობის გამო, ეს ფერდობები გამოიფიტა და ზედ დანერგილი ვენახები გადახმა. ამის უმთავრესი მიზეზი გახდა შვეტი, ყაფარი სავარგულების მოვლა-შენახვის ძველხალხური წესების უგულვებელყოფა.

ღვინის დაყენების მამაპაპური ტრადიციებიც დავიწყებას ეძლევა, მაშინ, როდესაც ხალხური ტექნოლოგია, უპირველეს ყოვლისა, სასმელის ბუნებრიობას უზრუნველყოფდა, რაც ილია ჭავჭავაძემ სამართლიანად აღიარა ქართული ღვინის უმთავრეს ღირსებად. ამრიგად, უფრო მეტი ყურადღება უნდა დაეთმოს ქართველ მეღვინეთა შთამომავლობით გადმოცემულ, მრავალსაუკუნოვან ცოდნა-გამოცდილებას. არც ხალხური მეღვინეობის ინვენტარია უარსაყოფი, მით უმეტეს, როცა ადგილობრივი ტიპის, ისტორიულად ცნობილ, რჩეულ ღვინოს ვაყენებთ. სასმელი სწორედ ხალხური იარაღ-ჭურჭლის მეშვეობით იყო ლათონისა და სხვა მანე ზეგავლენისაგან დაცული, რაც თანამედროვე მეღვინეობის ტექნიკაში ისევ აქილევსის ქუსლად რჩება. ამ საკითხზე ღირს დაფიქრება და სანამ ხალხის მონაპოვარი ხელიდან არ გამოგვცლია ვეცადოთ მის არა მარტო შესწავლას, არამედ პრაქტიკაში კვლავ დანერგვას.

ჩვენი აზრით, სამარკო ღვინოების წარმოებაში უნდა შეიზღუდოს რაოდენობით გატაცება და წინ წამოიწიოს სასმელის ხარისხი. მევენახეობის ცნობილ ქვეყნებში (საფრანგეთი, ესპანეთი, იტალია, უნგრეთი და სხვ.) ეს პრობლემა დიდი ხანია მოგვარებულია, იქ ძვირფასი ღვინოების დაყენების დროს ხალხის საწარმოო პრაქტიკას ანგარიშს უწევენ, მევენახენი ვაზებს ზედმეტ ნაყოფს აცლიან, რათა საუკეთესო ნედლეული მიიღონ. ქარ-

თული იდეალებად სრულყოფილია ჯიშები: ალექსანდრეული, უსახელოური, საფერავი, მუჯურეთული და სხვ. ასეთ ჩარევას არ საჭიროებენ, რადგან თითოეული მათგანის ნაყოფიერება თავისთავად ლიმიტირებულია, რისი მეშვეობითაც სანაქებო ყურძენს იძლევიან. ბედის ირონიით ეს ღირსება აღნიშნული ჯიშების შემცირების მიზეზად იქცა. ვინაიდან ისინი ზომიერად მოსავლიანი და სათუთად მოსავლელნი არიან, მათი გაშენებით თავს არავენ იწუხებდა, ძველი ვენახები კი თვალსა და ხელს შუა ქრებოდა.

რესპუბლიკის ახალმა ხელმძღვანელობამ შექმნილი მდგომარეობის გამოსასწორებლად გარკვეული ღონისძიებები გაატარა: უსახელოურის გადასარჩენად ცაგერის რაიონში შეიქმნა სპეციალური საბჭოთა მეურნეობა; ამბროლაურის რაიონში ალექსანდრეულისა და მუჯურეთულის ნერგების გამოსაყვანად ჩამოყალიბდა ქყვიშის სანერგე სახელმწიფო მეურნეობა.

ჩვენი აზრით, ამჯერად საჭიროა ზუსტად აღარიცხოს ძვირფასი ყურძნის მომცემი სავენახე მიწები, რათა ზღვარი დაედოს სხვა მიწით მათ გამოყენებას. დასამალი არ არის, რომ ამ უნიკალურ ადგილებში ტყეებს აშენებენ და სხვათა შორის ეს „ტყეები“ მოუვლულობის გამო უკვე გადამხმარია. რაც შეიძლება მალე, მეცნიერულ დონეზე, შესწავლილ უნდა იქნეს აღნიშნულ სავარგულთა დატერასების, საერთოდ შექანიზებული ათვისების და ეროზიისაგან დაცვის შესაძლებლობანი, ხოლო სანამ ეს ღაიგემებოდეს და განხორციელდებოდეს ძვირფასი სავენახე მიწები, კარგა იქნება კოლმეურნეებს თუ დაუნაწილდება მკაცრი გაპიროვნებით, რათა დაცულ იქნეს ნიადაგის დაცვის ხალხური საშუალებანი და ჯერ კიდევ გადარჩენილი ვაზის მოვლა-მოშენების როგორც აგრონომიული, ისე მამაპაპური წესები. კოლმეურნეთა ძნელი შრომის საფასურად უნდა გამოინახოს, ანაზღაურების შესაბამისი სისტემა, რომ ვენახის მოსავლიანობითა და ყურძნის ხარისხის ამაღლებით მწარმოებელი დაინტერესდეს, რითაც, ბუნებრივია, გაიზრდება შრომის ნაყოფიერება და მოვალეობის, პასუხისმგებლობის გრძნობა. მითუმეტეს, მთის პირობებში ვაზის მოვლა მრავალ სიძნელესთან არის დაკავშირებული. ეს კულტურა მძიმე ფიზიკურ შრომასთან ერთად დიდ ცოდნა-გამოცდილებას და დახელოვნებას მოითხოვს. აქედან ცხადია, მთიელ შევენახეთა საქმიანობა არ უნდა შეფასდეს ისე, როგორც ჩვეულებრივი სასოფლო-სამეურნეო საქმეში, არამედ სასურველია ის ხალხური ხელოვნების ჩაპეციფიკურ დარგად ჩაითვალოს და ანაზღაურებაც ამის შესაბამისად დაწესდეს.

გასათვალისწინებელია აგრეთვე ის გარემოება, რომ საქარ-

თველოს შუამთისათვის მევენახეობა სწორედ ის ძარღვი იყო, რომელიც უხსოვარი დროიდან მკვიდრად ამავრებდა მოსახლეობას' მიწაზე. მევენახე გლეხი თავის კარმიდამოს თითქმის არაადროს არ ტოვებდა, თუკი მტერი განდევნიდა, მშვიდობიანობის უამს უკან ბრუნდებოდა და აჩეხილ ვანხარს ხელახლა აალორძინებდა. ახლა საქართველოს შუამთის მევენახე მოსახლეობის გარკვეულმა ნაწილმა ქალაქს მიაშურა, რისი მიზეზების ყოველმხრივი გამოვლენა და აღმოფხვრა გადაუღებელ საქმედ გვესახება.

ასეთი ვითარებაა რაჭა-ლეჩხუმში. ამ კუთხეთა მევენახეობა-მეღვინეობა ისტორიულ-ეთნოგრაფიული თვალსაზრისით მონოგრაფიულ დონეზე გვაქვს შესწავლილი. ამჟამად ვმუშაობთ გური-აზე და წინასწარი მონაცემების გათვალისწინებით შემდეგი უნდა განვაცხადოთ:

მევენახეობა და მეღვინეობა გურიის მცხოვრებთა ერთ-ერთი უძველესი და უმთავრესი საქმიანობა იყო. იქაური ვაზის ჯიშები: ჯანი, ჩხავერი, ტევანდიდი, მტრედისფეხა და სხვ. განსაკუთრებული მაღალხარისხოვნებითა და ნაყოფიერებით გამოირჩეოდნენ. ჯანი, რომელიც შავ, საუკეთესო გემოტკბილ ღვინოს აყენებდა, ოჯალეშის, ალექსანდრეულის, საფერავისა და უსახელოურის გვერდით იდგა. ჯანისა და ჩხავერის ღვინო ვაჭრობის საგნად აღრევე იქცა. ჯანი უმთავრესად გავრცელებული იყო და თავს იწონებდა აღმოსავლეთ გურიაში, სახელდობრ ბუქისციხის, სურეპის, ჩოხატაურისა და ხიდისთავის სანახებში.

ჩხავერისაგან ღია ვარდისფერი ან თეთრი, ნაზი, ცქრიალა ღვინო დგებოდა. ეს ჯიში მთელ გურიაში ხარობდა, მაგრამ საუკეთესო პროდუქციას ბახვში, ასკანაში, ლიხაურ-მაკვანეთსა და შემოქმედის თემებში იძლეოდა.

XIX ს. 40-იან წლებამდე გურია-სამეგრელოს ღვინო დასავლეთ საქართველოში პირველობდა. ზღვის სიახლოვის წყალობით იგი საკმაო რაოდენობით უნდა გაეტანათ საზღვარგარედაც. ვაზის ფორმირება, ჩვეულებრივ, მალლარად ხდებოდა. სწორედ ამიტომ სოკოვანი დაავადებების გაჩენამ გურიის მევენახეობას სასიკვდილო დარტყმა მიაყენა, ვინაიდან მალლარად გაშენებული ვენახის მკურნალობა შეუძლებელი გახდა. ადგილობრივი, მაღალხარისხოვანი ჯიშები სწრაფად განადგურდნენ. გურიის მევენახეობა სრული მოსაზობისაგან „ადესის“ შემოტანამ იხსნა. მაგრამ იქ მეღვინეობა ისე დაეცა, რომ ჯერ კიდევ XIX ს. 60-იან წლებში საკუთარი საჭიროების დაკმაყოფილება აღარ შეეძლო.

გურიის მევენახეობა-მეღვინეობის კრიზისი დღემდე გრძელ-

დება. საბჭოთა ხელისუფლებას წლებში შეეცადნენ გადაშენებო-
საგან ეხსნათ ჩხავერი (ჯანი უკვე ამოვარდნილი იყო) და ამ მიზ-
ნით 1932 წ. შექმნეს სოფ. ბახეში საბჭოთა მეურნეობა, მაგრამ
მალლარი ვაზის მოვლა ვერ შეძლეს. 1957 წ. სოფ. საქამიასერში
ჩამოყალიბდა ჩხავერის სპეციალიზებული საბჭოთა მეურნეობა,
ვაზი დაბლარად გააშენეს, მაგრამ დაბლარზე ჩხავერი არ ამართ-
ლებს — ძლიერ მცირე მოსავალს იძლევა, თან საქამიასერი არას-
დროს არ ყოფილა ამ ჯიშისათვის შესაფერისი კერა.

საჭიროა გურიაში ვაზის კულტურის კვლავ ახალორძინებლად
სათანადო მუშაობის ჩატარება. უპირველეს ყოვლისა, უნდა გამო-
ვლინდეს გადარჩენილი ძველი ვაზის ჯიშები და მათი კულტივი-
რება მოხდეს ისტორიულად მიღებული წესის თანახმად — მალლა-
რად ან ოლიხნარად შესაბამის მიკრორაიონებში. შემუშავებულ
უნდა იქნეს მალლარი ვენახის მოვლისა და მკურნალობის თანამედ-
როვე მეთოდები. საბჭოთა მეურნეობები და კოლმეურნეობები
არა მარტო ჩაიხ მოყვანისათვის უნდა ზრუნავდნენ, არამედ ად-
გილობრივი მევენახეობა-მელვინეობისთვისაც. მოსახლეობაც უნ-
და დავაინტერესოთ ამ ტრადიციული და რენტაბელური დარგით.
მხოლოდ საგანგებო ღონისძიებების გატარებით შეეძლებოდა ვაზის
კულტურა გურიაში აღვადგინოთ და ისტორიულად განთქმულ
გურულ ღვინოებს დავუბრუნოთ ძველი სახელი და დიდება.

რაც შეეხება ქართლ-კახეთს, ნაკლები მასალა მოგვეპოვება,
მარტოდენ ორიოდ დაზვერვითი გასვლის შედეგად ვიცით, რომ
მაინცდამაინც სახარბიელო მდგომარეობა არც იქ არის. ვაზის
ჯიშთა ხელალებით სტანდარტიზაციამ ძალზე შეზღუდა განთქმუ-
ლი ღვინოების მიკრორაიონები. შემცირდა ან გაქრა ღვინის გა-
მაკეთილშობილებელი ფორმები. მთელი ჩვენი ხანგრძლივი ის-
ტორიის მანძილზე საუკეთესო ღვინოს ხომ ერთი წამყვანი და
რამდენიმე დამხმარე ჯიშის შერევით აყენებდნენ, რაც, სიმწუხა-
როდ, დღეს უგულვებელყოფილია.

საქართველოს ყველა კუთხეში ხალხს მევენახეობისათვის
ვერტიკალური ზონალობის და ცალკეულ ჯიშთა სავეგეტაციო მო-
ნაცემების გათვალისწინებით ჰქონდა ადგილი შერჩეული. ჩვეუ-
ლებრივ, საუკეთესო სავენახე ზოლი იყო მდინარისპირებსა და
მთას მოშორებული დამრეცი, მზვარე ადგილები, სადაც უხვი მზე
და ნაკლები ყინვა იცოდა. ახლა ეს მზვარეები სოფლებმა დაიჭი-
რა, ხოლო ვენახებმა ძირს — ჭალებში ჩაინაცვლა. სწორედ ამან
განაპირობა ვაზის მასიური მოყინვა, რამაც ჩვენი რესპუბლიკის
ეკონომიკას საგრძნობი ზარალი მიაყენა. ასე ძვირად დაგვიჯდა

ხალხური ცოდნის შეუფასებლობა, აქედან გამომდინარე, არც ერთი ნაკვეთი ვენახის გაშენება არ უნდა მოხდეს მოცემულ რეგიონში მცხოვრებ ძველ მევენახეთა გამოცდილებას გაუთვალისწინებლად.

სასტიკი ბრძოლა უნდა გამოვუცხადოთ ღვინის ფალსიფიკაციას, რაც მომაკვდინებლად მოქმედებს ბუნებრივად ტკბილ ღვინოების სახელზე. ფალსიფიკაციის შედეგად, ძალისა და ენერჯიის აღმდგენელი ნექტარის ნაცვლად, ჯამრთელობისათვის მავნე სუროგატს ვიღებთ და, რაც მთავარია, ფალსიფიკაცია, როგორც ხალხი ამბობს, „ღვინის გაკეთება“ უდიდეს და აუნაზღაურებელ ნორალურ ზიანს გვაყენებს. ქართველ მევენახეებს ებღალემათ სული და პატიოსნება, „ღვინის გამიფუჭებელი თვითონაც გაფუჭებულია“ — ანდაზად ქცეულა ეს თქმა. შაქრის სიიაფემ არ უნდა შეიწიროს განუწყვეტელი ომების ქარცეცხლში გამოტარებული და დღემდე მოღწეული ბუნებრივად ტკბილი ქართული ღვინოების ღირსება. სუფთად უნდა შევიწინაოთ მარჯვენადალოცვილი მევენახის სინდისი — ზედაშეთი რომ ნათლავდა შეილებს, ეწეოდა რიტუალურ ქმედებას, მარანში ასრულებდა ღვთის მსახურებას და სიამაყით აცხადებდა: „ღვინო დაწმენდილი, სახლო განწმენდილიო!“ მართალია, დღეს მირონცხება აღარ გვიკრდება, მაგრამ ღვინის სისპეტაკე, რომელიც ქართველი კაცის ბუნებაში უხსოვარი დროიდან მორალურ სიფაქიზეს ტრადიციულად შერწყმია, არავითარ შემთხვევაში არ უნდა დაიკარგოს.

მევენახეთა წახალისების მიზნით საჭიროა მოეწყოს ხალხური წესით დაყენებული ღვინის რეგულარული დეგუსტაციები. საუკეთესოდ აღიარებულ სასმელს მივცეთ კუთვნილი ფასი და ბაზარი, რათა მეურნე დაინტერესდეს და თავისი ვენახიდან რაც შეიძლება მაღალხარისხოვანი ღვინო დააყენოს.

უნდა მივხედოთ ვენახის ძველქართულ სახეებსაც; რომლებიც ცალკეული მიკრორაიონის ბუნებრივ-ეკოლოგიური პირობების გათვალისწინებით, მრავალმხრივი შრომის შედეგად, გამოიყვანა ქართველმა მევენახემ. ვენახის თითოეული სახე (მაღლარი, დაბლარი, ოლიხნარი და სხვ.) სწორად შერჩეულ გარემოში საკმაო რაოდენობისა და საუკეთესო ღირსების მოსავლს იძლევა. სამაგალითოდ გურული ჩხავერი, მეგრული ოჯალეში და ქვემო-ინერული ალადასტური კმარა. საქმეში ჩახედული კაცი აუღელვებლად ვერ შეხედავს რაღაც სასწაულით გადარჩენილ ამ ჭიშების თითო-ოროლა მაღლარებს. დგანან ისინი დაბერებულნი,

დაუძლურებულნი, მაგრამ დიდბუნოვნად, მოთმინებით ელიამ შემწეს და დამხმარეს.

კვლევა-ძიებამ დაგვარწმუნა, რომ უხსოვარი დროიდან დიდი გარჯითა და დაკვირვებით გამომუშავებული ვენახის ტიპები, რომლებიც საუკეთესოდ ერწყმოდნენ ცალკეული კუთხის ბუნებრივ თავისებურებებს, განვითარების დონისა და ინტენსიურობა-რენტაბელობის თვალსაზრისით თანაბარი იყვნენ. დღეიანათვის რომელიმე მათგანის დაკნინება, რაც შედეგია უცხო, გაუთვალისწინებელი მოვლენებისა (სოკოვან დაავადებათა გაჩენა, ფილოქსერა) მის პრიმიტიულობასა და პირველადობას არ ნიშნავს. ვენახის ქართულ სახეებს, ისევე როგორც ვაზის უნიკალურ ჯიშებს, დროული დაცვა-აღდგენა და შთამომავლობისათვის შემონახვა სჭირდება.

საბჭოთა საქართველოს რესპუბლიკის მთავრობა ქართული ტრადიციული მევენახეობა-მელვინეობის შენარჩუნებისათვის განსაკუთრებულ ღონისძიებებს ატარებს. 1972 წ. საუკეთესო ათი ჯიშის (ალადასტური, ალექსანდრეული, კაბერნე, კრახუნა, ოჯალეში, პინო, საფერავი, უსახელოური, ჩხავერი, ხიხვი) ყურძენს ფასი მოემატა, მაგრამ უპირველესად გასათვალისწინებელია, რომ იანი მხოლოდ თავიანთი ისტორიული გავრცელების ადგილებში (უცხოური კაბერნესა და პინოს გამოკლებით) იძლევიან მაღალ-პარისხოვან პროდუქციას, ამიტომ, ჩვენი აზრით, უფრო უპრიანი ცნობილი ღვინოების მიკრორაიონებს მიექცეს ჯეროვანი ყურადღება, გამოიყოს და მაქსიმალურად ათვისებულ იქნეს მიწის ე.წ. ოქროდღირებული ფონდი, რომელიც გვაძლევს ხვანჭკარასა და უსახელოურს, ჩხავერსა და ოჯალეშს, ატენურსა და ქინძმარაულს. . .

სადირექტივო ორგანოებმა შეიმუშავეს ბუნებრივად ნახევრადტყბილი და სხვა უნიკალური ღვინოების წარმოების გასაფართოებლად ზოგადრთი ვაზის ჯიშის გაშენების გეგმა. ბუნებრივია, ამ გეგმის ცხოვრებაში დროულად და ქმედითად გატარება მნიშვნელოვნად გააუმჯობესებს ქართულ მევენახეობა-მელვინეობის საღღისო მდგომარეობას, მით უმეტეს, ყურძენი და ყურძნის პროდუქტები ქართველი ხალხის აუცილებელი საკვებია. ხალხური ტრადიციული მევენახეობის მიზანს არა მარტო მელვინეობა წარმოადგენდა, არამედ ყურძნის ზალად მოხმარება, ბადაგის, ფელამუშის, ჩურჩხელის, ტკბილის-კვერისა და მისთანათა უხვი წარმოება. სწორედ ამითაც აიხსნება

საქართველოში ვაზის ჯიშების მრავალფეროვნება, საუკეთესო საღვინე ფორმების გვერდით, ჩვენს წინაპრებს მრავალი საყურა-
ნე ჯიში ჰქონდათ, რომელთა ნაწილი მწიფობისთანავე მოიხმა-
რებოდა, ხოლო უმეტესობა საზამთროდ შესანახი იყო. როგორც
წესი, იდეალურად სრულყოფილი საღვინე ჯიში ხანგრძლივად
შესანახ საუკეთესო ყურძენსაც იძლეოდა (ალექსანდრეული, მე-
ჯურეთული, რქაწითელი...), იყო აგრეთვე საგანგებო სამაჭრე
(მაისა, სადადეგო, სამაჭრია...), საბადაგე-სატკბილე-საჩურჩხლე
(ბუერა, თავკვერი, ქიშური...), საჩამიჩე (ცხენისძეძუ, მეღრია,
მსარგრძელი...), სამურაბე (რქახულია, თითა, მსხვილთვალი...),
საჭაქე (სამჭაქა თეთრი, შავი...) და საწნილე ჯიშებიც კი (ღონდ-
ლლაბი, ხარისთვალა, გორულა...).

რაჭა-ლეჩხუმში ვაზის კულტურის შესწავლამ გვიჩვენა,
რომ საქართველოს ამ რეგიონში ე. წ. „ყურძნის ჯიშთა სიჭრელე“
სრულიადაც არ იყო შემთხვევითი ხასიათისა, როგორც ამას ზო-
გიერთი სპეციალისტი ამტკიცებს. გაირკვა, რომ ყოველ ფორმას
შუუცვლელი ფუნქცია ეკისრებოდა და ამდენად მისი შენარჩუნე-
ბა აუცილებელი იყო. მაგალითად, თვით ცალკეულ სოფელსაც კი
თავისი მაკროკლიმატისა და ნიადაგის შესაფერისი ჯიში მოეპოვე-
ბოდა (თხმორული, ხოტევერი, ალპანურა, საირმულა, ორხულა...).
მევენახეობის ვერტიკალურ საზღვარს მეტად ზრდიდა ვაზის შემ-
დეგი ჯიშები: ბელარიანი, ქედურა, ნაცარა, ხაშარი და ჩხვა. მათ
თავისებური ვეგეტაცია ახასიათებდათ, სახელობრ, გვიან გამოს-
ვლა და ადრე დამწიფება, რითაც ისინი წარმატებით აღწევენ თავს
გაზაფხულის ნაგვიანებ ყინვებს და შემოდგომის ნაადრევ თოვ-
ლიანობას. რა თქმა უნდა, ამ ფორმათა პრაქტიკული ღირებულება
დღესაც ძლიერ დიდია, რის გამოც დაუყოვნებლივ საჭიროა თი-
თოეული მათგანის გადარჩენისათვის საგანგებო ზომების მიღება.

სხვა დანიშნულების ჯიშთაგან აღსანიშნავია ღვინის გამაყე-
თილშობილებელი საშუალებანი: ღვინისათვის სასურველი ფერი
მიმცემი (საფერავი, არაბეული, ოცხანური საფერე...), სიტკბოს
შოსამატებელი (ბერაულა, კოდური, ბუტკუ...), ზომიერი სიმეა-
ვის მიმცემი (გაბაშა, კინწმავარი, წითელოური...), სიმავრის მო-
სამატებელი (საირმულა თეთრი, ფაჩხატა, ცოლიკაური...), მოსა-
ვლელ „გამაბევერებელი“ (ტევანგრელი, ჭორთუკა, ჭუბულო...),
ერთმანეთს „აკეთებდა“ და საუკეთესო ღვინოს იძლეოდა ალექ-
სანდრეული და მეჯურეთული, უსახელოური და ბაბილო, ხიხვი
და ფაჩხატა...

ისე შორს მიდიოდა ადგილობრივ სახალხო სელექციონერთა

მისებრთე, რომ მათ არა მარტო საღვინე, სამაჰრე, საყურძნე, ღვი-
წის გამაყეთილშობილებელი, მთის ჰავის სიჩქაცრესა და ცალკეუ-
ლი სოფლის ბუნებრივ პირობებს ოსტატურად შეგუებული ჯიშე-
ბი გამოიყენეს, არამედ სეტყვის გამძლე, ჩრდილსა და უვარგის
წინადაგს შეგუებული ფორმებიც შექმნეს. მაგალითად, ნაკუთ-
ნოული და ღარსაულა სქელი, უხეში, ვეება ფოთლებით სეტყვი-
საგან მტევნებს იფარავდნენ, ხოლო ჭუბულო „ჩერო ადგილებში
გვარობდა“, ნაცარა კი იქ გადიოდა, სადაც მარტო გვიმრა ხარობ-
და. ამრიგად, მევენახეობას ძველად გაცილებით მეტი სარბიელი
ქონდა, ვიდრე დღესა აქვს.

ძნელია მსოფლიოში მოიძებნოს ქვეყანა, სადაც ვაზის კულ-
ტურა ასე მრავალმხრივ, ამომწურავად იყოს გამოყენებული, რო-
გორც ჩვენთან. ხალხი მეღვინეობის ნარჩენებისაგან ნამცეცს არ
კარგავდა, თხლეს, არაყის გამოხდის გარდა, იყენებდნენ საკვებად.
თხლის შექამადი — „მაჯიგარო“, საუკეთესო სამარხო სპემელო
იყო. მას სამკურნალო მიზნითაც ხმარობდნენ. აღარას ვამბობ, „ღვი-
ნითბილსა“ და „ბოღლიწოზე“. ყურძნის წიპწებისაგან ზეთსა და
საღებავს ამზადებდნენ. განსაკუთრებით დიდი გამოყენება ქონდა
ჭაჭას, რაც რაჭა-ლეჩხუმში ბოლო დრომდე შემოინახა. იქ ჭაჭი-
საგან არაყის გამოხდის შემდეგ დარჩენილ მასას არ გადაყრიდნენ,
არამედ გულმოდგინედ გარჩევდნენ — ფორცხეებს — კუფხალს
შოაშორებდნენ, მზეზე გააბზობდნენ და ასეთი სახით ბელელში
შეინახავდნენ. საჭიროების დროს ხმელ, გარჩეულ ჭაჭას ორ წილ-
ზე ერთ წილ სიმინდს შეურევდნენ და წისქვილში დაფქვავდნენ,
ეს იყო „საღორებო“ — ღორების საუკეთესო საკვები. დღეს თვით
სიტყვაც დავიწყებულია, ქართული ენის განმარტებით ლექსიკონ-
ში ამოდ დაუწყებთ მას ძებნას, სხვათა შორის, სამინდო წისქ-
ვილში საღორებოს დასათქვავად, ბოლო ხანებამდე, ცალკე ღო-
ლაბი ქონდათ. საღორებოთი გასუქებული ღორის ხორცი დიდად
მარგებელი და გემრიელი იყო. რაჭული ღორის პოპულარობა ამი-
თაც უნდა აიხსნას. საღორებოთი არა მარტო ღორებს, არამედ
მსხვილფეხა პირუტყვსა და ფრინველებსაც კვებავდნენ. ეს მა-
ლაკალორიული, ვიტამინით მდიდარი, ე. ი. როგორც ხალხი ამ-
ბობს, „მოღავიანი, ყუათიანი და მხურვალე“ საკვები, სასარგებ-
ლო იყო მეტადრე ზამთრობით, ქათმებს კვერცხს უხვად ადებინე-
ბდა და საერთოდ ხელს უწყობდა ცხოველთა ნაყოფიერებას. ამის
გამო უთქვამთ: „საღორებო თუ გაქვს, ბერწობისა ნუ გეშინიაო“. ხალხის ეს გამოცდილება ამჟამად პრაქტიკაში არ გამოიყენება.
დღეს საქართველოში — მძლავრი მეღვინეობის ინდუსტრიის ქვე-

ყანაში, მრავალი ათასი ტონა ქაჭა თითქმის აუთვისებელია, მაშინ როდესაც მისგან ჰაქონლისათვის ძვირფასი კომბინირებული საყვების მიღება შეიძლება. გურჯაანის რაიონში ფიქრობენ ქაჭა ამ ნიჟნით გამოიყენონ, რასაც უსათუოდ წარმატება მოჰყვება, ვინაიდან ეს წამოწყება ხალხის მრავალსაუკუნოვანო პრაქტიკით არის შემოწმებული. ოღონდ ანგარიში უნდა გაეწიოს ხალხურ მარტივ, მაგრამ სანდო, უტყუარ ტექნოლოგიას. ვფიქრობთ, გურჯაანის რაიონს სხვებიც მიბაძავენ და ქაჭა მნიშვნელოვან სამსახურს გაუწევს საქართველოს მეცხოველეობას.

ჩვენს ტრადიციულ, მაღალგანვითარებულ სოფლის მეურნეობაში ხომ ყველა დარგი შერწყმული იყო და ურთიერთსარგებლობაზე დამყარებული. სწორედ ეს სიმბიოზური ჰარმონიულობა უნდა აღვადგინოთ და თანამედროვე მოთხოვნების დონეზე განვავითაროთ, მაშინ, უეჭველია, შედეგიც უკეთესი გვექნება.

§ 4. ფასდაუდებელი სიმდიდრე

ჩვენი ქვეყნისათვის ტყის სასიცოცხლო მნიშვნელობა ენიჭება. ტყესთან მჭიდროდ იყო დაკავშირებული ქართველი ხალხის საოჯახო ყოფა და მეურნეობა. ხისაგან შენდებოდა საცხოვრებელი და სამეურნეო ნაგებობანი, კეთდებოდა პირველი მოხმარების საგნები. ხის ხურობით განთქმულნი იყვნენ ლაზები და რაჭველები, რომელთა ნახელავი სახლები ახლაც ამშვენებს საქართველოს სოფლებს, ხოლო მუზეუმებში დაცულია მათი ნაოსტატარი ნატიფი ჩუქურთმები. იქვე ნახავთ ეროვნული კოლორიტის მატარებელ, სახმარად მოხერხებულ ხალხურ ავეჯს, კუროკელს, სასმისებსა და სხვ.

მიუხედავად მრავალმხრივი გამოყენებისა „ტყის ხარჯი“ არასდროს არ აღემატებოდა ბუნებრივი ზრდის ნორმებს, რადგან ხალხი იმთავითვე ითვალისწინებდა მის ჰავენე შედეგებს. მთიანი ქვეყნისათვის ტყე არა მარტო ყოველდღიური მოსახმარი იყო, არამედ არსებობდა საშუალებაც, ამიტომ ძველთაგანვე შემუშავდა ტყის გამოყენების რაციონალური მეთოდები, რომელთაც მნიშვნელობა დღესაც არ დაუკარგავს.

ტყის ხალხური მეურნეობისა და ექსპლუატაციის წესების შესწავლა საგანგებო კვლევა-ძიებას საჭიროებს, ამჯერად ყურადღებას გავამახვილებთ რაჭა-ლეჩხუმში შემონახულ მევენახეობასთან დაკავშირებულ „ტყის ხარჯზე“.

ვენახისათვის უნდა მომარაგებულიყო ათასობით ჭიგო, სარი,

ხარდანი, ხალაჩინი და სხვ. მეღვინეობის ინვენტარი, ძირითადად, ჩისაგან მზადდებოდა. მიუხედავად ამისა, ხე-ტყის ნაკლებობა არ იგრძნობოდა, რადგან ტყის ქრა მის მოვლასაც გულისხმობდა. მოვლულ ტყეს „ნამაშვარი“ — „ნამოშვარი“ ერქვა. ნამაშვარი, ჩვეულებრივ, კერძო მფლობელობაში ჰქონდათ და ისე ზრუნავდნენ მასზე, როგორც ვენახზე. ამის გამო უთქვამთ: „ტყე ვენახი არ არის, მაგრამ მოვლა იმასაც უნდაო“.

ნამაშვარი სოფელთან თუ ახლოს იყო და პირუტყვი ეტანებოდა, შემოლობავდნენ, უსარგებლო „ძირკვებისაგან“ და ეკლოვანი მცენარეებისაგან გულმოდგინედ გაწმენდნენ. მისი ხარჯი კი შემდეგნაირად იცოდნენ: ტყეს თვალდათვალ დაყოფდნენ, თითო ნაწილი თითო წელს, გვიანი შემოდგომით ან ადრე გაზაფხულზე პირწმინდად, ძირზე იჭრებოდა, საიდანაც სარი, ხარდანი, წნელი და ფიჩხი ამოიკაფებოდა. მთვარე უსათუოდ ძველი უნდა ყოფილიყო. სამაგიეროდ ახლად ამოსეთქილ „მორჩს“ ყოველმხრივ იცავდნენ და ნორმალური ზრდა-განვითარების შესაძლებლობას აძლევდნენ. როცა ნამაშვარს სახარდნედ არ იყენებდნენ, ის „აშობილი ტყე“ ხდებოდა. საჭიროების დროს მასაც ისევე უვლიდნენ და ჰკრიდნენ, როგორც სახარდნეს.

„ნამაშვარი“ და „აშობილი“ ქართულ სამეცნიერო ლიტერატურაში კარგად შესწავლილი (აკად. ნ. კეცხოველი) ვაკისა და ქალის ტყეებში ჩამოყალიბებული სასარე და სამასალე მეურნეობათა პროტოტიპებია.

მრავალ ჰიგოს იძლეოდნენ საბელავებიც. საბელავად ბუნებრივ ტყესაც იყენებდნენ და ხელოვნურსაც. ახალგაზრდა ბუნებრივ ტყეს ჯაგნარისაგან ასუფთავებდნენ და მუხის, წაბლის, რცხილის, ნეკერჩხლის, თელისა და სხვ. ხეებს იმ სიმალლეზე გადაჭრიდნენ, რომ პირუტყვი არ მიწვდომოდა. გადანაჭერზე ანუ „ბორჯოყოზე“ „ალერდი“ ამოხეთქავდა, რომელიც მესამე-მეოთხე წელს ხარდნად იქცეოდა. ხშირი ბელვისაგან ხის ზრო მსხვილდებოდა და უფრო მეტ ჰიგოს იძლეოდა. საბელავს, როცა ჭიბერეს შეამჩნევდნენ, მისივე ფესვებიდან წამონაზარდ ყლორტს „სამომავლოდ“ დაუტოვებდნენ.

საბელავების ხელოვნურ ტყეს ნამეწყარ, დახრამულ ანდა, საერთოდ, ხრიოკ ადგილებში აშენებდნენ, რათა დასამუშავებლად გამოუქსადეგარი მიწა გამოეყენებინათ და გამოფიტვისაგან დაეცვათ. თუ ადგილი მშრალი და ქვიშიანი იყო, მაშინ წიფელს, რცხილას, თუთას, იფნას, აკაციას და სხვ. რგავდნენ, ხოლო „ქარში“ ტირიფის, ვერხვის და მისთანათა ნედლ, გაუქერქავ სარებს ასობ-

დნენ, რომლებიც ორ-სამ წელიწადში უკვე საბელავებად იქცეო-
და.

საბელავების ტყე სათიბ-საძოვრებადაც გამოიყენებოდა, არც
იხე ხშირი იყო, თან მას ვულმოდგინედ უვლიდნენ: ქვა-ლორღისა-
ვან წმენდნენ და წამოზრდალ ეკალ-ბარდებს „ხელიერთბაშაღ“
ძირკვავდნენ.

ვენახების ირგვლივ მიღებული იყო იფნისა და თუთის გამე-
ნება. იფნა სწორ და გამძლე ჭიგოს იძლეოდა, აგრეთვე მისი ფო-
თოლი ჯარამწველი პირუტყვისათვის საყვებად გამოიყენებოდა.
თუთის ხარდანი ვამძლეობით იფნისას ჯჯობდა, თან აბრეშუმის
ჭიის საზრდო ძვირფასი ფოთოლი ესხა. გარდა ამისა, თუთის კა-
ნი ვაზის ასახვევადაც იხმარებოდა. ამგვარად, ერთი და იგივე ხეს
მეურნე მრავალგვარად იყენებდა.

საბელავების კულტურა საქართველოს მევენახეობით ცნო-
აილ კველა კეთხეში იყო გავრცელებული, მაგრამ ვენახის „შპა-
ლერზე“ გადაყვანამ ეს მამაპაპური საქმე გაქრობის პირამდე მი-
ყვანა. დავიწყებულია აგრეთვე ტყის ექსპლოატაციის ხალხური
წესები, რაც უარყოფითად მოქმედებს ჩვენი სამშობლოს ნიადა-
გებსა და მცენარეულ საფარზე.

§ 5. ვაზი და არკიტაჭურა

საიდან სადაო? იტყვის ზოგიერთი; მართლაც, ბევრ ჩვენგანს.
ვაზი მხოლოდ ვენახში წარმოუდგენია, ხოლო ვენახს — პლანტაცი-
ას მოგეხსენებათ, ხუროთმოძღვრებასთან არავითარი ხელი არა აქვს.
ღიახ, ახლა ასეა, მაგრამ წარსულს თუ გადავხედავთ აღმოჩნდება,
რომ მევენახეობასთან ერთად, ვაზი საქართველოში უმთავრესი დე-
კორატიული მცენარე იყო.

ცალკეული მიკრორაიონის ბუნებრივ-ეკოლოგიური პირობე-
ბის გათვალისწინებით ქართველმა ხალხმა ვაზის ფორმირების
მრავალგვარი წესი შეიმუშავა, სახელდობრ, დაბლარი, მაღლარი,
ოლიხნარი, ტალავერი, სანაპირაო ანუ ლობის ტალავერი, ნაგებო-
ბაზე აყოლილი ვაზი ანუ კედლის ტალავერი და სხვ. ამათგან უმ-
თავრესი სამეურნეო დანიშნულება ჰქონდა დაბლარს, მაღლარს
და ნაწილობრივ ოლიხნარს, ხოლო დანარჩენი, ძირითადად, დე-
კორატიულ-ესთეტიკურ მიზნებს ემსახურებოდა. ოღონდ აქვე უნდა
დავუმატოთ, რომ თვით სამეურნეო დანიშნულებას ფორმებიც კი
სილამაზეს მოკლებულნი არ იყვნენ, მაგალითად. მაღლარის ერთ-
ერთი სრულქმნილი სახე — ხემამული დახვეწილი დეკორატიული

ხელოვნებით გამოიჩინა. სიტყვა მივცეთ ლეჩხუმის დიდებული მალღარების თვითმხილველს „ნოვოე ობოზრენიეს“ უცნობ კორესპონდენტს: საყრდენი ხის „ფორმირება ადრევე იწყება, როდესაც ღეროს სიგრძე 1½ — 2 გოჯს აღწევს. ამავე დროს ან ერთი წლით ადრე, ხის ახლოს ვაზს რგავენ. შემოდგომაზე ან ზამთარში ნორჩი იფნის ღეროს 1 — 1½ არშინ სიმაღლეზე გადაჭრიან. ზაფხულში, წამოზრდილი ყლორტებისაგან, მათი რაოდენობის, განლაგებისა და სხვათა მიხედვით, ორ ან სამს ტოვებენ, დანარჩენები კი ძირშივე ეჭრება. დარჩენილი ყლორტებიც შეიკვეცება, არაუმეტეს ორი-სამი კვირტისა. მეორე შემოდგომის დამლევს, დატოვებული კვირტების რაოდენობის მიხედვით, ახალი ყლორტებია ამოზრდილი, რომელთაგან თითოეულ შარშანდელ როკზე მხოლოდ ორ-ორს ტოვებენ, სხვებზე უკეთესად განლაგებულს, რათა შემდეგში მიიღონ კათხისებური ვარჯი. ეს ყლორტები ქვედა ორ კვირტზე იკვეცება. ყველა სხვა დანარჩენ ყლორტს, გარედან ან შიგნიდან წამოზრდილს უსათუოდ მოაშორებენ. ასე გრძელდება ყოველ წელიწადს, ვიდრე ხე ცოცხლობს და ვაზის კულტურისათვის გამოიყენება. თანდათანობით იქმნება კათხისებური ვარჯი, იმდენად სრულყოფილი, რომ თვით გოშეს, რომელიც ნაყოფის მომცემი ხეების ფორმათა შექმნის არქიტექტორი, სახელგანთქმული და დახელოვნებული ოპერატორია, თვალი ზედ დარჩებოდა.

„კათხები“ დიდი ზომისანი ხდებიან. მალა, სადაც გადაჭრილი ყლორტების ბოლოებია, რომელთა რაოდენობა წლობით შესაძინევად იზრდებოდა, თუმცა ისინი მუდმივ მეჩხერდებიან, წარმოიქმნება თითქმის სრული სიმრგვალე, ანდა ოდნავ ელიფსური ზოლი, ზშირად 3 ან მეტი საყენი დიამეტრისა. სასიამოვნო სანახავია ასეთი ქმნილება შემოდგომით, ფოთოლცვენის შემდეგ, როცა ადამიანის მთელი ზრუნვა ჩანს. მეტადრე მომხიბლავია ვაზის ვანაწილება ვარჯის როკებსა და ტოტებზე. უზარმაზარი „კათხის“ შიგნით არ აღმოჩნდება არასწორად განლაგებული არც ერთი ყლორტი, არც ერთი ტოტი. მათ გარედანაც ვერ ნახავთ არასწორად განლაგებულს. ეს გასაგებიცაა. ვარჯის ჩამოყალიბებისას მონარჩილი ყლორტები სწორდებიან, სხვები გარეთ გადაიხრებიან, დანარჩენები, თუ ერთმანეთთან ძალზე ახლოს ამოიზრდებიან და საჭირონი არიან, განმბრჯენით გაიწვევ-გამოიწვევიან. ერთი სიტყვით, აკეთებენ ყველაფერს, რათა მიიღონ რაც შეიძლება სწორი კათხისებური ვარჯი. ვაზის ღერო იფნის ტანს მიყვება, რომელსაც 8 — 10 გოჯი დიამეტრისათვის მიუღწევია, შემდეგ 2—3 პირველად

მსხვილ, მოკლე და 5—6 გოჯიან როკზე გადადის, მერე კვლავ ტოტებს შეუყვება და მომდევნო წლების ნაყარს სულ კენწერომდე გასდევს. სადაც ჩაპიროა რქას ახვევენ. ვაზს ხეზევე სხლავენ, რადგან ის წლების მანძილზე იძენად ძლიერ ეხვევა მას, რომ შეუძლებელია გამოხსნა-განცალკეება. ვაზის ღონიერი ზრო, ჩვეულებრივ, გრძელ რქებს დაიყრის, რომელთა უმეტესობა ახლახანს მანჯენები, გზით განაწილდება, სხვები კი „კათხას“ სხვადასხვა სიმალღეებზე ქამრებივით გარს ერტყმიან“ [131-ა].

ეს პოეტური აღწერა ჩვენ მიერ მოპოვებულ ეთნოგრაფიულ მასალაში დასტურდება. უცნობმა კორესპონდენტმა, XIX ს. დამლევს, ლეჩხუმი. მალღარები საკუთარი თვალთ ნახა და ამიტომ მისი მონათხრობი ადგილობრივ მევენახეთა მაღალი ხელოვნების დამადასტურებელი, უტყუარი საბუთია.

სილამაზე და მშვენიერება არც ოლიხნარს აკლდა. ვისაც სოფელი ორბელი (ცაგერის რაიონი) უნახავს, ვერ დაივიწყებს ტან-მაღალ ვაზნართა მუქმწვანე იარუსებს, რომელთაც მთელი მიდამო მოუცავთ და ოდა-სახლების დაფარვასაც ღამობენ. XIX ს. სპეციალისტები და ცნობისმოყვარე მოგზაურები აღტაცებას ვერ იოკებენ ორბელელთა საუცხოო ვენახების გამო. იტალიელი მეცნიერი ემილ ლევიე გაოცებული წერს: „ორბელიდან რომ გავედით, ერთ მშვენიერ და მეტად მდიდარ მხარეში ვიმოგზაურეთ. ვაზი ადამიანის მონად გამხდარა, ერთი ხიდან მეორეზე გადადის, სწორედ ისე, როგორც ტოსკანაში“ [26,34].

რაც შეეხება ტალავერს, მეურნენი მას „სამშვენებელს“, „საგრილებელს“ ეძახიან. მართლაც, ტალავერს, ჩვეულებრივ, შეხედებით ქურისთაგების, წყაროს, ეზოების, ვენახის ნაპირების, გზების, ბილიკებისა და სხვათა საჩრდილობლად. გერმანელ მეცნიერს გუსტავ რადეს ლენტეხში ტალავერით დაბარდნილი ქუჩები გაუფლია. იგი გვაუწყებს: „სოფელ ლენტეხზე გამაჯალი გზები უმთავრესად ვაზის ამწვანებული გირლიანდების თაღებქვეშ მიემართებიან. ვაზს აქ ქართული წესით უვლიან, ის მაღალ ბოძზე აპყავთ და უხემ ჰორიზონტალურ ხარისებზე ჭიმავენ“ [150, 68]. ანეთივე ტალავერები რადემ ზემო სვანეთშიც ნახა [150,153]. მსკოვან მთხრობელთა გადმოცემით, ძველად შოფლის გზებისა და წყაროების ტალავერებით შემკობა ჩვეულებრივი მოვლენა იყო, დღეს კი ეს კარგი ჩვეულება დავიწყებულია.

ეთნოგრაფიულ მონაცემებზე დაკვირვებამ გვიჩვენა, რომ ტალავერი დასავლეთ საქართველოში მევენახეობის დამხმარე სახეა, უმეტესად იძლევა სუფრის ყურძენს, მას უფრო დეკორა-

ტიულ-ესთეტიკური დანიშნულება აქვს, ვიდრე სამეურნეო, ამიტომ ვაზის ფორმირების ეს წესი მევენახეობის განვითარების შედარებით გვიან საფეხურზე უნდა იყოს წარმოქმნილი. მაგრამ იგი ჩვენში ძველი დროიდანვე ჩანს, რის საბუთად შეიძლება გამოგვაღვგეს არგონაეტების მითში შემონახული კოლხეთის მეფის აიეტის ოთხი დიდებული შადრევნის აღწერა, რომელთაც „ფარაჯდა ხშირ ფოთლოვანი და ჩრდილოვანი ვაზები“ [116, 32]. ამ მხრივ საინტერესოა რადეს მითითება: მურის ციხესთან, „სამხრეთით მდებარეობს ქვებიო ძალიან გულმოდგინედ ამოშენებული წყარო, რომელიც ვაზის მწვანე ფოთლებითაა დაფარული“ [150, 54]. ეს ფაქტი ტრადიციის უწყვეტობის მაჩვენებელია. აქვე უნდა გავითვალისწინოთ, რომ აკად. ივ. ჯავახიშვილი „ტალავერს“ მევენახეობის უძველეს ქართულ ტერმინად მიიჩნევს [119, 310]. ყოველივე ეს გვაფიქრებინებს ქართული მევენახეობის ადრეულ ეპოქაში სრულყოფას. ირკვევა, რომ ჩვენი ხალხისათვის ვაზი, ჭერ კიდევ უძველეს ხანაში, არამარტო სამეურნეო მცენარე იყო, არამედ საზოგადოებრივი ადგილების გაამშვენებელი საშუალებაც, რაც თავისთავად მაღალი გემოვნების მაჩვენებელია.

სხვათა შორის, რაჭა-ლეჩხუმში ვაზს თვით ვენახებს შესამკობლად იყენებენ და ამისათვის შემუშავებული აქვთ საგანგებო ფორმა — „სანაპირაო“ ანუ „ღობის ტალავერი“. ეს არის ვენახის კედებზე წალიკად გაშვებული, ნაწილობრივ ვერტიკალურ და ჰორიზონტალურ საყრდენებზე განლაგებული ვაზნარი. აქ საყრდენები და სახე შერჩეულია ვაზის ცალკეული ჭიშების მოთხოვნილებათა და სიძლიერის მიხედვით. „სანაპირაოთი დასარტყლული ვენახი“ სასიამოვნო სანახავია.

ნაგებობაზე აყოლილ ვაზს ხალხი „კედლის ტალავერს“ უწოდებს. ქართულ ხალხურ კოლორიტულ არქიტექტურას სავსე მტენებით დახუნძლული ვაზები ორიგინალურად ერწყმოდა და განუმეორებელ, წარმტაც სანახაობას ქმნიდა. ვაზით გაცოცხლებულ ხალხის აივნებს აქა-იქ ახლაც შეხვდებით, მაგრამ ეს ტრადიცია თავის უკანასკნელ დღეებს ითვის. არამცთუ ვაზი, ყოფიდან თვით აივანიც გაქრა. ამჟამად იშვიათად აკეთებენ ჩუქურთმებით შემკულ ფართო აივანს იგი შუშაბანდმა შეცვალა. აივანს მრავალმხრივი გამოყენება ჰქონდა, იქ მზეზე აფიცხებდნენ მარცვლეულსა და ხმელ ხილს, ქვეშაგებს, ტანსაცმელს და სხვ. სახლის ირგვლივ გაშლილი გრძელი და ფართო აივნები ხელს უწყობდა ოთახების განიავებას. XIX ს. შუა ხანებში ერთი უცხოელი მოგზაური ვაზებით დაჩრდილულ ქუთათურ აივნებზე აღტაცებული წერდა: „ფართო აივნები

მოჩუქურთმებული რიკულებითა და ბოძებით არის დამშვენებული და შენობის ყველაზე საუკეთესო, ლამაზ ნაწილს წარმოადგენს, განსაკუთრებით მაშინ, როდესაც ზედ ვაზია შეყოლილია“. მოგზაური იქვე განაგრძობს: „მე ვცხოვრობდი ასეთ სახლში... ჩემს აივანს ვაზები ჩრდილავდა, ოთახებში ყოველთვის სუფთა პაერი იყო“ [151,302]

ასე იყო ძველად. დღეს კი ჩვენს ქალაქებსა და სოფლებში ვაზის სილარბე იგრძნობა, მაშინ, როდესაც სამხრეთ რუსეთსა და უკრაინაში საცხოვრებელი ნაგებობების ვაზით შემოება ბოლო დროს ძალიან გავრცელდა. ოდესის ოლქის ხელმძღვანელებმა ამ სტიქიურ პროცესს ორგანიზებული ხასიათი მისცეს. პროფ. ს. მელნიკმა გამოაქვეყნა წიგნი [141], სადაც ავტორი მსურველთ რჩევა-დარიგებას აძლევს, როგორ დარგონ ნაგებობებთან ვაზი და როგორ მოუარონ მას. რუსეთისა და უკრაინისათვის ეს საქმე შედარებით ახალია, მიუხედავად ამისა, ვაზმა შენობებთან ფეხი ფართოდ მოიკიდა. საქართველოში სახლთან ვაზის დარგვა, ისევე როგორც წყაროსთვლებთან — ბინულებთან, ძველთაძველი ჩვეულებაა, მაგრამ დღეისათვის რატომღაც ნაკლებად მივსდევთ და თითქმის სულ დავივიწყეთ. ქალაქებისა და დაბა-სოფლების პერსპექტიული, ხუროთმოძღვრული აგებმარების დროსაც ვაზს და მის დეკორატიულ თვისებებს არ ვითვალისწინებთ, სწორედ ამიტომ იშვიათია ვაზის ხეივნები და ფანჩატურები, მაშინ როდესაც მრავალი თვითმხილველი და მათ შორის ქართველი ხალხის მეგობარნი, მწერალი არტურ ლაისტი დიდად ნასიამოვნები იყო თბილისური ბაღების შესანიშნავი ხეივნებით, „რომელზედაც აუყვანიათ ყურძნის მტევნებით დატვირთული ვაზები“ [46,192]. მართალია, თითო-ოროლა მოხალისე ცდილობს აივნები ვაზით შეამკოს, მაგრამ როცა არქიტექტორის ჩანაფიქრი ნაგებობასთან ამ მცენარეს არ ითვალისწინებს, ეფექტიც ნაკლებია და პირიქით, უფრო უარყოფით შთაბეჭდილებას ახდენს. მართლაც არასასიამოვნოა ნაგებობაზე ძალად მიტმასნილი, მოუვლელი ვაზი აბუწული რქებით, ჩამკვნიარი, დაფორაჯებული ფოთლებით და უდროოდ ჩამავებული, გამხმარი მტევნებით. სახარბიელო მდგომარეობა არც ცალკეულ ეზოებსა და ბაღებშია, აქა-იქ დარგული ვაზი ხშირად დაკნინებულია და დეკორატიული თვალსაზრისითაც, ბუნებრივია, უმწეოდ გამოიყურება, თითქოს „ვენახის ხელი“ დაგიწყებია და გემოვნება გაგელარიბებია. ყოველივე ამასვე არაერთხელ აღინიშნა პრესაში, მაგრამ ვაზის დასახლებებთან დამკვიდრებას ორგანიზებული ხასიათი ჯერჯერობით მაინც არ მიუღია. დროა მას ღირსე-

ული ადგილი მივცეთ თანამედროვე ლანდშაფტურ არქიტექტურაში, ეს ღვთაებრივი მცენარე, უეჭველია, ფართოდ უნდა გამოვიყენოთ ყველგან, სადაც ამის შესაძლებლობაა. უფრო მეტიც, ჩვენთან ყოველ ნაბიჯზე უნდა იგრძნობოდეს ვაზის კულტი — საჭარბველო ხომ მევენახეობა-მელვინეობის საყოველთაოდ აღიარებული ერთ-ერთი კერაა.

§ 6. ცხოვრების კარნახით

თანამედროვე ყოფა რთული და მრავალფეროვანია. იგი მოიცავს ადამიანის ცხოვრების ყველა ასპექტს ოჯახური გარემოდან მოკიდებული საზოგადოებრივ ურთიერთობამდე. საბჭოთა წყობილება კაცობრიობის ისტორიაში პირველია, სადაც არ არის ადამიანის მიერ ადამიანის ექსპლუატაცია, არ არსებობენ პრივილეგიური და ჩაგრული კლასები. საბჭოთა სახელმწიფო ემყარება რა მუშების, გლეხების და ინტელიგენციის მჭიდრო კავშირს, გეგმავს და არეგულირებს წარმოებას, უზრუნველყოფს სოციალურ თანასწორობას და ეროვნული შემოსავლის თანაბარ განაწილებას. ამრიგად, სახელმწიფოს მიერ გეგმაზომიერადაა მოწესრიგებული მოსახლეობის დასაქმება და მატერიალური ანაზღაურება. ასევე საბჭოთა სახელმწიფო ზრუნავს მოქალაქეთა სულიერი კულტურის მოთხოვნილებათა სრულყოფილად დაკმაყოფილებისათვის. ქუჩადლების ცენტრშია ხალხს ყოველდღიური ყოფა-ცხოვრება, სადაც ახალთან ერთად, ჭერ კიდევ რელიეფურად, იჩენს თავს ძველი ტრადიციები, ადამიან-წესები და გადმონაშთები. მარქსიზმ-ლენინიზმი გვასწავლის, რომ ბაზისის შეცვლის მიუხედავად ზოგიერთი, ძველი ზედნაშენური მოვლენა ახალ პირობებს ეგუება და დაბრკოლებად იქცევა ხოლმე. განსაკუთრებით მავნე ხასიათისანი არიან გადმონაშთები (გ ა დ მ ო ნ ა შ თ ი — წარსულის „ნარჩენი“ მოვლენა: საზოგადოებრივი ურთიერთობის რაიმე ელემენტი, ან თვით ურთიერთობა, ჩვევა, ჩვეულება, მოქმედების ნორმა, სტანდარტი, იდეა, შეხედულება, წარმოდგენა, გემოვნება, შემორჩენილი ახალი საზოგადოებრივი წყობის პირობებში, განვითარების უფრო მაღალ სოციალურ-ეკონომიკურ საფუძველზე). გადმონაშთთა კონსერვაცია, უმთავრესად რელიგიურად განწყობილ ადამიანთა შეგნებაში ხდება.

ცნობილია, რომ ესა თუ ის რელიგია საუკუნეთა მანძილზე ცდილობდა ჩასწვდომოდა და მოეწესრიგებინა ხალხთა ყოფა-ცხოვრება და საკუთარი მიზნებისათვის გამოეყენებინა. ცრუმორწმუნე-

ნობრივი ინსტიტუტები, რომლებიც თავის მხრივ ნაირნაირ ადათებს ზადებენ, კულტის მსახურთა ხელში ყოველთვის ქმედით იარაღად იქცეოდნენ, ამიტომ გახდა რელიგია ხალხთა ოპიუმი.

დღეს, XX ს. 80-იან წლებში, როცა კაცობრიობა ატომის საიდუმლოებას ეზიარა და კოსმოსური მოგზაურობანი ჩვეულებრივ მოვლენად იქცა, რელიგია ისევ ინარჩუნებს ზემოქმედების ძალას და ყოფა-ცხოვრების სფეროშიც, ჭერჭერობით, თვალსაჩინოა მისი ზეგავლენა. მიუხედავად ამისა, კაცობრიობა თავისი არსებობის მანძილზე ძირითადად იყვებებოდა რაციონალური ტრადიციებით, რაც უპირველესად გამოხატულებას პოულობდა მდიდარ საწარმოო ცოდნა-გამოცდილებაში და ხალხის დაუსაბამო მხატვრულ აზროვნებაში. ტრადიცია (ლათ. traditio) — გადაცემა, გადმოცემა, trado — გადავცემ) ისტორიულად ჩამოყალიბებული, და თაობიდან თაობაზე გარდამავალი ჩვევაა ან ჩვევათა კომპლექსი, წესი, წესჩვეულება, ქცევის ნორმა, თითოეული ხალხის ცხოვრების ნირი, თავისებურება, სპეციფიკა და სხვ.

თუ რა გამძლეობა აქვს ყოფა-ცხოვრების ძველ წესს განსხეულებულს რწმენა-წარმოდგენებში, ადათებში და ჩვევებში, ამის მაგალითთა კაცობრიობის მოელი ისტორია. თვით რელიგიათა მრავალსაუკუნოვანმა სისხლიანმა ბრძოლებმა, რომელიც ევროპაში ინკვიზიციის კოცონებამდე დამდაბლდა, ვერ შესძლო აღმოეფხვრა ხალხში ხალხური. შორს ნუ წავალთ, მაგალითად ჩვენი სამშობლოს ისტორია ავიღოთ. ქართველმა ხალხმა ქრისტიანობა მაშინ მიიღო, როცა ეს მოძღვრება დაიხვეწა, მაშინდელი საზოგადოების იდეოლოგიად ჩამოყალიბდა და, რაც მთავარია, კარგად მოერგო ქართულ ეროვნულ მოდელს. ქართული ქრისტიანობა ინკვიზიციამდე არასდროს დაცემულა, მაგრამ ე. წ. წარმართულ იდეოლოგიასთან ბრძოლა ჩვენთანაც შეუპოვრად წარმოებდა. სწორედ ამის შედეგია, რომ მსოფლიოში ერთ-ერთი უძველესი ანბანის მქონე ხალხს ქრისტიანობის წინარე სამწერლობო ძეგლები, ჭერჭერობით, არ გააჩნია, ხოლო წარმართულ ტაძართა ნაშთებს მხოლოდ ახლად აღმოჩენილნი არქეოლოგები. მიუხედავად ამ უკომპრომისო და უშეღავათო შინაომისა ქრისტიანობამდელი წარმოდგენანი და შეხედულებანი ქართულ ყოფას ისე რელიეფურად წებორჩა, რომ ცნობილმა ეთნოგრაფმა ვერა ბარდაველიძემ, როცა 40-იან წლებში ქართველთა რელიგიის ისტორიულ-ეთნოგრაფიული შესწავლის შედეგები შეაჯამა, უყოყმანოდ განაცხადა: ქართულ რელიგიურ სინკრეტიზმში ქრისტიანულ ელემენტებს წარმართული სჭარბობს. ქრისტიანული წმინდანების სახელით,

უმრავლეს შემთხვევაში, უძველესი ხალხური ღვთაებები იგულისხმება, ქრისტიანული უქმე-ღღესასწაულების სახელწოდებით და ამ უქმე-ღღესასწაულისათვის განკუთვნილ ღღეებში არსებითად წარმართული წეს-ჩვეულებები ჩრულდებოდა“ (ქართველთა უძველესი სარწმუნოების ისტორიიდან, თბ., 1941, გვ.2).

ყოველივე ამაში ხომ არ უნდა ვიგულისხმოთ ხალხის ერთადერთი, თავისთავადი და განუმეორებელი იერსახე, რომლის მთლად დაფარვა და მით უმეტეს შეცვლა შეუძლებელია, გარედან რაგინდ იდეოლოგიური ზეგავლენა არ უნდა იყოს. ისტორიამ მრავალი ფაქტი იცის ხალხების შერწყმისა და უდიდესი ქვეყნებსა გაქრობისა, მაგრამ თუ ერთი ცოცხლობს, არსებობს, მას თავისი დვრიტა ყოველთვის შეუბღალავად აქვს შემონახული, სწორედ ის აძლებინებს და უნარჩუნებს თავისთავადობას. ზოგადად ეს დვრიტა ჩვენი უძველესი დედაენაა, შინაგანი მაღალი კულტურა, ქუდბედად დაყოლილი საოცარი ჰუმანიზმი და კაცთმოყვარეობაა. ყოველივე ამას თუ ღვარძლი შეერეოდა, მაშინვე ხმას აღიმალეზდნენ ერისკაცნი და უებარ წამალს გამონახავდნენ. სწორედ ასეთი დონითა და თვალთახედვით უნდა განვიხილოთ საქართველოს კომპარტიის ცენტრალური კომიტეტის 1975 წლის 24 ნოემბრის დადგენილება „მაგნე ტრადიციებისა და წეს-ჩვეულებების წინააღმდეგ ბრძოლის გაძლიერების ღონისძიებათა შესახებ“. დადგენილება ითვალისწინებს, თანამედროვე ყოფის ღრმამეცნიერულად შესწავლა-გაანალიზების საფუძველზე, ამა თუ იმ ყოფითი მოვლენის, ადათ-წესის, ტრადიციისა თუ გაღმონაშთის ფიქსაციას, მისი ფესვების, გენეზისის კვლევას და ამის შედეგად სათანადო პრაქტიკული ღონისძიებების გატარებას. დადგენილება გამორიცხავს რა ყოველგვარ ზერელობას და ადმინისტრირებას, იძლევა სახელმძღვანელო დებულებებს ყოფის შემდგომი შესწავლისა და მეცნიერული კვლევა-ძიებისათვის, რაც კომპლექსურად, თანმიმდევრულად უნდა განახორციელოს ჰუმანიტარული დარგის ყველა დისციპლინამ. აქვე ხაზგასმით უნდა აღინიშნოს, რომ საზოგადოებრივ მეცნიერებებს კვლევის ახალი ამოცანები დაუსახა სკკპ XXV ყრილობამ, საანგარიშო მოხსენებაში ლეონიდ ილიას ძე ბრეჟნევემა ნათელყო, რომ „ქვეყნის განვითარების ახლანდელ ეტაპზე თეორიის შემდგომი შემოქმედებითი დამუშავების საჭიროება კი არ მცირდება, არამედ, პირიქით, იზრდება. როგორც ზოგადთეორიული, ფუნდამენტური, ისე გამოყენებითი ხასიათის ნაყოფიერი კვლევის ახალი შესაძლებლობანი იქმნება სხვადასხვა მეცნიერების, კერძოდ, საბუნებისმეტყველო და საზოგადოებრივი მეცნიერების შესაყარზე.

ისინი სრულად უნდა გამოვიყენოთ“. მაშასადამე, საზოგადოებრი-
ვი მეცნიერებანი დღეს მწარმოებლურ ძალადაა ქცეული, რადგან
ძერწავს და აყალიბებს მეცნიერულ-ტექნიკური რევოლუციის ეპო-
ქაშიც წარმოების შეუცვლელი და წარმმართველი ძალის — ადა-
მიანის სულიერ საქყაროს, მის იდეურ და ზნეობრივ სახეს.

მრავალსაუკუნოვანი გამოცდილებით შემოწმებული ჭანსალა
ტრადიციები სოციალიზმისა და კომუნიზმის პირობებშიც ისევე
საჭირონი და აუცილებელნი არიან, როგორც წყალი და ჰაერი. დი-
დი ლენინი გვასწავლავს, რომ ახალი საზოგადოების წარმატებით
შენება მხოლოდ წარსულის მემკვიდრეობის კრიტიკულად ათვისე-
ბის შედეგად არის შესაძლებელი. კომუნიზმი — კაცობრიობის ეს
წარმატაცი ოცნება გულისხმობს ადამიანთა ყველა მონაპოვრის
სრულყოფილად შექამებას და კვლავ ხალხის სამსახურში ჩაყენე-
ბას. ამგვარად, წარსულის შესწავლა და მეცნიერული ათვისება
უაღრესად სადღეისო ამოცანაა. მას არა მარტო შემეცნებითი, არა-
მედ უდიდესი პრაქტიკის მნიშვნელობა აქვს. როგორც საქართვე-
ლოს კომპარტიის ცენტრალური კომიტეტის ნოემბრის დადგენილე-
ბაშია მითითებული წარსულის დადებითი ტრადიციებიდან თუ
ჩვევებიდან შენარჩუნებას და ცხოვრებაში ფართოდ დანერგვას
საჭიროებს კოლექტიური შრომის ხალხური ორგანიზაცია: საუკუ-
ნეთა მანძილზე დახვეწილი ზრდილობის წესები, უფროსუმცრო-
სობის ადათი, სტუმართმოყვარეობა და სტუმრის დახვედრის ჩვე-
ულება; მოკრძალება ქალისადმი და დედის კულტი, ოჯახური სო-
წმინდისა და პატიოსნების დაცვა, ქორწინების რიტუალი, წინაპა-
რთა ხსოვნა და მიცვალებულთა „გაპატიოსნება“, კაცთმოყვარეო-
ბა, ჰუმანიზმი და სხვ.

ამასთანავე, დადგენილება უკომპრომისო ბრძოლას უცხადებს
საბჭოთა ყოფისათვის შეუთავსებელ უცხო ზნე-ჩვეულებებს. აქ
ძირითადად უნდა ვიგულისხმოთ კაპიტალისტური სამყაროდან შე-
მოჭრილი მანკიერებანი, სახელდობრ კიჩი და მისთანანი. აგრეთ-
ვე წარსულის მემკვიდრეობით მიღებული, რელიგიურ რწმენა-
წარმოდგენებში განზავებული, ზოგიერთი კონსერვატიული
ჩვეულება, ადათი და დღეობა, „რომლებიც ანაქრონიზმად იქცნენ
და შეურიგებლად ეწინააღმდეგებიან სოციალისტურ საზოგადო-
ებრივ ურთიერთობას“. ასეთთა შორის, პირველ რიგში დასახელე-
ბულია საკულტო დღესასწაულები და ყოფა-ცხოვრებაში ისეთი
უმნიშვნელოვანესი მოვლენების, როგორცაა ქორწინება, ქობა,
გარდაცვალება რელიგიური ფორმითა და პირობითობით აღნიშ-
ვნა.

ახლო წარსულის მოჩვენებითი კეთილდღეობის, უდარდებლობისა და განუკითხაობის პეროდში, როცა კერძომესაკუთრულმა ტენდენციებმა საზოგადოების ერთ ნაწილში ფეხი მოიკიდა და მრავალ ნეგატიურ მოვლენას დასაბამი მისცა, შეირყვნა და ბოროტად იქნა გამოყენებული „სტუმრის კულტი“, „ხელგაშლილობა“, „ღვინის კულტი“, „ოჯახური ტრადიცია“ და ა. შ. დადგენილებაში ხლნიშნულია: „წარსულის ტრადიციების ერთგულების ფარდის მიღმა ხშირად იმალება კუთხური შეზღუდულობა და კარჩაკეტილობა, აღმაშფოთებელი პროვინციალიზმი და მომძლავრებული მეშინაობა. მაგალითად, „პატრიოტიზმის“ ცნება ცალკეული ადამიანისათვის, რომელთა სიყვარული სამშობლოსა და ხალხისადმი ქეიფითა და ლიტონი სიტყვით ამოიწურება და სრულიად არ დასტურდება გამრჩეობით, გადაიქცა ფსევდოპატრიოტიზმის მანიჩქ ფორმად“. სწორედ ამ ვაიპატრიოტებმა შებღალეს ქართული სუფრის წესები და უაზრო ღრეობისა და ლოთობის ასპარეზად აქციეს იგი. თვით, ადამიანთათვის წმინდა, უფაქიზესი და მარად სახსოვარი, ქორწილი და ტირილი არა მარტო გააყალბეს, არამედ სამარცხვინო მომხვეჭელობისა და ჩარჩული ანგარების არენად გახადეს. სწორედ ასეთ ტენდენციათა მოძალების შედეგია, რომ ჩვენი დაბა-ქალაქები და სოფლები მოიფინა პრაქტიკულად ნაკლებად გამოსაყენებელი ზიზილ-პიპილებითა და უგემოვნო სამშვენივრებით მორთული ვეებერთელა სახლებით, ხოლო ძველქართული მოკრძალებული, უპრეტენზიო სასაფლაოების ნაცვლად მივიღეთ პომპეზური ნაგებობანი, რომლებიც აშკარად ამკლავებენ იოლად გამდიდრებულთა ბანალურ სულისკვეთებას.

მანკიერებათა წინააღმდეგ ბრძოლა სადღეისო, გადაუდებელ ამოცანადაა დასახული. დადგენილება გამორიცხავს რა აჩქარებასა და გადახრას, სახავს წარსულის მივნე მემკვიდრეობის დაძლევის ნათელ პროგრამას, სადაც გადამწყვეტი მნიშვნელობა მეცნიერებას ენიჭება. გარდაქმნები მხოლოდ მეცნიერული შესწავლისა და რეკომენდაციების შედეგად განხორციელდება. ამ თვალთახედვით აგიტაცია-პროპაგანდაში და საერთოდ იდეოლოგიურ მუშაობაში არსებითია დარწმუნების მეთოდი, უფრო რეალურის, უფრო საუკეთესოს, სასურველის, სასარგებლოს, მეტად მიმზიდველის, მშვენიერის არა მარტო შეთავაზება, არამედ ცხოვრებაში დანერგვა. სწორედ ამიტომ დადგენილება პრაქტიკულ ღონისძიებათა მთელ კომპლექსს ითვალისწინებს, რისი განხორციელებისათვის თანმიმდევრულად უნდა იბრძოლონ რესპუბლიკის საბჭოთა ორგანოებმა, სამეცნიერო-შემოქმედებითმა, სასწავლო, კულტურულ-

საგანმანათლებლო დაწესებულებებმა, მასობრივი ინფორმაციის საშუალებებმა, გამომცემლობებმა და ა. შ. ამასთან დაკავშირებით უნდა გაიზარდოს და განმტკიცდეს შესაბამის ინსტანციათა მატერიალური ბაზა.

განსაკუთრებული როლი აქისრიათ მუზეუმებს. დღეს, გამარჯვებული სოციალიზმის ეპოქაში, სრულიად გასაგები მიზეზების გამო, ძველი ყოფის რეალიები სწრაფად ქრება. მათი გადარჩენის ერთადერთი შესაძლებლობა მუზეუმებში დაუნჯებაა და სწორედ ამ გადაუდებელ მოთხოვნილებათა შესაბამისად უნდა გარდაიქმნას სამუზეუმო საქმიანობა. ექსპონატების მოძიება-გამოვლენის არჩეული ტემპი, ბუნებრივია, საკმარისი არ არის. მით უმეტეს ხალხში გაბნეულ რელიკვიებსა და ისტორიული ლარებულების მქონე ნივთებზე ძალიან ცოტა ინფორმაცია გვაქვს. რადგან ამ თვალსაზრისით მუშაობა საჭირო ინტენსივობით არ წარმოებს. მართალია, ცალკეული ინსტიტუტი, მუზეუმი და არქივი კოლექციების გამოსავლენად და შესაძენად გარკვეულ მუშაობას ეწევა, აწყობს ექსპედიციებს, მაგრამ ეს ზღვაში წვეთია. მაგალითად, პროფ. ვ. ბარდაველიძემ აღმოსავლეთ საქართველოს მთიანეთში გამოიკვლია და დეტალურად აღწერა რიტუალური დანიშნულების უამრავი ნივთი, რომელთა სამუზეუმო დონეზე დაცვა, წერაწერობით, ისევ განუხორციელებელია.

სვანეთის ეკლესიებში შემონახული განძის კომპლექსურმა შესწავლამ, რასაც საქართველოს სახელმწიფო მუზეუმი ნაყოფიერად აწარმოებს (ექსპედიციის ხელმძღვანელი მ. ჩართოლანი) დაგვარწმუნა, რომ ჩვენი მუზეუმების ფონდებში ნახევარიც არ არის დაცული იმ ეროვნული სიმდიდრისა, რაც ქართველ ხალხს ვაჩინია. საქართველო სიბველეთა ქვეყანაა. უამრავი ძეგლი და მათ შორის ისტორიულ-ეთნოგრაფიული ღირებულების მქონე ნივთები, დიდი და მცირე ხელოვნების ნიმუშები, მოსახლეობაში გაბნეული წერილობითი წყაროები და სხვა მრავალი, გამოწვლილივით შესწავლას საჭიროებენ, ოღონდ ეს შესწავლა უპირველესად მათი აღრიცხვით, ფიქსაციით უნდა დაიწყოს. ასეთი კვლევა-ძიება. რომელიც თავისი მნიშვნელობით არქეოლოგიურ გათხრებს არ ჩაიოუვარდება, უნდა ვაწარმოვით ყველა დასახელებულ პუნქტში, ყველა ოჯახში. ამასთანავე, გავწიოთ ფართო ახსნა-განმარტებითი მუშაობა და შემოვიკრიბოთ აქტივი. ფონდ-საცავთა უკმარობის გამო, ამჯერად შეუძლებელია ყველა განძს მუზეუმში მოვუყაროთ თავი, მაგრამ კერძო პირთა ხელში სამუზეუმო მნიშვნელობის ქონება მეცნიერულად უნდა იყოს აღნუსხული. აუცილებელია მისმა

პატრონმა შეგნებულად იცოდეს რა საუნჯეს ფლობს — ნაგებობა იქნება ეს თუ ცალკეული ნივთი და მისი მოვლა-პატრონობა სახელმწიფოებრივ დონეზე დაეკისროს. რასაკვირველია, ზუსტად უნდა განისაზღვროს ისტორიული ღირებულების მქონე მატერიალურ ფასეულობათა შენახვა-დაცვის ვალდებულებანი. ყოველივე ამის განხორციელება არ არის ადვილი საქმე. როგორც საქართველოს კომპარტიის XXV ყრილობაზე ითქვა, პირველ ყოვლისა, საჭიროა „მეცნიერული შრომის მეცნიერული ორგანიზაცია“, ყველა სპეციალისტის მობილიზაცია და დარაზმვა. მხოლოდ საგანგებო ღონისძიებების გატარებით გამოვავლენთ, დავიცავთ და გადავარჩინოთ ხალხში გაბნეულ რელიკვიებს. თუ გავითვალისწინებთ, რომ მუზეუმი ბევრ რაიონსა და ქალაქში ერთადერთი სამეცნიერო დაწესებულებაა, სწორედ ამიტომ ის უნდა გახდეს ადგილებზე ტრადიციების კვლევის მაორგანიზებელი ცენტრი. ამდენად, საქართველოს კომპარტიის ცენტრალური კომიტეტის 1975 წ. ნოემბრის დადგენილების პრაქტიკულად განხორციელებისათვის მუზეუმებს მეტი მნიშვნელობა უნდა მიენიჭოს. სხვა დაწესებულებებთან შედარებით მათ ის უპირატესობაც აქვთ, რომ თვალსაჩინოების ქმედითი საშუალებანი მოეპოვებათ. რის გამოყენებაც წარმატებით შეიძლება საზოგადოებრივ დისციპლინათა დაუფლებასა და ათეისტური პროპაგანდაში. ჩვენი აზრით, შესაძლოა მუზეუმი ახალი სოციალისტური წეს-ჩვეულებებისა და რიტუალების შესრულების ასპარეზად იქცეს. მართლაც, რა იქნება იმაზე ამაღლეველი, დიდებული მუზეუმის ჰერკლეშ მოეწყოს მუშად თუ მევენახედ კურთხევა; საზეიმო ცერემონიალით აღინიშნოს მშრომელთა ღვაწლი, დაჯილდოება, წახალისება და სხვა მისთანანი, თან საგანგებო სტენდებზე ყოველივე ეს მომავალ თაობებს შემოენახოს. უთუოდ განუზომელია ამ ქმედებათა მორალურ-ზნეობრივი ზეგავლენის ძალა.

თანამედროვე მოთხოვნილებათა შესაბამისად განსაკუთრებული მნიშვნელობა ენიჭება გამოყენებითი ეთნოგრაფიის პრობლემატიკას. სწორედ აქ მიზანსწრაფულად უნდა განხორციელდეს თეორიისა და პრაქტიკის ერთიანობა.

მეცნიერულ-ტექნიკური რევოლუციის შედეგად აღამიანმა გაუგონარ წარმატებებს მიაღწია. მრავალ თაობის ოცნება რეალობად იქცა და მძლავრმა ტექნიკამ თითქმის დაჯაბნა ბუნების ძალები. აქედან გამომდინარე, წინ წამოიწია ჰიცოცხლისათვის საჭირო ზირობების შენარჩუნების არანაკლები გრანდიოზული პრობლემა. ამასთან დაკავშირებით, აუცილებელი გახდა პროგრესის შედეგთა კრიტიკული შეფასება. და აი, უზუსტესი აპარატურით შეიარაღებუ-

ლი ამაყი მეცნიერული აზრი კვლევითი ლაბორატორიებიდან ხალხის მრავალაუკუნოვან ცოდნა-გამოცდილებას მიუბრუნდა, რათა ხალხური სიბრძნე მიღწევათა უკუშედეგების მალამოდ გამოიყენოს. ამრიგად, ეთნოგრაფიას ყველა ქვეყანაში ფართო ასპარეზი გადაეშალა, რუდიმენტურ მოვლენათა კვლევის ნაცვლად ის სრულიად თანამედროვე და უაღრესად საჭირო მეცნიერებად იქცა. აღმოჩნდა, რომ ხშირად ემპირიული, მაგრამ ხალხის მრავალნადადი ცოდნა დღესაც კი — ატომური ენერჯის ხანაში, ანგარიშგასაწევი და, რაც მთავარია, პრაქტიკულად გამოსაყენებელია. მაგალითად, ძველად საქართველოში მიწის დამუშავება მის მოვლასაც გულისხმობდა. მთიან, მცირემიწიან ქვეყანაში დასაბამიდან იტულებულნი იყვნენ სავარგულთა ათვისება-შენარჩუნებისათვის უაღრესად რაციონალური მეთოდები გამოემუშაებინათ, რათა მაქსიმალური მოსავალი მიეღოთ. ამასთანავე მარჩენალი მიწა მარად ნაყოფიერი გაეხადათ. ამ სასიცოცხლო ამოცანის შესასრულებლად მრავალი საშუალება იქნა მიგნებული, რომელიც ხანგრძლივი საწარმოო პრაქტიკის შედეგად დაიხვეწა და ჩვენამდე კლასიკური სახით მოაღწია. მარტო ფერდობი ნიადაგის დაცვა-ათვისების ხალხური სისტემა რად ღირს. ხვნის წესებსა და თვით სახვნელი იარაღების დამზადების ტექნიკაში გათვალისწინებული იყო ნამუშევარი მიწის ადგილზე დამაგრების აუცილებლობა. აღარას ვაშობთ ხალხის მიერ ვერტიკალურ ზონალობაში კულტურათა განლაგების კლასიკურ შეხამებაზე, მიზანსწრაფულ თესლთშერჩევასა და თესლბრუნვაზე, დაღლილი მიწის დროულ დასვენებასა და გაატივებაზე, აგრეთვე სხვა მრავალ ფაქტორზე, მეტადრე რწყვასა და ქარსაფარი ზოლების მოწყობაზე, რასაც ქართველი ხალხი უხსოვარი დროიდან ახორციელებდა.

მევენახეობა-მელვინეობის, მეჩილეობა-მებაღეობის, მესაქონლეობისა და ისტორიულად მაღალგანვითარებული სხვა დარგების რაციონალური წესები დღეს არა მარტო ანგარიშგასაწევი, არამედ ცხოვრებაში კვლავ დასანერგია.

მეურნეობის ხასიათი, სამოსახლო ადგილის შერჩევა, ნაგებობანი, ტანსაცმელი და სხვ. ზუსტად პასუხობდა ამა თუ იმ კუთხის ეკოლოგიურ მონაცემებს. მსოფლიოში ძნელად მოიპებნება ქვეყანა, სადაც ასე მაქსიმალურად, სრულყოფილად იყოს შეცნობილი საცხოვრებელი გარემო, რომლის შესაბამისად დროთა განმავლობაში მოხდა საწარმოო დასპეციალება და ჩამოყალიბდა რეგიონალური თავისებურებანი. ეს თავისებურებანი არამცთუ საწარმოო ყოფაში, არამედ მცხოვრებთა მეტყველებაში, ხასიათსა და ტემპერამენტშიც აისახა. ყოველივე ამის შეცნობა, ფაქტობრივ მასალაზე დაყრდნობით, საერ-

თოდ ეთნოგრაფიას ეკისრება, ხოლო გამოყენებითმა ეთნოგრაფიამ თავისი სიტყვა უნდა თქვას იმის შესახებ, ოუ ამჟამად რა რეალიები, ტრადიციული წეს-ჩვეულებანი შემოგვრჩა და როგორია მათი ცხოვრებაში კვლავ დამკვიდრების ან უარყოფის პერსპექტივები.

ჩვენი დაბა-ქალაქებისა და სოფლების ეროვნული კოლორიტის შენარჩუნება, მატერიალური კულტურის, სახელდობრ ეთნოგრაფიული ძეგლების დაცვა, ხალხური გამოყენებითი ხელოვნებისა და შინა-ხელოსნობის ადგილობრივი კერების განახლება, ძირითადად, ეთნოგრაფთა მეთავეობით უნდა მოხდეს.

პრობლემატიკა მრავალია და ისე არასდროს არ ყოფილა ეთნოგრაფიული კვლევა-ძიება საჭირო. როგორც ახლა. მით უმეტეს, საქართველოს ცენტრალურმა კომიტეტმა აღნიშნული დადგენილებით ერთხელ კიდევ ცხადყო, რომ ხალხის ნაციონალური ტრადიციების დამახინჯების წინააღმდეგ ბრძოლა კამპანიური ხასიათისა კი არ იქნება, არამედ პრინციპული, გეგმაზომიერი, და, რაც მთავარია, უშეღავათო. სწორედ ამიტომ საჭიროებს ყოველი ყოფითი მოვლენა გამოწვლილვით შესწავლას. როგორც დადგენილებაშია მითითებული კომპლექსურად, მეცნიერულ საფუძველზე უნდა იყოს გამოკვლეული „ქართველი ხალხის ძველი ტრადიციების გენეზისი, ფესვები და გამძლეობის ფაქტორები, ახალი, რევოლუციური, ინტერნაციონალური, საბრძოლო, შრომითი, მოქალაქეობრივ-ყოფითი და ეთნიკური ტრადიციების სოციალური განზომილებანი, მოსახლეობის ცალკეული ფენებისა და საბჭოთა საქართველოში გცხოვრები სხვა ხალხების წარმომადგენელთა ტრადიციებისადმი სხვადასხვა დამოკიდებულების მიზეზები“. ეს გადაუდებელი პრობლემა, უპირველეს ყოვლისა, უნდა გადაჭრან ჰუმანიტარული დარგის დისციპლინებმა, რომელთაც მიზნობრივი კვლევის გრანდიოზული პროგრამა დაუსახა სკკპ და საქართველოს კომპარტიის X XVI ყრილობებმა.

ცნობილი დადგენილების — „მაენე ტრადიციებისა და წეს-ჩვეულებების წინააღმდეგ ბრძოლის გაძლიერების ღონისძიებათა შესახებ“ ცხოვრებაში გასატარებლად უკვე გადაიდგა პრაქტიკული ნაბიჯი. საქართველოს კვ ცენტრალურ კომიტეტთან ჩამოყალიბდა მშრომელთა ყოფა-ცხოვრებაში ახალი წეს-ჩვეულებებისა და რიტუალების პროპაგანდისა და დანერგვის რესპუბლიკური მუდმივი კომისია, ხოლო საქართველოს ისრ მეცნიერებათა აკადემიის პრეზიდიუმთან შეიქმნა ზოციალურ-კულტურულ ტრადიციათა პრობლემების სამეცნიერო-საკოორდინაციო ცენტრი, რომლის მიზანია სამეცნიერო

კვლევა-ძიების ორგანიზაცია და მუდმივ კომისიებთან ერთად რეკომენდაციების შემუშავება.

საქართველოს სსრ საყოფაცხოვრებო მომსახურების სამინისტროსთან დაარსდა საწესჩვეულებო მომსახურების სამმართველო, რომელსაც დაევალა საქორწინო და სამგლოვიარო რიტუალების ახალი შინაარსით პრაქტიკულად განხორციელება.

აღნიშნული დაწესებულებანი მოწოდებულნი არიან მიზანსწრაფულად მართონ ყოფითი მოვლენები და ამ სათუთ საქმეში საზღვარი დაუდონ ერთგვარ სტიქიურობას, რასაც ადგილი ჰქონდა ახლო წარსულის მიშვებულობისა და უპასუხისმგებლობის პერიოდში.

დადგენილების მიღების შემდეგ, მიუხედავად გაწეული მუშაობისა, საქართველოს კომპარტიის ცენტრალური კომიტეტის მეორე პლენუმზე (1976 წლის 26 აპრილი), საგანგებოდ აღინიშნა:

„კარგი, ძალიან დროული დადგენილებაა ბრძოლა მკაცრ ტრადიციებისა და წეს-ჩვეულებების წინააღმდეგ. მას შემდეგ, რაც იგი მივიღეთ, თითქმის ნახევარი წელი გავიდა. ზავებით საკმარისი დროა, რომ შეგვეძლოს ვილაპარაკოთ მისი განხორციელების გზით გადადგმულ პირველ ნაბიჯზე. მაგრამ ჭერჭერობით ბევრი არაფერი გვაქვს სათქმელი. და ამაში კიდევ ერთხელ რწმუნდები მორიგი რელიგიური დღესასწაულის მოახლოებისას. ზოგიერთი ამხანაგის შეშფოთება, რომელიც ამ გარემოებამ გამოიწვია, მოწმობს, რომ ძველი წეს-ჩვეულებისათვის ახალი ტრადიციების დასაპირისპირებლად ჭერჭერობით კონკრეტული არაფერი გაცემებულა“ (კომუნისტი, 27 აპრილი, 1976).

ღიან, ამ მიმართულებით მართლაც ბევრი რამ არის გასაკეთებელი, მოსაგვარებელი. შექმნილი დაწესებულებანი თავიანთ პრაქტიკულ საქმიანობაში, ბუნებრივია, უნდა ემყარებოდნენ სამეცნიერო-კვლევით შედეგებს, უპირველეს ყოვლისა, სოციოლოგიური-ეთნოგრაფიული-ფსიქოლოგიური თვალთახედვით საგანგებოდ უნდა იყოს შესწავლილი თანამედროვე ყოფაში მიმდინარე პროცესები, კომპლექსურად გამოვლინდეს რაც შეიძლება უხვი ფაქტობრივი მასალა, რომელიც გააზრებული იქნება ისტორიულ-ეთნოგრაფიულ მონაცემებზე დაყრდნობით და სათანადო მეცნიერული ანალიზის შედეგად საფუძვლად დაედება ყოველ პრაქტიკულ რეკომენდაციას. ამის მიღწევა მხოლოდ იმ შეთხვევაშია შესაძლებელი თუ რესპუბლიკის მასშტაბით, დღევანდელ მოთხოვნილებათა დონეზე გარდაიქმნება ეთნოგრაფიული მუშაობა, მეტადრე საველე-საექსპედიციო საქმე და წინ წამოიწევა გამოყენებითი ეთნოგრაფიის პრობლემატიკა.

დასკვნა

ეთნოგრაფია ისტორიული მეცნიერებაა, სწავლობს ხალხის ყოფასა და კულტურას. თეორიულ-შეშეცნებით კვლევა-ძიებასთან ერთად, მეცნიერების ეს დარგი მოწოდებულია პასუხი გასცეს სადღეისოდ გადასაწყვეტ მრავალ პრობლემას, როგორცაა ტრადიციული განსახლება. მეურნეობა, ზნე-ჩვეულებანი, საყოფაცხოვრებო მოვლენები და სხვა.

ქართულ ეთნოგრაფიას ხანგრძლივი ისტორია აქვს, მაგრამ იგი სრულქმნილ, მარქსისტულ მეცნიერებად მიმდინარე საუკუნის 20-იან წლებში ჩამოყალიბდა.

სამუზეუმო საქმიანობა ეთნოგრაფიული მუშაობის განუყოფელი ნაწილია. კოლექციების გამოვლენა-შეკრება და მათი დაუნჯება-დამუშავება მეცნიერული საქმიანობის რთული, სპეციფიკური სახეა, რომელიც ორ მიზანს ისახავს: ნივთის შთამომავლობისათვის შემონახვას და მის სამეცნიერო წყაროდ ქცევას. სრულყოფილად ფიქსირებული ექსპონატი ისტორიული დოკუმენტის ძალას იძენს, იგი მხოლოდ სამუზეუმო რელიკვია კი არ არის, არამედ მარადმეტყველი, სანდო საბუთი. ეთნოგრაფიული ნივთი კაცობრიობის კულტურის ელემენტი და „ადამიანის შრომის ჯამია“, მის შექმნაში ჩაქსოვილია მწარმოებლის შესაძლებლობა, გაპირობებული მისივე განვითარების დონით.

წარსულში ხალხი რასაც თავისი ხელით აკეთებდა და იყენებდა, დღეისათვის ყველაფერი ეთნოგრაფიულ ძეგლადაა ქცეული, სახელობრ საცხოვრებელი და სამეურნეო ნაგებობანი, ავეჯი, იარაღ-ჭურჭელი, ქსოვილები, ტანსაცმელი, რიტუალური ნივთები და სხვა.

ეთნოგრაფიული ძეგლები ორი რიგისაა: ადგილზე დასაცავი (ეთნოგრაფიული ნიშან-თვისებების მატარებელი ქალაქი, სოფელი, უბანი, ქუჩა, კარმიდამო, ნაგებობა, სასაფლაო და სხვ.) და მუზეუმში გადასატანი (ნაგებობანი — უმეტესად ხისა და სამეურნეო, საყოფაცხოვრებო თუ სხვა დანიშნულების ნივთები). პირველი რიგის ძეგლები ეთნოგრაფიულ ნაკრძალთა კატეგორიას განეკუთვნება, ხოლო მეორეთაგან მუზეუმებში დასაუნჯებელი ექსპონატები შეირჩევა.

ადგილობრივი ისტორიულ-ეთნოგრაფიული და მხარეთმცოდნეობის მუზეუმები, რესპუბლიკურ სამეცნიერო ორგანოებთან ერთად, ჰათვის განკუთვნილ რეგიონში, ყოველგვარ ძეგლთა გამოვლენის, დაცვისა და პოპულარიზაციის საქმეს უნდა ხელმძღვანელობდნენ. ეს შედარებით ქმედითი და მოხერხებული იქნება, რადგან პასუხისმგებლობა უფრო კონკრეტული და ზღვარდადებული განდება.

ტურიზმის განვითარების თანამედროვე დონე, მოსახლეობის ინტერესი საკუთარი ისტორიისა და მხარისადმი, პატრიოტულ-ინტერნაციონალური აღზრდა, აზრიანი, კულტურული დასვენება აუცილებელს ხდის მუშაობის კარდინალურ გარდაქმნას. რა თქმა უნდა, სულიერ მოთხოვნილებათა უმაღლესი ინდუსტრიის დროს კუსტარული მეთოდებით შრომა გაუმართლებელია. ძველი კულტურის ელემენტთა, ბუნებრივ და ისტორიულ-ეთნოგრაფიულ ფასეულობათა დაცვა შენარჩუნება ჩვენი რესპუბლიკისათვის არა მარტო საპატიო, არამედ სასიცოცხლო ამოცანაა.

ხალხური ხელოვნება ეთნოგრაფიული კვლევა-ძიების ერთ-ერთი საინტერესო სფეროა. მისი სპეციფიკა, ძირითადად, უტილიტარიზმში მჟღავნდება. არასაჭიროს, გამოუყენებელს ხალხი არ ინარჩუნებს, ხოლო სახმარად აუცილებელს ყოველთვის მოეძებნება ესთეტიურად სასიამოვნო ფორმა. ამრიგად, ხალხური შრომის იარაღი, ჭურჭელი, სამოსი, ნაგებობა, მოცემულ რელიეფზე „ქართლური“ თუ „იმერული“ სტილით განლაგებული სოფელი და სხვ. ამავე დროს ხელოვნების ნიმუშიცაა. დაკვირვება გვიჩვენებს, რომ უტილიტარულსა და ესთეტიკურს ქართველი კაცი თანაბარ მნიშვნელობას ანიჭებდა. ეს იგრძნობა მეურნეობისა და განსახლების ფორმებიდან მოკიდებული ხელოვნების „წმინდა“ დარგებამდე.

ქართული ხალხური მუსიკა — ქართველთა ეს სტიქია, სხვა არაფერია თუ არა ყოფის იმ მრავალფეროვნების უმაღლესი განცდა, რაც ჩვენს ქვეყანას ახასიათებს. რაჭამ დღემდე შემონახა თავისებური ტემპრისა და კოლორიტის მქონე მუსიკალური ინსტრუმენტები — გუდასტვირი და ჭიანური, სამგლოვიარო სიმღერები ზარი და ზრუნი, როგორც ყოფას შესისხლხორცებული, სულიერ მისწრაფებათა და საერთოდ ცხოვრებისათვის აუცილებელი ელემენტები. არა მარტო რაჭაში, მთელ საქართველოში მიცვალებულის დატირება სიმღერით ხდებოდა და ამას თავისი დრმა აზრი და სიმბოლიკა ჰქონდა. ძველის, ტრადიციულის ახალთან შეპირისპირებით შესაძლოა პრაქტიკული შედეგების მიღებაც, სახელდობრ თანამედროვე სამგლოვიარო რიტუალების შემუშავების თვალსაზრისით.

ხალხური გამოყენებითი ხელოვნება ყოველი ეპოქისათვის

აუცილებელი და საჭირო დარგია. მისი შენარჩუნება და განვითარება სადღეისო ამოცანაა. მიუხედავად ამისა, ხალხური მხატვრული რეწვის ბევრი კერა ჩვენს თვალწინ ქრება და დღემდე მათი რაოდენობაც არ გვაქვს დადგენილი, მით უმეტეს, არავის უწარმოებია მხატვრული რეწვის შთამომავლობით მიმდევარ და მკოდნე პირთა აღრიცხვა. მართალია, ხალხური სუვენირების წარმოების მიზნით ჩამოყალიბდა „გაერთიანებანი“ და „ფირმები“, მაგრამ მეცნიერებთან ნაკლებია კონტაქტი და ადგილი აქვს ხალხური ნიმუშების გაყალბებას. უკეთ რომ მოხდეს მდიდარი ხალხური ცოდნის პრაქტიკაში დანერგვა და თანამედროვე მეცნიერულ დონეზე გაიშალოს შინამრეწველობის მოქმედი თუ აღსადგენი კერების გამოსავლენად და ასამოქმედებლად მუშაობა, ამისათვის საჭიროა შესაბამისი ორგანიზაციათა და მეცნიერთა (ეთნოგრაფები, ხელოვნებათმკოდნეები) ერთობლივი მოქმედება.

სოციალისტური გარდაქმნის რთული პროცესი, რომელიც ჩვენს ქვეყანაში მიმდინარეობს, განსაკუთრებულ ზეგავლენას ახდენს საზოგადოდ განსახლებასა და მეტადრე მთიანი რეგიონების სტრუქტურაზე. მოსახლეობის ადგილობრივი თუ შორეული მიგრაციები თავისებურად ერწყმის თანამედროვე გლობალური ურბანიზაციის ლოკალურ გამოვლინებებს. ამიტომ საჭირო ხდება მთიანი რეგიონების ისტორიულ-ეთნოგრაფიული, ეკონომიკურ-გეოგრაფიული და სოციოლოგიურ კრილში ინტენსიური გამოკვლევა, მიღებული მონაცემების შეჯამება და მთის თითოეული სოფლის მომავლის მეცნიერული გააზრება.

უხვი ფაქტობრივი მასალის გაანალიზების შედეგად ირკვევა, რომ ელემენტარული საყოფაცხოვრებო პირობების და კულტურულ მოთხოვნილებათა წინიმუმის დაუკმაყოფილებლობა მთაში, ადამიანებს აიძულებს მშობლიური ადგილები დატოვონ. მთიან რაიონებში რაიმე სახის მშენებლობა (პესები, მალარობები, კურორტები, ტურისტული ბაზები და სხვ.) და განსაკუთრებით საბჭოთა მეურნეობების ჩამოყალიბება მეცნიერულად ყოველმხრივ მოფიქრებული და მოცემული რეგიონისათვის სასარგებლოდ გაანგარიშებული უნდა იყოს, ხოლო საკითხის ცალმხრივად, ნაჩქარევად გადაწყვეტას ხშირად სავალალო შედეგი მოაქვს.

მეცნიერების მიღწევათა პრაქტიკაში დანერგვის გვერდით, ანგარიშგასაწევია ბალხის საწარმოო გამოცდილებაც, რომელიც საუკუნეთა მანძილზე შემოწმებული და ხშირად ახალ პირობებშიც გამოსადეგია. მაგალითად, ნიადაგის დაცვის ხალხური საშუალებანი კარგად ითვალისწინებს ლანდშაფტის მოთხოვნებს. მიწის მოვ-

ლა-შენახვის თითოეული წესი, ცალკეული სავარგულის მიხედვით, ზუსტად იყო შერჩეული და მცირე დანახარჯებით სასურველ ეფექტს იძლეოდა.

ვაზის ჭიშთა ხელალებით სტანდარტიზაციამ ძალიან შეზღუდა განთქმულ ღვინოთა მიკრორაიონები. შემცირდა ან გაქრა ღვინის გამაყეთილშობილებელი ყურძნის მომცემი ფორმები. მთელი ჩვენი ხანგრძლივი ისტორიის მანძილზე საუკეთესო ღვინოს ხომ ერთო წამყვანი და რამდენიმე დამხმარე ჭიშის შეხამებით აყენებდნენ, რაც, სამწუხაროდ, დღეს უგულვებელყოფილია.

ვაზის კულტურა უამრავ ხე-ტყის მასალას საჭიროებდა. ვენახისათვის უნდა მომარაგებულიყო ათასობით ჭიგო, სარი, ხარდანი, ხალახინი და სხვ. მეღვინეობის ინვენტარიც, ძირითადად, ხისაგან მზადდებოდა. მიუხედავად ამისა, ხე-ტყის ნაკლებობა არ იგრძნობოდა, რადგან ტყის კრა მის მოვლასაც გულისხმობდა. მოვლილ ტყეს „ნამაშვარი“ ერქვა (რაჭა-ლეჩხუმი). ნამაშვარზე ისე ზრუნავდნენ, როგორც ვენახზე. ტყის ექსპლოატაციის ხალხური სისტემა მის გეგმაზომიერ გაწმენდა-განახლებას უზრუნველყოფდა.

ვაზმა ღირსეული ადგილი უნდა დაიჭიროს თანამედროვე ლანდშაფტურ არქიტექტურაში და იგი ნაგებობების, საზოგადოებრივი ადგილების გამწვანება-შემკობისათვის ფართოდ უნდა იქნეს გამოყენებული. უფრო მეტიც, ჩვენთან ყოველ ფეხის ნაბიჯზე უნდა იგრძნობოდეს ვაზის კულტი — საქართველო ხომ მევენახეობა-მეღვინეობის საყოველთაოდ აღიარებული კერაა.

ძრავალი საყოფაცხოვრებო მოვლენა, ქორწილისა და ტირილის წესები, კვების რაციონი, გართობა-თამაშობანი, შობადობის, მოზარდის აღზრდისა და სხვა პრობლემები, საერთოდ ტრადიციულია და თანამედროვე მოთხოვნების შეთანაწყობის აუცილებლობა საჭიროს ხდის ეთნოგრაფიული მეცნიერების გააქტიურებას, მიმდინარე ცხოვრების რიტმში გაბედულად ჩაბმას.

ეთნოგრაფი ქვეყნის ეროვნულ თავისებურებათა და ისტორიული ჰაზის შენარჩუნების ფხიზელი დარაჯი უნდა იყოს.

Л. А. ПРУИДЗЕ

БЫТ И ТРАДИЦИИ

(Этнографические этюды)

Резюме

Этнография — историческая наука, которая изучает быт и культуру народов.

На сегодняшний день, эта отрасль науки, наряду с теоретическо-познавательными исследованиями, призвана разрешить ряд проблем; традиционное расселение этноса, их хозяйство, обычаи и нравы, бытовые явления и др.

Грузинская этнография имеет длительную историю, но совершенствование и формирование ее на марксистской основе завершилось к 20-м годам текущего века.

Музейная деятельность неразделима от этнографических исследований. Выявление, сбор коллекций и их обработка — сложная специфическая часть научной работы, которая преследует две цели: сохранение экспоната для поколений и превращение ее в научный источник знаний.

Совершенно фиксированный образец является не только музейной реликвией, но и достоверным вечным историческим документом. Этнографический предмет является частью человеческой культуры, результатом человеческого труда, в его создание включены все возможности человека, обусловленные уровнем его же развития.

То, что люди в прошлом изготовляли своими руками, сегодня превратилось в этнографическую ценность, в частности жилые и хозяйственные помещения, мебель, посуда, ткани, одежда, ритуальные предметы и др.

Этнографические памятники являются двух порядков: памятники, которые охраняются на месте (города, села, улицы, приусадебные участки, помещения, кладбища и др.) и памятники музейные (в основном помещения из дерева, предметы хозяйственные, бытовые и разных назначений).

Памятники первого порядка относятся к категории этнографических заповедников, а из второго порядка подби-

раются экспонаты, которые должны войти в сокровищницу музея.

Местные историко-этнографические и краеведческие музеи наряду с республиканско-научными органами в выделенном им регионе, должны руководить охраной и популяризацией памятников. Ответственность на конкретно указанный район значительно облегчит работу.

Современный уровень развития туризма, интерес населения к собственной истории и краю, патриотическо-интернациональное воспитание, осмысленный культурный отдых, делает необходимым кардинальное переустройство работы. Охрана и защита элементов старой культуры, естественно-этнографических ценностей нашей республики является делом не только почетным, но и жизненным.

Народное искусство является одним из интереснейших сфер этнографических исследований. Его специфика в основном проявляется в утилитаризме. Ненужное народ не сохраняет, а необходимому всегда находит эстетически приятную форму. Таким образом, народные орудия труда, посуда, одежда, помещения, с сель в «картлийском» и «шмертинском» стиле на данном рельефе и др. одновременно являются образцами народного искусства. Наблюдения показывают, что утилитаризму и эстетизму грузинский народ придавал одинаковое значение. Это чувствуется во всем, начиная с хозяйства и с систем расселения и кончая «чистыми» отраслями.

Грузинская народная музыка — это стихия грузин — это не что иное, как высшее проявление чувств грузинского народа, всего им пережитого, проявление разнообразия быта грузинского этноса. Рача до сегодняшнего дня сохранила музыкальные инструменты «гудаствир», «чнанури», отличающиеся своеобразным тембром и колоритом, а также похоронные песни — «зари» и «зруни». Не только в Рача, но и во всей Грузии оплакивали покойника песней и это имело свой глубокий смысл.

Противопоставляя старые традиции новым, можно прийти к практическим заключениям, в частности, в процессе установления современных форм траура.

Народное прикладное искусство характеризует каждую эпоху. Сохранение и развитие его являются нашей сегодняшней задачей.

Несмотря на это, очаги народного промысла исчезают на наших глазах. Никто не вел учет знатоков того или иного дела, переходящих по наследству. Хотя, с целью производства народных сувениров созданы «объединения» и «фирмы», они с учеными имеют мало контакта, в результате чего те-

ряется оригинальность и самобытность этих народных образцов.

Чтоб лучше внедрить в практику богатство народного значения и чтоб вести внутрихозяйственные воспитательные работы на современном научном уровне, необходима совместная работа соответствующих организаций и ученых (этнографов и искусствоведов).

Сложный процесс социалистических преобразований в нашей стране оказывает особое внимание на расселение народов и тем более на структуру горных районов.

Местные и дальние миграции своеобразно сливаются в локальные проявления современной глобальной урбанизации. Поэтому необходимы интенсивные исследования в историко-этнографической, экономико-географической, социологической области, суммирование полученных данных и научное осмысление будущего каждого горного села.

Путем анализа богатого материала выясняется, что неудовлетворение минимума элементарных бытовых условий и культурных потребностей в горах вынуждает человека оставлять родные места.

Строительство курортов, туристических баз, шахт и особенно совхозов в горных районах, должно быть осмыслено во всех отношениях и подсчитано с пользой, выгодой для данного района, в противном случае, при одностороннем решении вопроса — результаты часто бывают печальными.

Наряду с внедрением в практику достижения науки, нужно принять во внимание производственный опыт народа, который сохранился на протяжении веков, и часто является полезным в новых условиях. Так например, народные средства защиты почв, традиционные навыки по посадке и уходу за виноградниками и фруктовыми деревьями и др. хорошо учитывали требования ландшафта.

Стандартизация сортов винограда без разбора значительно сузила микрорайоны наших прославленных вин. Уменьшились или совсем исчезли винооблагораживающие сорта винограда. На протяжении длительной истории вина изготовлялись из одного основного и нескольких вспомогательных сортов винограда, что сегодня совершенно не практикуется.

Культура винограда требовала огромного запаса лесоматериала. Изготавливались: колы, таркалы и др. деревянные сооружения, требуемые для ухода за виноградом. Несмотря на это, недостаток древесины не чувствовался т. к. рубка леса подразумевала и уход за лесом. Ухоженный лес в Рача-Лечхуми назывался «намашвари». Об этих лесах они заботились, как и о винограднике. Народная система эксплуата-

ции леса обуславливала его плановую чистку и восстановление.

Виноградная лоза должна занять ведущее место в ландшафтной архитектуре Грузии и должна быть использована в озеленении построек, общественных мест. Больше того, у нас на каждом шагу должен чувствоваться культ винограда — ведь Грузия признанный очаг виноградарства.

Совмещение традиционного и современного в обычаях и нравах (игры, свадьба, траур, воспитание подростков) делает необходимым активизацию этнографической науки и введение ее в ритм текущей жизни.

Этнограф должен бдительно охранять национальное и историческое лицо своей страны.

ლიტერატურა

1. არაყიშვილი დ. დასავლეთ საქართველოს ხალხური სიმღერების კილოს წყობა. თბ., 1951.
2. ასლანიშვილი შ. ნარკვევები ქართული ხალხური სიმღერების შესახებ. I, თბ., 1954, II, თბ., 1956.
3. აფაქიძე ა. არქეოლოგიური მასალები მხარეთმცოდნეობის მუზეუმის ექსპოზიციასში. თბ., 1955.
4. აფაქიძე ა. ქართული საბჭოთა არქეოლოგიის განვითარების ნახევარ-საუკუნოვანი გზა. თბ., 1972.
5. ახვლედიანი დ. სოფელი ღონიერია, მაგრამ... სც, № 6, 10 იანვარი, 1975.
6. ბარდაველიძე ე. ლიფანალი. მსმ, ტ. 6, 1973.
7. ბარნაბიშვილი დ. მიცვალებულის ტირილი სამეგრელოში. „დროება“, № 14, 9 აპრილი, 1971.
8. ბედუქაძე ს. ქვის დამუშავება მთიულეთში. მსმ, ტ. 5, 1951.
9. ბედუქაძე ს. ქვის დამუშავება ალგეთის ხეობაში. თბ., 1973.
10. ბერიანიშვილი ლ. მიწათმოქმედება მესხეთში. თბ., 1973.
11. ბერიძე ო. (ოზურგეთი) ხარჭი მიცვალებულის დროს. „დროება“, № 46, 1868.
12. ბერძენიშვილი ნ. საქართველოს ისტორიის საკითხები. თბ., I, 1964; მასალები საქართველოს ეკონომიური ისტორიისათვის. I, 1938.
13. ბრეგაძე ნ. მთის მიწათმოქმედება დასავლეთ საქაროელოში. თბ., 1969.
14. ბრძანებულეზა საქართველოს სსრ უმაღლესი საბჭოს პრეზიდიუმისა საქართველოს სსრ სისხლის სამართლის კოდექსის 254-ე მუხლში ცვლილებათა და დამატებათა შესახებ. „კომუნისტი“, № 222, 21 სექტემბერი, 1973.
15. ბურჯანაძე ლ. ტრადიციული, თანამედროვე. სც, № 24, 29 იანვარი, 1974.
16. გაბაშვილი გ. დიდი განძი. „კომუნისტი“, 1 აგვისტო, 1975.
17. გეგეშიძე შ. ქართული ხალხური ტრანსპორტი. თბ., 1956.
18. გეგეშიძე მ. სარწყავი მიწათმოქმედება საქართველოში. თბ., 1961.
19. გეგეშიძე მ. გადავარჩინოთ შატილი. ლს, № 18, 1 მაისი, 1969.
20. გვერდწითელი რ. აუცილებელი და გადაუდებელი. ლს, № 23, 6 ივნისი, 1969.
21. გიორგაძე გ. ხეთური „საიმუნიტეტო სიგელები“. მინახის, № 4, 1976.
22. გიულდენშტეტის მოგზაურობა საქართველოში. ტ. I, თარგმანი და გამოცემა გ. გელაშვილისა, თბ., 1962.
23. გოგუაძე გ. ერი პურადი, გულადი... (ქართული ზნე-ჩვეულებები და თანამედროვეობა). თბ., 1977.

24. გუგუშვილი პ. შინაშრწველობა საქართველოსა და ამიერკავკასიაში. იმშ, ტ. 4, 1950.
25. დროების კორესპონდენცია. „დროება“, № 169, 1881.
26. ემილ ლევიეს მოგზაურობა კავკასიაში. „მომბე“, ტ. 9, 1894.
27. ერთი კულაშელი ვალდებული გლეხი. მიცვალებულის დასაულავების წესი იმერეთში. „დროება“, № 16, 28 აპრილი, 1872.
28. ვახუშტი ალწერა სამეფოსა საქართველოსა. თბ., 1941.
29. ვირსალაძე ე. ქართველ მთიელთა ზეპირსიტყვიერება. თბ., 1955.
30. ვაჟა-ფშაველა. თხზულებანი, ტ. 6, თბ., 1956.
31. თაყაიშვილი ე. ხელმწიფის კარის გარიგება. თბ., 1939.
32. იესო ქრისტეს წმინდა სახარება. ტფ., 1879.
33. ითონიშვილი ვ. ქართველ მთიელთა საოჯახო ურთიერთობის ისტორიიდან. თბ., 1966; ხევი ძველად და ახლა, საცხოვრებელი ნაკებობანი ძველ და ახალ ხევში. თბ., 1967.
34. იმნაიშვილი ნ. ქართული ოთხთავის სიმფონია-ლექსიკონი. თბ., 1968.
35. იმნაიშვილი ნ. ჩინურ და ვიეტნამურ ენაზე. „კომუნისტი“, № 24, 1973.
36. კანონი და ცერემონია მეფე ერეკლეს გვამის დასაფლავებაზე. „ივერია“, № 38, 1898.
37. კანონი სოციალისტური რესპუბლიკების კავშირისა ისტორიისა და კულტურის ძეგლთა დაცვისა და გამოყენების შესახებ. „კომუნისტი“, 31 ოქტომბერი, 1976.
38. კანონი საქართველოს საბჭოთა სოციალისტური რესპუბლიკისა ისტორიისა და კულტურის ძეგლების დაცვისა და გამოყენების შესახებ. „კომუნისტი“, № 4, 5 იანვარი, 1978.
39. კაპანაძე დ. ნუმისმატიკური მასალები მხარეთმცოდნეობის მუზეუმის ექსპოზიციისათვის. თბ., 1958.
40. კახიანი კ. გლეხის კარმიდამო იმერეთში. თბ., 1964.
41. კეცხოველი ნ. საქართველოს მცენარეული საფარი. თბ., 1953.
42. კეცხოველი ნ. მკერდში დაჭრილი ბუნება. თბ., 1974.
43. კიკვიძე ა. „შუა-სახლი“ რაქა-ლენჩხუმში. მნიშვნის მ. 5—6, 1940.
44. კიკნაძე პ. სამუზეუმო მუშაობის საკითხები. თბ., 1965.
45. კულტურის ძეგლთა დაცვას შეუწელებელი ყურადღება. „თბილისი“, № 9, 12 იანვარი, 1972.
46. ლაისტრი არტურ. კოლხიდაში (მგზავრის შენიშვნები). „ივერია“, № 4—5, 1885.
47. ლამბერტი ა. სამეგრელოს აღწერა. თბ., 1938.
48. ლენინი ვ. ი. თხზულებანი. ტ. 35, თბ., 1953.
49. ლენინი ვ. ი. კულტურისა და ხელოვნების შესახებ. მშ, № 5, 1965.
50. ლომთათიძე გ. საქართველოს მოსახლეობის კულტურა და ყოფა I—XIII სს. (არქეოლოგიური მასალების მიხედვით). თბ., 1977.
51. ლორთქიფანიძე გ. სად, როგორ? ისტორიული რელიკვიები... სპ, № 54, 5 მაისი, 1973.
52. მაისურაძე ზ. ქართული მხატვრული ტრადიციების დაცვისათვის. მშ, № 5, 1965.
53. მაკალათია ს. მთის რაქა. თბ., 1930.
12. ლ. ფრუძე

54. მაკალათია ს. სამეგრელოს ისტორია და ეთნოგრაფია. თბ., 1941.
55. მარქსი კ., ენგელსი ფ. ფოიერბახი, მატერიალური და იდეალისტური შეხედულებების დაპირისპირება. თბ., 1968.
56. მასალები საქართველოს შინამრეწველობისა და წერილი ხელოსნობის ისტორიისათვის, აკად. ივ. ჯავახიშვილის საერთო რედაქციით 5 ტომად. ტ. I, აღმშენებლობა და ავეჯი. თბ., 1976.
57. შელიქიშვილი გ. საქართველოს ისტორიის შესწავლა ოქტომბრის დიდი სოციალისტური რევოლუციის 50 წლისთავზე. სწ, ნაკ. I, 1968.
58. მერკვილაძე აფ. სატირალი და გასვენება. „მოგზაური“, № 1—2, 1902.
59. მერკვილაძე ს. წერილი რაქიდან. „ივერია“, № 207, 1902.
60. მერტრეველი პ. სამუზეუმო ექსპონატების აღრიცხვა და დაცვა. თბ., 1954.
61. მეფისაშვილი რ. კიდევ ერთხელ ბოლნისისა და დმანისის ძეგლების შესახებ. ძმ, №—26, 1971.
62. მირზაშვილი ვ. ნიადაგის დაცვის ღონისძიებანი მთიანი რელიეფის პირობებში. თბ., 1953.
63. მოლოდინი ლ. ქართველი ხალხის მატერიალური კულტურის ისტორიიდან (ხალხური ზეთსახდელი იარაღები). თბ., 1963.
64. ნიქარაძე ბ. ისტორიულ-ეთნოგრაფიული წერილები. I, თბ., 1962.
65. ეანეშილ. საუბარი მევენახეობაზე. სბ, № 263, 1913.
66. რეხვიაშვილი ნ. რაქაში მივლინების მოკლე ანგარიში. მნიშპნს :მ. 11, 1941.
67. საქართველოს კომპარტიის ცენტრალურ კომიტეტში, საქართველოს კომპარტიის ცენტრალურმა კომიტეტმა მიიღო დადგენილება „რესპუბლიკაში ისტორიის, კულტურისა და ბუნების ძეგლების დაცვა-გამოყენების მდგომარეობისა და ამ საქმის გაუმჯობესების ღონისძიებათა შესახებ“. „კომუნისტი“, № 283, 4 დეკემბერი, 1977.
68. საქართველოს სსრ უმაღლესი საბჭოს სესია, ისტორიისა და კულტურის ძეგლების დაცვისა და გამოყენების თაობაზე საქართველოს სსრ კანონის პროექტის შესახებ, საქართველოს სსრ მინისტრთა საბჭოს თავმჯდომარის მოადგილის დეპუტატ ო. ე. ჩერქეზიას მოხსენება. „კომუნისტი“, 31 დეკემბერი, 1977.
69. საქართველოს სახელმწიფო მუზეუმის ეთნოგრაფიული გამოფენა. თბ., 1958.
70. სახოკია თ. ეთნოგრაფიული წერილები. თბ., 1956.
71. სახოკია თ. ქართული ხატოვანი სიტყვა-თქმანი. ტ. I, თბ., 1950.
72. სენათი. I, მასალები მატერიალური და სულიერი კულტურის შესწავლისათვის. რედ. მ. ჩართოლანი. თბ., 1977.
73. სვინტირიძე თ. მთიელთა გულისტივილი. სპ, № 48, 25 თებერვალი, 1974.
74. სობარულიძე ქ. ქართული ხალხური სიტყვიერების ქრესტომატია. თბ., 1956.
75. სობაძე ა. სამუზეუმო ფონდების კლასიფიკაცია, პასპორტიზაცია და მეცნიერული შესწავლის ზოგიერთი საკითხი. თბ., 1961.
76. სობაძე კ., პაპიძე შ. ადამიანი და ძეგლები. თბ., 1972.

77. ს უ მ ბ ა ძ ე ლ. ქართული ხალხური ხეროთმოძღვრებისა და ყოფის პარკ-მუზეუმში (გენერალური გეგმა და მისი ხეროთმოძღვრულ-გეგმარებითი გადაწყვეტა). ძმ, № 25, 1971.
78. ტ ო კ ა რ ე ვ ი ა. მოდა უგემოვნება ანუ ტრიუმფი კიჩის. აპ, № 158, 25 დეკემბერი, 1973.
79. ფ ა ლ ი ა შ ვ ი ლ ი ზ. ქართული ხალხური სიმღერების კრებული. თბ., 1909.
80. ფ ე ი ქ რ ი შ ვ ი ლ ი ი. ქართული ლენინო № 22; „ქინძმარული“, მმმმ, ტ. I, 1962.
81. ფ რ უ ი ძ ე ლ. რაქული რიტუალური სიმღერები. სხ, № 12, 1962.
82. ფ რ უ ი ძ ე ლ. რაქული მესტიერები. ლს, № 43, 7 დეკემბერი, 1962.
83. ფ რ უ ი ძ ე ლ. მევენახეობა და მეღვინეობა საქართველოში (ეთნოგრაფიული მასალების მიხედვით), წიგნი მესამე, ლეჩხუმი, ქვემო სვანეთი (ხელნაწერი).
84. ფ რ უ ი ძ ე ლ. ქვემო ქართლის ეთნოგრაფიული ექსპედიცია, მინახის, № 4, 1971.
85. ფ რ უ ი ძ ე ლ. თბილისის მუზეუმში ღია ცის ქვეშ, რაქა-ლეჩხუმი, სხ, № 10, 1972.
86. ლ ა მ ბ ა შ ი ძ ე ლ. როდის მოღება ბოლო ამ უწესო და მანე ჩეველებას? „მწყემსი“, № 15—16, 1892.
87. შ ა შ ი ლ ა ძ ე ვ. ალური მესაქონლეობა საქართველოში. თბ., 1969.
88. შ ა რ ა ბ ი ძ ე ა. მიცვალებულის ტირილი და მისი დამარხვა რაქაში. „დროება“, № 5, 5 თებერვალი, 1870.
89. შინამრეწველობის მასალები. საქალაღე № 9, ისტორიის ინსტიტუტის საქართველოს ეთნოგრაფიის არქივი.
90. ჩ ა რ თ ო ლ ა ნ ი მ. ქართველი ხალხის მატერიალური კულტურის ისტორიიდან. თბ., 1961.
91. ჩ ა რ თ ო ლ ა ნ ი მ. ვიდრე გვიან არ არის. ლს, № 12, 22 მარტი, 1968.
92. ჩ ა ჩ ა შ ვ ი ლ ი გ. ეთნოგრაფიული მასალა მხარემკოდნეობის მუზეუმში. თბ., 1956.
93. ჩ ი ტ ა ი ა გ. პიტარეთისა და გუდარების საფლავის ქვეპი. სსმმ, III, 1927.
94. ჩ ი ტ ა ი ა გ. ქსნური მთის გუთანნი. ენმპკის მ, № 5—6, 1940.
95. ჩ ი ტ ა ი ა გ. დასახლების ტიპი მთიულეთში. მსა, ტ. 6, 1953.
96. ჩ ი ტ ა ი ა გ. ქართლის ეთნოგრაფიული ექსპედიცია 1943 წლისა. „მომშინელო“, I, 1949.
97. ჩ ი ტ ა ი ა გ. საქართველოს ეთნოგრაფია დიდი ოქტომბრის სოციალისტური რევოლუციის 50 წლისთავზე. სწ, I, თბ., 1968.
98. ჩ ი ტ ა ი ა გ. ღია ცის ქვეშ მუზეუმის მოწყობის ძირითადი პრინციპები. ძმ, № 25, 1971.
99. ჩ ი ქ ო ვ ა ნ ი თ. ქართული ხალხური საცხოვრებლები. თრიალეთი, თბ., 1960.
100. ჩ ი ქ ო ვ ა ნ ი თ. ამიერკავკასიის საცხოვრებელ ნაგებობათა ისტორიიდან. თბ., 1967.
101. ჩ ი ქ ო ვ ა ნ ი მ. ქართული ხალხური სიტყვიერების ისტორია. I, თბ., 1952.

102. ჩიკოვანი მ. ქართული ხალხური სიტყვიერების ისტორია. თბ., 1956.
103. ჩიჭავაძე დ. ნიადაგის დაცვის ხალხური საშუალებანი აკარაში. ამსსპ, ბათუმი, 1966.
104. ჩოხატაურელი ლ. ჩვენებური ტირილი და სამწუხარო შედეგი. ცფ, № 197, 1897.
105. ცანავეა ა. ქართული მესტიურული პოეზია. თბ., 1953.
106. ცერემონია ერეკლე მეფის დასაფლავებისა... „მწყემსი“, № 12, 1887.
107. ცისკარი, № 9, 1860.
108. ძველი საქართველო, ტ. II, გან. 5, ტფ., 1913.
109. ძიძიგური შ. ძიებანი ქართული დიალექტოლოგიიდან. თბ., 1954.
110. ძიძიგური შ. ქართული დიალექტების ქრესტომათია ლექსიკონითურთ. თბ., 1956.
111. წერეთელი აკაკი. მოთქმით ტირილი. „დროება“, № 65, 30 ივლისი, 1875.
112. წიკლაური მ. სოფელს რას ერჩიან? სპ, № 23, 28 იანვარი, 1973.
113. წულაძე ა. ეთნოგრაფიული გურია. თბ., 1971.
114. კინკარაული ა. ხეესურულის თავისებურებანი. თბ., 1960.
115. კიკინაძე ზ. მრეწველობა, ვაჭრობა-ხელოსნობა საქართველოში. თბ., 1911.
116. კყონია ა. ისტორიული ნარკვევი. ტფ., 1890.
117. ხარაძე რ., რობაქიძე ა. სვანეთის სოფელი ძველად. თბ., 1964.
118. ხარაძე რ., რობაქიძე ა. მთიულეთის სოფელი ძველად. თბ., 1965.
119. ჯავახიშვილი ი. საქართველოს ეკონომიური ისტორია. I, ტფ., 1930; II, ტფ., 1935.
120. ჯავახიშვილი ქართული მუსიკის ისტორიის ძირითადი საკითხები. წ. I, ტფ., 1938.
121. ჯავახიშვილი ი. ადამიანი ძველი ქართულ-მწერლობასა და ცხოვრებაში. ენისა და მწერლობის საკითხები, თბ., 1956.
122. ჯავახიშვილი ი. ქართველ ხელოვანთა საზოგადოების გამგეფების მოხსენება. ძმ, № 7, 1966.
123. ჯალაბაძე გ. აღმოსავლეთ საქართველოს სამიწათმოქმედო იარაღების ისტორიიდან. თბ., 1960.
124. ჯაფარიძე გ. სანამ გვიან არაა. ლს, № 21, 23 მაისი, 1969.
125. ჯაფარიძე პ. მასალები ამბროლაურის რაიონის ზოგიერთი საწარმოო ვაზის ჯიშის შესწავლისათვის. მმსსშ, III, 1953.
126. ჯაფარიძე უ. ქართული ხალხური სამხატვრო სარეწები. სხ, № 11, 1973.
127. Абрамов А. Эффективность освоения горных склонов под виноградикии. Махачкала, 1970.
128. Акты, собранные Кавказской археографической комиссией, т. V. 1873.
129. Археологические материалы в краеведческих музеях, М., 1954.
130. Бибилев Ф. Несколько мыслей и замечаний об Имеретии в сельскохозяйственном отношении, ЗКОСХ, кн. III, 1856.
131. Бромлей Ю. В. Этнос и этнография. М., 1973.

- 131 а В.-Н.-Л. Сванетия и Лечхуми, «Нов. обоз», № 2297, 1890.
132. Габуния А. Г. Народное творчество Грузии, Тб., 1958.
133. Долгушин А. Через Сванетию к Эльбрусу. СМОМПК, 28, 1900.
134. Дорст Жан. До того как умрет природа. М., 1968.
135. Игнатьева В. Н. Музееведение. М., 1968.
136. История музейного дела в СССР. М., 1957.
137. Кантор К. М. Красота и польза, социологические вопросы материально-художественной культуры. М., 1967.
138. Карцева Е. Н. Кич, или торжество пошлости. М., 1977.
139. Ленин В. И. О культуре и искусстве. М.—Л., 1938.
140. Ленин В. И. О культуре и искусстве. М., 1956.
141. Мельник С. А. Виноград у стен жилых домов и других зданий. Одесса, 1948.
142. Микеладзе И. Д. Этнографическая работа юных краеведов Грузии, Тб., 1974.
143. Миндели Н. Селение Сорн. СМОМПК, 19, 1894.
144. Музейное дело в СССР. 1971.
145. Нельсон Д. Проблемы дизайна. М., 1971.
146. О перестройке работы районных краеведческих музеев. М., 1950.
147. Основные положения о научно-исследовательской, собирательской, экспозиционной и массовой просветительной работе краеведческих музеев. М., 1950.
148. Очерки истории музейного дела в России (сборник статей). М., 1960.
149. Пиралов А. С. Краткий очерк кустарных промыслов Кавказа. СПб, 1913.
150. Радде Г. И. Путешествие в Мингрельских альпах и в трех их верхних продольных долинах (Рioni, Цхенис-Цкали и Ингури), ЗКОИРГО, VII, 1966.
151. Рассказы о Кутаиси. «Кавк. календарь» на 1853 г. Тб., 1852.
152. Рыбаков Г. А. Русское прикладное искусство X—XII веков. Л., 1970.
153. Салтыков А. В. Использование народных традиций в развитии Советского прикладного искусства. М., 1956.
154. Ткешелашвили И. Кустарный музей Грузинской ССР. СЭ. № 4, 1964.
155. Читая Г. Горное земледелие на Кавказе. *Дж*, XI, 1960.
156. Читая Г. С. Проблемы и методы полевой этнографической работы, СЭ, № 4, 1957.
157. Читая Г. Этнографические исследования в Грузии. СЭ, № 4, 1948.
158. Askegnicht E. Kitch als kultureller Übergangswert. Bremen, 1950.
159. Weingartner J. Das kirchliche Kunstgewerbe der Neuzeit, 1926.
160. Blümler und von Schorn. Geschichte des Kunstgewerbes, 4 Teile, 1884—87.

161. Bossert. Geschichte des Kunstgewerbes aller Zeiten und Völker, 4 Bde, 1929—31.
162. Dorflès G. Der Kitsch, Tübingen, 1970.
163. Dorst G. Avant que nature meure, Snitzerland, 1965.
164. Egenter R. Kitsch und Christenleben. Ettal, 1950.
165. Falke von G. Ästhetik des Kunstgewerbes, 1883.
166. Falke von G. Geschichte des deutschen Kunstgewerbes, 1888.
167. Giesz L. Phänomenologie des Kitsches, Heidelberg, 1960.
168. Gonda A. Vom süßen und sauren Kitsch, Berlin, 1948.
169. Guiffrey. Histoire générale des Arts appliqués à l'industrie du à la fin du XVIII siècle, Paris, 1911.
170. Hannover F. Dänische Kunstgewerbe, 1922.
171. Heimatmuseen, Wesen und Gestaltung, hrsg. von Schönichen, 1928.
172. Homburger Museumkunde (1924, mit reicher Literaturlauswahl über alle Museumsfragen).
173. Karpfen F. Der Kitsch. Hamburg, 1925.
174. Klima J. Gesellschaft und Kultur des alten Mesopotamien, Prag, 1964
175. Kusche L. Überall ist Zwergerland, Berlin, 1960.
176. Lang Karl Österreichische Heimatmuseen.
177. Leisching. Die Kunst im Handwerk Österreichs, 1924.
178. Mayer R. Geisterstunde, Dresden, 1962.
179. Monographien des Kunstgewerbes (seit 1901).
180. Museums in Modern Life, Royal Society of Art, London, 1950.
181. Pazaurek G. E. Geschmacksverirrungen im Kunstgewerbe, Stuttgart, 1909.
182. Reisner J. Der Begriff Kitsch, Göttingen, 1955.
183. Smith R. C. A Bibliography of Museums and Museum Work, Washington, 1928.
184. Sohn-Wilner E. Das Kunstgewerbe des Ostens, 1923.
185. Schiller H. Kitsch und Irrtum in der Gestaltung, München, 1961.
186. Zamkl H. I. Kunst, Kitsch und Werbewirkung, Düsseldorf, Wien, 1966.
187. Zur älteren Geschichte der allgemeinen Museumslehre in Deutschland Münchener Jahrb. der bildenden Kunst, B. 5. 1928.

შ ი ნ ა ა რ ს ი

შეკვეთილი	3
თავი პირველი. ქართული ეთნოგრაფიის განვითარების გზა (უძველესიდან უახლესამდე)	12
თავი მ:უორე. ეთნოგრაფია და სამუზეუმო საქმე.	21
§ 1. ქართული ხალხური ხუროთმოძღვრებისა და ყოფის თბილისის ლია ცის ქვეშ მუზეუმში	21
§ 2. ეთნოგრაფიული მუშაობა მხარეთმცოდნეობის, მემორიალურ და სასკოლო მუზეუმებში	31
§ 3. ეთნოგრაფიული ძეგლები	34
თავი მესამე. ხალხური ხელოვნების საგანძურადან	54
§ 1. ძველი ხალხური საკრავები რაქაში	54
§ 2. მიცვალებულის სიმღერით დატირება	66
§ 3. დღეს შველა შეიძლება, ხელ გვიან იქნება	76
§ 4. ვინ მოქსოვს ნოხს	97
§ 5. ჩოხა ქართული	100
თავი მეოთხე. ქართული ეთნოგრაფიის სადღეისო ამოცანები	105
§ 1. სოფლის სატვიჯარი	105
§ 2. ნიადაგის დაცვის ხალხური საშუალებანი	130
§ 3. ფიქრები ქართულ ვაზსა და ღვინოზე	141
§ 4. ფასდაუღებელი სიმდიდრე	151
§ 5. ვაზი და არქიტექტურა	153
§ 6. ცხოვრების კარნახით	158
დასკვნა	168
რეზიუმე	172
ლიტერატურა	176
შემოკლებანი	183

Леван Акакиевич Приудзе
БЫТ И ТРАДИЦИИ
(Этнографические этюды)
на грузинском языке

რეცენზენტები: ფილოსოფიის მეცნიერებათა დოქტორი ვ. ქეაჩახია,
ისტორიის მეცნიერებათა კანდიდატი ალ. ლეკიაშვილი.

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

ИБ 1142

რედაქტორი ვ. ი თ ო ნ ი შ ვ ი ლ ი
გამომცემლობის რედაქტორი ლ. ჭ ვ ე ზ ე ნ ა ვ ა
ტექნიკური რედაქტორი ც. ქ ა მ უ შ ა ძ ე
მხატვარი კ. გ უ რ უ ლ ი
კორექტორი ლ. მ ა ი ს უ რ ა ძ ე

გადედა წარმოებას 31.XII.1980; ხელმოწერილია დასაბეჭდად 26.III.1981;
ქალაქის ზომა 60×90^{1/16}; ქალაქი № 2; ნაბეჭდი თაბახი 11,5;
სააღრიცხვო-საგამომცემლო თაბახი 10;
უე 01054; ტირაჟი 8000; შეკვეთა № 4302;
ფასი 1 მან. 20 კაპ.

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниერება», Тбилиси, 380060, ул. Кутузова, 19

საქ. სსრ. მეცნ. აკადემიის სტამბა, თბილისი, 380060, კუტუზოვის ქ., 19
Типография АН Груз. ССР, Тбилиси, 380060, ул. Кутузова, 19